



KÖPRÜLÜ
385
A.
ASIM B.



20


11/10/11

| صواب | خطا | سطر | صفحه |
|-------------|-------------|-----|------|
| ادله | ادلله | ۲۳ | ۱۴ |
| تبخیر | تبخیر | ۱۹ | ۲۰ |
| نحاسدن | نحاسدن | ۱۲ | ۲۵ |
| جغز | جغز | ۱۱ | ۲۸ |
| مروته | مروته | ۲۰ | ۳۶ |
| لسان | لسان | ۴۱ | ۴۰ |
| احراق | احراق | ۰۸ | ۶۳ |
| استماع | استماع | ۰۴ | ۸۱ |
| شامده درلر | شامده درلر | ۰۴ | ۸۴ |
| معنای | معنای | ۰۶ | ۱۰۴ |
| نشئه | نشئه | ۰۶ | ۱۰۹ |
| لباس | لباس | ۰۸ | ۱۱۴ |
| مخضرمین | مخضرمین | ۰۹ | ۱۱۹ |
| محل مناسبده | محل مناسبده | ۰۸ | ۱۲۵ |
| باهرد | باهرد | ۲۳ | ۱۳۴ |
| الشاخ | الشاخ | ۰ | ۱۳۶ |
| تخلفندن | تخلفندن | ۰۱ | ۱۶۴ |
| علم تصریف | علم تصریف | ۱۵ | ۱۶۵ |
| علوم عیونیک | علوم عیونیک | ۱۴ | ۱۶۸ |
| جلالین | جلالین | ۱۸ | ۱۸۳ |
| جیلہ | جیلہ | ۱۰۸ | ۲۰۰ |
| حساب کہ | حساب کہ | ۰۵ | ۲۰۷ |



FAO

| صواب | خطا | سطر | صفحه |
|--------------|-------------|-----|------|
| مجلدن | مجلدن | ۱۱ | ۲۳۹ |
| تقلید | تقلید | ۲۳ | ۲۴۶ |
| سكانه معامله | سكانه | ۲۳ | ۲۵۱ |
| منقول در كه | منقول در كه | ۱۸ | ۲۵۶ |
| حبان | حبان | ۴ | ۲۸۱ |
| ایلمشدر | ایلمشدر | ۱۰۱ | ۲۹۳ |
| جمع | جمع | ۲۰ | ۳۰۲ |
| عصرندن | عصرنده | ۱۵ | ۳۱۰ |
| حکمه | حکمه | ۲۱ | ۳۱۶ |



(بسم الله الرحمن الرحيم)

پیرایه صحایف امر ذی بال * وزینت افزای صفایح اوراق
هر مقال که سر لوحه دیباجه ابتداء * و رونقده خاتمه انتها
نخستین کلام آدم * و زیور افزای لطافت زبان جمله امم * اولان
جواهر محامد زایکات * و زواهر مدایح فایحات * اول مبدع
کائنات * و موجد مصنوعات * جنابنک اتحاد فکرده معلا ساحت
تقدیسی اولمغه حقیق و شایان در که انباء آدمی کرامت (ولقد کرمانا
بنی آدم) ایله مکرم و مکمل * و فضائل علوم و حکم ایله جمیع امم
اوزرینه مغنم و مفضل قلادی * و امراض مهلاکه عصیان ایله
اسیران پستیان محنته نوشداروی شفا بخش شفاعت * و باران
سحاب عاطفتدن چنزار آمال امته اساله زلال مرحمت ایدن *
عالم علوم الاولین و الاخرین سید المرسلین خاتم النبیین خلاصه
دانشوران حکم * و نقاوه جله عالم جنابنک اکسیر شفاعت اولان

خاکای

خاکای کبای سعادت نلرینه شایان کادسته صلوات نامیات *
و سنبیل بسته تحیات فایحات * هزاران عجز و قصور ایله اهدای
پیشگاه سعادت دست کاهلری قلنوب و آل و اصحاب و هادی
راه یقین رضوان الله علیهم اجمعین

مقدمات ضروریه جلیله دندر که جمیع ارباب افهام * و مجموع
اشخاص برابا و افراد انام * سعادت دارینه فائز اولماری تحصیل
کالات علمیه و ترکیه نفس و تهذیب سنجیده دن عبارتدر
و کمال حاصل قلمق و بوسعاده واصل اولمق دولتیله مرافراز *
ودانش حکم ایله ممتاز * اولمغه له ذرائع عالمدن بر ذره به خاصیت
فرزند آدم و برلمش و مراتب صوریه و معنویه ده کائنات من کان
مرتبه انسانیه به ایرلمشدر و دلائل صححه عقلیه ایله معین
و براهین صریحه نقلیه ایله مبرهنه در که انباء آدم اشرف مخلوقات
واکمل موجودات اولدیغی اکتساب کالات فضائل و عوارف
و انصاف علوم و معارف ایله اولوب مجتهد نطق ایله انسان سائر
حیواندن تمیز ایدرز بر حلال فضائلدن عاری اولان صورتنا
انسان و معنا بهایم صفت حیوان اولدیغی عند الفحول نبوت
یافته صحیفه قبولدر و بومدارج عالییه به ارتقا و مراتب سامیه به
اعتلا ده اصناف بنی آدمک استعداد ذاتی و قابلیت جملیلری
متفاوتدر بناء علی ذلک بوفقیه قابل البضاعه و حقیر عذیم
الاستطاعه احقر و اضغف عبد الرحمن اشرف بصره الله بعبود
نفسه و جعل یومه خیر امن امسه هر صنفک علوم حکمیه ایله
موصوف و معارف ریاضیه ایله معروف اولماری و علما و حکما سنک
ثبت صحایف ایلدکاری حسبما یمكن کتب موثوقه سنندن ترکیب

و بواوراق پریشان ادابی تحریر و ترتیبه شروع ایلمد کده قلم نجسته
رقم مضمار کتب و تحریر برده سرکشاکش ایدوب مناسبت ایله بعض
ایرادی عقبنده اسامی مصنفین و کتب ذکر لرینه دخی تصدی
ایدرك اجمالاً تحریر و توسطیر قلموب بر مقدمه و او تو زالتی تذکره
و خاتمه ایله ترتیب و (تذکره الحکم فی طبقات الامم) تسمیه اولندی
بر آورده دست نیاز درگاه جناب فیاض چاره سازمکه دنیاده
سبب بقاء ذکر جمیل و روز جزا ده بادی احراز رتبه اجر جزیل ایلیه
امین والله الموفق والمجیب * علیه توکلت والیه انیب (مقدمه)
معلوم اوله که اصناف بنی آدم ایکی طبقه اولوب طبقه اولی علوم
و معارفدن حصه مند و صنایع و حرفدن هنرمند اولوب علوم
حکمییه دن خبردار و فنون ریاضیه دن بهر دار و کندیلدن نیجه
علوم و معارف اظهار و کتب و تصانیف لرین ثبت صحایف اثار
ایتمشلددر * و طبقه ثانیه اول امم درکه نتایج افکار و دقایق
انظار لرندن عند العلماء معتدبه اوله جق فائده حکمییه صادر
اولمشلددر * اهالی صین و یاجوج و ترک و صقالیه و بلغار و روس
و بربر و حبش و بونلرک امثالی جهلادر و بربر لرینه نسبت
اشبهلری اهل صین و طائفه اتراک در سائرلری بهایم صفت
طائفه در * اهالی صین علومدن حصه یاب دکلدر انجیق سائر دن
ممتاز اولملری صنایع لری فغفور و قناجین و کوس و بونک امثالی
شیر اولدیغندندر و صنایع نقوش و تصاویرده دخی قایقلددر
و طائفه اتراک اگرچه صنایعدن برنسنده مهارت لری یوقدر
انجیق شجاعت و جلادت و فرستنده و ضرب و طعن و رمی سهامده
قایقلددر اکثری بی رحم و غدار اولوب یغما و تالان و احراق

ممالکده بی اقراندن و ذیبالله من شرور هم و طائفه چرکس و ابازه
و کرچی دخی تورکدن منشعب اولمشدر و بونلر غول بیابان کبی
شواحق جبال و مشیت تانده ساکن اولور برالای طاغی مخلوقدر
و بونلرک علم و معارفدن برنسنده مهارت لری یوقدر دائم بربر لرله
بیهوده غوغا و نزاع و حرب و قتال اوزره اولوب بروقتده راحت
دکلدر و بربر لرینک دختر و فرزند لرین سرقت ایدوب فروخت
ایدلر و طائفه چرکس مللدن برملتیه تابع دکلدر * طاعلرده بعض
یونک انجمله طیارلر اکثری مشرکلدر و ملت و شریعت بلزلر
و ابازه دخی چرکس مثلیدر و بونلرک طبیعتی خشونت اوزره
اولوب اکثری بداخلاق و بی عقلدر زیرا طاعلرده ساکن اولوب
برملت ایله اختلاط لری اولدیغندن علم و معرفت دکل حرف
و صنایعه دخی قابلیت لری یوقدر و طائفه کرچی تنه اوزره دیور
و بونلر دخی شواحق جبالده ساکنلددر و بعض محللارنده قرا
و قصبات لری اولمغله سائر طوائفک تجاری ایله اقلری وارددر
و قسیمی و بطریق لری بر علمدن خبردار دکلدر و همان بهایم صفت
طائفه در و طائفه ترکمان واکرادی دخی اتراک صنفندن و ترکمان
غایتله چوقلق طائفه در قبائل و عشائر ییحددر دائم صحرای
و قلو اتده سفر اوزره دزلر زراعت و سرائت لری یوقدر اکثری
معاشلری اغنام و بقردن البان و لحوم لرین اکل و جلود
و اصواف لرین لباس ایدوب انکله تعیش ایدلر و ملت اسلام اوزره
درلر لکن یابانی طائفه در شرایع شرع مجذبه جاهل و علوم
و معارفده بی بهره درلر و طائفه اکرادیکی صنفدر برصنعتی قرا
و قصباتده ساکن اولورلر بونلر دن بعض علوم صاحبی ظهور

ایتمند و بین العلما مقبول و مسلم تصنیف و آثار لری دخی و اردر
و بلاد لری عراق عرب ایله عجم بیننده واقع اولمشدر و بونلر دخی
عشائر و قبائلدر و السنه لری دخی مختلفدر بعضیلری فارسی
تکلم ایدر لر و بر صنی دخی سفریدر * صیف و شتاده دورا ما کن
ایدوب کوه و دشت و صحرا ده اولور لر بونلر جهله ناسدن اولوب
بر سنه ده معتد به اولنه جق علم و معارف و صنایع و حرفلری
یوقدر و غایتله غدار و بی رحم اولوب جبلت لری خیانت اوزره
اولوب انجق سراقلق و قطع طریق ایتمکده ماهر لر در و اترا کدن
منشعب اولنلرک بجهله سی علومدن بهره ور دکالدر و دیار ماوراء
النهر ده ساکن اولور طوائف دخی اترا کدن منشعبدر دیوب بعض
مورخین موثوقه دن نقل اولمشدر اول ممالکده معظم شهر لر
اولوب و ملوک ماضیه دن علو الهیه پادشاهلر نیجه مدرسه لر و نیجه
خانقاهلر بنالیدوب تصانیف جلیله و آثار جلیله لری و اردر علوم
شرعیه ده کاملر در و اجتهاده قریب عالملر ظهور ایتمشدر علوم
حکمییه ده دخی فائق الاقران و مشهور دوران عالملر ظهور
ایتمشدر حکیم فارابی و ابن سینا کی ترجمه لری قریب اذکر اولنور اما
طبقه اولاه که جبلت و خلق لری پالک و طبیعت و نهاد لری ضافی
و تابناک و لیل و نهار فضائل نفس ناطقه به صرف اعمار و علوم
حکمییه دن خبردار اولان طوائف امم هند و فرس و سریانیون
و عبرانیون و روم و اهل مصر و عربدر که بو طوائفدن ظهور ایدن
علماء و حکما و تصانیف و آثار لری لایعده و لایحصا در (التذکره الاولی
امت هندد کننده در و بونلر بر طائفه کثیره در که عدد لرنده و فرت
ملکت لرنده و سعت اولوب معارف حکمییه و دقایق حرف و صنایعده

ایماقت و قدر تلرینه جمیع قرون سالقه معترفدر (اول طائفه نک
انواع علومدن تألیف و تصنیفلری و نیجه حکمیلری و اردر
اما علوم الهیه ده مختلف اولوب ایکی صنف اولمشدر * براهمه
و صابئییه * اما براهمه بر فرقه قلیله در واهالی هند عتدنده
شریف الذنب بر طائفه در لر زعم باطللری اوزره ابطال نبوته
ذاهب اولوب ذبح حیوانی تحریم ایدر لر و براهمه دن بر فرقه دخی
ازلیه عالمه ذاهبلر در اما صابئییه بر فرقه کثیره در که جمهور
هند بو فرقه دندر بونلر ازلیه عالم و تعظیم کواکبه ذاهبلر در
علوم حکمییه دن علم عدد و هندسه و حرکات نجوم و اسرار
فلکییه ده ماهر و صنایع طب و قوای ادویه و مولدات و خواص
موجوداتده فایقلدر و ملوک هندک سیرت فاضله و سیاست
کامله و تجهیز عساکر و سد ثغور و صیانت رعایا و سائر سیاست
مدینه ده کمال لری مشهور و متواتر در ممالکتلری ابعده اولمغله
علوم و معارف و آثار لرندن دیار مرز نادر کور و اخبار علماء و ادبایی
قلیل استماع اولنور بو دیارده اولان آثار هندیدن موسیقی کتاب
یونانیدر که لسان هندده ثمار الحکم دیمکدر اول کتابده اصول
الحال و جوامع تألیف النغم بیان اولمش بر تألیف عبرتخادر
و تهذیب اخلاقده کایله و دمنه در که مقبول عالم و پسندیده بجهله
امم در حکیم فارسی بر زویه هنددن ملات فارسی نوشرانه کتوروب
لسان فارسی به ترجمه ایلد کده نوشران عطایای جزیره انعام
و تعظیم و توقیرنده احترام برله نخر یشه سنده حفظ ایدوب بعد
زمان اسلامدن عبدالله بن منفوحی الطیب فارسیدن عربی به
ترجمه ایلدی بر کتاب عظیم الفوائددر که اول فتنده بمشعل

و معادل در بعد ترکی به ترجمه اولوب همایون نامه تسجیه اولندی
 انشائی لطیف و اداسی ظریف بر کتاب مستطاب درو علم عددی
 حساب الغبار که ابو جعفر محمد بن موسی الخوارزمی بسط ایدوب
 تعریف ایلدی و هندک صنایع غریبه سندن بری دخی شطرنجدر
 بر اختراع غریبه در که موجودینک کمانه برهان با هر در
 و حکما سندن بود یارده مشهور اولان کنکه هندیدر ابو معشر
 بلخی کتاب الوفنده ذکر ایدر که جمیع علماء هندک علم نجومده
 جمله سنک اقدم و اعلمیدر و علماء متاخریندن حکیم قصر هندیدر
 علم فضل و کمال اثارندن جمله دن بری بی نقطه تفسیر لطیفدر که مثلی
 سبقت ایتمشدرو ایات و اشعاری حلیمانه و تعبیرات و الفاظی
 فصیحانه در واهالی هندک طبیعتلری ظرافت و لطافت اوزره
 مجبولدر جمیع اهالی حرفلری صنعتلرنده کامل و جمله سنک
 مصنوعات لطیفدر خصوصا اقسام البسه انواعنک هر بر
 نوعی ظریفدر و جمیع طوائفک صنعتلرین نسخ ایتمشدرو و ممالک
 هند غایتله واسع مملکتدر و ملل مختلفه ایله ملودر و اکثر اهل
 ذمت اولنلری آتش پرستدر و کاپرست غایتله چوقدر
 و قبط و نصرانی دخی وارددر و ملوکلری اهل فارس و اوزبک
 و اهل رومه زیاده رغبت ایدرلر و اکثر امراسی بونلر دندر
 (التذکره الثانیة) امت فارس ذکرند در اهالی فرس که بلادلری
 وسط معمرورده واقع اولغله اهالیسی دخی واسط امدن اولوب
 اهل شرف و وقار و دانش و عرفان و دقایق و حقایق اذعان ایله
 اقتضار ایدرلر و لسانلری فارسیدر لغت واحده تکلم ایدرلر
 اشیا قلیله ده مختلفدر اول سبیلله یهلو به و دریه اطلاق اولنور

و ملوکلرینک

و ملوکلرینک حسن سیرت و سیاست و رعیتلرین صیانتلری
 تحقیق کرده اصحاب توارینخدر و ملوکلری درت طبقه اولوب طبقه
 اولی ییشدادیان طبقه ثانیه یکانیان طبقه ثالثه اشکانیان
 و طوائف ملوک دخی دیرلر طبقه رابعه ساسانیاندر ییشدادیان که
 اولی کیومرث بن لاوذن سام بن نوح علیه السلامدر و آخری
 یزدجرد بن شهریاردر که حضرت جامع القرآن عثمان بن عفان رضی
 الله عنه حضرت تارینک زمان سعادتلرنده قتل اولنوب دولتلری
 مضمحل اولدی و یکانیانک اولی کیقباد بن راعددر که منوچهرک
 نسلندندر و اشکانیان که طوائف ملوکدر اون بش مقداری
 کسینه در متفرق اولوب هر برلری مستقل حکومت ایدرلر ایدی
 و ساسانیانک اولی اردشیر بن بابک بن ساساندر واهالی فرسک علوم
 حکمیه دن و صناعت طبعدن و احکام نجومدن حظ وافرلری
 اولوب ارماد کواکب وضع و حرکات نجومده مذاهب مختلفه به
 ذاهب اولدیلر ابو معشر بلخی زیج کبیری تألیف ایدوب اهل
 فارسک علماء متقدمه سنی ذکر ایلدی و احکام نجومده کتب
 کثیره لری خصوصاً درجات افلاکده حکیم زردشته نسبت اولنان
 کتاب اول وقتده انفس کتب ایدی و کتاب تفسیر و کتاب جاماسب
 غایتله نافع کتابدر و بعض علماء اخبار تحقیق ایتمشدر که اهالی
 فرس ابتدای اسرده موحدلر و دین حضرت نوح علیه السلام
 اوزره عایدلر ایدی یوما سف مشرقی ظهورنده طهمورث ثالثه
 دخول و انک اغوا سیمله مذهب صابئییه بی قبول واهالی فرس
 اول تقریب ایله صابئی اولدیلر بعده زردشت فارسی کشتاسب
 وقتنده ظهور و دین مجوسی به دعوت و ترکیب عالم نور ایله ظلمات

و بونلرک ترکیبندہ نیچہ حکمت بیان ایلدی و قدما خمسہ بی که
باری تعالی و ابلیس و هیولی و زمان و مکان و سائر این مجوسی
دخی اعلان ایلہ کشتاسی اضلال وینلرینه اختلال و بر مکه
مذهب صابئیہ دن رفض ایدوب جله سی مجوسی اولدیلر
وزردشت ملعون حاشا ثم حاشا من عند الله مرسل نبی اولوق
اعتقادیلہ دین مجوسیته قالدیلر تا خلفاء راشدیندن فاروق اعظم
حضرت عمر بن الخطاب رضی الله عنہک زمان سعادت لرنده عساکر
اسلام غزا و سبی ذراری و نسأ و اموالترین اغتنام و یغما و بلاد
عراقدن خراسانه طرد و اجلا ایدوب بعده خلیفه ثالث حضرت
عثمان رضی الله عنہک زمان سعادت لرنده هجرت نبویه علیه
اکمل التحیه نك او توزا یکنی سنہ پرمیمه سنده بقیه املاک فرس
بالکلیه داخل حوزه آبادی اسلام اولوب اول طائفه دن
سعادت مند اولنلر قبول دین احمدی ایلہ شرفند و بد بخت اولنلر التزام
جزیه ایلہ اهل ذمت اولوب الی یومنا هذا اول حال اوزره قالدیلر
و بونلردن فائز دولت شرع احمدی و حائز سعادت دین محمدی
اولنلرک اصلا ب و ارحامندن نیچہ ائمه مجتهدین و علماء دین و علوم
شرعیه و فنون الهیه و ادبیہ ده لا بعد و لا یخصی مصنفین و تفسیر
قرآن عظیم و تأویل فرقان کریمه مفسرین و اخبار و آثار احادیث
نبویه ده محدثین رحمة الله علیهم اجمعین کلشدر که انارلری ایادی
علماء عظامده مقبول و مسلم بر طائفه در هجرت نبویه علیه افضل
التحیه نك طقوز یوز سنه سنه کنجہ به دك مؤمن و موحد و سنی
ایدیلر اندن صکره شیخ حیدر اردبیلی ظهور ایدوب اولادندن شاه
علیه ما یستحق ظهورنده رفض و الحادیلر لرنده شایع و اکثر مالک

فرس اهل بدعت اولوب حاشا ثم حاشا سب شیخین محترمین و شرب
خمر و زنا و نیچہ فسق و بدعت علما اجر و جوامع و مساجد لری
جمعه و جماعتدن محروم بر مملکت شوم اولدی (التذکره الثالثه)
امت سریانیون ذکرنده در امت سریانیون که بونلره بابلیون دخی
دیر لر بطائفه شعب متفرقه به منشعب اولمشلر در بونلر کوتانیون
انورنیون ارمانیون جرامقه و نبط در لر ممالکاری وسط معمر ورده
واقع اولمشلر که عراق و دجله و فرات بیتده اولان جزیره در که دیار
ربیعہ دیمکه مشهور در مصر و شام و جزیره العرب که حجاز و نجد
و تهامه و یمن در بونلرک کلیدی مملکت واحده اولوب ممالکاری
واسانلری دخی بر ایدی و لغت سریانی لسان قدیم در حضرت آدم
صنی الله و حضرت ادریس و حضرت نوح و حضرت ابراهیم
صلوات الله علی نبینا و علیهم اجمعین حضرت اتک تکلم بیوردقلری
لساندر بعد زمان عبرانیه و عربیه متفرق اولوب هر بر قوم بر لغتله
تکلم ایدر لر ایدی عبرانیون که بنی امریئیلدر شام نواحیسنده
تغلب ایدوب اول ولایتده ساکن اولدیلر و طائفه عرب جزیره
العربیده و مصرده ساکن اولدیلر و بقیه سریانیون عراقده ساکن
ایلدیلر و طائفه سریانیونک سائر طوائفدن حکومتلری قدیمدر
و جبایره دن اولان بونلردن در اولی عمرو دین یوس ابن حامد که نظم
کریمه جناب کبریا جلت عظمتہ نك (وقدمکر الدین من قبلهم
فانی الله بنیانهم من القواعد فخر علیهم السقف) نص شریفی اندن
خبر ویرمشد در و ابراهیم علیه الصلوٰه والسلامک عصرنده
اولان عمرو دین کنعان بن سنجار ب که عمرو داکبر و بخت نصر
و غیر یلریدر بونلرک علمای علوم ریاضیه و الهیه ده

واسع و ارماد کواکب و تحقیق طلسمات و سائر علوم غریبه ده
فایز قلدر و اشهر علماسندن هر مسی بابلی که فیلسوف یونانی سقراط
عهد نده کلمه در ابومعشر کتاب الوقفده علم نجومده اولان کتب
اولان کتب اکثری تصحیح و تهذیب ایلمش در دیو ذکر ایدر و بوهرمسند
علوم شتاده کتب کثیره مصنفاتی وارد و نجومده کتاب قضیب
الذهب و غیر یلری بری دخی حکیم هر جیس در که اسرار النجوم
فی معرفة الملل والدول نام کتابی وارد بری دخی حکیم اصطفی
بابلیدر که حضرت شعیب علیه السلام ایلمه صاحب اولمش در علم
نجومده مصنفاتی وارد (التذکره الرابعه) امت عبرانیون
ذکر نده در (طائفة عبرانیون) بوطائفه بنی اسرائیل که
سریانیون تنوع ایتمش در بونلرک علماسنه اخبار اطلاق اولنور
و بونلردن علوم فلسفه ایلمه اشتها بولمش بوقدر انجیق علوم شرایع
واحکام و سیر انبیاء عظام و تواریخ ملوک و احوال انامده فایز قلدر
و بونلرک علماسندن اخبار لرینک شرف اسلام ایلمه مشرف
اولنلرندن احوال انبیاء و سیر ملوک و سائر وقایع ماضیه نک اکثری
علماء عظام اخذ ایتمش در بوطائفه بیت رسالتند و بوجه و انبیاء
بنی اسرائیل علیه السلام بونلردن در بلاد شامده نمکن ایدوب زمان
مدید و عهد بعید انده ساکن اولدیلر و ملوک لری دخی کندیلردن
ایدی بعد زمان طیطوس که اول ملوک طائفه رومدر قدسی استیلا
ایدوب ریاستلری مضمحل ایلمدی اول جهتدن اطراف ممالک
متفرق اولدی بر مملکت بوقدر که انده بوطائفه دن اولیه انجیق
ماوراءالنهر که بخاری و سمرقند طرفلریدر آنده بوقدر * حضرت
عمر رضی الله عنه زمان سعادت لرنده بمن و طائف و سائر نواحی

حجازدن اجلا اولوب الان اول طرفده بوقدر بوطائفه دن علوم
نظریه و فضائل حکمیه دن اکتساب علوم طبیعییه ایلمه معروف
اولان جویه طیبیدر * عمر بن عبد العزیز کتب قدمادن اهر و ن
انفس نام کتابک ترجمه سنه امر ایدوب اول دخی سریانیدن
عربی به ترجمه ایتمش در و بری دخی اسحق بن سلیمان طیبیدر که
ملوک مغاربه دن صاحب افریقیه عبد الله مهدینک عهدنده
رئیس اطباء ایدی علم منطقه دخی تألیفی وارد و علم طبده کتاب
الاغذیه و کتاب الحیات و کتاب البول و کتاب فی الحدود و الرسوم
و بستان الحکمة انک تألیفیدر و بوطائفه دن علم نجومده
حصه مند اولان سهل بن بشر در کتاب فی الموالید و کتاب تحاویل
سین العالم و کتاب المسائل و الاختیارات انک تألیفیدر (التذکره
الخامسه) امت یونانیون ذکر نده در بوطائفه امت عظیمه القدر
و باهرة الذکر در جمیع امم عندنده علوم و فضائل لری مشهور
و مسلم و مدوح عالمدر و ملوک لری اعظم شاهان و اشرف ملوک
جهاندر جمله دن بری اسکندر بن فیلقوس یونانیدر که اکثر اقالیم
بلکه جمیع ممالک معموره به حکم ایدوب زیر قبضه تصرفه آلمش در
و بوند نصیره کان ملوک یونانیه به بطالمه دیرلر اولی بطلمیوس در
نیچه مدت حاکم و والی اولوب بعد ملوک روم غلبه ایدوب
مملکتلرین ضبط ایتمکین روم ایلمه یونان مملکت واحد اولدی
ولغت یونانیه به افریقیه دیرلر که بعد العربیه اوسع لغات در زمان
قدیمده عامه یونانیون صابئیه اولوب عبده کواکب ایدیلر و بونلرک
علماسنه فلاسفه دیرلر جمع فیلسوف در که لفظ یونانیون طبقا تا
ارفع * حکمتا و منزلت اجل علما در لر زیر افنون حکمیه بونلردن

ظهور ایدوب شیوع بولدی علوم ریاضیه و منطقیه و معارف
 الهیه و طبیعیه و سیاسات بدویه و مدینه بی تهذیب و تعجج
 و تحقیق ایتمک ایله اعتنا بولره مخصوص صدر و اعظم حکماء یونانیه
 عند الفلاسفه بش کسنه در بند قلیس فیثاغورث سقراط
 افلاطون و ارستطالیدس اما بند قلیس علماء تواریح نقلی اوزره
 حضرت داود صلوات الله علی نبینا وعلیه زمان سعادت لرنده
 اولوب ولایت شامده حضرت اقماندن علوم حکمیه بی اخذ
 ایدوب بلاد یونانیه به عودت واول ولایتده علوم حکمیه نک
 ظهورینه بادی اولدی اما فیثاغورث بند قلیس دینکره ظهور
 ایلدی و حضرت سلیمان علیه السلام اک اصحابندن اخذ
 حکمت ایلدی و علوم هندسه و مساحه و حسابی حکماء
 مصر به دن مصرده اخذ ایتشدربعد یونانه عودت ایدوب اول
 ولایتده علوم فلسفه و طبیعیه نک انتشارینه بادی اولدی صفوت
 جوهر خلقت و تراکت زکاء طبیعتندن خواص اعداد و اصول
 الحان نعم ایلله علم اصول موسیقی ابداع و ایجاد ایلدی و ترکیب
 عالمده خواص اعداد و مراتب لرنده رموز عجیبه و امور غریبه
 اختراع ایتشدرب* اریتماطیغی و علم موسیقی و غیر علوم ریاضیه ده
 تألیفات جلیله سی وارد در اما سقراط تلید فیثاغورثدر
 فنون فلسفه و علوم الهیه ده توغلی زیاده و سائر لرینه التفاتی
 یوغدی ذاتسده زاهد عزلتگزین و متورع خلوت نشین اولوب
 اختلاط ناسدن ایا و من خرافات دنیادن اتقا ایتشدی بر مرد
 خوش سیرت و حکیم صاحب بصیرت ایدی اهلای یونانی عبادت
 اصنامدن منع ایدوب رؤسا سینه معارضه و مباحثه و ادلاله

واضح و حجج قاطعه ایراد ایلله جمله سنی ملزم ایلد~~س~~ کده
 پادشاه لرینه شکایت و قتل اولمخه سنی استدعا ایلد کارنده اولدخی
 حضورینه احضار ایدوب مناظره و محاورات کثیره دینکره
 حبس ایدوب بعد زمان اسقامسم ایلله هلاک ایلد بلر اما افلاطون
 شا کرد فیثاغورثدر سقراط ایلله شرکت اوزره اخذ ایلد بلر
 و سقراط حیاتده ایکن حکمت ایلله اشتیاری اولمیوب بعد وفات
 سقراط مشهور اولدی شریف النسب و علو الحسب اباعن جد
 اولاد علما و خاندان حکمان ایدی علوم فلسفه نک جمله سنده کامل
 و فنون حکمیه نک کایسندده فاضلدر و کتب کثیره تصنیفاتی
 وارد لر لکن رمز و ایما و اشارات و معما اولمخه حکماء نک غیری
 استفاده ایده میزدی و تعلیم فلسفه ده تلامیذی رکابنده کیدر
 ایکن تعلم ایلدکاری ایچون مشائیین تسمیه اولند بلر و آخر عمرنده
 خلوت نشین و عزتگزین اولوب عبادت کرد کار ایلله اوقات کذاروالی
 انیموت ترک و تجرید اختیار ایلدی و مصنفات مشهوره سندن
 کتاب فی النفس و کتاب سیاست المدینه و طیمائوس البرهانیه
 فی ترتیب العالم الثلاثه العقلیه که عالم ربوبیه عالم عقل و عالم النفس در
 و طیمائوس الطبیعی فی ترکیب عالم الطبیعی بوا یکی کتابی طیمائوس
 نام شا کردینه تعلیم و انکیچون تألیف ایتمکین طیمائوس تسمیه
 اولندی (اما ارستطالیدس) تمام الفضل دیمکدر و یتقو ما حوش
 قاهر الخصوم معنا سنده در و فیثاغورثی المذهبدر اریتماطیغیده
 تألیفاتی وارد در و ارستطالیدس تلید افلاطوندر سائر تلامذه سی
 اوزرینه تقدیم و عقل تسمیه ایدردی و یونانیونک سید علما و خاتمه
 حکماء در صناعت منطق اختراع ایدوب اشکال ثلاثه ترتیب

وعلوم نظریه به الت ایلد یکندن صاحب المنطق ایلد ملقب اولدی
و جمیع علوم فلسفه ده کتب کثیره تألیفاتی وارد در کتاب الخطوط
و کتاب الحیل و کتاب الکون و الفساد و کتاب العالم و السماء و کتاب
سمع الکیان و کتاب اثار العلویه و کتاب الحیوان و کتاب النبات
و کتاب الحسن و کتاب النفس و کتاب الصحة و السقم و کتاب الشباب
و المهرم و کتاب فی السیاسة و الاخلاق و ملک اسکندر مه علم اولوب
وزیر اولمغله انکچون رسائل کثیره تصنیف ایلدی مضمونیه
عامل اولدیغی ایچون رعیت پرور و عدالت کستر اولوب جهانگیر
اولدی و بوبش کسینه سادات فلاسفه یونان و پیشوای حکمای
جهاندر و بونلردن ماعد امشهور اولان قالیس ملطی که صاحب
فیثاغورث و ذی مقرطیسدر که اجسام ملک بر لا یجزایه انجلازه
قائلدر و انده تألیفاتی وارد و بری دخی کسا غورث در که
ارسططالیدن مقدم کلمشدر لکن خمسة مذکوره نک مرتبه لرینه
ارتقایه قادر دکالدر و بونلر مثلی کلاملری معتدبه دکالدر
و بونلردن صکره اولان جماعت فلاسفه که متقدمین مسلکینه سلوک
و انلرک کابلرین شرح و ایضاح ایلدیلر انلرک اجیل واعلمی
تامطیوس (واسکنده) و افردوس * و فریوسدر که کتب فلاسفه
فهمینه و حقیقتینه و قوفلدر بونلر سرفراز و زمانلرنده جمله دن ممتاز
ایدیلر و علماء یونانیه دن بعض علوم فلسفه ده ماهر و وقتنده کمالی
ظاهر اولان بقراطدر علم طبیعه عیده و علم طبیده یکنانه زمانی و فرید
اوانی سید طبیعه ایلی و اسکندر دن یوز سنه مقدم کلمشدر
و بلاد شامده حصده ساکن ایدی طقس ان بش یا شنده وفات و علم
طبیده موجزة الالفاظ جلیله المعانی تألیفات کثیره سی وارد در کتاب

الفصول و مقدمة المعرفة و کتاب افیدمیا و کتاب ماء الشعر و کتاب
الجنین و غیر ذلك و بری دخی جالینوس در ارض یونانده
فرغاموس نام محله ظهور ایتشدر و قنده سید الحکما و امام
اطبادر و حضرت مسیح علیه السلام دن یوز سنه و بقراط دن
التيوز واسه کندر دن بشیوز سنه صکره کلمشدر
و ارستطالیدن صکره علم طبیده عالم بقراط ایلد جالینوس اقرانی
کلمشدر و علم طبیعی و علوم برهانده تألیفات کثیره و تصنیفات
جلیله سی وارد در فهرست تصنیفی یوز عدد دن متجاوزدر
و طبیعیدن اسغلسادیس و یوفس و یونس نام حکیم کلمشدر
لکن نظر لری ضعیف و رأیلری صوابدن بعید اولدیغی
ارستطالیدن و جالینوس کابلرنده تحقیق و براین واضح
ایلد کلاملرینی رد و تدقیق ایلشدر و بری دخی اقلیدس صوریدر که
صاحب هندسه در کتاب مدخل کتاب الارکان کتاب المسبع کتاب
مساحة الدائر کتاب اکره و الاستوانه و المخروط و غیر ذلك و بری دخی
قطعن در که علوم ریاضیه دن عدد مساحه ده ماهر ایدی و آنده
تألیفی وارد و بری دخی بطلمیوس الغیوریدر که ملوک روم دن
اندر یانوس وقتنده کلمشدر علم حرکات النجوم و معرفت امرار
الفلكیه ده مثلی کلمدی و اندن صکره کلان حکما و علماء آنک
تصنیفاتیه معادل تصنیفه قادر اولدیلر جمله دن بری مشهور
و متعارف مجسطی در فضل بن خاتم تبریزی شرح ایلدی و محمد بن
جابر الشیبانی مختصر ایلدی و بین العلماء مسهلدر که اوج عدد
کابلدر و هر بری مسائل فنی جامع اولوب خارجده بر مسئله
قالمشدر و بری دخی مجسطیدر که علم هیئت و حرکات نجومده

کافیدر وبری دخی ارستطالیدس در که صناعت منطقده جمله بی
جامعدر وبری دخی سیبویه بصری کبابدر که علم نحو ده کافیدر
وجه قواعدی جامعدر و بطلمیوس حکیمک کتب کثیره تصنیفاتی
وارد در مشهور اولنلری کتاب المناط کتاب المقالات الاربعه
فی احکام النجوم کتاب الموسیقی کتاب الانواء کتاب القانون وغير ذلک
وحکماء یونانیین دن مشهور افاق اولان بونلر در بعده چوق کسنه لر
فلاسفه عدد اندن کادیلر و متقدمین کتابلرینه تقلید ایدوب کتب
کثیره تصنیف ایلدیلر لکن طفیل متقدمین اولدقلری محتاج بیان
دکادر (التذکره السادسة) امت روم ذکرنده در اهالی روم
بر امت عظیمه در که عدد لرنده کثرت و مملکت لرنده وسعت
وملوکاری ریاست وسلطنت وحسن سیاست ابله معروف
ومملکتلری مملکت یونانه مجاور ولغتلری مماثلدر لغت یونانیین
اغریقیه ولغت روم لطینییه در کرمی مملکتلری رومییه کبر ایدی
حضرت عیسی صلوات الله علی نبینا وعلیهک بعثتلرندن بدییوز
سنه مقدم بنا اولندی و روم لیش لطینی که اول ملوک ارضدر انده
ساکن اولوب ممالک روم تحت حکومت لرنده اولدی بعد زمان اول
سلسله دن اغطش نام بر ملک ظهور ایدوب مملکت یونانی استیلا
وملوکار بن مضمحل ایتمکله مملکت واحده وینه کرمی مملکتلری
رومییه اولدی بعده قسطنطین بن میلان ظهور ایدوب دین مسیحی
قبول واین صابئییه بی ابطال و اهالی روم اکثرینی شریعت
مسیح اوزره اقرار و عبادت کواکبدن رجوع ایتدردی و خلیج
بحر روم اوزره استانبولی بنیاد وانی تختگاه ایلایوب بانیسنه نسبت
ایله قسطنطینییه تسمیه اولندی الی یومنا هذادار الساطنه قالدی

ورومییه کبراده طائفه لطینییه دن والی نصب ایدوب نیجه مدت
رومه بیعت اوزره اولدی هجرت نبویه علیه افضل التحیه نک
اوچیوز قرق سنه سنه اطاعت رومدن روگردان اولوب عصیان
ایلدیلر و بر قاج محاربه دنصکره انده دخی مستقلا پادشاه اولمغله
مملکت لطینییه رومدن متفرق اولدی الان رومییه کبر اقل
المادید کربدر که نیجه ضبطننده در و مسفور قسطنطین زیر
حکومتنده اولنلری دین نصرانییه دعوت اوزره اولمغین جمیع
اهالی روم وانلره مجاور طوایف کثیره عبادت اوثنان وتعظیم
هیکل و آیین صابئییه دن رجوع ایدوب تنصرا ایلدیلر و سقالییه
و برجان و روس و جمیع اهل مصر و قبط دین واحده اولمغین امت
واحده حکمنده اولوب یونانیین ایلر رومیین فرق اولمقدن قالدی
وطائفه فلاسفه دن چوق کسنه ولایت رومدن ظهور ایلدی
رومی و یونانی حکم واحده اولمغین بر برندن تمیز اولندی و زمان
اسلامده دولت عباسیه ده نصارادن و صابئییه دن علوم فلسفه ده
عالم نیجه کسنه کادی لکن یونانییمیدر رومییمیدر فرق اولندی بنی
عباسدن ابوالعباس سفاح وقتنده نصارادن بختیوش طبیب که
علوم طبیعیه کامل ایدی سفاحک رئیس اطبایی اولوب علاج
مرضا و تعلیم علوم فلسفه ایلر مشهور ایدی و اوغلی جبرائیل
طبیب ابوجعفر منصوره رئیس اطبای اولدی وقتنده فرید ایدی
وبری دخی یوحنا بن ماسویه طبیب در که هارون رشید و اوغلی
مأمونه خدمت ایدوب وقت متوکه دلک حیاتده ایدی زمان
هارون رشیدده انقره فتح اولنوب بر کتابخانه ده محفوظ کتب
قدیمه دن وافر کتابلر بولندی بغداده کتوردیلر هارون یوحنایه

لسان عربیه به ترجمه سن امرای دوب اولدخی اکثر فی ترجمه ایلدی
و کتب کثیره تصنیف ایلدی کتاب البرهان کتاب البصیرة
کتاب الحیات کتاب الفصد والجامة کتاب الجذام کتاب
الاغذیه کتاب المعده کتاب ادویه مسهله و غیر ذلک و بری دخی
حنین بن اسحق در یوحناء مزبور کتلمیذیدر وقتنده امام اطیبا
ایدی لغت یونانیه ده ماهر و لسان عربیه دخی کمالی ظاهر ایدی
علوم عربیه بی خایل فحودین تحصیل ایدوب بغدادده کادی
مأمون کتب فلاسفه ترجمه سنه رغبت تامی اولمغله فلاسفه
کابلرندن کتب عدیده ترجمه ایدردی ابومعشر بلخی کتاب
مذاکراتده ذکر ایدر که تراجمه اسلامیه ده درت کس سنه عمده
مترجمیندر * حنین بن اسحاق * و یعقوب کندی * و ثابت
بن قرة الحرانی * و علم بن فرجان طبری اما حنین کجمله سندن
ترجمه سی اوضح و تعبیراتی احسن و اصلح در بقراط و جالینوس
کابلرین ترجمه و تلخیص و تنقیحنده زیاده اهتمام و تهذیب ایدی
و کتب کثیره تألیفی وار در (کتاب فی المنطق کتاب
فی الاغذیه * کتاب فی تدبیر الناقهین * کتاب فی الادویه المسهله
و هر بار عادت مستمره سی بوایدی که هر روز جامه کیدوب
طشیره چقد قدده عرقی کید نتیجه به دل او توروب اندنصکره اسبابین
کیوب عود و عنبر ایلر تبحر ایدردی اندنصکره طعام یردی
و هر کون طاق اکل ایدردی و او بقودن قالقد قدده درت رطل
شراب عتیق ایچردی و فوا که دن الما و او اکل ایدردی متوکل
خلیفه عصر نده اولدی ایکی اوغلی قالدی بری اسحق و بری داود
اسحق علوم فلاسفه ده عالم و اول دخی مترجم اولدی اما داود علم

طیبه ماهر و علاج مرضا ایلر مقید ایدی و بری دخی هبة الله بن
صاعد المعروف بابن التلمیذ النصرانی در علم طبیبه بقراط
و جالینوس دنصکره بونک مثلی کلمه مشدر و او اقد در خوش صحبت
و مجلس ارا ایدیکه بکار عصر صحبتنه طالب ایدی و زرا و رجال
دولت عندنده معتبر و هر کس علمی سببیلر اکر ام ایدردی و لکن
امر غریبه در که بوقدر ظرافت طبع و لطافت عقل ایلر شرف اسلامی
یلوب اول دولتیه نائل اوله مدی علم طبیبه کتاب اقربادین و کلیات
ابن سینایه شرحی وار در بغدادده عید دنصاراده فوت اولدی
و بری دخی ثابت بن قرة الحرانی در علوم حکمیه ده متوسع
و ضروب حکم و فلسفه ده معتبر و عصر نده سر فراز و وقتنده
اقراندن ممتاز ایدی خلافت مأمونده بغدادده رصد بنا ایدوب
حرکت شمسی استخراج ایلدی و خلفاء عباسیه دولتی منقضى
اولوب براز مدت مرورندنصکره ولایت یونان و روم دن
بعضی سندن غزات مسلمین استیلا ایدوب ضبط اولندی و سلوک
اسلامیه الله کجوب اکثر اهالیسی شرف اسلام ایلر مشرف
اولوب اول ولایتلرده دخی نیر عالم کتاب شریعت محمدی پر تو افروز
اولد قدده ابنای روم دن نیچه افاضل کرام و علماء عظام لایعبد
ولا یحصى وجوده کادیکی و تصانیف و آثارى خطه رومده دکل
بلکه اقطار ارض دن عراق و فارس و بلاد عرب و هند و سند و شام
و مصر و مغرب زمینده منتشر و علماسی بیتنده مقبول و مسلم
اولوب صیت فضائل علماء روم طنین انداز سامعه عالمیان اولدی
خصوصا سلاطین عثمانیان لازالت سلسله دواتهم الی انتها
الزمان حضر تلمیذ خورشید دولات عالی منزلتلمی شعله افروز

و ششمه تیغ ظلمت سوزری اول اقلیمه لمعه انداز اولوب کرسی
خطه روم اولان قسطنطنیه به مالک و انده چار بالش زرین تخت
شهنشاهی و مسند نشین عالی بخت پادشاهی اولد قد نصکره
طبع معارف پرور و همت فضائل کسترلی التفات ارباب کمال
و محبت اصحاب فضل و افضاله رغبت تام اوزره مجبول * و ارباب
حاجات و مطالب و نظم شتاده مأربلرینه کمال عطا و سخاری
مبذول اولمغله اول درگاه سعادت دستکاه انتساب سببیه
جلوه کرمنصه ظهور اولان علماء فضائل کستر و شعراء بلاغت
پرور لایعد و لایحصار و سائر معارف و کماله هنر و انواع
خطوطده سائر طوائف و اعمک اثار لرین نسخ ایلدیلر و نقوش
و تصاویر و تذهیبده سائر حرف و صنایعه قابلیت و استعداد لر
کماله و طبیعت و نهاد لر اعتدالده اولمغله اکثر طوائف اوزره
تفوق ایلدیلر (التذکره السابعة) اهالی مصر ذکر کرده دراهالی
مصر امم عظیمه و اهالی کثیره در لکن امم مختلفه الاصناف در *
قبطی * و یونانی * و روم * و عجمی * و غیرهم اما اصل جمهور
اهالی مصر قبط در اختلاط لرینه سبب بارادت الله تعالی اهل
مصر دن متوالیه مصره مالک اولوب حکومت ایتش یوقدرگاه
عماقه و کاه یونانیین و کاه رومی یدلرنده اولمغله امم متخالفه دن
مرکب و قدیم زمانده اهالی مصر صابئیه اولوب عبادت اصنام
و هیما کل ایدر لر دی این نصرانیت ظهور ایلد کده جمله سی تنصر
ایدوب نصرانی اولدیلر (آفتاب شریعت محمدی ایله عالم نورانی
اولوب عسا کر اسلام نصرت انجام فتح و تسخیر ایلد کده هدایت
الهی ایله مهتدی اولنلر قبول اسلام ایله شاد کام و اولمینلر قبول

جزیه ایله اهل ذمت اولوب الی یومنا هذا بواسطه اوزره قالدیلر
و بعض علماء تواریخ روایتلری اوزره طوفان نوح علیه السلام دن
مقدم علوم حکمیه هر مس اولدن ظهور ایلدیکه صغیر مصرده
ساکن ایدی عبرانیون که اکاخنوخ دیر لر حضرت ادریس
علیه السلام در اخنوخ بن یاوذن مهائیل بن انوش بن شیت ابن
ادم علیه السلام در ابتدا جوهر علویه دن و حرکات نجومیه دن
اول خبر و یردی و علوم حکمیه بی ابتدا خلقه بونلر تعلیم ایلدیلر
و ابتدا هیما کل بنا ایلدی و علم طبیعه خواص اشیایه آگاه بونلر
ظهور ایلدی و اشیاء ارضیه و سماویه بی مبین قصیده انشاد ایلدی
و ابتدا طوفان نوح دن خبر و یردی و علوم فلسفه دن ریاضیه
و طبیعیه و الهیه و علم طلسمات و نیرنجات و مرآت محرقه و کیمیا
و غیر ذلک بعد الطوفان ظهور ایلدی و زمان سالفه ده مصره
کهنه و سحره مالک اولوب نیچه زمان والی اولدیلر و جمله سی عبده
کواکب ایدی و سبعة سیاره بهیدی ییل عبادت ایدنه ماهر
تسمیه ایدر لر دی و هر بر کو کبه بدیشری ییل عبادت ایدوب فرق
طقوز سنه ده تکمیل ایلد کده فاطر تسمیه ایدوب پادشاهن
یا تنده او تورردی و هر اموری انکراییه ایشلردی و هر روز علی
الصباح پادشاهه کلوب ویدی یلدلر هر برینه برکسنه تعیین
اولمشدی انلر دخی کلوب جمع اولوب فاطر اولان هر برینه
این صاحبک دیوسوال ایدوب اولدخی فلان بر جده و فلان
در جده ده و فلان ثانیه ده دیو جواب و یرد کده انکغیری به دخی
سوال ایدوب بواسطه اوزره بدیسی تمام اولد کده اول کون حکم
کواکب نه ایسه پادشاه انکله عمل ایدردی اندن غیری نسنه

ایشان زدی و هر چن بر امر مهم اقتضا ایدر سه پادشاه بر قصر اوزره
 چقوب جمیع کهنه بی دعوت ایدردی و اهالی اسواقده مجتمع
 اولوب سیر ایدر لرایدی کهنه دخی هر بر لری عبادت ایتد یکی
 کوا کبه مناسب برنسنه به بنوب او کنبه طبل و کونا کون
 ملاهی ایلله کاور لردی بعضیسی نور ایچره مستغرق اولوب
 شعله سندن بقلزدی و بعضیسی ارسلانه بنوب ییلاندن
 تازیانه ایدردی بومنیوال اوزره هر بری بر امر غریب ایلله کلوب
 جمع اولد قلزنده پادشاه لرینه احوالی عرض ایدوب مناسبی نه
 ایسه جواب و بر لردی پادشاه دخی انکله عمل ایدردی بوسیدن
 سوء قصد ایدن لر ظفر بوله مزدی و کتب توارینجده مسطور در که
 دیار مصره کهنه دن یدی کاهن مالک اولوب حکومت ایلدی
 و هر بر لر ینک اعمال غریبه و افعال عجیبه سی و ار ایدی (کاهن
 اول که) اسمی صیلم ایدی ایتد اینک زیاده و نقصان اولدیغن
 بیلک ایچون مقیاس اول وضع ایلدی و دخی باقردن حوض بنا
 ایدوب و حوضک ایچنه بر از صوقویدی و ایکی عدد عقاب وضع
 ایلدی هر سنه ینک از دیادی وقتی اولد قدده کهنه جمع اولوب
 سوزلر سو بیلر لردی اول عقابک بریسی صیحه ایدوب صفیر اورردی
 اگر ارکان صیحه ایدر ایسه صوغالب اولوردی اگر دیشی ایدر سه
 ناقص اولوردی (کاهن ثانی) اسمی عشمش ایدی اول دخی
 هیکل شمس اوزره بر میزان یاپدی بر کفه سن حق و بر کفه سن
 باطل یازدی و برقاج طاشلر یاپدی ایکی کسنه دعوا ایلله کاسه
 هر بری برر طاش الوب برر کفه به قویوب حق النده اوله نک کفه سی
 ثقیل و باطلک کفه سی خفیف کلوب ایکیسی دخی ملزم اولوب

کیدر لردی (کاهن ثالث) معادن سبعة دن بر آینه پیدا
 ایدوب و آینه نک اورتاسنه بر عورت تصویر و قوجاغنه بر صبی
 وضع ایلدی و اول آینه به بقان آدم نه اقلیمی مراد ایدر سه
 کورردی و اول ولایتده حادثه اولان احواله واقف اولوردی
 و بر عورتک اعضا سنده وجع اولسه اول مصنوع عورتک
 اعضا سنده مسح ایلسه و جعی ساکن اولوردی (کاهن رابع)
 حدید دن براغاج و اغصا نلری اوزره قوشلر یاپدی
 چن بر ظالم اول اغاج یاتنه کاسه اول قوشلر اطرافدن طوئوب
 قوی و بر مز لردی تا که ظلمی اقرار ایتد کچه و بر طپراقدن صنم
 یاپوب عبد زحل تسمیه ایلدی ایکی کسنه دعوا ایلله یاتنه وارد قدده
 حق النده اولان یاتندن کیدوب اولمیان انده قالوب حرکت مجالی
 اولمزدی تا که مقرر اولد کچه (کاهن خامس) نجاسدن بر شجر
 یاپدی و حوش و طیور دن اول شجرک یاتنه کلندر انده قالوب
 حرکت مقتدر اولمزدی کلوب اخذ ایدر لردی و شهرک قپوسی
 اوزره ایکی صنم یمینا و یسار ا وضع ایلدی طشره دن بر ادم
 کاسه دوست ایسه صاغ طرفنده اولان صنم ضحک ایدردی
 و اگر بر شرلی ادم ایسه صول طرفنده اولان صد ایدردی (کاهن
 سادس) بر درهم یاپدی بر کسنه برنسنه بیع ایلسه هر نه جنس
 اچه ایلله قبول ایتد ایسه اول اچه بی میزانه قویوب مقابله سنده
 درهم مصنوعی قور لردی برابر $\frac{1}{2}$ کور سه اچه تام المقدار
 و $\frac{1}{2}$ کامل العیار و اگر دکل ایسه ناقص کاوردی و هر نه کونه
 اولسه جمله سنده مطابق کاوردی مثلا غروش و پاره والتون
 مقابله سنده اولدر هم وضع اولد قدده تمام اولانه برابر اولوب

ناقص اولاده اولمزدی (کاهن سابع) چوق اعمال غریبه
وافعال عجیبه ایجاد ایلدی ذکری موجب اطناب در آخر برکون
غائب اولدی برار وقت پادشاه سز قالدیلر برکون کونش حمل
برجنده ایکن برهوا کلوب اهالی مصره ظاهر اولدی و جمله سینه
خطاب ایدوب بن بردخی کلوب طورم و سیزه پادشاه فلان کسینه
اولور دیوب غائب اولدی و دارالملک مصر ابتدا فسطاط درکه
اون ایکی میل اوزره بنا اولمشیدی بعده اسکندر اسکندریه بی بنا
ایدوب خلعت رغبتی زیاده اولمغله دارالملک اولدی تازمان
سعادت اقتران اسلامده عمرو بن العاص رضی الله عنه حضرت تلی
فتح ایلد کده ینه فسطاطی دارالملک ایلدی الی یومنا هذا کرسی
مملکت تلی اولدی مصر دیکلمه مشهور اولمشد و بو کهنه دن صکره
دیار مصره امم مختلفه حکم ایدوب بعده قبطیلر غلبه ایدوب قبط
حکومتنده زمان اسلامده دلقالدی صکره قبطیلر قبول جزیه
ایله اهل ذمت اولوب حکومت اسلام النده قالدی و علماسندن
علم هیئتده و هندسه ده ماهر ثبوت الاسکندرانی صاحب
کتاب الافلاک و کتاب القانون و بری دخی روم درکه صناعت
کییاده کتب جلیله تصنیفاتی وارد و اسکندریه دن ظهور
ایدن فلاسفه دن بری افقیلاوس درکه جمله سنک رئیسیدر زیرا
جالینوسک جمله کتابلرین اختصار و انتخاب ایلدی و بری دخی
والیش درکه علم طبده ماهر ایدی نجومده کتاب مدخل و طبده
کتاب موالید انکدر و بونلردن ماعدا کرچه چوق علما و حکما
ظهور ایتمشدر ~~که~~ اسکندریه و صغیرده مصرده بعض آثار
غریبه لری وسعت علملرینه دایلدراکن اخبار و سیرت لری مضبوط

دکادر (اهالی مغرب که) بین العوام فاس و لایتیدر و ملوکا کرسینه
دخی فاس پادشاهی دیرلر بونلر دخی امم کثیره در و اسانلری
عربیدر و اکثرینک اصلی دخی عربدر بنی امیه وقتنده بعض
فتح اولنوب اهل اسلام تصرفنه کیرد کده اهالیسی قبول اسلام
ایله شرفیاب اولدیلر و اصلنده نصرانیت اوزره ایدیلر و فرنک
طائفه سی ایله اختلاط لری زیاده اولمغله جمیع آیینلری فرنک
اسلوبی اوزره ایدی بعده مصرده دولت فاطمین ظهور
ایتد کده عسکر اسلام استیلا ایدوب اول و لایتلر بالکلیه داخل
قبضه اسلام اولدی و قدما و حکامدن چوق کسینه ظهور ایدوب
نیرنجیات و خواص حروف و نجومات و نجوم و تقاویم و زیجات
مثالو علوم غریبه بینلرنده شیوع بولمش ایدی و اسلامده
دخی بو علملره رغبت ایلدیلر و علماء اسلامیه نک رغبت ایدنلری
نیچه دقایق و حقایقنه و اصل اولوب اول علملرده مهارت
تحصیل ایلدیلر الی یومنا هذا اولدیارده علوم غریبه نک شهرتی
وارد و اهالی مصر ایله اختلاط لری سببیله مصرده دخی بونلور
و هیئت و جغرافیا ده و علوم طبیعی ده و علم طبده و جراحاقلده
دخی کامل کسینه لر وارد و علماسنک اکثری متصوفه دندر غایتله
صلحا و اتقیاسی و ارباب ریاضیه دن اصغیاسی چوق در و جمله
اهالی مغرب مالکی المذهبدر و علوم شرعیه ده نیچه تصنیفات
و آثار لری وارد و ایادی علماده متد اولدر (و طائفه سودان)
که زنجیدر بونلر دخی بلاد لری مغرب طرفنده واقع اولمشدر
و غایتله چوق طائفه در عددلرینک حد و حصری یوقدر بر قاج
صنفدر (بر صنفنه) تکروری اطلاق اولنور عدد لری ازدر

بوطائفه دین محمدی و شریعت احمدی اوزره دروغایته صلی
 وزهادی چوقدر حرکات و سکنات و افعال واقواللری شرع
 مبین اوزره ثابتلر در و هر سنه حج شریفه کاورلر و لسانلری دخی
 تکروری در واقسام البسه دن احرامدن غیره نسنه بیلزلر
 و بوطائفه نیک پادشاهلری یوقدر همان بر قاج قبیله بککاری واردلر
 انلره اطاعت ایدرلر و علوم و معارفدن بی بهره درلر انجیق احکام
 شرعیه بی تمام ضبط ایدوب عمللری کمالده در و صنایع و حرفدن
 بر نسنه ده مهارتلی یوقدر زراعت و حراثنده طارودن غیره
 نسنه بیلزلر و تعیشلری انکله در و اهل قناعت طائفه در (کتب
 معتبره روایت اولندی که بروقتده کعبه معظمه ده بر تکروری
 کسنه بر احرامه صارلش یا تنده بر عورت و بر صبیحه قز جغرییت
 شریفی طواف ایدوب بعد الا تمام میزاب ذهبک التسنه طوروب
 تکروری لسان الیه بوییتی اوقودی (بیت)

دکد کها بتنده * دیلکها یینده

دیلکمو کوها * ییندیندینده

همان التون اولوق اوزرینه دوشدی اولدخی الوب کتمک استدر کده
 خدمه بیت مکرمه الندن الوب یننه موضعنه وضع ایتدیله اول
 تکروری یننه کلوب اول بیتی اوقودی یننه ساقظ اولدی بواحوالی
 حاکم مکرمه شرفها الله و عظمه هایه اعلام ایلدیله اول بیتی
 اوقیان کسنه یننه کتوروب وافر انعام و احسان ایدوب میزاب
 رحمتی محلمنه وضع ایلدی و لسان تکروری بلور بر کسنه بولوب
 بوییتی عربی به ترجمه ایتدیله (ترجمه سی بودر (بیت)

ملتحف ببردنی من العری * دتتر بهفتی عن الوری

فها انا و ابنتی و زوجتی * یامن یری و لایری کجاری
 (و بر صنفنه) فونجی اطلاق اولنور و بونلر دخی مؤمن و موحد
 مسلمانلر در و مستقلا پادشاهلری واردلر کن زنجیلرک سائر
 اصنافنه قیا سله بونلر ضعیف و نحیف قومدرلر و بلادلری
 بحرین ساحلمنده واقع اولمشدر عینا و بسار اقلعه لرده و شهر لرده
 و قرارلرده ساکنلر در و ابریم قلعه سی که مصر سرحدینک نهایتیدر
 انک یقیننده واردان نام که فونجه سرحدیدر قلعه واردلر بحرینک
 کنارنده واقع اولمشدر اول محلمده دارملکاری قرق مرحدله مقداری
 مسافه دروغایته شملک و آباداندر قطاع طریق و حرامزاده یوق
 بر امین ولایتیدر و بونلرک نهایتنده شملک یوقدر تا منبع نیل
 اولان جبل قره وارنجه اکثر محملری بطاقلق و سازلق اولمغله
 کیدملک ممکن دکدر و مضر حیوانات چوق اولمغله بی آدمک
 کتمک اسکانی یوقدر و منبع نیلی هیچ کسنه کورمشدر و اول
 محملرک کیفیتی معلوم دکدر و فونجیلرک دخی علوم و معارفدن
 بر نسنه ده مهارتلی یوقدر و لسانلری عربیدر لکن فصاحتلی
 اولمیوب یا لکز قوم حبشه ایله اختلاطلی سببیله لسانلری
 عربی و حبشی ایله مزوج بر لسانلر (و بر صنفنی) دخی حبشدر
 بونلر تنصرا ایدوب نصرانیت اوزره درلر و پادشاهلر یننه ملک
 اطلاق ایدرلر قرأ و قصبانده ساکن و تعیشلری طارودن غیره
 نسنه دکدر و بلادلری غایتله حار و لمغله اکثری لباسدن عاری
 اولوب عربیان کز لر قلیل العقل و کثیر الشهوة احق و جاهل
 طائفه در قسیدس و بطریقلی دخی واردلر انجیق بر نسنه بیلزلر
 و علوم و معارفدن خبیر دکدرلر (و بونلر دن ما عدا) نیچه صنفلر

وارد دل کن بلاد لر ای بعد اولمغله اخبار واثار لر استماع اولمغز
ومصره قریب اولمغزینه فور وافتو وپورنودیر لر بر قاج صنفدر
وونلر طرابلوس مغرب وجزایره قریب اولمغله اکثر اسارای
زنج بونلردندر وملوک واکابر خدمتنده اولان طواشیلر
بونلردندر وچله سی ملت وشریعت بلر لر بهایم وش اکل وشراب
وشهوات نفسانیه دن غیر ی برنسنه ده مهارت لر یوقدر
(التذکره الثامنة) امت عرب ذکر نده در معلوم اوله که عرب
ایکی قسم اوزرینه در بر قسمی باید در که جناب خالق الموت
والحیات انلری افنا ایدوب اخبار واثار لر ی مندرس اولمشدر
وانلر برالای امم ضحیم ووجود لر ی جسم ووقوت لر ی عظیم جبار
وعنید طائفه ایدیلر عاد وعود وطمس وجدیس وعمالقه کبی
وونلرک بر قسمی بقیه در که الان قرا وقصه باتده وبادیده
وصحاری وقلواتده اولان عشائر وقبائلدر وونلرک دخی حال لر ی
ایکیدر حال جاهلیت و حال اسلامدر و عربک ام لی ایکیدر بری
عربان وبری قحطان و حال جاهلیتده ملک ریاست قحطانیلرده
اولوب امراء عربان انلره اتباع واطاعت ایدر لر دی وونلریدی
قبیله در حیر وهمدان وکنده وطم وذوی وحنیفه ومزج
وونلرک ملک اعظمی وچله دن ریاستده اقد می حیر بن بنی طواد
ایدی سائر لر ی بونک اتباعیدر وونلرک ادیان دخی مختلفه در قبیله
حیر شمس عبادت ایدر لر دی که قرآن عظیمده بلقیس حیریه
وصف نده هدهد حضرت سلیمان علیه السلامه حکایه اعوذ
بالله (انی وجدتها وقومها یسجدون للشمس من دون الله
آیت کریمه سنده بیان اولمشدر وقبیله لخم نجم مشتری به

وکنده

وکنده قره عبادت ایدر لر دی وقبیله حنیفه و غیر بلر عبادت او ثان
وهر بر لر ینک بر اسم ایله مسمی صملری اولوب عبادت ایدر لر دی
بعد زمان بعضلری یهودیت وبعضلری نصرانیت وبعضلری
عبادت اصنام اوزره قالدیلر این قتیبه روایت ایدر که قبیله ربیع
وغسان نصرانیت و حیری وبنی کانه وبنی الحارث وکنده یهودیت
وتمیم مجوسیت وقریش زندقه اوزره قالدیلر وعبادت او ثان بین
العرب اشکاره ایدی تا که افق هدایتدن شمس اسلام طالع ولامع
اولوب ظلمت کفری شعشعه سیف محمدی روی عالمدن قالدیروب
نیر عالم تاب شریعت احمدی ایله اقطار ارض روشن ومنور اولدی
وبوطائفه عرب ایکی طبقه در بری اهل مدر وبری اهل وبرد راما
اهل مدر که حضریدر قرا وقصه باتده ساکن و معاشلری زراعت
وحراثت وخرما غا جملری وباغ وستان وبیع وشری و تجارت
ایچون سیر و سفر ایدر لر اما اهل و بر صحاری وقلواتده ساکن
ودائم سیر و سفر ایله دور اما کن ده در و معاشلری البان ابل و غنم
ومعز وونلرک لخم و ملرین اکل و صوفلرین و جلود لرین الباس
ایدوب صیف وشتاده شد رحل ایله ایام گذار لر در و بلاد لر ی
جزیره العرب دیمکه معروف در که درت قسمدر حجاز و نجد و تهامه
ویمن اولوب طولاً قرق مرحله و عرضاً الی مرحله مقداری
مسافه در اما یمن و سبأ مملکتلری که قحطان قبیله سی ساکن
اولور لر دی تا که سیل عرم که طوفان صغیر دخی دیر لظهور ایدوب
سد مأرب خراب اولد قده طوفان دن نجات بولنلر اطرافه پراکنده
اولوب اوس و خزرج قبیله لر یکه انصار در ارض حجاز دن یثرب که
مدینه الرسول درانده تمکن ایتدیلر وبنی خزاعه ارض تهامه

و بنو الحارث عمانه و حفته و قضاعه و ربعة شام نواحی سنده
ساکن اولاد یلر و بوطائفه نک کرچه علوم حکمیة و فلسفه ایله
اشتهاری یوقدر امام طالع نجوم اوقاتنه و انوار کواکبه و نزول
امطاره علم و معرفت لری زیاده در تعلم حقایق و تدریس علوم ایله دکل
بلکه اسباب معاشه احتیاج لری اولمغین علی حسب ما در کوا
طول تجربه ایله بیلمش لردر و بوطائفه نک اکثر علم اخبار و سیرده حظ
اوفر لری وارد رزیرا اخبار عرب و احوال عجم طائفه منبوره نک
نقل و اخبار لری ایله مظبوط در و اولاده تجارت ایله ارضه سیر
وسیاحت اکثری عربدن ایدی و بونلر داخل اولدیغی ممالکده
اخبار و احوال و افعال ملوک و امرا و رجالی استطلاعده زیاده
اهتمام ایدر لردی و بوطائفه نک سائر امرا و وزیرنه افتخار و اعتلای
علم و لسان و احکام لغت و نظم و اشعار و نثر و خطبه ایله در و لسان
عربده اولان فصاحت و بلاغت و محسنات لفظیه و سائر لطافت
السنة ناسدن بر لسانده یوقدر عمر نده قرا و قصباته و ارمش اهل
بادیه دن امی اولوب علوم دن خبری اولمیان عربک انشاد ایلدیکی
قصائد لرینک شروحنده علمای فحول نیچه شرح لری ازوب بیان
بلاغتده اظهار عجز ایتمش لردر و زمان جاهلیتده بوطائفه
جاهله دن کن شعرا لایعد و لایحصا در و لکن قدماء شعرا نک
فحوی اون کس نه در که شعراء جاهلیه نک فایده لریدر بری امری
القیس که جمله نک اشعریدر و بری نابغه ذبیانی زیاده بن عمر و در و بری
زهیر بن ابی سلمی در که اوغلی کعب شعراء مخضرمین دندر و بری
اعشی میمون ابن قیس و بری طرفه بن عبد بن سفیان و بری
اوس بن حجر عجمی و بری لید بن ربیعہ العامری و بری عدی بن

زید و بری عبید الابرص و بری بشر الاسدی در که بونلر شرف اسلام
ایله مشرف اوله مدیلر و کتب موقوفه ده ثبوت یافته صحیفه
قبول و صحت در که زمان جاهلیتده موسم مجده اطراف دن عربلر
عرفاته جمع اولوب کرچه مناسک عجمی بلزلردی لکن اوکونه
اعتبار ایدوب هر سنه کلوب بر قاج کون بیع و شر او بر لر لیل
الفت و انسیت ایدوب ینه متفرق اولور لر ایدی و معتاد قدیم اوزره
بر سنه جمع اولد قلزنده شعراء مذکور ه دن یدی شاعر هر و بری
بر قصیده انشاد ایدوب کتور دیلر که بری لید بن ربیعہ العامری
و بری عنتره بن شداد و بری امری القیس و بری طرفه بن عبد
البکری و بری عمرو بن کاثوم و بری حارث بن حنظلہ البشکری
و بری زهیر بن ابی سلمی بن رباح المزنی و بونلردن هر بری کندی
قصیده سنی افصح اولمق ادعا ایدوب و هر بری بر قبیله دن اولمغله
یدی قبیله نک رجالی بر بره جمع اولوب لسان ایله محاوره لری سیف
وسنننن ایله محاوره به مؤدی اولدیغین سائر قبائل اهل ایسی
مشاهده ایلد کده ینلرنده محاکمه ایدوب مقدمات ارا لری
بومعتابی منتج اولدی که جمله سنی فصاحتده و مدارج کماله ارتقاده
علی السواد را حده ما آخر دن ترجیح اولنمز و مناسب اولان
بو قصیده لر باب کعبیه تعلیق اولنه اگر بونلره نظیره سویلر
بونلور سه ای تعلیق و اولدیکی قصیده بی احراق بالنار ایلده لر شعرا
دخی بورائی صواب کوروب هر بر لری قصیده لرینک یاتنه بیکن
دینار قویوب اهلالی مکرمه اشهاد ایلدیلر که هر کیم نظیره
سویلر سه بیکن دیناری آلوب قصیده بی احراق بالنار ایلده بومضوال
اوزره مدت مدیده معلق قالدی بعضیلر یوز سنه و بعضیلر یوز و یوز

سنه قالی دیرلر تا که افق سعادت دن نیر عالم تاب محمدی طالع
ولامع اولوب روی ارض روشن و تابناک اولدقد سورۃ شریفة
(اذا زلزلت الارض) شرفیافته نزول اولدقد شعر استماع ایدوب
کلوب قصیده لرین اندر دیر امری القیسک همشیره سی مکة
مکرمه ده ساکنه ایدی بنم قرنداشمک قصیده سنی نیچون
اندر رسز دید کده شعرا جواب ویردیلر که حضرت محمد علیه
السلامه نازل اولان قرآن عظیم الشان افصح فصاحت وبلغ
بلاغت اوزره اولمغین بعد الیوم بزم قصیده من معلق طور منق
لابق دکادر دیدیلر اولدخی حضرت محمد علیه السلامه نازل
اولان ندر استماع ایده یم دیدی اندر دخی (اذا زلزلت الارض) آیتی
قرائت ایلدیلر بو بنم قرنداشمک شعری در دیوب حاشا بویاتی
اوقودی (نظم)

* اذا اقتربت ساعة بالها * وزلزلت الارض زلزالها *
* تسير الجبال على سرعة * بكر السحاب تری حالها *
* وتنفطر الارض من نفخة * هنالك تخرج ابقالها *
* ترى النفس ماعمت محضرا * ولو ذرة كان مثقالها *
* بحاسبها ملك عادل * قاما عليها وامالها *

نثر) شعر استماع ایلد کده سن مخیر سن تعلیق ایدرسک ایلد دیدیلر
اولدخی قصیدی بنه تعلیق ایلدی حضرت رسول اکرم صلی الله
علیه وسلم استماع ایلد کده قاتل الله امرأ القیس سید الشعرا
وقائدهم الى النار اقد نطق بالوحی قبل ان ينزل یوردیلر بعده
(اعوذ بالله من الشیطان الرجیم وقیل یا ارض ایلعی ماءک ویا سماء
اقلعی وغیض الماء) آیتی نازل اولدقد همشیره امری القیس

کعبه معظمه یه کلوب قصیده بی کندی الیه احراق ایلدی
(التذکرة التاسعة) شعرا عرب دن شرف اسلام الیه مشرف اولانلر
ذکرنده در (معلوم) اوله که جاهلیته واسلامده شعری اولان
شعرا به مخضر مین دیرلردی و جمله سنک عز او شرفا افضل ورتبه
وجاهال کملی شرف صحبت خاتم الانبیاء علیه افضل التحیه
والثناء الیه احراز رتبه فضیلت ایدن ابو عبد الرحمن حسان بن
ثابت بن منذر الخزرجی در که اشعرا هل مدینه در حضرت
عائشه صدیقه رضی الله عنهاروایت یوردرلر که مسجد رسول
الله علیه السلامه منبر اوزره حسان رضی الله عنه اباغ اوزرینه
طوروب مدح رسول الله علیه السلامه قصیده انشاد
ایدرلردی رسول اکرم صلی الله علیه وسلم حضرت قنری سعادتله
یوردرلر که ان الله یؤید حسانا بروح القدس واول وقتده مصر
واسکندریه ملکی مقوقس رسول الله علیه السلامه ایکی جاریه
هدیه اهدا ایلدی که قرقرنداشلر ایدیلر (بری) ماریه (وبری)
شیرین ماریه بی جناب سعادت مابری الو ب شیرینی حضرت
(حسانه) اهدا یوردریلر حضرت ابراهیم ماریه دن اولدیلر
وحسانک اوغلی عبد الرحمن شیریندن اولدی وحسان رضی الله
عنه یوز بکرمی سنه معمر اولدی الشمس سنه جاهلیته و الشمس
سنه اسلامده تعیش یوردریلر و پدیری ثابت وجدی منذر دخی
یوز بکرمی به سنلری بالغ اولشدی و اوغلی عبد الرحمن و انک اوغلی
سعید بونلر دخی شاعر لر ایدی و ابو عقیل (امید) بن ربه
العامری بودخی شعرا مخضر میندندر سبعة معاقه نک بری دخی
بونکدر و بوندن غیر یسی شرف اسلام الیه مشرف اوله مدیلر

قصیده معلقه نک اولی بودر (شعر)

عفت الدیار محلها مقامها * بنی تأید غولها فرجامها
فدافع الریان عری ریحها * خلقا کماضی الوحی سلامها
رزقت من اربع النجوم وصاحبها * ودق الرواعد جودها فرامها
وفد بنی کلاب ایلہ مجلس رسول اللہ کلوب شرف اسلام ایلہ
مشرف اولدی وبعد الاسلام شعرو یلدی حضرت عمر بن
الخطاب رضی اللہ عنہ اشعار کدن انشاد ایلہ استماع ایدہ لم
دید کده خدای ذوالجلال جل عن الشبیه والمثال سورة شریفه
بقمره وآل عمرانی بزه تعلیم ایلد کدنصکره انشاد شعرا یلک لایق
دکادر دیدی (حضرت عمر رضی اللہ عنہ بوکلامدن حظ
ایدوب بشیموز دینار اعطا ایلدی (یونس) نحوی نقل ایدر که
(لید) اسلامده انجق بوییتی سویلدی (بیت)

الحمد لله اذ لم یأتی اجلی * حتی ابدت من الاسلام سر بالاً
(نثر) لید حال جاهلیتده عزیزو حال اسلامده شریف ایدی بین
العرب جلادت وشجاعت وجود و سخاوت ایلہ متعارف ایدی
کوفه ده ساکن اولوب الی ان یموت طشمره کمدی و اوغلاری
بادیده قالدیلر برکون حرارت شمسدن زیاده متضجر اولوب نذر
ایلدی که صبا روزکاری هر نه وقت اسر سه قربان ایلدیوب
اطعام ایدہ مغیره حضرت تلی هر بار صبار روز کاری اسد کده
اعینوا باعقیل علی مرؤته بیوررل ایدی اولدخی اطعام ایدوب
قضاء نذر ایدردی (بو بیت) لطیف انکدر (عریبه)
الا کل شی ما خلا الله باطل * وکل نعیم لا محاله زائل
بویته اعتراض ایدوب جنت بر نعمه تدکره زائل اولمز بومعنا

نیجه صحیح اولور دید کارنده نعم دینا درنعم آخرت مرادم دکادر
دیو جواب ویردی (وابوهریره) رضی اللہ عنہ روایت بیوررلر که
رسول اکرم صلی اللہ علیہ وسلم حضرت تلی اصدق کلمه قالها
لید الا کل شی ما خلا الله باطل بیوررلر دی قرق برسنه سنده
وفات ایلدی سن شریف تلی یوزاللی درده بالغ اولمشدی (کعب)
ابن زهیر المزنی الصحابی شعراء حضرت میندندر اوغلی عبد الرحمن
روایت ایدر که باباسی کعب وعی بحیر نواحی مدینه به قریب
کاد کده واروب ادعاء نبوت ایدن محمدی کوره یم دیوب مدینه به
کادی شرف مجلس رسول اللہ علیہ السلام ایلہ مشرف اولد کده
توفیق یزدانی و هدایت صمدانی اربشوب مستسعد سعادت
ایمان اولوب مدینه منوره ده قالدی قرنداشی کعب خبیر اولد کده
بوییتی بحیره کوندردی (شعر)

الا بلغاعنی بحیرار سالة * فهل لك فيما قلت ويحك هل لك
سقالک بها المأمون کاساروبه * وانهلک المأمون منها وعلک
فقارقت اسباب الهدی واتبعته * علی ای شی ویب غیرک دلک
علی مذهب لم تلف اما ولا اباب * علیه ولم تعرف علیه اخالک
فان انت لم تفعل فلست باسف * ولا قائل اما عثرت اعمالک
(نثر) رسول اکرم حضرت تلی نیک سمع همایونلرینه یتشد کده
کعبن دمنی هدر ایدوب هر کیم کعبی کورر سه قتل ایلسون
بیوررلر قرنداشی بحیر کعبه خبر کوندردی که رسول اکرم
صلی اللہ علیہ وسلم دمکی هدر ایلدی سنکچون جای نجات یوقدر
الا که قبول اسلام ایلہ تشبث ذیل اماندن غیری کعبه بوخبر
واصل اولد کده هدایت صمدانی رسیده اولوب مدح رسول اکرم

صلی الله علیه وسلم * بابت سعادت قلبی الیوم مقبول * متیم
 اثرهالم بقدم مکبول * قصیده سن انشاد ایدوب طوغری مسجد
 رسول الله صلی الله علیه وسلم حضرت تلمیذ کوب داخل اولدی
 اصحاب عظام هاله مثال اطرافن الوب مهتاب جمالندن اقتباس
 انوار ایدر لردی فراستله یلمدیکه صدر نشین مسند نبوت بو ذات
 ستوده صفات در سر نهاده مقام استیمان اولوب الامان یار رسول الله
 دید کده من انت ییوردیلرانا کعب دیدی (حضرت ابابکر رضی
 الله عنه التفات ییوروب بوییتی انشاد ایدنمی یا ابابکر ییوردیلر
 حضرت ابابکر بوییتی او قودیلر

سقالهم المأمون کاسارویه * وانما لك المأمون منها وعلک
 کعب لایار رسول الله بن بویه دیم (سقالهم ابوبکر بکاسارویه
 دیم هـ مان ایاغ اوزرینه قالدی و بابت سعادت قصیده سن
 آخرینه دل انشاد ایدوب شرف اسلام ایله مشرف و سلسله
 صحابه عظامه داخل اولق دو تیلله مستعد اولدی
 (حضرت سید الاسخیا علیه افضل التحية والثناء برده
 شریفترین احسان ییوردیلر بعد زمان معاویه اون ییک درهم
 ویردی برده شریفی استدی یوز ییک درهم ویرم دیدی وفات
 کعبه نصکره اوغلنه اون ایکی ییک درهم ویروب الی الان
 خزینه سلطانیده اولان برده شریف اولدر دیرل العهده علی الراوی
 (التذکره العاشره) زمان سعادت اقتران خلفاء راشدین رضوان
 الله علیهم اجمعین دنصکره اسلام سعادت انجیامدن کلن شعراء
 سخن پرور و بلاغ فصاحت کستر لایعدولا یحصار دیرل
 کله لایترک قله مصداق بقرع شاعر نامدار ثبت صحیف

تذکار قلندی (ابو تمام طائی حبیب بن اوس شاعر مشهور و در
 فصاحت و بلاغت و حیدر زمان و فضیلت و کماله فرید اقران
 اولدیغی تصانیفندن نمایاندر فحول شعراء انام کتابنده شعراء
 جاهلیه و مخضرمین و اسلامیین اشعار لرینی جمع ایلشدر و اشعار
 عربدن محفوظاتی طوق بشردن خارج رتبه سنه بالغ اولمشدر
 قصائد و مقاطیعندن ماعدا یکریمی درت ییک ارجوزه ازیر
 ایلدیکنی طبقات شعراء امام سیوطی ثبت صحیفه توثیق
 ییورمشدر و قبیل طبدن اوج کسینه کلمشدر که هربری فایق
 الاولین و الاخرین در سخاده (خاتم) زهد و تقوا ده (داود طائی)
 شعراء ابو تمام در موصوله ایکیوز او توبرده وفات ایتشدر (ابن
 بسام) ابو الحسن علی بن احمد اعیان شعراء دن و محاسن ظرفادن
 کثیر المزاج و الهجاء در اساتندن امیر و وزیر و وضع و کبیر سالم
 اولمشدر حتی پدرین و قرینداشلرین و اهل بیتنی دخی هجو ایلدی
 او چیوز او توبرا یکیده وفات ایتشدر (ابوالعلاء) احمد بن عبد الله
 بن سلیمان المعری در شعر و انشاده عصر نده و حید و علوم عربیه
 و فنون ادبیه ده وقتنده فرید و بلاغت و فصاحتده فایق الاقران
 وجودت و طلاقته مشار بالبنان و شهرت فضیلتی مستغنی
 عن البیان در اوج یاشنده ایکن جدریدن کوزلری اعمی اولوب اون
 یاشنده ایکن اشعار بلیغه انشاد ایتشدر اعتقاد حکما و زره اولوب
 قدم عالمه ذاهب اولدیغن اکثر مورخین تصیص ایتشدر اما ابن
 عدیم ابو العلامتدین و راعی السنه و صحیح الاعتقاد در بعض اهل
 ملا حده الحادی متضمن شعر لر اختراع ایدوب قصیده الهلاکه
 ابو العلاءیه نسبت ایلدکاری کذب و افترا در (ابوالعلاء) اشعار

صحت عقیده سنده دلیل جلیه در دیو تحقیق ایتمشدر و نصایف غندن
دیوان متنبی شرحی و شرح شعر البختری و شرح شعر ابی تمام
و منظومه سنده سقط الزند و لزوم مالا یلزم و رسائل عیدیه سی
وارد و ابوالعلا نیک قوه حافظه سی اول مرتبه ده ایدیکه بردفعه
استماع ایلدی یکی کلامی حفظ ایدردی قران عظیم الشانی بردفعه
یائنده ختم ایتد کلرنده استماع ایلد کده دفعه حفظ ایلدی نقل
اولنور که بروقت سده معرفه نک جامع کبیرنده برکوشه ده یالکز
او تور مشدی طائفه اکراددن ایکی کسینه جامعک برکوشه سنده
او تور و بکندی اسانلری اوزره اولیه بر قاج کلمات ایدوب کتدیله
براز وقت مرورند نصکره اول ایکی کرد دعوا ایله معرفه قاضی سینه
واروب ادعا ایلدیکه بو کسینه به بشیوز دینار امانت وضع
ایتمشدم حج شریفه کتمشدم شمدی کلام طلب ایدرم دید کده
او کسینه انکار ایلدی شاهد طلب اولند قدما تیان بینه دن عاجز
اولوب امانتی ویرد کده برکسینه بو غدی جامعه ویردم و جامعک
برکوشه سنده براعی دن غیری کسینه حاضر دکل ایدی دید کده
الله اعلم ابوالعلا در دیوب حضور قاضی به دعوت ایدوب کتور دیله
فلان وقتده جامعه ایکی کسینه بر بریه تکلم ایدوب بینلرنده برار
امانت وضع ایلمشله بر عجا خاطر بکزه خطور ایدرمی دیوسوال
ایلدیله برار توقف ایدوب بلی ایکی کسینه بر بریه بو گونه کلمات تکلم
ایلدیله و لکن اسان آخر دن اولغله معناسنی بیلم دیوب کرد
اسانی اوزره کلاملرین سو بلدی و فی الواقع بشیوز التون امانت
اولق اوزره حج شریفدن عود تنده الورم دیمکدر دیو اولسانی بلنلر
خبر ویردیله بو گونه احوالری چوقدر تحریری موجب اطمیناندر

رحمة الله علیه در تیوز فرق طقوزده وفات ایتمشدر (متنبی) احمد
بن الحسین بن مره بن عبد الجبار مسقط رأسی اولان کوفه دن
شامه کلوب انده اولان علمادن فنون عربیه بی اتقان ایدوب
ادبانت اکی اولدی لغت عربیه و نوادر غریبه ده محفوظاتی
بحر البحار و اشعار عرب و ضروب امثالده بحر الایبار ایدی شیخ
ابوعلی فارسی فعلی و زتنده اولان جوعدن سوال اولند قد
علی الفورجلی و ظربی دیو جواب ویردی ابوعلی کتب لغاتی
اوج کیجه صباحه دکن تتبع ایلدم ایکیسندن غیری بولدم
دیور وایت ایلدی (ومتنبی) تسمیه اولند یغنک وجهی بادیه ده
دعوی نبوت ایدوب جهله اعرابدن وافر کسینه تابع اولدی امیر
حص اولان لؤلؤ استماع ایدوب اوزرینه عسکر ارسال ایلدی تابع
اولند وافرین قتل ایلدیوب متنبی بی طوقوب قلعه ده حبس
ایلدی بعده نائب و طاهر اولد قد نصکره اطلاق اولندی
و دیوانه علماء سلف زیاده اعتبار لرندن ناشی مشاهیر علماء شرح
ایلدی (امام) سیوطی فرق عسدر شرحی مطالعه ایتدیکن
طبقات شعراده ذکر ایلدی و متنبی بغداددن شامه کاورکن
صافیه نام موضعده او کمنه قطاع طریق چقوب متنبی فرار مراد
ایلد کده کندی قوی مقلح بوندن فرار ایلد کده خلق ایچنده
نیجه کز رسن که الخیل والایل و البیداء تعرفنی * والحرب والضرب
والقرطاس والقلم * بیتنی سن انشاد ایتدکی دیدی بو کلامدن
منفعل اولوب قتاله مباشرت ایلدی اخر الامر متنبی و اوعلی محمد
و غلامی مقلح قتل اولند یله اوچیوز الی درت رمضان شریفدن
یکرمی یدنبی اثنین کونی ایدی (ابو عباده) ولید بن عبیدم یحیی

البحتری الشاعر اکثر خلفاء واعیان رؤسای مدح ایدوب جوائز
 کثیره آلدی و وافر زمان بغدادده اقامت ایدوب بعده شامه کاوب
 ابوتام ایله هم عصر اولوب انک ایله سنک شعرک نیجه در دیوسوال
 اولند قدده انک جیدی بندن جید در امار دیسندن بنم اعلادر
 دیدی ابوتامک خاسه سنه نظیره خاسه سی وارد دیوانی مدون
 دکل ایدی ابوبکر الصولی حروف تهجی اوزره جمع و ترتیب ایلدی
 ایکی یوز سکان بشده رحلت ایتشد در (جریر) ابن عطیه التمیمی
 الشاعر اسمی حذیفه لقبی خطفی در شعر اه اسلامیه نک تحولندن
 ایدوکی اشعارندن معلومدر والده سی حامله ایکن واقع سنده
 کوردیکه سیاه بوکدن بر جبل طوغوروب و جبل ایبلر اولوب
 اطرافنده اولان آدمک بوغازنه طولاشدی صباح اولد قدده معبره
 تعبیر ایتدردکده براو غلک اولوب شاعر اولور ولسا تندن کسنه
 سالم اولمزدیدی والده سی وضع حمل ایتدکده جریر تسمیه ایلدیکه
 جبل معناسنه درو عند العلماء متفق علیهم در که شعر اه اسلامیه نک
 فایق لری جریر و فرزدق و اخطل درو بونلر عمده الاولین والاخرین در
 و اشعار عرب درت نوعدر فخر و مدح و نسیب و هجاء جریر
 جمله سنده سائر لرینه تقدیم ایتشد و فرزدق ایله عداوت اوزره
 ایدیلر بینلرنده مهاجرات و معارضات اولمغله فرزدق فوت اولدیغی
 خبرین استماع ایلدکده اغایوب بنم دخی اجلم قریبدر زیر
 ایکی کسنه بینده زیاده عداوت و محبت اولسه البتده
 وفاتلری معا اولور دیوب بامر الله تعالی از مدتده یوزاونده رحلت
 ایلدی سنی سه سانه بالغ اولمشدی (ابو فراس) هم امام بن
 غالب الفرزدق الشاعر المشهور التمیمی جریر ایله هم عصر

اولوب مهاجرات و محاوراتلری کتب محاضراتده مذکوردر
 و اکثر علمای ادب جریرک اشعریتنی تسلیم ایدوب فرزدق اوزرینه
 تفضیل ایدر لر غایتله تیز طمع و کثیر المزاج و مریع الجواب ایدی
 جریر بر قصیده سنده مزبوری هجو ایدوب (نظم)
 و کنت اذا حلت بدار قوم یظعنن بخزیه و ترک عارا
 بیتنی انشادا ایتشدی اتفاق اول وقتده فرزدق مدینه منوره یه
 واروب مسافر اولدیغی خانه صاحبه سی عورته دستدر ازلق
 ایدوب عورت امتناع ایتمکله شایع اولدی عمر ابن عبد العزیز
 اول وقتده والی مدینه ایدی امر ایلیوب مدینه دن ننی ایلدی
 فرزدق دوه سنه بنوب شهر دن چقار کن قاتل الله ابن المراه
 یعنی الله تعالی قتل ایلسون بو حاتی مشاهده ایتزدن مقدم خبر
 و بردی دیدی و ملوک امویه دن سلیمان بن عبد الملك زمانده
 بر قصیده انشاد ایدوب بریتنده زنا ایلدیکنی مشعر کلمات اولمغله
 سلیمان فرزدقه خطابا زانی اقرار ایلدک شرعاً حد لازم اولدی
 زبر اخذای ذوالجلال (الزانیة والزانی فاجلدوا کل واحد منهما
 مائة جلدة) یوردی دیدکده فرزدق یا امیر المؤمنین کتاب الالهده
 بزم اوصافر معلوم دکلیدر جناب کبریا بزم اوصافری (والشعراء
 يتبعهم الغاؤون الى قوله وانهم يقولون ما لا يفعلون) یوردی
 بندخی ایتدیکم نسنه بی سویلدم دیدی سلیمان تبسم ایدوب وافر
 جائزه ویردی مناقب بحسبه سی محاضرات کابلرنده مذکوردر
 و حضرت علی کرم الله وجهه حضرت تارینک شرف صحبت لر یله
 مشرف اولمشدر و حسن بصری رحمة الله علیه حضرت تار یله
 هم عصر اولمغله بر جنازه ده مصادف اولدیلر حسن بصری

یا امام شمدی ناس بزه بوجنازده خیرالناس ایله شمرالناس جمع
اولدی دیرلردیدی حسن بصری است بخیرهم واست بشرهم
دیوب بوکون ایچون نه حاضر ایلدک دیدی فرزدق دخی شهادة
ان لا اله الا الله منذستین سنة دیدی وفاتندن صکره واقعه ده
کور دیرلر بک سکا نه معامله ایلدی دیدکده برجنازده ده
حسن بصری بوکون ایچون نه حاضر ایلدک دیو سوال ایلدی
بندخی شهادة ان لا اله الا الله دیدم بوسبب مغفرت اولدی دیدی
ان الله يغفر الذنوب جميعا انه هو الغفور الرحيم (ابونواس) ابوعلی
الحسن بن هانی عبد الاول شاعر مشهور در بصره ده تولد ایدوب
کوفه ده نشو و نما بولدی بعده بغدادده تمکن ایلدی صبی ایکن
پدری قوت اولوب والده سی بر عطاره ویردی ابواسامه که اول
عصرک ادب اسندن ایدی عطارک دکاتندن بعض نسنه آلق ایچون
بر قاج دفعه واروب اوضاع و اطوارندن نجات ملاحظه ایتمکین
کیک اوغلی سن دیو سوال ایلدی اغنانی ادبی عن نسبی دیو جواب
ویردی ابواسامه دخی سنده قابلیت ملاحظه اولنور بئله اول
سکا علم اوکر دهیم بونده ضایع اولورسک دیدکده ابونواس
حیالک الله دیوب همان عطاردن اذن الوب ابواسامه نک
خدمتنده اولوب مدت یسیره ده تحصیل علم ایدوب مشاهیر
شعرادن اولدی اسماعیل نوبخت روایت ایدر که شعرا ده
ابونواسدن واسع العلم و کثیر الحافظه کلمشدر و اشعار عرب اون
قسم اوزرینه در ابونواس اوتنده دخی سائر شعرایه تفوق
ایتمشدر و مناقب عجیبه سی مشهور افاقد در خصوص خلفاء
بنی عباسدن هارون الرشید ایله اولان لطایف لیله کتب محاضرات

مشهورند که واقع اولان اطوار غریبه و افعال بدیغه سی
منحیر عقولدر امام یافعی تاریخنده ذکر ایلشدر و ابن خلدکان
تاریخنده ابونواس جناب کبریا به حسن ظنده انشاد ایلدی
ایسانی ان شاء الله تعالی سبب مغفرتی اولمشدر دیوبویتی ذکر
ایلدی (شعر)

تکرمما استطعت من الخطايا * فانك بالغ ربنا غفورا
سقبصران وردت عليه عفوا * وتلقى سيدا ملکا قدیرا
تعض ندامة کفیک عما * ترکت مخافة النار السرورا
نثر) بعد وفات روایده کوریلوب احوالی سوال اولندقدده الحمد لله
جناب عفو و غفور بوایسانی سبب رحمت و باعث مغفرت ایدوب
لطف ایله معامله ایلدی دیوب بویتی او قودینی بعض کتب
موقوفه ده مسطور در (نظم)

قالت لی النفس اتاك الردی * وانت فی بحر الخطايا مقيم
تردد التقوی ققلت اقصری * ایحمل الزاد لدار الکرم
(نثر) یوز طقسان سکرده بغداد ده وفات ایلدی (ابو
اسمعیل) الحسین بن علی ابن محمد مؤید الدین الطغریابی (ادیب
و نجیب و فاضل و نظم و نثرده کامل و علوم عربیه ده فایق الاقران
و صنعت انشاده مشار بالبنان و لامیه الجهم نام قصیده سی
مشهور و فضیلتیه برها ندر قصیده من پوره بی بغدادده
انشاد ایدوب زمانتدن شکایت ایلشدر و صلاح الدین صفدی
شرح ایدوب فوائد کثیره درج ایتمشدر و طغرا که منشور لک
اوزرینه پادشاهک اسمی هیئت مخصوصه اوزره یازیلور
مشهور در اصلی طره در فارس سیدر که تعریب اولنوب طغرا

دینمشدر سلطان مسعود که قزنداشی محمود عصیان ایدوب
 بحاربه ایلد کارنده مسعود که وزیر علم و فضلنه حسد اخلاص
 دیوشهادت ایدوب قتل ایتدردی ابن اثیر نام تاریخنده ذکر
 ایلدیکه طغرا علم کیمیایه مبتلا اولغله رسائل عدیده تألیف
 ونیچه کسینه نک تضرع اموالنه سبب اولدی والان ارباب
 ابتلا عندنده تصانیف معتبره در که بونلردو مفتاح الرحمة مصابیح
 الحکمة جامع الاسرار تراکیمیب الانوار و کتاب حقایق
 الاستشادات وابن سینا نک شفاده علم کیمیایه اولان مقدماتی
 ابطال ایتمشدر (ابو حفص عمر) بن ابی الحسن علی الشهیر
 بابن الفارض بصره ده تولد ایدوب ینه انده نشو و نما بولدی پدری
 اکابر علمادن وبصره دندرو ابن فارض سرمست رحیق عرفان
 اولان اکابر اولیادن اولدیغنه دیوانده اولان قصیده تائیه سی که
 بدیوز الی بیتدر شاهد مجلیدر جمیع ایسانی ترجمان اسرار
 حقیقت اولوب اصطلاحات صوفیه بی مشتملدر وقصیده
 من بوره بی شیخ سعید فرقانی شرح ایدوب دقایق و حقایق
 ایضاح ایلمشدر و دیوانده اولان قصایداری جمیع اصطلاحات
 صوفیه و اسرار مشایخ اوزره درالتیوز ایکیده مصرده رحلت
 یوردیلر مرقد منوره سی زیارتگاه شیخ و شایدر (ابن بنانه)
 ابونصر عبدالله بن محمد بن بنانه کثرت علم و حدت فهم وجودت
 کلم ایلشاعر مشهور در اطراف بلادی سیر و سیاحت ایدوب
 ملوک و وزرا و اعیان رؤسادن جوائز کثیره الوب محتاجینه انعام
 واعطا ایدردی و اشعاری ممدوح انام و پشندیده خواص
 و عوام درو ابن بنانه کندی ایتمشدر که برکون کندی خانه ملک

دهلیزنده کزردم بر کسینه دق باب ایلدی کیمدر دیدم رجل
 من المشرق دیدی نه استرسک دیدیکمده (نظم)
 ومن لم یتم بالسیف مات بغيره تنوعت الاسباب والموت واحد
 یقتنی سن می انشاد ایلدک دیدی بندخی بلی دیدم سندن بوییتی
 روایت ایده جمعی دیدی ایلد دیدم وینه برکون دق باب اولندی
 کیمدر دیدم رجل من جانب المغرب دیدی نه حاجتک واردیدم
 اولدخی بیت من بوری سنکمدردیوسوال ایدوب بنمدر دیدم سندن
 روایت ایده جمعی دیدی ایلد دیدم بعده فکر ایدوب تعجب ایلدم که
 شرقا و غربا زمان قلیله اشتها بولدم دیو نقل ایلدیکی بعض
 کتب تواریخده مسطور در که در تیوز بشده بغدادده وفات ایلدی
 ابن معتز (ابوالعباس عبدالله بن متوکل بنی العباسدن هاشمی
 النسبدر مرید و ثعلبدن اخذ علوم ایدوب فضائل علومده ادیب
 ونظم و نثرده لیب و تحجیب الادبیه وسید الشعرا اولمشدر
 دماغنده سودای سلطنت اولغله رؤسای عسا کردن بعضلرینک
 معا و نلری ایلد مقتدری خلع ایدوب تختنه جلوس ایلدی برکون
 بر کیمجه هر ورند نصکره عسکرینک اکثری مقتدرک طرفنده
 اولغله ینه مقتدری اجلاس و عبد اللهی اخذ ایدوب قتل ایلدی
 من بولک اشهر مصنفاتدن کتاب الزهر والریاض و کتاب البدیع
 و کتاب مکاتبات اخوان و کتاب الجوارح والصيد و کتاب المرقات
 و کتاب اشعار الملوک و کتاب الادب و طبقات الشعرا ایکیوز
 طعسان التیبه بغدادده قتل اولندی (بهاء الدین) ابوالفضل
 زهیر بن محمد بن علی الکاتب عصرنده اولان علمانک نظم و نثر
 افضل و خلاق و من و نا و ریاستا کلی ایدی سلطان صالح نجم الدین

ابو ابوبکر ندیمی و نصب عیسیٰ اولوب عندندۀ نافذ الحکم اولمغله
 فقر اضعفا و علما و صلحا ناک مصالحی انک بدیلہ احسن وجهله
 وجود پذیر اولدیغندن وضع و شریف دعاسنده اولورلر ایدی
 مصرده التیوزالتیده رحلت ایلدی و بونلردن ماعداشهراء
 اسلامیه دن ظهور ایدن فصحا و باغلا یعد و لایحصا درجه دن
 ذکر اولنسه بر قاج مجلد اولور تبرکا بوقدر ایلہ اکتفا اولندی
 التذکرۃ الحادیۃ عشره احوال عرب بعد الاسلام (معلوم) اوله که
 اول سید الحرمین و رسول الثقلین خاتم الانبیاء والمرسلین
 حضرت تبریکه قدم زن کابن وجود بعثت اولدی قطان و عدناندن
 شمع جمعنه خلق کثیر جمع اولوب نبوتنی تصدیق و جناب کبریای
 توحید ایدوب عبادت اصنام و تعظیم کوا کبدن روگردان
 و شریعت سلامی التزام و حدوث عالم و خرابی و بعث و نشر و جزاء
 اعمال و حساب و میزان و نعيم جنان و عذاب نیران وقوعنه ایمان
 و عبادت و طاعات و صیام و صلوة و حج و زکوة و امر معروف
 و نهی منکر و سائر احکام قرآن ایلہ عمل قبول و علم و شرایع
 و احکامده کامل و تفسیر قرآن و احادیثه فاضل اصحاب کرام
 و فقهای عظام ظهور ایتشد که مناقب و آثار لریله کتب تواریح
 مملود و حضرت رسول اکرم صلی الله علیه و سلم رحلت
 بیورد قلند نصکره خلفاء راشدین حضرت ابی بکر و عمر و عثمان
 و علی رضوان الله علیهم اجمعین زمان خلافت و آوان سعادت لرنده
 شمشعہ تیغ اسلام شرقا و غربا پرتو افروز اولوب حضرت
 ذی النورین زمان خلافت لرنده عراق و خراسان دن دولت فرس
 و شام قدس نواحی سندن دولت روم و مصر دن دولت قبط

مضمحل

مضمحل و اول مملکت لرنور اسلام ایلہ منور اولوب دولت
 اسلامیه شرفیله ملولت عرب شوکت بولدی و اول وقتده اولان
 علما تعلم مسائل دین و استنباط احکام شرع مبین ایلہ تقید
 ایدوب علوم طبیعیه دن انجی علم طبیه رخصت و برلدی اولدخی
 جبیره بندجراحت عصا و طبیب مرضای یوم العرصات
 علیه افضل التحية و اکل الصلوات حضرت تبریکه (عباد الله تداءوا
 فان الله عز وجل لم یضع داء الا لوضع له دواء الا واحد و هو الله و الهرم)
 صدق رسول الله بیورد قلری حدیث شریف لور اولوب
 وزمان همایون سعادت مقرون لرنده حارث بن کادۀ ثقفی که علم
 طبیه ماهر ایدی فارسده و یمنده تعلم ایدوب مدینه منوره ده
 ساکن اولدی وزمان معاویه ده وفات ایلدی و بری دخی ابن ابی
 رومیة التمیمیدر که (حضرت) خاتم الرسل کتف مبارک لرنده
 مهر نبوتی کوروب مرض زعمیلہ یار رسول الله امریکز اولورسه
 معالجه ایدیم دید کده الطیب الله بیوردیلر (بعده) جناب محمول
 الحول و الاحوال و تلك الايام ند اولها بین الناس مصداق نبیه
 دولت امویه مضمحل اولوب یوزاوتوزا یکی سنه سنده نیردوات
 عباسیه افق اقبال دن طالع و لامع اولوب خلیفه ثانی ابو جعفر
 منصور که علم فقه و فلسفه و نجومده کامل ایدی و اربابنه
 رعایت و اکرام و اهل علمه توقیر و احترام ایدردی (بعده) خلیفه
 سابع عبد الله مأمون دخی محب حکما اولمغله اطرافنده حکمتدن
 حصه مند اولنلری دعوت و هر بر لرینه اکرام و عزت و کتب
 فلاسفه به رغبت ایتکله ملک روم عندندۀ صوان الحکمة نام
 کابجانه روم ایلنده اته نام قصبه ده که زمان قدیمده مدینه

الحکما ایدی انده اولان کتب فلاسفه بی ملک رومدن طلبنه
ترغیب ایلدیلر مأمون دخی هدایای جزیه ایلد رومه ایلجی ارسال
وکتب مزبور بی طلب ایلدی ملک روم دخی ارسال ایتکین
عربی به ترجمه ایلکده اهتمام ایدوب ممکن اولدیغی مرتبه
ایتدردی و ناسک دخی رغبتی زیاده اولوب قرأت و تعلیمده جدوسی
ایدوب علوم فلسفه کثرت و بین الناس شهرت بولدی و ابتداء علوم
فلاسفه دن شهرت بولان منطق ایلد نجوم مدر و منطقی ترجمه
ایدن لک اولی عبدالله مقفع خطیب فارسیدر ابو جعفر منصور
کاتبی ایدی ارستطاليسک منطق دن تالیف ایلدی یکی کتب
ثلاثه که فاطا غورث و بادی ارمیناس و اندلوطیغی نام کتابلری
ترجمه ایلدی و فر فر یوس الصورینک ایسا غوجی دیمکه معروف
کتابی قریبه الماخذ عبارة سهله ایلد ترجمه ایلدی و کتاب کایله
و دمنه که هندیدن فارسی به ترجمه اولمشدی ایندخی عربی به ترجمه
ایلدی رساله فی الادب و السیاسة و رساله تمیحه فی الطاعة
السلطان انک تالیفاتندرد و علم نجومده ابتداء دولت عباسیه ده
مشهور اولان محمد بن الفراریدر ابن ادبی نظم العقد نام زیج
کبیرنده نقل ایدر که منصور خلیفه به هنددن بر کتاب
کتور مشرکه حرکات نجوم و اعمال فلکیه بی مشتمل ایدی سند
هند نامیه معروف * منصور ترجمه سنه فراری بی تعیین اولدخی
احسن وجهله ترجمه ایلدی که منجمین اول کتابه سند هند کبیردیر
اول وقتدن زمان مأمونه کالج اول کتاب دستور العمل منجمین
ایدی (بعده) امر مأمون ایلد محمد امین بن موسی الخوارزمی
اختصار ایدوب خلاصه ایلدی و مأمونک علم فلسفه به رعیت

تای اولغله علماء زمانه رصدینا سند امر ایلدی انلردخی نواحی
شامدن مدینه شمسیه ده اکیوزاون درتده رصدینا ایلد کارنده
یحیی بن ابو منصورک عصرنده رئیس المنجمین عبدالله الملك
و عباس بن سعید الجوهری بی تعیین ایدوب زیج جدیدی
استخراج ایلدیلر و ابتدا اسلامده بن اولنان رصد اولدرو یعقوب
ابن اسحق الکندی فیلسوف العرب که ابناء ملوک عربدندر
و اسلامده فیلسوف نامیه مشهور بوندن غیری یوقدر و اکثر
علومده تصنیفات و اردر عدد مصنفاتی خمسینه بالغ اولدیغی
روایت کرده ثقاتدر کتب مشهوره سندن کتاب التوحید که نعم
المذهب ایلد معروف و در و فرق ضاله دن اصلیه قدیمه به ذاهب اولنلری
رده کتابی و اردر و کتاب فی اثبات النبوة * کتاب فی الموسیقی کتاب
فی الادب * و کتاب فی المنطق * و رساله فی تسلیة الاحزان و دخی
احمد بن الطیب السرخسی یعقوب مذکورک تلامیذندندر
منطقده و موسیقی ده تالیفی و اردر (محمد بن زکریا) الرازی طب
و منطق و هندسه و غیر علوم فلسفه ده ماهر و وقتنده علم و فضیلت
ایلد معروف حکیم فیلسوف ایدی ابتداء علم موسیقی تعلم ایدوب
عودتسمیه اولنان سازی تحصیل و اجرای مقامات و اصول نغماتی
تکمیل ایلد کدنصکره علوم فلسفه تعلیمه شروع ایدوب زمان
قلیلده آیدخی تحصیل و اتقان و قواعد فنونی کمالیه اذعان
ایلدی علوم الهیه به چندان التفات ایتیموب علوم طبیعییه به
توغل ایدوب و طب ایلد اشتغال بولوب بیمارستان بغدادده مدت
مدیده رئیس اطباء اولوب علاج مرضایله ایام کذا را ولدی
آخر عمرنده اعظمی اولمشدی اوچیوز بکر میده بغداد ده وفات

ایلدی (ابونصر محمد بن) طرخان فارابی التری حکیم
مشهورا کبرفلاسفه اسلام واعلم فضلاء عالم وفتنه فرید
وعصر نده وحید ایدی فاراب ترکستانده برقریه در آنده ظهور
ایتمشدر اصلی ترک اولغله لسان ترکی اعلا ییلوردی و عرییدن
ماعدالسان عدیده واکثر لغتده دخی کمالی نمایاندی (بعده)
علوم حکمیه به اشتغال و آنده دخی تحصیل کماله نصکره
بغداده کلوب متی بن یونس حکیم مشهور که طلبه به تعلیم فن
منطق ایدردی آنک درسنه حاضر اولوب منطقدن ارستطالیسک
کتابنی اوقودوب کندی شرحنی تلامذه سنه املا ایدردی براز
مدت آنده اقامت بعده حرانه واروب یوحنا که حکیم نصرانی
ایدی آنده دخی فن منطقدن براز تعلیم نصکره ینه بغداده
رجعت وعلوم فلسفه بی قرأت واستخراج وکتب ارستطالیسک
اکثرینه دست رس اولوب قرأت واستخراجده دقت و شب و روز
سعی وطلب و کدوت و تعب برله مدارج عالیه به ارتقا وعصر نده
سرفراز حکما و پیشوای علما و سطوت صیت فضیلتی طنین انداز
سامعه ملا اعلا اولدی علوم فلسفه و غیره تصنیفاتی واردر
واحصاء علومده برکتاب نفیس تصنیفی واردر که مثلی سبقت
ایتمشدر اسمی کتاب فی سیاست المدینه درواکثر تصنیفاتی مسوده
ایدوب بیاض و تدوینه رغبتی یوق ایدی پال اعتقاد و مستغنی
الفوائد و درویش نهاد و لباس فقر اوزی صلحاده من خرافات دنیا به
اعتبار ایتزدی ملوکدن سیف الدوله ناک مجلسنه داخل اولوب
واول کون دخی مجمع علما و افاضل ایدی درویشانه لباس ایله سلام
و بروب و جمله ناک اوزرینه تصدرا ایلدی سیف الدوله خدمتکار لرینه

کندیلر

کندیلر ییننده بر محفی لسان ایله که غیر یلر واقف دکل ایدی اول
لسان معهود ایله خادم لرینه خطاب ایدوب شیخ ترکی سؤادب
ایلدی بوندن بولسان ایله برنسنه سؤال ایده لم جواب ویرمه
قادر اولمزه همان قالد بروب طشره اتیکزدید کده در حال اول
لسان ایله ایها الامیر صبر ایله المرء عند الامتحان یکرم او پنهان
دید کده امیر تعجب ایدوب بولساندن خبر میسر دیدی بلی بوندن
ماعدایتمش مقداری لسان دخی تکلم ایده رم دیوب امیر دخی
تعظیم واکرام و مجلسده اولان علما ایله هر قندن بحث و کلام
واحسن اجوبه ایله جمله بی الزام ایلدی و مجلس متفرق اولوب
رجال خواصدن غیری قالدی شیخ دخی کتمک مراد ایده کده امیر
سزلر توقف ییورک صحبت خاص ایده لم دیو صدر مجلسده اجلاس
و طعام و شراب استحضار یله استخراج ایلدی لاحاجت ایله
جواب و بروب سماع سازه استیذان ایلد کده نعم ایله جواب
و بردی امیرک سازنده و خنیا کر لری براز فصل ایلد کده شیخ عدم
التفات و چندان استماعنه تقید ایتیموب کندی جلبندندن براز
اناج پاره لری چقاروب بر بر لرینه ضم و بر غریب سازید اوسر
اغاز نغمات ایلد کده اهالی مجلسه ضحک عارض اولوب اولقدر
کولدیلر که بخود اولنجه آندن اول آلتی بوزوب اسلوب آخر اوزره
ایدوب چالده جله سی بکا ایدوب اغلشدیلر و ینه بوزوب بر طرز
آخر اوزره چالده جله می خوابه واروب فارابی دخی الاتن
قالد بروب بر کسنه واقف اولمق سزین چقوب کندی خوابدن
قالدده فارا ییدن نشان بولم دیلر سیف الدوله بوکار زیاده محبت
ایدوب اکرام ایلدی بعده شام دارالسلامده اقامت ایدوب اوچیوز

او تیز طقوزده وفات ایلدی سنی سکه سانه بالغ اولمشدی (ابوعلی
حسن بن عبد الله بن سینا حکیم مشهور در پدری بلخند ایدی
اندن رحلت ایدوب بخارا اعمالندن برقریه ده قولدا ایلدی آنده
اولان علمادن تعلم علم ایدوب و تمام ماوراءالنهرده سیر و سیاحت
و علوم و فنونده علم قرآنی قرأت و نحو و صرفده و سائر علومده
تحصیل مهارت و اصول دینده کلام و حساب هندسه و جبر
مقابلینی تعلم و اتقان و منطقدن ایسا غوجی قرأت و دقایق
و تباقی عقل ایلده حل و اذعان و علم هندسه ده مسائل
غوامضنی استخراج و بیان و فنونده فایق الاقران و علم طبیعی
والهی تحصیلنه اشتغال و انلرده دخی کسب کمال ایدوب جمیع
فنونده علماء زمان و حکماء آوانی اوزرینه تفوقی نمایاندر و علم طبعده
نیجه زمان تجربه ایلده علاج مرضایه صرف اوقات ایدن اطباءدن
تعلم طب ایدرلردی جناب مفتاح الابواب باهرت قدرته ابواب
علومی گشاد ایدوب عند العلماء دقت نظره محتاج اولان علوم آنک
عند نده بدیهه مشابه سنده ایدی سنی اون یدی ساله بالغ اولدوره
علامه زمان اولوب جمیع علوم و فنونده حصه مند اولدی
و طبعده مهارتی سببیله نوح بن نصر سامانی به انتساب و اول
وسیلله ایلده خزانه سنده محفوظ اولان کتابلر که لایعین رأی و لا اذن
سمعت مقوله سی ایدی انلره دسترس اولوب اول تقریب ایلده نیجه
زمان علوم غریبه و فنون عجیبه به مالک اولدی و زمان تحصیلده
اصلا کیجه لرده او یومیوب صباحه دك مطالعه ایدردی
اون اوج سنه مستقر یاقوب او یومدم دیمشدر و قن برمسئله ده
شک ایلده هـ مان آبدست الوب مسجدده ایکی رکعت نماز

قیلوب

قیلوب دعا ایدردی جناب **ک**بر یا فتح باب ایدوب مشـ کانی
حل ایدردی و آخر عمر نده جمیع معاصیدن تائب و مستغفر
اولوب ممکن اولدیغی قدر اصحاب حقوقه رد و مظالم و اسخلال
و اوج کونده برختم شریف قرآن عظیم و جمیع اموال فقرایه بذل
و مالکیرین اعتناق و کتابلرین وقف ایدوب بعد الوفات میراثه داخل
اوله جق ترکه سی قالمدی و مخالف شرع شریف اولان اعتقاد
لرندن رجوع ایدوب و تائب و مستغفر اولدیغی بوییتدن دخی
نمایاندر (نظم عرب) نعوذک اللهم من شر فتنه * تطوق من
حلت به عیسه ضنکا * رجعنا الیک الان فاقبل رجوعنا * و قاب
قلوبنا طال اعراضها عنک * فان انت لم تبرعلیل نفوسنا * فی شفی
عمایاها قل لی من یشتئک (نثر) عدد مصنفاتی الشمس **س**ک
اولدیغی مشهور در و رسائل بدیعه سندن رسائل حی بن یقضان
و رسائل سلامان و ایسال و رساله الطیر و قصیده روحیه و کتب
مبسوطه سندن بری کتاب شفا در کونده الی ورق تصنیف ایدوب
ظهر قلبدن یازربرگابه مطالعه ایتزدی و کتاب نجات و اشارات
و قانون و غیر یلدر در تیز یکر می سکزر رمضان شریفده یوم جمعه ده
وفات ایلدی رحمه الله علیه رحمه واسعة (یحیی بن حسین بن امیرک
الملقب شهاب الدین السهروردی الحکیم المقتول علوم فلسفه ده
و حید زمان و فنون **ک**میه ده فریددوران فارغ الفروع
والاصول جامع المعقول و المنقول فصیح اللسان ملیح البیان نظام
و نثرات صانیف اجمیله سی مقبول علماء و مسلم فصحاء در شافعی
المذهب ایدی علوم غریبه ده دخی ماهر و اول فنده افعال
عجیبه سی ظاهر او ایشدی فقه سادن بعض مؤثوق به کسندن لرندن

روایت اولندیکه شهاب الدین سهروردی ایله دمشقدن رفیق
اولدق اثناء طریقه برتر کمان چوبانه راست کلدق برقیون آلت
دیوبزه اون درهم ویردی چوبانه ویردق برقیون الدق برازمسافه
کتدق عقبزدن برتر کمان دخی کلوب اول قیونک قیمتی پکرمی
درهم دراون درهم دخی ویردق یا خودا چقه بی الوب قیونی ویردق دیو
ابرام ایلدی برلره سز کیدق بن جواب ویره یم دیوب اول توقف
ایلدی وتر کمان ایله مکالمه به باشلدی براز کیدوب انلره نظر ایلدق
تر کمان شهاب الدینک الندن طو قوب چکدی همان الی قوپدی
صانوب تر کمان الندن براغوب فرار ایلدی اولدخی یردن برشی
قالد یروب انه الی ویانمزه کلدی کوردق النده برمندیل وار
تر کمانک فرارندن سؤال ایلدق قولم قوپدی صانوب خوفندن فرار
ایلدی دیدی و بونک امثالی نیچه امر غریب صدورینی نقل ایدر لر
ومن بورك حقه دروایات مختلفه نقل ایدر لر بعضی لرباك اعتقاد
وصاف نه اذ زهد و صلاح له اراسته متورع و متقی صاحب ولایت
شیخ پرکرامت ایدی دیر لر بعضی لرا اعتقادنده اختلال و قدم
عالمه ذاهب ایدی دیونسبت زندقه ایلدیلر اول سبیدن حلیده
ملت صلاح الدین حبس ایدوب برازمدتد نصکره خفیه قتل
ایلدیلر و فاتی بشیوز سکسان یدیده واقع اولدی سنی اونوز سکزه
بالغ اولمشدی کتاب تفتیحات و اصول فقهیدن تلویحات و غیر ذلك
تصنیفاتند در * و علوم فلسفه ده بعضنده ماهر اولنلردن نجوم
و هیئت و هندسه کبی (احمد بن عبدالله) بغدادی زمان
مأمونده کلدی و بونک اوج زیجی واردر بر نی هندسه مذهبی
ارزره ایکنی ممکن نامیه مشهور در اوچنی زیج صغیر در و علم

اسطرلابده لطیف رساله سی واردر (احمد بن) محمد الفرقانی بودخی
زمان مأمونده اولان منجمیندر علم هندسه و هیئت نجومده
کامل ایدی نجومده کتاب مدخل و کتاب جامع که مجسطیده اولان
مسائل اعذب الفاظ و الطف عبارات ایله بیان اولمشدر (وعمر بن
فرجان الطبری بودخی عهد مأمونده اولان منجمیندر و امر
مأمون ایله کتب کثیره ترجمه ایلشدر و نجومده و سایر علومده
تصنیفی واردر (وابو معشر) جعفر بن محمد البلیخی عصر نده اعلم
احکام نجومدر سیر سفر و اخبار عجمده دخی اعلم عهدی ایدی علم
نجومده تصنیفات جلیله سی واردر کتاب الطبایع کتاب الالوف
کتاب مدخل الکبر کتاب القرائات کتاب الدول و الملل کتاب
الملاحم کتاب الاقالیم کتاب السلاح کتاب المثالات فی المواید
وزیج صغیر و بونلردن ماعدانیچه رسائل و کتب تصنیفاتی واردر
(التذکره الثانیة عشرة) لسان شریف عربیه نکه معنای
منیفی و نکت و مزایا سنی بلکه لازم اولان قرآن کریم و فرقان
عظیم دن استنباط اولنان علوم ذکر نده در (معلوم اوله که طائفة
عربکه اوساط امم و فصاحت و بلاغته اعلم و خلقا و خلقا اشرف
بنی آدمدر که بادی ایجاد عالم و باعث خلقت آدم سید الحرمین
و رسول الثقلین خاتم الانبیاء و سید الاصفیاء حبیب خدا شفیع
روز جزاء که سوار میدان (سبحان الذی اسرا) طوطی شکرستان
ان هو الاوحی یوحی حضرت محمد مصطفی علیه افضل التحیه
والثناء جناب سعادتآملری اول طائفة جلیله دن اولوب و کلام
قدیم سبحانی * و فرقان کریم تنزیل اسمانی * بواغت شریفه عظیمه
الشان و بواسان لطیف بلاغت عنوان اوزره شرفیافته نزول

اولی بوطائفه نک افسر شانلین همسر کهکشان ایتش در
 وارباب البابه خفی دکادر که احکام شرعیة احمدیه و مسائل دینیة
 محمدیه دن کلام شریف ربانی و معنای قرآن عظیم الشانی اتقان
 و اسرار و خبایاسنی علی ما هو علیه اذعان مستغنی عن البیاندر
 پس حکمت الهیة اقتضای سبیل نظم کریم و فرقان عظیم دن استنباط
 مسائل دینیة و استخراج احکام شرعیة ایچون علوم
 و فنون ادییه اذهان علما و قلوب فقهایه الهام یزدانی و هدایت
 صمدانی اولوب کلام مجیدی اشاعه و تبیین ایلاد یلر که بونعم
 جلیله دن حاضرین و غائبین و کندیلر دن صکره کاندلرخ بیهرمند
 اوله لر و غواص بحار علوم اولان علماء کرام کثرهم الله تعالی
 الی یوم القیام حضرتانی کهر باش کنجینه روایت اولمشدر که
 علم تفسیر کائناتی بکرمی درت علمک تحصیله موقوف اولدیغی
 علماء مفسرین عندنده قرین امضاء قبولدر و حضرت امام
 شافعی رضی الله عنه مجلس هارون الرشیدده علوم قرآندن التمش
 اوج نوع علم تعداد بیوردقلری رتزدده صحیفه روایتدر و بعض
 علماء عظام اوچیوز التمش الی علم تدوین کتب و رسائل اولوب
 نکاشته صحائف تداول اولدیغن تصویص بیورده شلردر و امام
 سیوطی رحمة الله علیه عدد علوم کنجایش پذیر اوراق احصا
 دکادر دیو تحقیق ایتشدر و اصحاب عقول عندنده مقدمات
 مقرر و مسلمات معتبره دندر که علوم عربیه (اولا) لغت
 عربیه بی (ثانی) الفاظ عربیه بی (ثالثا) حرکات و سکناتی (رابعا)
 معانی به وضع و یا اصطلاح و مجازا و کنایه دلاتنی و سایر
 محسنات معنویه و افطیه سنی بیله که توقف ایدر و بودخی معلوم

اوله که جمیع علوم اصول سبعة به منحصر اولوب اصل جمله علوم
 اولدیغی مجمع علیه در زیر اشیا و موجوده نک وجودی مراتب
 اربع اوزرینه مرتبه که کتابت عبارت اذهان و اعیاندر
 بو مراتب اربعدن خارج دکادر و بو اربع نک سابق لاحقنه وسیله
 در که خط الفاظه دلات ایدر و الفاظ اذهانده مرتسم اولان
 موجوده دالدر و اذهانده اولان اعیانده موجوده دالدر
 بو موجوداتده فی الاصل وجود حقیقی الیه متصف اولان وجود
 عینی در و وجود ذهنیه نک حقیقی و مجازی اولدیغی قطعی الثبوتدر
 پس ثلثه اول که کتابت عبارت الفاظدر بونلره تعاق ایدن علومه
 علوم الهیه اطلاق اولنور اما اعیان موجوده به تعلق ایدن علوم
 یا علمی اولور که کندی نفسنک حصولی قصد اولنمیوب غیرک
 حصولی قصد اولنور یا نظری در که فقط تفکک حصولی قصد
 اولنور علم نظریدن هر برنده شریعت غرادن مأخوذ اولدیغی
 حیثیتدن بحث اولنور سه علم شرعی اطلاق اولنور یا فقط
 مقتضای عقل حیثیتندن بحث اولنور سه علم حکمی اطلاق
 اولنور و بوندن اصول سبعة حاصل اولور و بونلرک هر برینک نیچه
 انواعی و انواعنک نیچه فروعاتی وارد در فضلاء مفسریندن بعض
 بکارلر خامه کوهر افشان تعبیرلرندن پیرایه سملک تقریر اولدیغی
 اوزره کلام قدیم ربانینک هر بر کلمه کمت آمیزندن بر علم
 مستنبط اولنوب بر وفق کلمه کلام مجیدیتش بدی ییلک در تبویز
 الی علم نکاشته صحایف تدوین اولدیغی رتزدده روایتدر اول
 کهر باش کنجینه تحقیق حضرت امام غزالی علیه رحمة الباری
 صحیفه صفحه روایت بور سه نقش طراز تقریر اولمشدر که انواع

علومدن نیجه علم وارد در که جناب ملک علام آنی ملائکه کرامه
اعطا ایدوب ونوع بشردن اخفا ایشدر ونیجه علوم دخی
انبیای عظام علیهم السلامه اعطا ایدوب سائر افراد نامدن
سترا ایشدر ونیجه علوم دخی اذهان علما تصور ایدوب تدوین
اولشمش وبعض علومک کتابری ضایع اولغله اثناری مندرس
اولمشدر العلم عند الله الملك العلام وهو العليم الحکیم (تنبيه)
ارباب البابه خفی و پوشیده دکادر که کلام قدیم ربانی وفرقان
عظیم تنزیل اسمانی جناب شارع اعظم خاتم الانبیاء و افضل بنی
آدم حبیب خدا شفیع روز جزا حضرت ابی القاسم محمد مصطفی
علیه اکمل التحیه والثناء حضرت تلمیذک بالذات لسان شریف
بدیع البیان لرندن استماع واخذ اولنوب مصحفده جمع وتدوین
اولمشدر که صحابه عظام وبرره کرام رضوان الله علیهم
اجمعین قراء تلمیدر وانلردندخی تابعین رحمة الله علیهم اجمعین
قراءت وتعلم واخذ وروایت ایشلردر وانلردندخی قراء سبعه که
مشایخ قراءه راخذ وروایت ایشلردر وعند الائمة الکرام
وعلماء مورخین عظام متفق علیه در که ابتدا قرآن عظیم الشانی
لسان بدیع نبویدن بلا واسطه استماع وتعلم ایدن حضرت
عبدالله بن ابی قحافه عثمان بن عامر بن کعب بن سعید بن تمیم
ابن مره بن کعب بن لوی بن غالب بن فهر بعده صاحب رسول
الله و خلیفه الحق امام ابو بکر الصدیق حضرت تلمیدر وابتدا
قرآن کریم مصحفده جمع ایدن انلردر ابو الفدا اسمعیل بن کثیر
وامام ابو الحسن الاشعری قوثیق بیوردشدر که ابتدا حافظ قرآن
عظیم الشان انلردن علما ورتبا و عزرا و شرفا افضل الصحابه در

سید انبیا و شفیع روز جزا علیه افضل التحیه والثناء ما طلعت الشمس
ولا غربت علی احد بعد النبیین والمرسلین افضل من ابی بکر
بیورمشلردر و صدیق عتیق تسمیه اولندی که انت عتیق
من النار انلرک شاننده وارد اولدی و معراج رسول الله علیه
السلامی بلا توقف تصدیق ایلدکاری اجلدن صدیق دینلدی
وسبقا قیندن اولوب رجالدن شرف اسلام ایلد مشرف اولان
انلردر و حضرت رسول اکرم صلی الله علیه وسلم لم حضر تلمی
مرض رحلتلرنده صلوته استخلاف بیوردیلر و اجماع صحابه
عظام ایلد خلیفه اولدی و ابکی سنه درت آی خلافت ایلدیلر و حین
وفاتلرنده وصیت ایدوب جسد شریف تلمی زوجه بی اسماء بنت
عمیس غسل ایلدی و سایه رسول الله ده حجرة شریفلرنده دفن
ایلدی سن شریف تلمی التمش اوجه بالغ اولمشدی (ایکنجی) حضرت
امیر المؤمنین و امام المتقین الناطق بالصواب عمر بن الخطاب
رضی الله عنه در بونلردخی بالذات جناب رسالتاب مصطفوی بنک
لسان شریف و زبان لطیف لرندن استماع وتعلم بیوردیلر
و ابو العالیة الریاحیدن سنده صحیح ایلد روایت اولندی که قرآن
عظیمی حضرت عمر دن درت دفعه قراءت ایلدم بیوردیلر و صحابه
عظام دن جمع کثیر حضرت عمر دن قرآن عظیم الشان قراءت
روایت ایلدیلر و اول ذات شریف و عنصر اطیفک سیرت فاضله
و خصلت کامله سی مشهور و معروف در فاروق ایلد ملقب اولدیلر که
حق ایلد باطل بینتی فرق بیوردیلر و ابتدا امیر المؤمنین تسمیه
اولنان انلردر ناس خلیفه رسول الله دید کارنده انتم المؤمنون
وانا امیرکم بیوردیلر اول اجلدن امیر المؤمنین دیدیلر اسواقده

لیلا و نه اراد و راید لر دی و دست شریف نرند تازیانه طوقوب سو
ادب اید نلری تأدیب ایلر لر دی و ایتم و ارامل خدمت لرینه
کنند یلری بنفسه سعی ایدر لر دی و ابتداء نامی جمع ایدوب تراویح
قلدیران و جامع لرین قنادیل ایلر ترین ایدن انلر دروزمان سعادت
اقتران خلافت لر نده اولان فتوحات امصار و بلاد لا بعد
ولا یحصا در ولایت شام ابی عبیده ابن الجراح و خالد بن ولید یدیلر
فتح اولندی و بنفسه کند یلری قدس شریفی صلوات فتح یوردیلر
و قادیسیه و مداین و اصفهان و خراسان و سائر بلادی فتح ایلدی
و مصر و اسکندریه و نواحبسی و طرابلس و مغرب و انطاکیه
و نیجه بلاد فتح اولندی و ابتداء هجرت رسول الله صلی الله علیه
و سلمدن تاریخ وضع ایدن انلر درویش سنه متوالیا حجاج شریف
ایلد یلر و مدت خلافتلری اون سنه در مغیره بن شعبه تک فیروز نام
عبیدی علی الغفله یحاقله اوروب اوج کوند نص کره اول
جراحتدن رحلت ییوردیلر سن شریفلری الشمس اوجه بالغ
اولمشدی (اوچنجی) حضرت ذی النورین عثمان بن عفان
رضی الله عنه در که صاحب شریعت غرا علیه التحیة و الثنا
حضرت تارندن شفاها تعلم قرآن عظیم الشان ایلد یلر و عهد رسول
الله صلی الله علیه و سلمده قرآن عظیم الشانی بونلر جمع و ترتیب
ییوردیلر و بونلرک زمان سعادت اقترا نلر نده قرآن کریمه
بین المؤمنین اختلاف واقع اولدی حضرت خدیفة بن الیمانی
رضی الله عنه ارمینیه غزاسندن عود تارنده یا امیر المؤمنین
ناسک احوالنه مطاع اول یهود و نصارانک کتاب ایلر نده کی
اختلافلری کی کتاب الله ده دخی اختلاف ایدر یوردیلر کده اصلنی

استفسار ایلد کده ارمینیه غزاسنده اولان اهل شام و اهل
عراق هر برلری قراءت لر نده آخری تکفیر و قرآن کریمک الفاظنده
دخی بر برلرینه مخالفت ایدر یوردیلر دیو خبر ویردی حضرت
علی کرم الله وجهه و طلحة و زبیر و سائر صحابه عظام رضوان الله
تعالی علیهم اجمعین مشورتلر یلر زید بن ثابت رضی الله عنه
حضرت تارینه امر ایدوب بر مصحف شریف یازد یروب شام و مصر
و عراق و سائر بلاد مسلمینه ارسال ایدوب بونلر مخالف اولنلری
اخر ایدل دیو و الیلرینه امر ل ارسال ایلدی و بین الصحابه
حالم و حبیب الله مشهور و معروف و وفار و مهتابت ایلر معروف
و موصوف ایدیلر حضرت ابابکر و حضرت عمر حین ملاقات لر نده
احترام ایدوب و را بکاملاتی اولد قلر نده اینر لر دی رسول اکرم
صلی الله علیه و سلم حضرت تارینک در صدف عصمت اولان بانوی
حورا پرستار ایکی دختر یا کیزه اخترلرین تزوج ییورد قلر نده
ذی النورین ایلر ملقب اولد یلر و زمان خلافت لر نده افریقیه مغرب
و بلاد شمر قدن نیدسا بور و هرات و فارس و کرمان و سیستان
و طبرستان و جمیع خراسان فتح اولندی و کسرای عجم برز جرد
قتل اولنوب دولت عجم مضمحل اولدی و اون ایکی سنه خلافت
ایدوب باغیر الله ده مظلوما شهید اولد یلر سن شریفلری
سکسان ایکی یه بالغ اولمشدی (دردنجی) اسد الله الغالب
حضرت علی بن ابی طالب بن عبدالمطلب در که نظم کریم و قرآن
عظیمی بالذات خاتم المرسلین نبی امین حضرت تارندن تعلم یوروب
حافظ قرآن اولد یلر و صاحب سر رسول الله صلی الله علیه و سلم
اولوب عالم علم لدنی اولد قلری مجمع علیه درویدی یا شنده شرف

اسلام ايله مشرف اولد يلد فصيح اللسان مليح البيان شجاعت
وجلالتده بي اقران ومنقاب جليله سي دللرده داسه تاندر علم
وفضل وكمالي قابل بيان دكلدر زمان خلافتنده اهل بغي و طغيان
ايله محاربه ومقاتله سي مشهور ورافا قدر رمضان شريفده صباح
نمازده شروع يور مشرايدى عبدالرحمن بن ملجم ملعون زهر ناك
خنجر ايله اوروب اول جراحتدن شهيد ارحمت يه. وورد يلد مدت
خلافتلى درت سنه طقوز آي دروسن شريفلى التمش اوجه
بالغ اولمشدى رضى الله عنه (بشني) ابى ابن كعب رضى الله عنه
حضرت تليدركه بالذات جناب سعادت آباء نبويدن عليه
السلام تعلم نظم ميبين ايدوب وقتنده سيد القراء والمعلمين صحابه
ايد يلد وتابعيندن عبد الله بن عباس بن ابى ربيعه وعبد الله
بن حبيب وابو عبد الرحمن السلمى وابو العالىة الرياحى بوجه تمام
قراءت قرآن عظيم وختم كلام قديم ايلد يلد وروايت اولنديكه
رسول اكرم صلى الله تعالى عليه وسلم اقراهم ابى بن كعب
يورد يلد زمان وفاتلرنده اختلاف كشيده وارد بر بعضيلرون بشده
بعضيلرون قوز اوچده ديرلر مدینه منوره ده بقیع شريفده دفن
اولندي (التبني) زيد بن ثابت الانصاري الخزرجي در حضرت
رسول الله صلى الله عليه وسلم حضرت تليدركه كاتب وامين وحي
ايد يلد عهد رسول الله انصاردن مصحف شريف جمع ايدن
بونلدر رسول اكرم ونبي محترم صلى الله عليه وسلم
حضرت تليدركه قرآن عظيمي تمام قراءت ايله عرض ايلدى وصحابه
عظامدن ابو هريره وابن عباس حضرت تليدركه دخی بوندن تعلم
قرآن ايلد يلد وتابعيندن ابو العالىة وابو عبد الرحمن دخی تعلم

ايلد يلد (يدني عبد الله) بن مسعود رضى الله عنه حضرت تليدركه
سباقيندن واهل بدر دندر حضرت عمر دن اول شرف اسلام ايله
مشرف اولد يلد وصحابه كرام وعلماى عظامك بكار دندر
ولسان بديع البيان نبويدن انشاء قرآن عظيم الشان ايدن انلدر
وزبان شكر افشان نبويدن تمش سورة حفظ ايلدم ديويورد يلد
ودائما سلطان عالم واشرف بنى آدم صلى الله عليه وسلم
حضرت تليدركه درگاه سعادت پناهلرينه ملازم اولوب نعلين
شريفلى ومسواك مطهره لرین حفظ ايدوب دامن چين
خدمت عليه لى اولمغله باب سعادت انتساب نبويدن بران
منفك اولمزدى ومحرم اسرار سيدالابرار عليه افضل صلوات الله
الملك الساترايدى وصحابه عظام علم دينده بر كس نه بي انك
اوزرينه تفضيل ايتمزدى ونظم ميبين وقرآن كرمك تجويد
وتحقيق وتريلنده امام عصرى اولوب احسن صوته قرأنى
قراءت ايدردى عاصم وحزه وكسافى واعمش قراءتلى ابن
مسعود حضرت تليدركه منتهى اولور اوتوزايكى سنه سنك آخرنده
مدینه منوره ده وفات ايدوب بقیع شريفده دفن اولندي سن
شريفلى التمشي تجاوز ايتمشدر (ابوالدرداء) عويمر بن زيد
الانصاري الخزرجي حكيم الامتدر عهد رسول الله صلى الله
عليه وسلم دن قرآن عظيمي حفظ ايله جمع ايدنلر كبرى دخی بونلدر
وحضرت عمر رضى الله عنه دمشق فتح يورد قلرنده ابوالدرداء
حضرت تليدركه قاضى نصب ايلدى ابتدا قاضى اولان اولدر سيبيويه
احمد بن عبد العزيز روايت ايلديكه ابوالدرداء حضرت تليدركه
دمشقك جامع كبيرنده صلوة صبحي ادا ايدوب محرابده اوتوررلر

ناس دخی تعلم قرآن کریم ایچون جمع اولورلردی وهر اون عدد
 کسنه یه بر عرف تعیین ایتشدی انلردخی تعلم ایدر ابوالدرداء
 حضرت تلری استماع ییورلر ایدی ا کر عرفلردن بریسی غلط
 اتسه کندیلری تعلیم ایدرلردی ابن عامر که عرف ایدی روایت
 ایدر که جامع دمشقده مجلس ابوالدرداء رضی الله عنده بیک
 التیوز کسنه تعلیم قرآن ایدردی هجرتک اوتوز ایکنی
 سنه سنده شامده وفات ایلدی قلعه تک داخلنده مدفوندر
 (طقوزنجی) ابوموسی الاشعری عبد الله بن قیس بن سلیم
 الاشعری الیمانی در یندن هجرت ایدوب رسول الله صلی الله علیه
 وسلم حضرت تلرینه فتح خیبرده ملاقی اولدی قرآن عظیمی قرات
 وحفظ ایدوب رسول الله صلی الله علیه وسلم حضرت تلرینه تمام
 عرض ایلدی یلر نجیاه صحابه عظامدندر وفاتله احسن صوته
 مالت ایدی رسول الله صلی الله علیه وسلم استماع ییوردقلرنده
 (لقد اوتیت یا هذا من مارامن من امیر داود) ییوردیلر و زیید
 وعدنان قبیله لرینه عامل کوندردی و حضرت عمر رضی
 الله عنک زمان سعادت تلرنده اصفهان فی فتح ایلدی و کوفه یه
 وبصره یه امیر کوندردی هجرتک قرق در دخی سنه سنده رحلت
 ییوردیلر رضی الله تعالی عنهم اجمعین وبالذات جناب رسالتاب
 نبوی حضرت تلرندن بلا واسطه شفاها تعلم قرآن مبین ایدن
 صحابه عظامدر که ثبت صحیفه تحریر قلندی و بومذکور اولان
 صحابه عظامدن تعلم ایدن اصحاب کرام اکثر من ان یحصار
 مشاهیرندن بر قاجی تمنا یز که هم نسکاشته اوراق تذکار قلندی
 اوجله دن بری (عبد الله) بن عباس بن عبد المطلب بن هاشم

ابو العباس الهاشمی ابن عم النبی علیه السلام بحجرات التفسیر و خیر
 الامتدر که زمان سعادت تلرنده وجه ارضده انلردن اعلم یوقدی
 قرآن عظیم الشانی حفظ ایدوب ابی بن کعب حضرت تلرینه تمام
 عرض ایلدی و هجرتدن اوج سنه مقدم مکة مکرمه ده قد من
 کاشن وجود اولدی لر رسول اکرم صلی الله علیه وسلم حضرت تلری
 اللهم فقهه فی الدین و علمه التأویل اللهم آتہ الحکمة و علمه
 الحکمة دیودعاء ایلدی لر و ترجان القرآن عبد الله بن عباس
 ییوردیلر و ضحاک بن مزاحم ابن عباس رضی الله عنه
 حضرت تلرندن روایت ایلدی که قرآن کریمی زید بن ثابت قراتی
 اوزره قرات ایدرم الا اون سکر حرقی ابن مسعوددن اخذ ایلدم
 ییوردیلر و بونلرک حقننده وارد اولان احادیث و اخبار ییوددر
 اوصاف جمیله سی مستقل بر کتاب اولور هجرتک التمش سکر زنجی
 سنه سنده طائفده وفات ایلدی (و بری دخی) ابوهریره رضی الله
 عنهدر که بکار صحابه عظامدر اسم سامی و نام کرامیلری
 عبد الرحمن در حال جاهلیتده عبد الشمس ایدی هجرتک ایدی
 سنه سنده والده سی و کندیلری شرف اسلام ایلده مشرف اولدی لر
 و ابی بن کعب حضرت تلرندن تعلم قرآن عظیم ایلدی لر ابو جعفر
 و نافع قراتلری ابوهریره رضی الله عنه حضرت تلرینه منتهی
 اولور فضائل شریفلری مشهور و متواتر در کججه بی اوج قسم
 ایدوب برنده تلاوت قرآن عظیم و برنده تذکر احادیث نبویه
 و برنده استراحت ایدردی هجرتک الی سکر زنجی سنه سنده
 رحلت ییوردیلر سن شریفلری یتیم سکره بالغ اولمشدی
 (و بری دخی) عبد الله بن سائب رضی الله عنه حضرت تلریدر

ابی بن کعب و عمر بن الخطاب رضی الله عنهما حضرت تلمذند
تعلیم ایلدی قاری اهل مکه در مجاهدین روایت اولندی که
بر لرئاس اوزرینه افتخار ایدر ز قارئز (عبدالله) بن سائب
(ومؤذنز) ابی محمد و دو قاضی بن عبد الله بن معمر ایلدی رلر ایدی
صحابه عظامدن قراءت تعلیمله مشهور اولان بونلر در که
علی وجه الاختصار ذکر اولندی (التذکره الثالثة عشرة)
تابعین کرام رضوان الله تعالی علیهم اجمعین دن قراءت و تعلیم ایلدی
مشهور اولان قراءت ذکر کنده در (معلوم) اوله که علماء
تابعین رحمهم الله تعالی اجمعین حضرت تری بش فرقه اولوب
(فرقه اولی) علمای تابعیندن مدینه منوره شرفها الله تعالی ده
اولان قرالدر که اوجله دن بری سعید بن المسیب الخزومی و سید
بکار تابعیندن عبد الله بن عباس و ابوهریره رضی الله عنهما دن
تعلیم ایلدی و حضرت عمر و حضرت عثمان رضی الله عنهما
حضرت تلمذند دن دخی روایت و قراءت قرآن ایلدی در هجرتک
طقسان در دنده وفات ایلدی سن شریفی یتش طقوزه بالغ
اولمشدی و بری دخی عمر بن عبد العزیز بن مروان الحکم ابو حفص
الاموی امیر المؤمنین در که خلفا بنی امیه فک آب روییدر مدینه
منوره ده تعلیم قرآن عظیم ایدردی و احسن صوته مالک اولوب
تلاوت قرآن عظیم ایلد کده ناس مجتمع اولوب استماع ایدر لر دی
زهد و تقوا سی مشهور در حضرت عمر رضی الله عنده نصکره
عدالت ایلدی مشهور اولان بونلر در روایت اولندی که زمان
خلافت عمر بن عبد العزیز بر چوبان قیونلرین ری ایدر کن
قیونه قورت هجوم ایلدی چوبان آفی کورد کده اغلیوب امیر

المؤمنین یا وفات ایلدی یا خود عزل اولندی دیدی ندن بلدل دیو
سؤال اولندی عمر بن عبد العزیز خلیفه اوله لی عندالتی سببیه
قورتلر کلوب قیونلر اراسنده کرلر اصلا ضرر قصدا تمز لر دی
شدی سوء قصد ندن یلمد مکه برینه غیری خلیفه اولدی دیدی
فی الواقع اول کون وفات ایلدی سنی او توظف طقوزه بالغ اولمشدی
(بری دخی) سلیمان بن یسار ابو ایوب الهلالی المدنی در حضرت
میمونه رضی الله عنهما نک مولی سیدر بکار تابعیندن قاری
مدینه در یوزیدی سنه سنده وفات ایلدی (بری دخی) عطاء بن
یسار ابو محمد الهلالی المدنی در بودخی میونه رضی الله عنهما
حضرت تلمذند مولی سیدر حضرت عثمان رضی الله عنهما زمان
سعاد تلمذینه یتشدی ابی بن کعب و زید بن ثابت رضی الله
عنهما دن روایت ایدر هجرت نبویه علیه افضل التحیه نک یوزاوج
سنه سنده وفات ایلدی و بری دخی معاویه بن الحارث ابو الحارث
ابو حلیه الانصاری در که قاری المدینه دیمکله معروف ایدی
نافع و ابن سیرین بونلر دن روایت ایدردی الشمس اوچده وفات
ایلدی (بری دخی) عبد الرحمن بن هرمز الاعرج ابو داود مدنی
بکار تابعیندن ابوهریره و ابن عباس رضی الله عنهما دن اخذ
ایلدی نافع بن نعیم بونلر دن روایت ایدردی اسکندر به ده یوزاون
یدیده وفات ایلدی و بری دخی محمد بن مسلم بن عبد الله بن شهاب
الذین مدینه در ائمه حجازک بکار ندن واجله تابعیندن انس
بن مالک رضی الله عنهما حضرت تلمذند اخذ ایلدی مالک بن انس
رضی الله عنهما حضرت تلمذی معمر و اوزاعی و عقیل بن خالد بونلر دن
روایت ایدر لر سور فاره دن استکراه ایدردی و المادخی نسبیان

کتور ردیوا کثری غسل شربتی ایچون حفظی زیاده ایدردیر
ایدی وبری دخی مسلم بن جندب ابو عبد الله الهذلی تابعینک
مشاهیرندن وعالمند ندر عبد الله بن عباس رضی الله عنه
حضرتلرندن اخذ ایلدی و ابوهریره رضی الله عنه حضرتلرندن
روایت ایلدی اهلای زمانی بیننده فصاحت و بلاغته مشهور
و موصوف ایدی مدینه منوره ده یوز او توزه وفات ایلدی
(الفرقة الثانیة) قرآء تابعیندن رضوان الله علیهم اجمعین مکه
مکرمه شرفها الله وعظمه هاده اولان برره کرامدن (عبید بن
عامر) بن قتاده ابو عاصم اللیثی در حضرت عمر بن الخطاب و ابی
بن کعب رضی الله عنهم اذن اخذ ایلدی زمان سعادت اقتران
رسول اکرم صلی الله علیه وسلم ده دنیایه کادی زهد و صلاح ایل
مشهور ایدی یتیمش در تده وفات ایلدی وبری دخی عطاء بن ابی
ریاح ابن اسلمدر احد اعلام قرادر ابوهریره رضی الله عنهدن
اخذ ایلدیوب یتیمش دفعه حج ایلدی و یوز سنه معمر اولدی یوز
اون در تده وفات ایلدی وبری دخی ابو عبد الرحمن طاوس بن
کیساندر اجله اعلام تابعیندن در ابن عباسدن و ابوهریره رضی
الله عنهم اذن اخذ ایلدی و فقهده دخی فقههای جلیل القدر دن
واسع العلم در که مکه مکرمه ده یوزالتیده وفات ایلدی هشام
بن عبد الملك نمازن قلدی واسمی ذکوان اولوب طاوس
لقبی اولق دخی مرویدر وبری دخی مجاهد بن جبیر ابو الحجاج
المکی مشاهیر تابعین وائمة مفسریندن در عبد الله بن السائب
و عبد الله بن عباس رضی الله عنهم اذن اخذ ایلدی
یکرمی دفعه ختم شریف ایدوب اوننی عبد الله بن السائب و اوننی

عبد الله بن عباس حضرت تلبینه عرض ایلدی و هر آیت کریمه تک
قرآءتنی و معنای شریفنی سؤال ایدردی عبد الله بن کثیر و ابو
عمرو قرآءتلبینی بوندن روایت ایدر لریوز اون اوج سنه سنهده باشی
سجده ده ایکن فوت اولدی (بری دخی) عکرمه در ابن عباس
حضرت تلبینک مولا سید را ابوهریره و عبد الله بن عمرو واقفندیسی
ابن عباس حضرتلرندن اخذ ایلدی عهدنده مشاهیر علمادان
ایدی ابن عباس حضرت تلبی رحلت پیور دقلرنده اعتناق
اتمشدی رق بولنش ورقیت اوزره قالمشدی بعده فرزند
سعادتمند لری علی خالد بن یزید در تلبیک دیناره بیع ایلدی
عکرمه خبیر اولدقده علی به کاوب بابا ک حضرت عبد الله
علمنی در تلبیک دیناره بیع ایلدی دید کده علی نادم اولوب دیناری
و یروب اقاله ایلدی و بعده اعتناق ایدوب یوزیدیده مکه مکرمه ده
وفات ایلدی بامر الله تعالی کنیزک شاعر دخی اول کون وفات
ایلدی ناسک افقهی و اشعری وفات ایلدی دید بلر رحمة الله علیه
(فرقة ثالثه) قرآء تابعیندن کوفه ده اولان علمای عظامدر
(برسی) علقمه بن قیس بن عبد الله در عهد رسول الله ده تولد
ایدوب ابن مسعود رضی الله عنهدن اخذ ایلدی و حضرت
علی و عمر و ابی الدرداء رضی الله عنهم دن و حضرت عائشه
رضی الله عنهدن استماع ایلدی زهد و تقوایی ابن مسعود
حضرت تلبینه مشابه ایدی و احسن صوته مالک و قرآءت قرآن
ایلدیکی وقتده ابن مسعود رضی الله عنه اگر زمان رسول الله
اولوب قرآءتک رسول الله علیه السلام استماع ایدیدی مسرور
اولوردی دیدی وبری دخی اسود بن یزید بن قیس ابو عمرو

النخعی الکوفی در امام جلیل عبد الله بن مسعود رضی الله
 عنهم دن اخذ قراءت ایلدی و خلفاء اربعه رضوان الله علیهم
 حضرت تارندن روایت ایلدی و دائما عادت مستمرسی ایدیکه الی
 کیجه ده بر ختم شریف ایدردی و رمضان شریفده ایکی کیجه ده
 بر ختم شریف ایدردی یتیش بش سنه سنه وفات ایلدی رحمة
 الله علیه وبری دخی عبیده بن عمرو الکوفی تابعی الکبیر
 مخضر میندندر شرف اسلام ایلده مشرف اولدیلر لکن مشاهدۀ
 دیدار سیدالابرار ایلده مستعد اوله مدیلر عبد الله بن مسعود رضی
 الله عنهم دن اخذ ایدوب حضرت علی کرم الله وجهه دن روایت
 ایلدی یتیش ایکی سنه سنه رحلت یوردیلر وبری دخی عمرو
 بن شریحیل کوفی که بکار تابعیندن عابد و صالح و متقی ایدی عبد
 الله بن مسعود رضی الله عنه حضرت تارندن اخذ ایدوب حضرت
 عمرو و حضرت علی رضی الله عنهم مادن روایت ایلدی عبد الله بن
 زیاد وقتنده وفات ایدوب قاضی شریح نمازن قیلدی وبری دخی
 ربیع چشم ابوزید الکوفی الثوری اعیان اجله تابعیندن راوی
 حروف قرآن در عبد الله بن مسعود رضی الله عنه حضرت تارندن
 اخذ قراءت ایلدی اخلاق حمیده و اطوار پسندیده سی کماله
 اولمغین ابن مسعود حضرت تری لورال محمد لاجبک یورردی
 هجرتک طقسان سنه سنه وفات ایلدی (بری دخی) ابو عبد
 الرحمن السامی عبد الله بن حمید بن ربیعہ مقری الکوفی در عهد
 رسول الله صلی الله علیه و سلمده دنیا به کادی عثمان بن عفان
 و علی ابن ابی طالب و عبد الله بن مسعود و زید بن ثابت و ابی بن
 کعب رضی الله عنهم دن اخذ قراءت ایلدی و سید اشعبان اهل

الجنة حضرت امام حسن و حسین رضی الله عنهم ابوندن تعلم
 قران عظیم الشان ایلدیلر تابعینک اعلم و اوثق در کتب سته ده
 احادیث تری تخریج اولمشدر یتیش اوچده وفات ایلدی (بری دخی)
 حبش بن حیان ابومطرف الاسدی الکوفی در حضرت عثمان و علی
 و عبد الله بن مسعود رضوان الله علیهم اجمعین حضرت تارندن
 اخذ ایلدی اجله تابعیندن در سکسان ایکیده وفات ایلدی
 (بری دخی) سعید بن جبیر بن هشام الاسدی الکوفی در مقری
 قراء تابعیندن جلیل الشان و امام فائق الاقران در ابن مسعود
 و ابن عباس رضی الله عنهم مادن اخذ ایلدی طقسان سنه سنه
 حجاج ظالم النده مظلوما و شهید اوقات ایلدی (بری دخی) نخعی
 ابراهیم بن یزید بن قیس بن الاسود ابو عمران النخعی الکوفی در
 صالح و زاهد و عالم و عابد امام مشهور اعیان تابعین کرام و مشار
 بالانسان اولان علمای عظامدندر اسود ابن یزید دن و علقمه دن
 قراءت ایلدی و فتح فتح نون و خاه معجمه ایلده یمنده بر قبیلده در هجرتک
 طقسان بشخی سنه سنه وفات ایلدی (بری دخی) شعبی عامر بن
 شراحیل بن عبد الله ابو عمرو و الشعبی الکوفی در که امام جلیل
 الشان و علم و معارفده مشار بالبنان در ابی عبد الرحمن سلمی
 و علقمه دن اخذ ایلدی مناقب جلیله سی و علمی و حفظی
 مشهور و معارفدر یوز بش سنه سنه وفات ایلدی (فرقه رابعه)
 قراء تابعین کرامدن بصره ده اولان علمای عظام کثرهم الله
 تعالی الی یوم القیامدر (بری دخی) ابو العالیه رفیع بن مهران
 الریاحی در اجله علمای عاملین و بکار سادات تابعیندن در رسول
 اکرم صلی الله علیه و سلم حضرت تارندن ایکی سنه صکره اسلامه

کادی و خلف حضرت عمر رضی الله عنه اداى صلوٰۃ ایلدی
 وابی بن کعب وزید بن ثابت وابن عباس رضی الله عنهم مدن اخذ
 قرات ایلدی واعمش وابو عمرو و بوندن قرات قرآن ایلدیلر
 طقسان التي سنه سنه وفات ایلدی (بری دخی) عمران بن تیمم
 ابورجاء العطار البصری در بکارسادات تابعینند در هجرتدن
 اون سنه مقدم دنیا یه کادی مخضر میندند در عهد رسول الله صلی
 الله علیه وسلم مشرف اسلام ایلد مشرف اوله میوب نیردیدار
 نبوتمدار لرندن اقتباس انوار مشاهد دخی ایده مدی ابن عباس
 رضی الله عنهم مدن اخذ وابو موسی الاشعری رضی الله عنهم مدن
 تلقین ایلدی و شرف صحبت ابی کر الصدیق رضی الله عنه
 ایلد مشرف اولدی و حضرت عمر رضی الله عنه حضر لرندن
 روایت حدیث شریف ایلد در یوزبش سنه سنه رحلت
 ایلدی (بری دخی) نصر بن الیثی بکار تابعینند در ابوالاسود مدن
 اخذ ایلدی و مالک بن دینار بوندن حروف روایت ایدر و ابتدا
 قرآن عظیم الشانه نقطه وضع ایدن نصر اولقی اوزره مریدر
 و خسه و عشره وضع ایدن اولدر طقسان سنه سنه وفات ایلدی
 (بری دخی) یحیی بن نعیم ابوسلیمان البصری بکار تابعین و علمای
 کاملین دندر امام بخاری تاریخ منتهی ابد امصحف شریفه نقطه
 وضع ایدن یحیادردیونقل ایلد در عبداللہ ابن عمر وابن عباس
 وابی موسی الاسود رضی الله عنهم مدن اخذ ایلدی طقسانده
 رحلت ایلدی (بری دخی) ابوسعید حسن البصری علمای و عملا
 فرید زمانی و ورعا و صلاحی کانه اوانی در پردری یسار زید بن ثابت
 رضی الله عنه حضر تلرینک مولا سیدر حسن بصری مهاد ایجره

ایکن برقاج دفعه ام المؤمنین حضرت ام سلمه رضی الله عنها
 مبارک الله لہم لاین اغزنه ارضاع ایلدی امامک بوقدر علم و فضل
 و صلاح و تقوایی اندند در دیر لطلاقت لسان و فصاحت زبانی
 کالده ایدی امام شافعی قرآن عظیم الشانی لسان حسن اوزره در
 دیناسه سزادر پیورر لردی اوصاف جمیلہ سی و مناقب
 کثیرہ سی مشهور آفاق در زمان خلافت عمر رضی الله عنه
 وجوده کلوب یوز اون سنه سنه رحلت پیور دیلر (بری دخی)
 ابوبکر محمد بن سیریندر حضرت انس بن مالک رضی الله عنه
 حضر تلرینک سیرین مولا سیدر فرق بینک درهمه کتابته کسیدی
 اولدخی ادا ایلدی حضرت خالد بن ولید نیسا بورده سی ایلدی
 والده سی صفیه حضرت ابی بکر رضی الله عنهم جاریه سی ایدی
 زوجات رسول اللہدن اوچنه خدمت ایلدی و مظهر دعالری
 اولوب بوقدر علم و کماله سبب اولدی فقهائ بصره نک
 مشاهیر نندرو تعبیر رؤیاده کمالی محض موهبه الهیدر حضرت
 انس رضی الله عنه رحلت پیور دقلرنده ابن سیرین غسل ایدوب
 نمازن قیلدیلر و بر خاتون رؤیاسنده کوردیکه ثریا یلدری جوزا
 یلدرنه اولاشور ابن سیرین حضر تلرینه تعبیر ایتدرد کده سجادہ
 ایکی یلدر مشهور در بصره ده دخی حسن ایلد بن مشهورم حسن
 رحمت حق واصل اولدی الله اعلم بز دخی کیده رزیددی فی الواقع
 یوز کوندن صکره اولدخی مر حوم اولدی مولا سی انس وزید
 ابن ثابت وابو هریره رضی الله عنهم مدن اخذ قرات و حضرت
 عائشه رضی الله عنها دن دخی تعلیم ایلدی و یوز اون سنه سنه
 وفات ایلدی (بری دخی) قتاده بن عامر ابوالخطاب السدوسی

البصریدر که امکه اولوب اعماء مادرزاد ایدی بکار تابعین وائمة کاملین دندر حضرت انس بن مالک و ابو العالیه دن اخذ ایلدی کثیر الحافظه و واسع العلم ایدی و علم انساب ده دخی عالم ایدی و غفل بن حنظل السدوسی النسابه ایلده ملاقات ایدی و قوه حافظه سی اولمرتبه ده ایدیکه بر دفعه استماع ایلدی بکنی حفظ ایدردی هجرتک التمشنده دنیایه کلوب یوزیدیده وفات ایلدی (فرقه خامسه) شام دار السلام ده اولان قراء تابعین کرامدن علیهم رحمة الملک العلامدروبری دخی (مغیره شهاب بن عبد الله عمر الخزومی الشامیدر حضرت عثمان رضی الله عنهم دن اخذ روایت ایلدی شامده زمان معاویه ده تعلیم قرآن ایدردی طقسان برده وفات ایلدی (بری دخی) خلیفه بن سعد در حضرت ابی الدرداء رضی الله عنهم دن اخذ ایلدی و دائماً مجلس شریف لرندن منفک اولمزدی و بواءه دین و علمای تابعین رضوان الله تعالی علیهم اجمعین دن ماعدا ضبط قراءتده اتم وزمان لرنده اعلم و طالبین و قارئینه تعلیم قرآن ایلده مشار بالبنان و عهدنده فایق الاقران علمای زمان و قراء کرامدن مدینه منوره ده ابو جعفر ریزید بن قعقاع بعده شیب بن فصاح بعده نافع بن نعيم بن ابی نعيم مکه معظمه ده عبد الله بن کثیر و حمید ابن قیس الاعرج و محمد بن الحنفی کوفه ده یحیی بن اوثاب و عاصم بن النجوم و سلیمان و الاعمش و حمزه و کسائی و بصره ده عبد الله بن اسحق و عیسی بن عمرو ابن العلاء و عاصم بن خجلدی و یغقوب حضرمی و شامده عبد الله بن عامر و عطیه بن قیس هلالی و اسماعیل بن عبد الله المهاجر و شریح بن یزید حضرمی

(التذکره الرابعه عشره) قراء سبعه ذکرنده در (معلوم) اوله که بومذکور و ندر نصکره قراءت و روایت لری موثوق به اولان و اثر لرینه اقتدا و مشهور افاق اولان مشایخ قراء مقتدا ایدی کسنه در (اولکی) نافع بن عبد الرحمن ابن ابی نعيم در جفون بن شعوب لیثی نک مولا سیدر علام قراء سبعه دن اصلی اصفهان دندر امام اهل مدینه دن ایدی انلر قراءت نافع ایلده عمل ایدر لر دی و حضرت امام مالک نافع دن قراءت ایلدی و اهل مغرب بالاتفاق قراءت نافع اختیار ایتشددر علمای دیر لکه فقه مزقه عالم المدینه در و قراءت قراءت قارئ المدینه در و نافع بعد الصحابه طبقه ثالثه ده کلمشدر و جوه قراءت عالم و علماء ماضیه نک مقتدا سیدر و تابعین کرامدن یتش قدر کسنه قراءت قرآن ایتشددر و اهل مدینه دن بکرمی کسنه نافع دن قراءت قرآنی روایت ایتشددر انلر مختاری قالوندر و اهل مصر دن اون بش کسنه روایت ایتشددر انلر مختاری و رشدرو نافع اسوداللون صبیح الوجه حسن الخلق ایدی و تکلم ایلد کارنده اغزندن رایحه مشک کلور دی اصحابندن بریسی یا ابا عبد الله هر کون تطیب ایدر میسر دیکده لوق نه تطیب ایدرم و نه طیبه یقین اولورم لکن عالم رویاده رسول اکرم صلی الله علیه وسلم حضرت لرینک رؤیت دولتیله شرفیاب سعادت اولدم و اغزمه بر قاج آیت کریمه قراءت بیوردیلر اول وقتدنبری بورایحه اغزمدن کتمدی و قالون روایت ایدر که نافع ناسک خلقا اطهری و قراءت احسنی ایدی و زاهد متورع و صاحب جود و سخا ایدی و مدینه منوره ده مسجد رسول الله صلی الله علیه وسلمده یتش سنه مستمرا اداء صلوٰه ایلدی حین

وفا تلزنده ابناء بیتنه وصیت ایلد کارنده اتقوا الله واصالحوا ذات
بینکم واطیعوا الله ورسوله ان کنتم مؤمنین دیوب هجرتک یوز
الشمس طقوزنده رحلت ایلدی رحمة الله علیه (وامام نافعک)
ایکی راویسی وارد (بری ورش) درکه عثمان بن سعید بن
عبدالله مصرید ورش بقی ایلد ملقبدر شیخ القراء المحققین و امام
اهل الاداء المترتیلین وزماننده ریاست قراءت مصر اکا منتهی
اولوب یوزاوندده تولدایدوب اندن مدینه منوره یه کاوب نافعدن
تعلم قرآن وتجوید وترتیلنی کما ینبغی اذعان وتلامیذ نافعک
جمله سندن فایق ووقتنده مشاربالبسان اولدی ورش بقی ایلد
نافع تلقیب ایلدی ورش سندن اولور پشیردر دیمشله و بعضی پشیره
مشابه برنسنه در دیر لر زیاده بیاض اولدیغیچون ورش بقی ایلد
مشهور اولوب اسمیله مذکور دکدر مصرده یوز طقه سان یدیده
وفات ایلدی (بری دخی) قالوندر ابو موسی عیسی ابن مینا
الزرقی مولی بنی زهره وقاری المدینه در امام نافعک ربیبی ایلدی
والده سنی تزوج ایلد کده بیله کلمشدی قالون لقبی ایلد نافع تلقیب
ایلدی جودت قرائتی اولدیغیچون زیر قالون لغت روم اوزره
جیددیمکدر و قالون روایت ایدرکه مجلس قراءت نافعه او توزر
او توزر او توروب تعلم ایدر دک وبر برر قراءت ایدوب استحسان
قراءت وقتنده قالون قالون دیردی اول اجلدن قالون لقبی ایلد
ملقب اولدی و قالون اصلی رومدن اولغله لسان روم اوزره تکلم
ایدردی ایکیوز یکرمیده وفات ایلدی (ثانی قراء سبعه)
عبدالله بن کثیر ابن عمرو بن عبد الله ابو معید المالکی الداری
قراءتده امام اهل مکه در عطار اولدیغی اجلدن داری دیرلر مکه

معظمه ده تولد ایلدی عبد الله بن زبیره و ابی ایوبه و انس بن مالک
حضر تلرینه یتشدی و عبد الله بن السائب دن اخذ روایت ایلدی
وعاوم عربیه ده دخی عالم و طلاق لسان و فصاحت بیان ایلد
معروف وزهد و صلاحله موصوف الی ان یموت مکه مکرمه ده
تعلم قرآن اوزره یوز یکرمیده وفات ایلدی و ابن کثیر دخی
مشهور اولان راویسی ایکیدر (بری قبل) درکه محمد بن
عبد الرحمن بن محمد بن خالد ابو عمرو الخزومی المالکی در قبل لقبی ایلد
ملقبدر حجازده شیخ قرادر و مشاهر علماسندن ایدی ابن کثیر دن
اخذ روایت و تعلم قرآن اتمشدرو وقتنده قراءت اکا منتهی ایدی
واطراف بلاد دن قراءت ایچون طلبه شمع جمعنه مجتمع اولوب صیت
شهرتی افاقی طوتمشدی اخلاق حمیده و سیرت جمیله سی و ارایدی
ایکیوز طقه سان برده رحلت و سنی یتش التي به بالغ اتمشدی
(بری دخی بزی) احمد بن محمد بن عبد الله بن قاسم بن نافع بن ابی بزه
مؤذن مکی کنیتی ابو الحسن بزی دیمکله معروفدر مسجد حرامده
مؤذن ایدی ابو عبد الله بن زیاد و عکرمه بن سلیمان و غیردن اخذ
ایتدی و بزه شدت معناسنه در ایکیوز بشته رحلت ایلدی (ثالث
قراء سبعه) ابو عمرو بن علا و اسمی زبان بن العلابن عمار الامام
السید عمر التمیمی المازنی البصری واحد القراء السبعه در بعضی
اهل فارس دن کارزون نام محمدندر دیدیلر واسمنده اختلاف
ایلدی لر علومکان و جلالت شانی اولغله اسمی سؤال اولغدیغی
اجلدن معین اولدی مکه مکرمه ده و مدینه منوره ده و کوفه
و بصره ده اولان شیوخ کثیره دن اخذ قراءت ایلدی قراء سبعه ده
بوندن فاضل شیخ یوقدر انس بن مالک و حسن بصری و سعد بن

قراءت عاصم پیور دیلر و فاتحه اختلاف اولندی بعضیلر کوفه ده
مدفوندر اما اهوازی سماو ده مدفوندر و سماو ده شامه دیلر یوز
یکرمی طقوزده رحلت اتمشدر و عاصمک دخی راویسی ایکیدر
(بری حفص) بن سلیمان مغیره الاسدی الکوفیدر بر آلوب
صتاردی اول اجلدن بر از دیلر قرائتی عرضا و تلقنا عاصمدن
اخذ ایلدی و عاصمک ابن زوجه سی و ربیبی ایدی بغدادده تعلیم
قرآن ایدوب بر از مدت مکند نصکره مکرمه ده مجاور اولوب
تعلیم قراءت ایدردی قراءت عاصمده جمله دن اعلم ایدی یوز
سکسانده وفات ایلدی (بری دخی) شعبه بن عیاش بن سالم
الکوفیدر امام فاضل و روایتده ثقة و کامل ایدی قرآن کریمی
ختم ایله اوج دفعه عاصمه عرض ایلدی اسمنده اختلاف کثیر
واقع اولمشدر مشهور اولان شعبه در غایتله صالح و متقی و متورع
ایدی ائمه سنتدن اثر وارد اولمین افعالی اشلدی الی سینه فراش
اوزره یا ایدی یوز طقسان در تده وفات ایلدی (سادس قراء
سبعه) حمزه بن حبیب بن عمار بن اسماعیل الکوفی کنیتی
ابو عماره در سکسانده تولد ایدوب صحابه عظامدن اول وقتده
دخی حیاته کسینه و ارایدی حال صغر نده بعض صحابه
عظامی مشاهدۀ شریفیه مشرف اولدیغی مرویدر اعمشدن
و جعفر بن محمد الصادق دن تعلم قرآن ایلدی عاصمده نصکره
امام قرا اولوب تعلیم قرآن ایلدی علم قراءت و فرائض و علوم
عربیه و احادیث شریفه و علوم شرعیه ده امام عصری
عابد و زاهد و متورع و متقی شیخ کامل ایدی امام ابو حنیفه رحمه
الله علیه ایکی شیده سنکله نزاع اولمز بری قراءت بری فرائض

دیلردی و سلفیان ثوری حضرت تلی حمزه ناس اوزرینه فرائض
و قراءتده تفوق اتمشدر پیور لر دی یوز الی سکزده جلوانده وفات
ایدوب انده دفن اولندی و حمزه نک دخی راویسی ایکیدر (بری
خلاد) بن خالد ابو عیسی الصیرفی الکوفیدر قراءتده عالم و محقق
و امام مدقق ایدی کوفه ده جماعت کثیره عرضا و تلقنا قراءت
قرآن ایلدی لایکیوز یکرمیده وفات ایلدی (بری دخی خلف)
بن هشام ابو محمد الرازی البغدادی اون اوج یاشنده حافظ قرآن
مبین اولدی زاهد و عابد و عالم و متقی شیخ القرا و امام الادب عصر نده
فرید و وقتنده و حیدر ایدی ایکیوز طقوز سنه سنده بغدادده وفات
ایلدی (سابع قراء سبعه کسائی) علی بن حمزه بن عبد الله الاسدی
امام قرادر کوفه ده حمزه دن نصکره ریاست قراءت بوکه مخصوص
اولدی و حمزه دن قراءتله درت دفعه ختم قرآن مجید ایلدی
ابوبکر انباری پیور لر دیکه کسائی برقاج علوم جمع ایدوب
جمله سنده فایقدر اولان خوده اعلم ناس و اعراب و لغتده و حید
و قراءتده فرید عصریدر و کسائی تسبیحه اولمشنده اقوال کثیره
وارد لر لکن اصحی بودر که بر کسایه صاریلوب مجلس حمزه ده
قراءت حلقه سنده او تورردی و حمزه بعض تلامذه سنه عرضا
علی صاحب الکسا دیو خطاب ایتمکله کسائی ایله ملقب اولدی
یوز سکسان طقوزده شهر ریده وفات ایلدی و کسائینک دخی
راویسی ایکیدر (بری) حفص بن عمر در ابو عمرک دخی
راویسی در ذکر سیبقت ایلدی (بری دخی) لیث بن خالد
ابو الوارث البغدادی امام القرا و روایتی موقوف به در علوم عربیه ده
فاضل و فنون ادبیه ده کامل کسائی دن اخذ قراءت ایلدی

و حزه دن دخی حروف روایت اتمشد زایکیوز قر قده فوت اولدی
 (التذکره الحامسة عشره) قراء سبعه دن ماعد اقرء تلمی
 مقبول و معتبر اولان قرالرد کرنده در (معلوم اوله که قرای سبعه
 کرام و مشایخ قرای عظام علیهم رحمة الله المملک العلامدن
 ماعد اوج کسسه دخی وارد رک هر برلرینک قراء تلمینه اعتبار
 اولنوب شیوخ اتخاذا اولنشد در و قراء تلمی ایله عمل اولنمغی
 جمهور علمای تجویز ایتشله که مجموعی قراءت عشره در بونلردن
 ماعد ایله شاذ دیرلر معمول و معتبر دکادر و قراءتده شروط
 ثلاثه اعتبار اولنشد در (بری) قوا تر (وبری) مصحف عثمانیده
 ثبوت (وبری) قواعد عربیه ده طابقت و بوشروط بولنمزه
 اول قراءت ایله صلوٰه جائز دکادر و بوقراءت ثلاثه نک (برسی ابو محمد
 یعقوب بن اسحق بن زید بن عبد الله بن ابی اسحق البصری امام
 بصره و معلم قرآن کریم در عامه اهالی بصره انک قراءتقی اخذ
 ایتشله در و اسناد قراءتقی بوسله اوزره در که سلامدن اخذ
 ایلمدی سلام عاصمدن اولدخی ابو عبد الرحمن السلیدن اولدخی
 حضرت علی بن ابی طالب بدن و اولدخی رسول اکرم و نبی محترم صلی
 الله علیه و سلم لم حضرت تلمدن اخذ قراءت ایتشله در و جزیدن
 روایت اولنور که یعقوب قراءتده و نحوه و سایر علومده علمای
 عصری ایدی به ضیل قراءت یعقوبی شاذ عدا ایدوب معمول به
 دکادر دیر اما جزری قراءت یعقوبی شاذ عدا ایتک خطادر زیرا ائمه
 متقدمین قرای سبعه ایله قراءت عشره بیننده فرق یوقدر
 دیمشله در و ابو القاسم هذیلدن روایت اولندیکه عصر نده علوم
 عربیه و ادبیه ده و قرآن کریم و اختلافاتده یعقوب بدن اعلم یوقدر

و صلاح و تقوا ده اورع عصری ایدی روایت اولندیکه یعقوب
 اداء صلوٰتده ایکن دوشندن رداسنی سرقه ایلمدی لر خیر اولمدی
 بعده نه کتوروب قوید یلرد و بعدی ایکیوز بش سنه سنده وفات
 ایلمدی سنی سکسان سکزه بالغ اوامشدی روایت اولندیکه پدری
 وجدی وجدینک پدری سکسان سکزه وفات ایلمدی (بری
 دخی) ابو جعفر یزید بن قعقاع القاری الخزومی المدنی در که
 عبد الله بن عباس الخزومی حضرت تلمینک مولا سید ربکار
 تابعیندن جلیل القدر امام در بعضی یلر اسمی چند ب بن
 فیروز در دیمشله قرآن کریم مولا سی عبد الله بن عباس و عبد الله
 بن عباس و ابو هریره رضی الله عنهم حضرت تلمدن عرضا اخذ
 و انلردن روایت ایتشله در و زید بن ثابت و عبد الله بن عمر رضی الله
 عنهم اذن استماع قرآن ایلمدی جزری روایت ایلمدیکه حال صغر نده
 ام المؤمنین ام سلمه رضی الله عنها حضرت تلمینک کتور دیر
 مبارک الیه باشنه مسح ایدوب خیر برکت ایله دعا ایلمدی لر سلیمان
 بن ابی سلیمان العمریدن روایت اولندیکه رؤیاده ابو جعفری
 کوردم که عیبه نک اوزرینه به طور مشبکا خطاب ایدوب اخوان
 و احبابمه بدن سلام ایله و خبر ویر که خدای متعال جل
 عن الشیبه و المثل بنی شهداء اخیاء مرزوقیندن ایلمدی
 بیوردیلر مدینه منوره ده یوز اووزده وفات ایلمدی (بری دخی)
 ابن هشام ابو محمد البراز البغدادی در قراء سبعه دن جزء نک
 راوی سید زکری سبقت ایلمدی (التذکره السادسة عشره) علم
 قراءتده تصنیف کتاب ایدن علمای عظام ذکر نده در (معلوم)
 اوله که یومذ کوروندن قراءت عشره که هر برلرینک قراءتلمی معتبر

و مسلم علمای عظام در لر رحمة الله عليهم اجمعين و بونلر قراعت
 و روايت لری شرح و بیان و تفصیل و عیان و مخارج حروف
 و قواعد لرین ضبط و اتقان ایلد کده ارباب تصنیف شکر الله
 مساعیهم **ک**تب عدیده تألیف و نظم و اثر انیچه رسائل
 تصنیف ایلدیلر و بونلر مقدم و پیشواسی و مشایخ قرايتنده
 جمله نك پسندیده و مقتداسی اولنلر صاحب التیسیر و شاطبی
 و جعبری و جزیدر (شیخ قرادن بری عثمان) بن سعید بن عثمان
 الدوانی ابن الصیرفی دیمکله مشهور شیخ مشایخ القرادر
 اوچیزو زیتمش برده تولد ایدوب سکسان سکزده طلب علمه شروع
 ایدوب مصره کلدی و برسنه اقامتد نصکره حج شریف ایدوب
 اندلسه کتدی براز مدت اقامتد نصکره قرطبه عودت والی
 ان يموت انده توطن ایلدی عصر نده امام قراونظم مبینک روایت
 و قراعت و تفسیر و معانی و اعراب و نکت و من ایا سنده اعلم زمانی
 و علم حدیث و طرق روایت و اسماء رجالده اقدم اوانی و حسن
 خطه مالک و راه زهد و صلاحه سالک و مستجاب الدعوه بر ذات
 ستوده صفات ایدی اشهر مصنفاتی تیسیر و جامع البیان فی قراة
 السبعة و ارجوزه فی رسم المصحف و محکم فی النقط و طبقات القراء
 و الفتن و الملاجم و غیر ذلک مغزیده دانیه نام قصبه ده در تیز قرق
 در تنده وفات ایلدی (امام شاطبی) القاسم بن فیره بن احمد ابو محمد
 الشاطبی امام علامه عصریدر علم قراة نده مشارب البیان و تفسیر
 و حدیث و علوم ادبیه و فنون عربیه ده فایق الاقران و زهد
 صلاحه اراسته و ولایت و کرامتی ظاهر بر عزیز ایدی شاطبه
 اندلس اعمالندن برقریه در انده بشیوزا و توز سکزده تولد ایدوب

کوزلری اعمی ایدی قرآن عظیمی حفظ ایلدوب ابن هذیلدن
 استماع حدیث ایلدی ابو عبد الله بن کتاب سیدویه و کامل
 و ادب الکاتب نام کتابلری قراعت و ائندن اسکندریه به کلوب
 ابوطاهر دن استماع حدیث ایلد کد نصکره مصره کلدی انده
 قاضی فاضل اکرام و احترام ایدوب کندی مدرسه سنه
 قوندردی قراة نده مشهور امامدر و قصیده لامیه و رائیه سن
 انده نظم ایلدی و طالابینه تعلم قرآن عظیم ایدردی الی ان يموت
 مصرده اقامت ایلدی هر جانی معمر و هر فنده کمالی مشهور
 و تصانیفی فضلنه برهاندر رسم مصحف شریفده قصیده
 لامیه سی قراة نده بی مثل و عدیلدر بشیوز طقسانده مصر
 قاهره ده وفات ایلدی مرقد منوره و مشهد معطره سی مشهوردر
 رحمة الله علیه (شیخ سخاوی) علی بن محمد بن عبد الصمد الهمدانی
 السخاوی المقرئ المفسر النحوی اللغوی شافعی المذهب در دمشقده
 شیخ مشایخ القرا ایدی و سخاوی اعمال مصر دن برقریه در
 بشیوزا الی طقوزده تولد ایدوب اسکندریه ده ابوطاهر دن تعلم
 ایلد کد نصکره مصره کلوب ابو القاسم شاطبیدن و ابو الفضل دن
 تعلم ایدوب و ائندن دمشقده کلدی ابو یمن کنیدین نحو و تفسیر و سایر
 علوم عربیه و فنون ادبیه بی تعلم و اتقان و عصر نده مشارب البیان
 اولدی حد ذاتده عالم و فاضل و فنون شتاده کامل زاهد و متورع
 و حسن خلق ایلد اراسته و متواضع و حدة طبع و ذکا ایلد
 موصوف و محاضرات و مباهشاتده اجوبه سر یعه ایلد معروف
 اذ یکاء زمانندن ایدی دمشقک جامع کبیر نده (حضرت یحیی
 ص. لوات الله علی نبینا) و عاییه حضرت تلمیذک مرقد منوره لری

عندئذ قرق سینه مقداری تدریس و تعلیم ایلد اوقا تکذار اولدی
حافظ عبد الله تاریخ اسلامده نقل ایدر که مشایخ قزاقان
بر کس سینه سخاوی قدر اصحابه مالک اولدی و جزیری روایت
ایدر که سخاوی بن تلامذه سی بکرمی بیك مقداری وار ایدی
شهر مصنفاتی شرح قصیده شاطیبه در که فتح الوصیه تسمیه
ایلدی غایتله لطیف شرح در کس مثلی سبقت ایتمه شد
و شاطیبه بنک رانیه قصیده سی شرح ایدوب وسیله تسمیه ایتمه شد
و کتاب المفضل فی شرح المفضل و شرح اخری وارد در که سفر
السحاده و سفر الافاده تسمیه ایتمه شد و شرح الاحاجی النحویة
زمخشیری و کتاب السفیرک حاوی اولدیغی نکات و مناییه نظر
ایدنر مصنفک علوشانی بلورل و کتاب قصاید سبعة فی مدح
خیر البریه و کتاب مفاخره بین دمشق و مصر قاهره و غیر ذلک
السیوز قرق اوچده وفات ایلدی (شیخ جعبری) ابوالحق ابراهیم
بن عمر بن ابراهیم بن خلیل بن ابوالعباس العلامة السیوز قرقده قلعه
جعبرده تولد ایدوب مشایخ قزاقان سبعة و عشره قزاقان و اتقان
ایلد کرده کمره مدینه خلیل الرحمن ده توطن ایلدی حدیث
شریفده فاضل شاطیبه بی شرح ایدوب کنز المعانی تسمیه ایلدی
و رانیه بی شرح ایلدی حقا که ایکسی دخی بی مثل کابلدر علم
قزاقان و عربیه ده کمالی اولین نکات و منایانی استخراجده قادر
اوله من بدیه و زوایا کیده وفات ایلدی (شیخ جزیری) محمد بن
محمد بن محمد بن علی بن یوسف الجزیری کنیتی ابوالخیر در دمشقده
بدیه و زلالی برده تولد ایدوب حافظ قرآن عظیم اولد کرده کمره
مشایخ حدیثدن استماع احادیث نبوی ایدوب محدث

اولد قزاقان کمره مشایخ قزاقان قزاقان سبعة بی تعلیم و اتقان
ایلدوب بعده عازم سفر حجاز و ادای نسک حج ایلد و سرفراز
و مصره ارتحال انده دخی قزاقان عشره ایلد کسب کمال و بعده
دمشقده عودت و ابرقوهی و اصحاب دمیاطیدن استماع احادیث
ایدوب بر از مدت مکشد نصکره سینه عودت و اصول معانی و بیان
اتقان و اندن اسکنندریه به رحلت و انده دخی استماع
احادیث شریفه ایدوب شیخ الاسلام ابوالقداء اسمعیل بن کثیر
افتایه اذن و یردی و نیچه زمان افتایلدوب و مقام تعلیمده
صدر نشین افاده اولوب جماعت کثیره به قزاقان قرآن عظیم
الشان ایلدی بعده شامه قاضی نصب اولندی مدت
بسیره در نصکره عساکر مصریه نک بعض متغلبه سی مصادره
ایدوب اموالی الدیلر اول اجلدن هجرت ایدوب رومه کلدی
و بروسته ده یلدنم بایزید خانه اتساب ایدوب مظهر التفاتی
اولمغله انده اقامت و طلبه علومه سبعة و عشره بی قزاقان
ایتدردی تا وقعه عظیمه تیموری نور ظهورنه دل قالدی صیت
فضیلتی و لوله انداز جهان اولمغله تیموریاته دعوت و زیاده اکرام
و عزت ایدوب ماوراء النهره بله کورتدی و عمر قنده اقامت
ایتدیروب جمع کثیره تعلیم قزاقان ایلدی تیمور وفاتد نصکره اندن
رحلت ایدوب خراسانه کلدی هراتده و شهر یرزده و اصفهانده
برازا قاضی نصکره شیرازه کلدی و الی شیراز پیر محمد اکرام ایدوب
شیراز نواحیستنده قاضی ایلدی اگر اها قبول ایدوب انده دخی
تعلیم قزاقان ایلدی و اندن رحلت ایدوب بصریه کلوب اندن
مکه مکرمه به کلدی و اندن مدینه منوره واروب انده اولان

مجاورینه تعلیم قرائت ایله اوقات تگذار اولدی و انده کتاب الفشر
فی قرائت العشر نام کتابی تالیف ایلدی ایکی مجلد درو تقریب
وطبقات القراء و تاریخ الکبری و صغری تالیف ایلدی
و تیمور ایله ماوراء النهره کلد کده شرح مصابیحی تصنیف ایلدی
اوج مجلد درو و تفسیر و حدیث و فقه ده تصنیفاتی وارد و غایه
المهره فی الزیاده علی العشره نام منظومه سی و نخوده جوهر نام
کتابی وارد شیرازده سکز یوزا و توز اوچده وفات ایلدی
رحمة الله علیه (التذکره السابعة عشره) لغت عربیه و انده
تالیف اولمان کابلد کونده در ارباب البابه خفی دکلدر که لسان
بدیع البیان عربیه نك معنای شریف و مفهوم لطیف و مضمون
منیفی بیلک علی وجه الاتقان لغت عربیه بی تحصیل علمه توقف
ایدرو لغت عربیه نك من ایا سنه وار مق و معنای شریفی بیلک
قران عظیم الشانی عرفانه وسیله در بناء علی ذلک علمای سلف
سعی و اجتهاد ایله بذل مقدور ایدوب تدوین کتب ایلدیلر و علم
لغت عرب اربادن اخذ اولمشدر که یدی قبیلده در قریش و هذیل
وهوازن و کانه و بنی تمیم و قیس و غیلان و یمن بونلر اوساط عربدر
بونلردن غیر قبیائلک لغتلی معتبر دکلدر زیر اعجم و حبش
ایله اختلاطلی سببیله رتبه فصاحتدن دو شمشر در علمای
سلف رحیم الله مقصد علم لغتی ایکی اسلوب اوزره بئالتمشدر در
جانب لفظدن معنایه ذاهب اولوب لفظنی استماع ایدوب معنای
طلب ایدرلر و بعضیلر جانب معنادن لفظه ذاهب اولمشدر در
و طریقهندن هر بری کابلر وضع ایتمشدر در اسلوب اوله ذاهب اولنلر
حروف تجمعی اوزره وضع ایلدیلر و اخری ابوابدر که اوائل فصلده

ترتیب

ترتیب ایتمشدر در ابن فارسک علی و مطرزینک معربی کبی واسلوب
ثانی به ذاهب اولنلر معانی حسبیلله اجناس جمع ایدوب
هر جنسی بر بایده ذکر ایتمشدر در زنجشیری مقدمه الاذینده قسم
اسماءه ایتدیکی کبی بعده ارباب هم مدن علمای اعلام علیهم رحمة
الملک العلم طرق شتی احداث ایدوب بالکثر قرآن مجید لغتی
جمع ایتمشدر در و بعضیلر غرائب حدیث و بعضیلر قصائد و اشعار
عرب لغتلی جمع ایلمشدر در (ابتداء مدون لغت) ابو عبیده معمر
ابن المثنی در که زماننده اعلم اهل لغتدر خلفای عباسدن هارون
الرشیده تعلم علم ایلمشدر لکن طائفه شعوبیه دندر که انلر عربی
عجم اوزره تفضیل ایتزلر و اهل قبله دن بزه مخالفت ایدنلر کفار
غیر مشرکدر دیرلر و مر تکب کبیره موحد غیر مؤمن و کافر کفر
نعمتدر کفر ملت دکلدر دیرلر و بونلک امشالی بخشیات کلاملی
چو قدر ایک یوز اون سکزده فوت اولدی و بوفنده اولان کتب
مختصر دن کتاب العین در که خلیل بن احمدک تصنیفیدر
ابو الطیب لغوی لیث بن نصر بن سیمارک اولمق اوزره تحریر
ایلمش و بعضیلر حروف عینه وار نجه خلیل جمع ایدوب لیث
تکمیل ایلدی زیر اولی اخرینه مناسب دکلدر دیرلر اما ابن معشر
تحقیق ایتدیکی اوزره خلیل لیث ایچون تصنیف ایدوب لیث
دخی قرائت و حفظنده اهتمام و دقت ایدردی و لیثک عورنی
برجاریه ماجراسی ایچون لیثه انتقام قصد ایدوب عندنده
کتاب مر قومدن غیری احب اموالی اولمدیغن اذعان ایتمکه
کتابی احراق ایلدی و اندن غیری نسخه اولمیوب خلیل دخی
رحلت ایدوب حفظنده اولانی املا ایدوب علمای عصری جمع

ایلدیلر و تکمیلان رجا ایدوب وانلردخی جددوسعی ایلله تکمیل
ایلدیلر لکن اصحاب فطنت بینهماده عدم مناسبتنی فهم ایدر
(خلیل بن احمد) بن عمرو بن تمیم الازدی البصری در که صاحب
العربیة والعروض در زیارت بیت الله الحرام ایچون مکه مکرمه به
کلوب جناب مجیب السائلین دن نیازمند عنایت اولدیکه
کندوبه بر علم احسان ایده که بر کسنه آنی سبقت ایتش اولمیه
بعد اداء نسک حج عودت ایدوب بصره به کادی فتح ربانی اولوب
قریحه سندن علم عروضی استخراج ایلدی وناسدن منقطع
اولوب افادۀ علومه مشغول وزهد و صلاح ایلله مشهور ایدی نصر
بن شمیل تاریخ فحاشده نقل ایدر که خلیل بصره ده
ایکن اولقدر درویش ایدیکه ایکی اچقه به مالک دکل ایکن ینه غنی
القلب اولوب بر فردۀ عرض احتیاج ایتزدی و عربدن بعد
الحجاب به خلیل قدر از کی کلمشدر بر سنه حج ایدر و بر سنه غزا
ایدردی و رسول اکرم صلی الله علیه وسلم نص کره احمد اسمی ایلله
مسمی اولان خلیلک پدریدر یوزیتش بشده وفات ایلدی (ابن
فارس بن زکریا) ابوالحسن اللغوی القزوی الشافعی المذهب
مجل نام کتاب لغت بونک تصنیفیدر اوج یوز طقسان بشده وفات
ایلدی (فارابی اسحق بن ابراهیم دیوان الادب نام کتابی واردر
اوجیموز الای ده وفات ایتشدر) محمد بن احمد بن ازهر بن طلحه
ابن نوح الازهری الشافعی التهذیب والجامع نام لغت بونک
تصنیفیدر ادیب و کامل و محدث ایدی اوجیموز تمشده وفات
ایلدی (صاعانی حسن بن محمد بن حسن بن حیدر بن علی
العدوی العمری الامام رضی الدین ابو الفضل زمانده حامل لواء

اغتدر بشیموز بیدیه شهر لاهورده قدم زن کاشن وجود اولوب
شهر غزنه ده نشو و نما بولمشدر و صاحب هند عندنده ریاست
وشهرت بولدی حج شریف ایدوب ینه هنده کتدی حد ذاتده
صالح و متورع و صدوق و وقور و لغت فقهده و حدیثده امام عصر
و تصانیف جلیله صاحبیدر و لغتده مجمع البحرین اون ایکی
مجلد در و تکمله علی الصحاح و شواهد فی اللغة و توشیح الدربده
و تراکیب اضداد اسماء سعاده کتاب الاثر و اسماء الدین و مشارق
الانوار فی الحدیث و شرح البخاری بر قاج مجلد در و درة السحابه
فی وفيات الصحابه و عروض و شرح اییات مفصل و کتاب
فی التصریف و کتاب مناسک الحج و بونلردن ماعدانچه رسائل
تألیفی واردر التیموز الای ده وفات ایتشدر (جوهری اسمعیل) بن
احمد الامام ابو نصر الفارابی زمانده ذکا و فطنت و علم و معرفت
ایلله معلوم و تألیفی مشهور مشاعر بالبنان و صنعت کتابده
ابن مقله به معادل و بوفضل و معرفت ایلله فارس الخلیل و شجاعت
و جلادته کامل و دائم سیاحت ایدوب حضر او زره سفر اختیار
ایتشدی بعده شهر نیشابورده مقیم و تدریس و تألیفه ملازم
اولوب متعلیمه خط تعلیم ایدردی لغتده کتاب صحاحی انفس
کتابدر عاقبت سودا غلبه ایدوب نیشابورک جامع کبیری سطحه
چیقوب ایها الناس بر عمل ایده یم که بر کسنه ایتمش اولد دیوندا
ایدوب ایکی یاتنه ایکی قیوم مصرای بغلیوب هوایه او چق زعمیلله
کندوبی اشاعه اتوب هلاک اولدیغی اوجیموز طقسان اوچده واقع
اولدی (احمد بن علی) بن سیده اللغوی النحوی الاندلسی زمانده
لغت نحو و اشعار عرب و سایر علومده و حیدر ایدی محکم نام لغت

بونك تصنيفيدري در تيوز سكرزده وفات ايتمشدر (محمد بن يعقوب
 بن ابراهيم بن ابى بكر بن فضل الله الشيرازى الفيروز ابادى العلامة
 مجد الدين ابوطاهر يديوز طقوزده شهر كازرونده دنيابه كلوب
 انده نشونما بولوب فقه ولغتي محمد بن يوسف دن تحصيل
 ومهارتي تكميل ايلد كد نصكره مشايخ محمد ثيندن استماع
 حديث ايجون شامه كلوب ابن القيم دن وقاضى عز الدين ابن
 جماعه دن اخدايدوب و قدس شريفده صلاح الدين العلائدين
 اخذ ايلدى ومصر ومكة مكرمه ده اولان مشايخ محمد ثيندن
 استماع حديث ايدوب وسائر بلادده ملاقي اولديغى فضلا دن اخذ
 ايلدى اطراف بلادده فضل وكمال ايله مشهور افاق اولغله
 تصانيفنه ناس رغبته ايلدى شرقا وغربا سير وسياحت ايدوب
 يلدرم بايزيد خان عصرنده رومه كلدى پادشاه اكرام ايدوب
 عطية جزيله اعطا ايلدى بلخ و بخارا و عراق جانبده واروب امير
 تيموره ملاقي اولدقده احترام ايدوب بشيك ديار اعطا ايلدى
 وعين ولايتنه واردقده ملك اسمعيل عظيم اكرام ايدوب زيب
 شهرينه قاضى ايلدى و انده قاضى ايكن سكرزوزا و نيديدده وفات
 ايلدى علم لغتده لامع المعلم العجائب الجوامع بين المحكم والعياب كه
 الشمس مجددر (بعده تلخيص) ايدوب قاموس تسميه اولندي
 وصحاح اوزرينه زياده ايدوب زياده يه سرخله اشارت ايلدى
 ومواضع كشيده ده صحاحي مؤاخذه ايدوب منشأ غلطن بيان
 ايتمشدر و جمله مصنفاتي مقبول و پسنديدة علمادر فرق عدد
 مصنفاتي اولديغى امام سيموطى تصریح ايتمشدر قاموس فتح
 الباري في شرح البخاري و شوارق الاسرار درت مجلد در الاصعاد

بالاصعاد الى درجة الاجتهاد درت سفر درت سهيل الوصول
 الى الاحاديث الزائدة على جامع الاصول درت مجلد در بصائر
 ذوى التمييز في لطائف الكتاب الله العزيز ايكي مجلد در شرح عدة
 الاحكام ومرفقات الرافعية في طبقات الشافعية مرفقات الوفيه
 في طبقات الحنفية وكتاب البلغة في تراجم أئمة اللغة روض
 المسلوف فيما له اسمان الى الالف وحاصل كورة الخلاص في فضائل
 سورة الاخلاص ومقصود ذوى الالباب في علم الاعراب وشرح
 قطبة الحشاف في شرح خطبة الكشف ومجمل اوزرينه حاشيه
 ايدوب بيك يرده اعتراض ايتمشدر (شيخ محمد بن مكرم) بن على
 طرابلسده قاضى اولدى علوم ادبيه واشعار عربيه ده كامل
 وادبيه نك كتب مطوله لرين اكثرينى اختصار ايلدى ومجموع
 مختصراتي بشيوز مجلد در ديوبعض كتب موثوقه ده تصریح
 اولمشدر و اكثر عمري كتابت و انشاده كذا ايلدى و لسان العرب
 نام لغت بونك تصنيفيدري بوقدر فضل وكمال ايله طائفة شيعه دن در
 يديوز بكر ميده وفات ايتمشدر (احمد بن محمد بن احمد بن ابراهيم
 الميداني نخوده ولغته ادب و فاضل و عامل و كامل ايدى ضروب
 امثال عربيه كتاب امثال اول فنده انفس مصنفات در
 زنجشري كورد كده حسد ايدوب لفظ ميدانينك ميمنى نون
 ايدوب نيداني ايلدى علم لغته السامى في السامى بونك تصنيفيدري
 نخوده انموذج و صرفه نزهة الصرف بونك تصنيفيدري وميدان
 نيسا بورده بر محله در بشيوزا و تيوز سكرزده وفات ايتمشدر ناصر بن
 عبد السعيد بن على المطرزي ابو الفتح النخوى الاديب المشهور
 المطرزي اهل خوارزم دن در زنجشريدن قراعت قرآن ايتمشدر

نحو و لغته و فقه حنفیه ده اصحاب بر اعه دند رطائفه معتزله دن
اولد یغی اجلدن خلیفه ز محشری دیر لایدی لغته ده کتاب دستور
و مرقات الادب و مغرب و اقناع آنک تألیفیدر شرح مقامات
حریری مصباح فی النحو مختصر الاصلاح اشهر مصنفاتیدر
التیوزانده وفات ایتشددر (شیخ نجم الدین) ابو حفص النسی
کتب فقه حنفیه ده اولان لغاتی جمع ایتشددر و طایفه الطلبة
تسمیه ایلدی نفیس کتابیدر هر فقه تصنیفی وارد در جامع
الصغیری نظم ایلدی و خلا فیاتده منظومه سی وارد در بشیر
او نور سکرده وفات ایتشددر (مبارک بن محمد) بن عبد الکرم
العلامه محمد الدین جزری مشاهیر علماء و اکابر بلغا و اوجد
فضلا دندر هر فقه تصانیف جلیله سی وارد در غریب حدیثده
نهایه الاثر نام کتاب بر غریب کتابیدر که اول بابده بی نظیر در و جامع
الاصول فی احادیث الرسول نام کتابی انفس کتب احادیثدر
التیوزانیده وفات ایلدی (التذکره الثامنة عشره) علم
صرف و انده تصنیف اولسان کتب و علمای صرفیین بیاتده در
(معلوم اوله که لغت عربیه بر زبان لطیف و لسان شریفه در که
الفاظنده لطافت و معانیسنده اولان فصاحت و ظرافت المنة
فاسدن بر اسانده یوقدر و علمای سلف رحهم الله تعالی الهام
ربانی و الطاف صمدانی ایله الفاظ عربیه نک جواهر حروفی
اعتباریله اصاله و فرعیده مخرج ایله خارج پیتنده مناسبت
سببیه کلمه نک بعضنک بعضیسندن خروجنک کیفیقتدن بحث
ایتمه کلمه قواعد کلیه استخراج ایدوب علم اشتقاق تسمیه ایلدی
و کلمه پیتنده اصالت و فرعیله بحث اولوب لکن بحسب الهیمة

بحث اولنامه علم صرف تسمیه اولوب ایکسی بر برندن تفریق
ایلدیله اما بعض شراح مفتاح اشتقاقی صرفده مندرج قلمشددر
لکن علمای محققین متفق علیه در که بو خصوصده جواهر
کلمه نک مدلولی لغتدن معلوم اولور و بعضنک بعضنه وجه
کلی اوزره اتقاسابی جوهر دن اولوب اشتقاق هیئتندن اولور سه
صرفدر یوندن علوم ثلثه بیننده فرق ظاهر اولور زیر اشتقاق
اکثری کتب تصریفده ذکر اولوب مستقلا تدوین اولغدیغی
یا قواعدی قایل اولدیغی اجلدن دریا خود صرفنک قواعدینه
متصل اولوب مبادیلری مشترک اولدیغی اجلدندر تدویننده
اتحاد نفس الامرده اتحادی مستلزم دکادر (علم صرف)
بر علم در که انده وضع نوعی ایله مفردات موضوعه نک انواعی
و مفردات ایچون عام اولان هیأت اصلیه و مدلولات و هیأت
تغیرییه و مقیاس کلیه ایله وجه کلی اوزره هیأت اصلیه دن
تغیراتنک کیفیتی معلوم اولور (موضوعی) حیثیت مذکوره دن
صیغ مخصوصه در (و غرضی احوال مذکوره بیلمه که تحصیل
ملکه در) و غایتی جهات مذکوره بی خطادن احتراز
(و مبادیسی) استعمال عربنک تبعندن مستنبط اولان
مقدماتدر (و ابدا علم صرفی تدوین ایدن بکر بن محمد بن ابی عثمان
المازنی در و مازن اسم قبیله در اعلی بصره دندر مقدم علم نخوده
مخلوط ایدی علوم عربیه ده امامدن غایتله زکی و سریع الفهم
و مناظرات و محاوراتده الزام خصمه قادر ایدی اشیاء کثیره ده
اخفش ایله مناظره ایدوب اسکات ایلشددر و سببیه دز صکره
نخوده ابو عثماندن عالم کلمشددر و مبرد نقل ایلشددر که بریهودی

مازنی به یوزدینار و یروب کتاب سیویچی قرائت مراد ایلدی
 امتناع ایدوب او قتمدی بعض احبابی بوقدر قلت حاله نیچون
 امتناع ایدرسک دیدکده کتاب سیویچی ده بوقدرایات عظام وار
 ایکن بریهودی به تعلیم سزامیدر دیدی زمان قلیلد نصکره
 واثق بامر اللهک مجلسنده ذکر اولند قدده کتوردوب تعظیم واکرام
 ایلد کد نصکره او تویزیک دینار اعطا ایلدی کتاب الله تعظیم
 سببیلله اضعا فیله اجره نائل اولدی ایکیوز قرق سکزده وفات
 ایتشد (ابوالفتح عثمان بن جنی زماننده اهل ادبک احذقی و نحو
 و صرفده اعلمیدر علم صرفده قرق سنه سخی واجتهاد ایدوب
 دقائق وحقا یقنه اطلاع تحصیل ایتشد درو علم نخوده
 خصایص الصناعات شرح تصرف المازنی شرح مستغلق
 الجماسه شرح دیوان المتنبی و محاسن العربیه * محاسب
 فی الاعراب و شواذ اشهر مصنفات لریدر اوچیوز طقسان ایکیده
 وفات ایتشد (محمد بن عبدالله بن مالک العلامة جمال الدین
 ابو عبدالله الطائی الشافعی امام فحات در قرائت و لغت عربیه ده
 و نخوده و تصرفده بحر البحار و اشعار عربک رجز و طویل
 و بسیط فی ایراد و استشهاده بحر الاباردر و زهد و صلاح و تقوی
 و حسن صحت و رقت و کمال عقل و وفارده بیهمتا ایدی و دمشقه
 تربیه عادلیه ده مسند نشین صدرا فاده اولوب جماعت کثیره
 استفاده علوم ایدردی نظم و اثرات صانیف جلیله سی مقبول انام
 و پسندیده کرامدر نخوده الفیه و عمده و کمال عمده و شرح
 تسهیل و شرح قصیده المقصور و الممدود و اعراب بعض احادیث
 بخاری و قصیده فی الضاد و الظاء و قصیده فی المهموز و غیر مهموز

و تعریف فی الصرف و مختصر فی الابدال و قصیده مالکیه
 فی القرائات بونلر منظوم اولان مصنفات لریدر نظم الفوائد و فتوی
 و مجموع الفوائد فی النحو و شرح الجزوایه و سبک المنظوم و فک
 المختوم و مقدمه الاسدی بونلر مصنفات منشوره لریدر التیوز
 یتش ایکیده وفات ایتشد (عثمان بن عمر بن ابی بکر بن یونس
 العلامة ابو عمرو بن الحجاج پدری امیر عزالدین صلاحه نک
 حاجی ایدی مصرده نشونما بولوب حافظ قرآن اولد قد نصکره
 قرائتی شاطبیدن اخذ ایدوب امام بوصیریدن و ابن منصوردن فقه
 و عربیه ده تحصیل اصول و فروع تکمیل ایلدی فقه ده و سایر
 علوم ده بحر عمیق ایدی دمشقه جامع کبیر لزاویه مالکیه سنده
 وافر زمان تدریس ایلدی اندن اسکندریه به کلوب انده اقامت
 ایدوب التیوز قرقرده وفات ایلدی فقه مالکیه بی مختصر و اصولده
 مختصر منتهی و نخوده کافیه و شرحی و شافیه و شرحی و عروضده
 قصیده و مفضل و شرح ایضاح و نخوده امالی مصنفات لریدر (علی
 ابن مؤمن بن محمد بن علی ابوالحسن بن عصفور دیار اندلسده
 زمانتک نخوده یکنه سی ایدی صرفده متمنع بونک تصنیفیدر
 اشهر مصنفات لریدر شرح جزوایه مختصر المحتسب شرح اشعار
 الستة التیوز الشمس طقوز دد وفات ایلدی (ابو احمد بن الحسن شیخ
 نحرالدین الحار پردی زماننده امام فاضل و ادیب کامل زهد
 و صلاحه مواظبت و افاده طلبیه به مداومت اوزره ایدی علوی
 قاضی بیضاویدن اخذ ایلدی صرفده شرح شافیه سی انفس
 کتابدر و شرح منهاج و شرح حاوی فی اللغة و شرح کشف
 مشهور و متواتر در شهر تبریزده دیدیوز قرق التیده وفات ایلدی

و بوقته فی زمانه ایادی طلابه متداول اولان کتاب مقصود در
مصنفی اسمی معلوم دکادر حد ذاته بر مبارک نسخه در و شروح
متعددده می عند الطلاب متداول در مختصر عزیزی عبد الوهاب
ابن ابراهیم بن عبد الوهاب بن ابی العالی الخزرجی الزنجانی نیکدر
مشهور و متعارف اولان شرح هادی انک تصنیفیدر حد ذاته
عالم و فاضل و حسن خطه مالک اولوب کاتبه دخی کامل ایدی
و عروض و قوافیده اولان کتابی اول فنده نفیس نسخه در
و شروح متعددده می وارد در جمله دن احسنی سعد الدین تفتازانی
وسید شریف جرجانی نیک شرحیدر (التذکره التاسعة عشره) علم
نحو و و انده اولان کتب و علماء نحو بین ذکرنده در (معلوم اوله که)
روایت صحیحیه ایله ثبوت یافته توثیق اولمشدر که صحابه عظام
و تابعین کرام و علمای سلف علیهم رحمة الملک العلام علم نحوه
متمسکین اولوب بو علمی منکر اولمایلر و علم نحوه فرض کفایه
اولدیغن تحقیق ایلدیلر زیر امکاف اولدیغن مشربعت لغت عرب
اوزره وارد اولمغله کتاب و سنت ایله استدلالده نحوه دخی احتیاج
ضروریدر لکن استدلال جمیع افراد اوزرینه فرض اولمغله
نحو دخی فرض عین دکادر و کتب اصولده تقریر اولدیغی اوزره
بر فردن عدم انکارله معادلایل و جوبدر و معقل بن یسار رضی
الله عنه روایت ایلمشدر که قال رسول الله صلی الله علیه وسلم
اعربوا القرآن فانه عربی و باقر محمد بن علی رضی الله عنه روایت
یورمشلر ان رسول الله صلی الله علیه وسلم قال اعربوا فی الکلام
لتعربوا القرآن پس جناب شارع علیه افضل التیمیه حضرت تلمیذک
امر یوردر قلمی ظاهر اوجوب اقتضایدر و روایت اولمشدر که

(حضرت ابی بکر الصدیق) رضی الله عنه حضرت تلمی سوقده
بر کسینه به اتبع هذا الثوب دیوسوال یوردیلر لا عفاک الله دیدی
حضرت صدیق قل لا وعفاک الله یوردیلر بو کلام در ربارلری
لطایف نحو دندر که و اودعاء علیه ایله دعاءله بیننی فارقدرو فاروق
اعظم (حضرت عمر) رضی الله عنه حضرت تلمی ابو موسی
الاشعری رضی الله عنه بصریه والی ایلدکری و قنده بعض
مکتوبلرنده لحن مشاهده ایللیوب کاتبی عزل و تعزیر ایله
امر ایلدیلر و یوردیلر سمعت رسول الله علیه التیمیه و التسلیم
یقول رحم الله رجلا اصلى من لسانه یوردیلر پس حضرت
فاروقک تعزیر ایله امر لری لحن سبیلله کاتبک عصیانده دلیلدر
و حدیث شریفده رحمتک تعلقی ترکندن عذابک تعلقنه دلالت
ایدر پس ارباب البایه خفی دکادر که بو محله ایکی وجهله سوال
وارد اولور (اولا) صحابه عظام بو علمی تدوین اولندیغی اوزره
تکلم ایتدیلر بو تقدیر چه بدعت اولور و کل بدعة ضلالة در (ثانیا)
تحصیل الفاظ و نحو له محتاج الیه اولدیغی تصحیح ایچون اولور سه
توقف الشئ علی نفسه لازم کلور بوایسه محالدر (اولا) جواب
صحابه عظام بو علمی تکلم ایتدکاری معناسنی عدم علملرندندر
دیمک مراد اولنور سه بواراده باطلدر زیرا کلامده لحن
و اعرایده سقطاتی منع ایدر تسکلمده نحوه رعایتلری مبیندر
و کن اگر تدوین اولان اصطلاحاتی عدم تکاملری مراد
اولنور سه مسلمانلر و لکن اصطلاحده مناقشه اولمز و اصطلاح
بدعت اولدیغی تقدیر چه بدعت حسنه در (ثانیا) جواب
اولدر که بعض قواعد نحوی ادنی ممارسته بالضروره معلوم اولور

و تعلیم و تعلّمه کافیدر و بعض قواعدی کسبیدر که صحیح و سقیم
 یبشنی تمیزده محتاج الیه اولان بودر بو تقدیر چه توقف الشیء علی
 نفسه لازم کلز (علم نحو) بر علمدر که انده معانی ترکیبیه و نسبیه
 انواعی چون وضع نوعی الیه موضوعی اولان احوال مرکباتدن
 بحث اولنور معانی ترکیبیه به دلالتی حسب الیه بحسب الوضع
 المذکور ترکیبیدن معنائک فهمیده و متکلم مراد ایتدیکی معنای
 تراکیب موضوعه الیه ابراده ملکه در (وغایتی) تراکیب
 عربیه بی معانی وضعیه اصلیه به تطبیقه خطا دن احتراز در
 (و مبادیسی) موارد استعماله الفاظ مرکبه نک تنبیهندن
 حاصل اولان مقدمات در موصولی مرکبات و مفردات در تراکیبده
 وقوعی اعتباریه و روابط تراکیب اولدیغی اجلندن ادوات در لکن
 نحو ده ادواتدن وجه مبتدائیلت اوزره بحث اولنور زیر حقیقه تنیده
 مسائل لغتدندر (و ابتداع علم نحوی) وضع ایدن ابوالاسود
 دوئلی در که کوفی المولد بصری المنشأ در حضرت اسد الله
 الغالب علی بن ابی طالب رضی الله عنه حضرت تارندن اخذ
 ایلدی و سببی بو اولدی که بنت خویلد الاسدی معاویه نک
 حضورینه کلوب ان ابی مات و ترک لی مالا دیوب مالا لفظنی
 اماله الیه تکلم ایلد کده معاویه استقباح ایلدی بو خبر حضرت
 علی کرم الله وجهه حضرت تارینه یتشدی آنلردخی ابوالاسود
 دوئلی به باب ان و اضافته و باب اماله بی رسم ایلدیلر بعده بر کسینه
 ان الله بری من المشرکین و رسوله ایت کریمه سن قراآنده
 و رسوله بی مجرور قراءت ایدوب ابوالاسود استماع ایلد کده باب
 عطف و باب نعتی تصنیف ایلدی (بعده) تعجب و باب استفهامی

تصنیف ایلدی ابتدا مؤسس بنیاد نحو در و سادات تابعینک
 علما اکی و رأیا عقلی نظاما شعری و جوابا اسر عیدر و حضرت
 عمر و علی و ابن عباس و ابی ذر رضی الله عنهم حضرت تارندن
 احادیث شریفه روایت ایتشددر هجرتک التمش طقوزنجی
 سنه سنه طاعونندن وفات ایدوب بش نفر کسینه تخلیف ایلدیلر
 انلر ابو الاسود مقامنه جلوس ایدوب و ناسبه تعلیم نحو
 ایدرلردی (اولکی) عتبه معدان الفیلدر که ابوالاسودک
 تلامیذندندر و بوندن ابرعی یوقدر (ایکنجی) میمون الاقرندر که
 دقایق نحو عالم ایدی (اوچنجی) یحیی بن یعمر العدوانی التابعیدر
 فقیه رادیب و محمد ثور ابن عمر و جابر و ابوهریره رضی الله عنهم
 حضرت تارندن اخذ ایلدی خلفاء امویه بعض نواحی به
 فاضی ایلدیلر (دردنجی و بشنجی) ابوالاسودک اوغلاری عطا
 و ابو حریز بونلردن صکره عبدالله بن ابی اسحق زید الحضر میدر که
 قراءت و عربیه ده امامدر یوزیز کرمی یدیده وفات ایتشددر
 و عیسی بن عمر الثقفیدر صرف و نحو و قراءتده امام عصریدر
 نحو ده اکل و جامع انک تصنیفیدر یوزاللی طقوزده وفات
 ایتشددر (و ابو عمرو بن علی) بن عمار بن عبدالله مازندر که
 احد قراء سبعه در قراءت و نحو ده و لغت و اشعار عربده امام
 اهل بصره در الی طقوزده وفات ایتشددر اندن صکره خلیل بن
 احمد در که فیلسوف رقی ایدی ترجمه سی سبقت ایلدی و خلیلک
 تلامیذندن بری سیبویه در که اخذ ایلدیکی علمی کاتبده
 جمع ایتشددر علم نحو ده کتب مرقومه معادل تصنیف کتب
 اولنمشدر (سیبویه) عمرو بن عثمان بن قنبر امام البصری ینندر

اصلی ارض فارسده بیضا ندر بصره ده نشو و نما بولوب خلیله دن
ویونسدن و ابوالخطاب اخفشدن اخذ ایلدی بغدادده یحیی
برمکی ایله ملاقی اولدقده اون بیک درهم اعطا ایلدی شیرازده
او تویایکی یا ششمه ایکن یوز سکسانده وفات ایتشد و مشاهیر
نحو بیندن ایدی (علی بن حمزة الکسائی) و ابو عمر و ابن العلامک
مجلسنه اون یدی سنه متوالیه ملازمت ایدوب استفادة علم
ایلد کدنصکره نحو و لغتده امام کوفین و احد قراء سبعه
مشهوره دن اولدی علوم عربیه ده اعلم عصریدر بغدادده توطن
ایدوب هارون رشیدک اوغلارینه معلم اولدی معانی القرآن
مختصر فی النحو نوادر کبیره عدد الهمجا مصادر الحروف شهر
مصنفاتلریدر مدینه ریده یوز طقسان ایکیده وفات ایتشد
(و محمد بن زید) بن عبد الکبیر ابوالعباس المبرد و تلمیذی کسائی در
عصر نده بغدادده امام اهل العربیه در غایتله فصیح و بلیغ
و اخبارده ثقه درو حسن و جماله احسن الخلقه و سیرت و اخلاقده
زبده زمان و فضل و کماله مشار با بنان ایدی معانی قرآن کامل
مقتضب روضه مقصور و عمد و اشتقاق قوافی اعراب قرآن نسب
عدنان و قطان شرح شواهد ضروره الشعر ما اتفق لفظه
و اختلاف معناه طبقات نجات بصرین مر قومک مصنفاتلر
وسادات نحو بیندن سعید بن مسعوده ابوالحسن اخفشدر نحوی
سیبویه دن اخذ ایلدی کلامده اعلم انام و جدله احذق علمای
کرام ایدی نخوده اوسط معانی قرآن مقایس مسائل کبیره
مصنفاتلر و اخفش نحوی اوچدر (بری) اخفش اکبر عبد الحمید
(بری) اخفش اصغر علی بن سلیمان (بری) اخفش اوسط سعید

مذکور در و تلامذه سیبویه دن قطرب محمد بن المستنیر ابو علی
النخویدر دأما سیبویه ملازمت ایدوب هر نه وقت طشره چقه سه
قبوده حاضر بولور ایدی مانت الاقطرب لیل دیدی اول اجلدن
لقب فالدی معتزلی المذهبدر ایک یوزالتیده وفات ایلدی و تلامذه
مبردن ابراهیم ابواسحق زجاجدر خطیب بغدادی تاریخنده
نقل ایدر که زجاج اهل فضل و دیندار حسن و جمیل المذهب کسنه
ایدی بایع زجاج اولدیغی اجلدن زجاج دیر لر علمه زیاده طالب
اولمغله مبرده بهر یوم بر یحق درهم کسب ایدوب بکا تعلیمده دقت
و اهتمام ایلسون دیو بهر یوم بر درهم و برردی بعد التحصیل بعض
کسنه نک اوغلنه معلم اولوردی بهر ماه ارتوز در درهم و برردی
عبد الله بن سلیمان مبردن اوغلنه معلم طاب ایلد کده زجاجی خبر
ویردی کتور دوب معلم ایلدی و عبد الله اول وقتده وزیر اولمغله
زجاجه اکرام تام ایدردی زجاج دخی مالک اولدیغی اموالدن
مبرده بهر یوم یوز درهم و برردی بر کون عبد اللهک اوغلی قاسم
زجاجه اگر وزیر اولور سم سکا بکرمی بیک دینار اعطا ایدیم
دیوندر ایلدی مدت یسیره ده وزیر اولدی زجاج استادی اولمغله
هر بار مجلسنه ملازم ایدی وزارتندن اوچ کون مرورنده
یا اباسحق وفای نذری نجب اشعار بیور مدیه کز دید کده
زجاج دخی ایدک الله وفای عهدی کریمه تذ کیره نه حاجت دیدی
خرینه دارینه امر ایدوب بعد الیوم حاصل اولان دیناری جمع
ایدوب بکرمی بیک اولدقده دفعه تسلیم ایله دیو امر ایلدی
خرینه دار دخی جمع ایدوب تسلیم ایلدی علمه رغبت و استادی نه
احترام سیبویه جناب و هاب اضعاف مضاعف مال ریاستله

الی ان يموت معزز ومكرم قلدي حنبلي المذهب در اوچيوز
اون برده وفات ايتمشدرو علمای نحویندن بریده سيبويه عبد الله
ابو محمد بن جعفر در که کثرت علم و علو قدر ايله مشهور و رومته عارف در
نحوه ارشاد شرح فصیح غریب حدیث مقصور و عمود
ومعانی الشعر اخبار نجات و غیرهم مصنفاتیدر اوچيوز قرق
یدیده وفات ايتمشد (محمد بن) احمد بن ابراهیم بن کسان
ابو الحسن النخویدر مبرد و تعلیمدن اخذ ایلدی و لغت قرائته
بیهمتا ایدی و زمانته صاحب فنون شتی ایدی نحوه مذهب
غلط ادب کاتب سلامات غریب حدیث معانی قرآن مصابیح
کتاب ما اختلف فيه البصريون والكوفيون انزل مصنفاتلریدر
ایکیوز طقسان طقوزده وفات ایلدی بونلر د ن صکره حسن بن
احمد بن عبد الغفار امام ابو علی الفارسی ظهور ایلدی که
علوم عربیه ده و حیدد فنون ادبیه ده فرید ایدی نحوه
ایضاح و تکمله مسائل جلیه بغدادیه مقصور و عمود و غیرهم
مصنفاتیدر اوچيوز یتیم یدیده بغدادده وفات ایلدی (بعده)
حسن بن عبد الله المرزبانی القاضي ابو سعید السیرافی ظهور
ایلدی شیخ شیوخ و امام ائمه در نحو و لغت و شعر و عروض
و قوافیده امام وفقه و قرآت و فرائض و حدیثده و کلامده
مقتدای انام ایدی مذهب حنفیه رضی الله عنه ده قرق سنه
فتوی و یروب بر مسئله ده خطاسی بولندی حد ذاتده عابد و متقی
و زهد و صلاحله موصوف و دیانت و امانت ايله معروف ایدی
شرح کتاب سيبويه شرح دریدیه القاب القطع والوصل واقناع
فی النخوة صناعة الشعر والبلاغة اخبار نجات البصريين شهر

مصنفاتیدر اوچيوز التمش سکرده رحلت ایلدی و تلامذه
زجاجدن علی بن عیسی ابو الحسن الرمانی امام علوم عربیه
و علامه فنون ادبیه ایدی فصاحت کلامده فایق الاقران
و ایضاح مشکلات عربیه ده مشار بالبنان در حدود اکبر شرح
اصول شرح کتاب سيبويه شرح موجز شرح مختصر الحریری
شرح الالف واللام للمازنی شرح المقتضب شرح معانی الحروف
مصنفاتیدر اوچيوز سکسان درنده رحلت ايتمشدرو علمای
نحویندن (محمد بن) حسین بن عبد الوارث الفارسی علوم
عربیه ده ابو علی الفارسیدن اخذ د ن صکره اطراف بلادده سیر
و سیاحت ایدوب تحصیل کمال بعده امیر اسمعیل بن سبکتکین
وزیر ایلدی براز مدتد ن صکره عزل اولنوب جرجانده توطن
ایلدی عبد القاهر جرجانی علمی بوندن اخذ ایدوب مشاهیرندن
اولمشد در تیزوز بکر میده رحلت ایلدی عبد القاهر
ابن عبد الرحمن الجرجانی بکارائه عربیه دن شافعی المذهبدر
معانی و بیانده صاحب یدیه صادر دلائل اعجاز و اسرار بلاغت
نام کتابلری کمالنه برهان عظمای وایت کبرادر و شرح ایضاح مقصد
اعجاز قرآن عوامسل عمده فی التصریف شهر مصنفاتلریدر
در تیزوز یتیم برده رحلت ايتمشد (التذکره العشرون)
نحویون علماء کوفیین بیاتنده در (معلوم) اوله که بومحله کلنجه
ذکر اولنان علمای اعلام کثرهم الله تعالى الی يوم القيام
تلامذه امام بصری بن سيبويه علیه الرحه در اما امام الکوفیین
کسانینک شهر تلامیذندندر (بری فرادر) یحیی بن زیاد
ابن عبد الله بعد الکسانی اعلم اهل کوفه در سيبويه اوزرینه زیاده

تعصب ایدوب اعتراض ایدردی معانی قرآن مصادر فی القرآن
کتاب نوادر مقصور و محدود و شهر مصنفات لریدر طریق حجه
ایکیوزیدیده رحلت ایلدی (احمد بن) یحیی بن یزید بن سیار
الامام ابوالعباس ثعلب نحو و لغته امام الکوفیندر علم نحوی
اتقانده نکره شعر و معانی و غرایب تحصیلنه بذل مقدور و سعی
نا محصور ایلد ابن عربینک مجلسنه اون سنه ملازمت ایدوب
احدقی اولدی معانی القرآن معانی الشعر قراءت تصغیر و وقف
و ابتداء امالی غریب القرآن فصیح اختلاف نحو بین شهر
مصنفات لریدر اواخر عمر نده صمم عارض اولوب برکون جامعدن
کاورکن بردابه کلوب اصم اولمغله حس ایده میوب دابه نک
صدمه سندن دوشوب قیامه قادر اولمغله قالدیروب خانه سنه
کتوردیلر فلاح بولمیوب سبب موتی اولدی و ایکیوزطقسان
برده وفات ایلدی (علم نحو ده فی زمانتا مشهور و متمد اول
اولان کتب مختصره دن کتاب کافیه در که ابن حاجب کدر ترجمه سی
سبقت ایلدی بین الطلبة مقبول اولمغله شرح متعددده سی
لایحصى در اول شرح علامه نجم الدین رضی الدین استر ابادیدر که
شرح عظیم الشان جامع لکل بیان و برهاندر لکن رضی الدین
مذهب رفضه ذهابله متمد و شرح ثلثه کبیره و متوسط و صغیر
حسن بن شرف شاه العلوی الاستر ابادی سیدرکن الدیندر ابادی
هندده مشهور و متمد اولدر علمی نصیر الدین طوسیدن اخذ ایلدی
موصلا ده توطن ایدوب مدرسه نوریه ده ایکن یدییوزاون بشده
رحلت ایلدی و حبیبینک شرحی و شاح مفید و مؤخر بین الانام
مقبولدر و شرح سراج الهندی و شرح فاضل سامی مولانا

(عبد الرحمن جامی قدس سره) شروح کافیه نک فوائد فی احسن
تعبیر و اکمل تقریر ایلد تلخیص ایدوب ایضا حنده فوائد کثیره درج
ایتمشدر و لایت خراسانده جام نام قصبه ده قدم زن کاشن وجود
اولوب زیور علوم ایلد ارسته و حلی معارف ایلد پیراسته
اولد قد نکره خواجه عبد الله سمرقندی قدس سره یدندن جام
محبت نوش ایدوب نشنه رحیق عرفان ایلد تحصیل نشاط ایلدی
شهرت فضیلتی کالشمس فی وسط النهار اولمغله مستغنی
عن البیاندر و تصانیف جلیله سی بین الانام لفظ جام که قرق درت
عدددر اولددر تصنیفی اولدیغی روایت کرده ثقاتدر بلاغت
اشعاری و فصاحت کفتاری تصانیف منظومه سندن نمایاندر
سکریوزطقسان سکرده جام رحلتی نوش ایتمشدر و شرح مولانا
شیخ علی الشهر مصنفک امام نخر الدین رازینک اولادنددر
حداث سفنده کتاب تصنیف ایتمکین مصنفک دینلدی علوم
عربییه و فنون ادبییه ده بحر البحار و معقولات و منقولاتده
مجزر الا باردر هر فنده تصنیفی و هر علمده تألیفی مقبول علمای
عظام و مرغوب اجله کرامدر نحو ده شرح کافیه شرح
ارشاد شرح مصباح شرح اداب البحث شرح اللباب شرح
مطول شرح مفتاح حاشیه تلویح شرح البرده شرح قصیده
روحیه لابن سینا حدایق الایمان لاهل العرفان بونلری بلاد
خراسانده و ماوراءالنهرده تصنیف ایدوب بعده رومه کلوب
قونییه ده مدرس اولدی شرح مفتاح حاشیه شرح المطالع و شرح
الکشاف و زبان فارسیده انوار الحدایق و تحفة السلاطین بونلری
قونییه ده تصنیف ایلدی بامر ربانی صمم عارض اولوب اصم

اولاد قده قسطنطينيه به واروب وزير محمود باشايه كلوب انك
 التماسيله نصايح وزراي مشتمل تحفة المجدديه بي تصنيف ايلدي
 ومحمود باشايه عرض ايدوب يوميه سكسان الحقه وظيفه تعيين
 ايلديلر سكرتير يوز يتش بشده رحلت ايدوب حضرت ابي ايوب
 انصاري رضي الله عنه جوارنده دفن اولندي رحمة الله عليه
 رحمة واسعه وشرح الفيه محمد بن عبد الله بن مالك جمال الدين
 الطائي كه ولده مصنف در صاحب ذكا وفطنت وطبيعته حدة
 وفهمه سرعته وعلوم ادبيه وفقه واصولده ماهر فريد عصره
 ووحيد دهره ايدى شرح الفيه شرح كافيه شرح لاميه شرح
 الحاجبيه مقدمة في العروض مقدمة في المنطق اشهر تأليفاته ندر
 التيوز سكسان السنده وفات ايلدي وشرح الفيه محمد بن احمد بن
 علي بن جابر الاندلسي المالكي اعماء مادر زاد ايدى اندلسه
 قراءت قرآن وتعلم نحو وفقه وحديث ايتد كد نصكره مصره
 كلوب يوسف رعي في به مصادف اولدي والي ان يموت بربر ليله
 مواسست ومصاحبتن منفل اوليوب سفرده وحضرده براراده
 اولديلر ابن جابر تأليف امل ايدوب رعي في كتابت ايدردي شرح
 الفيه سي غايته واضح ونافع شرح درو كفاية المتحفظ نام
 منظومه سي وحلة السيرا في مدح خير الوري نام منظومه سنده
 انواع بديع درج ايلدي والفيه ابن معطي في شرح ايدوب سكرتير
 اولمشدر ورفيق يوسف رعي في ادب وليب ونظم ونثرده ماهر ايدى
 حلة السيرا في شرح ايتمشدر يوز يتش طقوزده رعي في رحلت
 ايدوب سكسانده ابن جابر رحلت ايلدي رحمة الله عليهم ما والفيه
 ابن معطي بن عبد الغني المغربي الحنفي علوم عربيه ده امام واشعار

وقصائد مدوح انامدر التيوز سكرتير رحلت ايلدي وكتب
 ميسوطه دن مغني اللبيب عن كتب الاعراب عبد الله بن يوسف
 ابن احمد بن عبد الله هشام الانصاري علوم عربيه ده فابق الاقران
 وعصرنده فريد زمان ايدى مصر قاهرده طلبه علومه تدريس
 ايدوب مباحثه دقيقه واستخراجات عجيبه وتحقيق وتدقيقه
 صاحب يد بيضا ولد يغي تأليف وتصنيف لزند ظاهر در توضيح
 على الافيه رفع الخصاصه عن فوائد الخلاصه درت مجلد در عمدة
 المطالب في تحقيق تصرف ابن حاجب اوج مجلد در التخصيل
 والتفصيل لكتاب التذييل والتكميل عدة مجلدات شرح
 التسميل شرح الشواهد الكبير شرح ملحة الاعراب شرح
 بابت سعاد شرح البرده والتذكرة اون بش مجلد در مسائل سفره
 في النحو قواعد اعراب مصنفات يدر يوز يتش برده رحلت
 ايتمشدر وعلم نحو ده اولان كتب مصنفين ذكرا وانسه مستقلا
 بر كتاب اولور بوقدر ايله اكتفا اولندي والهادي (التذكرة
 الحادية والعشرون لسان عربيه نك محسنات لفظيه
 ومعنويه سني مبين علوم ذكرنده در معلوم اوله كه كلام رباني
 وتنزيل فرقان آسمانده اولان لطايف شريفة ومعنای
 منيغه سنك فصاحت وبلاغتني اكلمقه عقول علماء حيران
 وافهام بلغا سر كردان وكال فهمنده سبحانك لافهم لنا
 الا ما فهمنا انك انت العليم الحكيم ديوب اظهار عجز ايتمشدر
 وعلى قدرت الطاقة البشرية نكت ومن اياي لطايف نظم كريم
 واذعان معاني شريفة قران عظيم ايجون الهام يزداني والطاق
 سبحاني ايله علمای اعلام كثرهم الله تعالى الى يوم القيام علم معاني

و بدیع جمع و تدوین ایدوب کتب کثیره تصنیف و قواعد و مسائل
تألیف ایلدیلر که اول علومه اشتغال ایلد تحصیل ملک ایدوب
معانی قرآنی بیانه فی الجمله قدرت حاصل اوله (علم معانی) تراکیب
کلام خواصی تتبع و تفاوت مقاماتک معرفتیدر که اولی
ثانی به تطبیقه خطادن احتراز ممکن اوله زیرا تراکیب ایچون
خواص متناسبه وارد که انی بلغا اذعان ایدر یا سابقه لری
یا بلاغت اوزره ممارستلری سببیلله و بو خواصک بعضی ذوقی
و بعضیسی استحسانیدر و بعضیسی لوازم معانی اصلیه در
عرف بلغا لزومی اعتباریله و مقامات کلام متفاوت اولدیغی
اجلدن بدیهیدر مثلاً مقام شکر مناسب کلمات مقام شکایتده
ایراد اولمز و مقام تنهیه و تعزیه وجد و هزل بونک امثالی
و خواص کلامک مقاماته تطبیق اولمنسک کیفیتینی علم معانیدن
استفاده اولنور و مداری استحسانات عرفیه در و موضوعی
تراکیب خبریه و طلبیه در و مسائلی اول قواعددر که اندن
مقامک اقتضایی نه در و خواص کلامدن نه اصل خواص ایراد
اولنور معلوم اولور و مبادیسی مسائل نحویه و لغویه و سائر
علوم ادبیه در و دلائلی تراکیب بلغانک استقراسیدر و غرض
مقتضای حاله کلامک تطبیقیدر (وغایتی) تطبیق مذکوره
اقتداد و علم معانیده مستقلاً کتاب تصنیف اولنمیدوب بیان و بدیع
جمله بر کتاب مشتمل اولنق اوزره بو محمله بیان اولندی (علم بیان)
وضوح دلائله معنای واحدک طرق مختلفه ده ایرادینک
معرفتیدر (موضوعی) معنای مراد اوزره وضوح دلائلی
حیثیله الفاظ عربدر (وغرضی) دلائل عقلیه بی افاده به

و مدلولات عقلیه بی فهمه مفرداتک فصاحتله معاتحصیل
ملکه در (وغایتی) دلائل عقلیه واضحیه به معنای مرادی
تعیین ده خطادن احترازدر (و مبادیسی) بعضی عقلیدر
دلائل و تشبیهات و علامات مجازیه و مراتب کلماتک اقسامی
کبی و بعضیسی وجدانیه ذوقیه در و جوه تشبیهات و اقسام
استعارات و کیفیت حسن لفظی کبی (و علم بیانده) وضوح
دلائل لابددر زیرا بوقنده بحث دلائل عقلیه اوزر یننه اقتصار
اولمنسدر که تضمینی و التزامیدر و بود لالتلر دلائل خفیه در
خصوصاً که عادات طبایع بحسب الالفت لزوم اوله اصح الفاظله
تعجبیر واجبدر مثلاً مرئی زیاده دقیق اولدیغی و قنده
ابصارنده شعاع قوی لازمدر کذلک رؤیت قلبیه که ادراکده
و اکا دلائله الفاظ واضحه ایرادی لابددر و بوقنده یا لکزی بیانی
مشتمل اولنق اوزره مفرز مصنف ابن اثیر جزینک جامع کبیری
امام فخر الدین رازینک نهایه الایجازی و عصام الدینک
رساله استعاره می و حاشیه سنی (علم بدیع) بر علمدر که
انده حسن عرض ایلد تحسین کلام و جوهر حیثیله تراکیب
عربیهدن بحث اولنور وضوح دلائله و مطابقت رعایتد نصکره
(موضوعی) فصاحت و بلاغت تکمیلد نصکره تحسین
و ترزین حیثیتهدن لفظ عربدر (وغرضی) محسنات عرضیه
ایلد تحلیله کلامه تحصیل ملکه در (وغایتی) تحلیله مذکوره دن
کلامک خالی اولمنسندن احترازدر (و منفعتی) سامعک
نشاطی و عقولده قبولک زیاده سیدر (و مبادیسی) خطب
و رسائل و صنایع بدیهیه ایلد محلی اولان اشعارک تتبعیدر (معلوم)

اوله که فصاحت و بلاغته اولاً بالذات معتبر اولان محسنات ذاتیه
 در اولهذا علم بدیده معتبر اولان محسنات عرضیه در لکن
 محسنات ذاتیه نک تکمیلند نکره اولمق شرط در انواع بدیع
 اگر چه محسنات ذاتیه و عرضیه در لکن محسنات ذاتیه به
 انضمام ایله حسنی زیاده اولوب ناظرینه نشاط کلی حاصل اولور
 مثلاً بر محبوب زیبا حسن و جماله بهیمتالباس فاخره دن عاری
 اولسه ینه حسنی مشاهد در اما انواع حلی ایله اراسته و زیور
 لباسن متنوعه ایله پیراسته اولسه حسنی مضاعف اولوب نه کونه
 زینت بولور اما حسن ذاتیدن عاری اولان نقد رلباس ایله تلبس
 ایلسه حسن بولمز و خاصه علم بدیده اولان کتب دن زهر الریبع
 مطرزی بدیع بیغاشی و تحریر تجبیری لابن ابی الاصبغ و شرح
 البدیعیات لابن حجة و علوم ثلاثیه بی مشتمل اولان کتب دن روز
 الازمان و مصباح لابن مالک ترجمه سی سبقت ایلدی و کتاب
 مفتاح العلوم که اولنده اشتقاق و صرف و نحوی درج ایدوب
 عقینده علوم ثلاثیه بی تدوین ایدوب بطریق التکمله علم استدلال
 و عروض و قوافی و دفع مطاعن قرآنی ذکر ایتشدر (ابو یعقوب
 یوسف العلامة) السکاکی تصنیف ایتشدر که امام العربیه
 و علامه فنون ادبیه در کتابی فضیلتنه برهان باهر در خوار زنده
 التیوز بکرمی التیده وفات ایتشدر و کتاب مفتاح علم بلاغته
 مخصوص اولان قسم ثالث شروحنده شرح عماد الدین
 الکاشمیر ترجمه سنه واقف اوله مدق و شرح خلخالی محمد بن
 مظفر شمس الدین الخخالی در که علوم عقلیه و نقلیه ده ماهر
 و تصانیف جلیله و فضیلتی ظاهر در شهر مصنفات دن شرح

مصباح و شرح تلخیص ایادی علماده متداولدر ید یوز قرق
 بشده رحلت ایتشدر و شرح قطب الدین الشیرازی محمد بن
 مسعود بن مصحح الفارسی قطب الدین الشافعی العلامة نکدر
 پدری اطبایان ایدی ایتشدر ایدرنندن تلمذ ایدوب بعده نصیر
 طوسیدن تحصیل علوم ایلدی علوم کایه و معارف جزئییه ده
 کامل فایق الاقران و مجالست و موافقتده جمیل الصحبة و فصیح
 اللسان اولمغله ملولک و امر ایله الفت و اکبر و اعیان صیبتنه
 رغبت ایدر لردی بلاد رومه کلوب امر اذوالقدریه ایله ملاقی
 اولدقده اکرام تام ایدوب سپواسده و ملاطیبه ده قاضی ایلدی
 لعب شطرنجده بهیمتا و موسیقی و ضرب ربایده صاحب ید طولی
 ایکن ینه زری صوفیه بی تغییر ایتیبوب دائماً صلحا ایله مصاحب
 و صلوات خمس بی جماعت ایله ادایه مداوم و مواظب ایدی او اخر
 عمر نده ینه شیرازه عودت و مصاحبت ناسدن عزات و ملازم
 خلوت اولوب الی ان یموت عبادت اوزره اولدی شرح مختصر ابن
 حاجب شرح کلیات قانون ابن سینا شرح حکمة الاشراق و کتاب
 درة التاجی لسان فارسی اوزره تصنیف ایدوب جمیع اقسام حکمة
 نظریه و عملیه بی درج ایتشدر و هیئتده تحفه و نهاية الادراک
 و بولردن ماعد انچه مصنفات متعدده سی وارد ید یوز اونده
 رحلت ایتشدر (و شرح سعد الدین) مسعود بن القاضي نخر
 الدین الشیخ العلامة سعد الدین قفتازانی علوم عربیه و فنون
 ادبیه ده امام الاصولین و منطق و حکمتده زبده علمای اعلام
 هر فنده تصانیف جلیله سی مدوح انام و پسندیده علمای
 کرام در علوم قطب الدین و قاضی عضد الدین و غیر یلردن

اخذ و اتقان ایدوب صیت فضیلتی مشهور افاقد رلساتده
 لکنی و ارایدی شافعی المذهب در امیر تیمور زیاده اگرام و اعزاز
 و احترام ایدوب ماوراءالنهر دن رومه بله کتوردی بعده عودت
 و سمرقنده وارد قده رحلت ایدوب جسد شریف بقرین سرخسه
 کتوردی بلمر قد منوره لری انده درید یوز طقسان برده وفات
 ایلدی فتح الله شروانی روایت ایدر که سرخسه واروب مرقد
 شریف بقرینی زیارت ایلد کده قبر شریف بقری عندنده برصند قده
 کبابی بیننده بر ورق بولدم انده مکتوب ایدیکه زنجانده یوز
 بکرمی ایکی صفر نده دنیایه کلوب یوز او تو ز سکر زده شرح
 عزیزی تصنیف ایلدی و قرق سکر زده شهر هر اتده تلخیصی شرح
 ایلدی و مزار جامده الی ایکیده شمسیه بی شرح ایدوب
 و کستانی ترکستانده والی سکر زده تنقیحی شرح ایلدی
 و خوار زنده الشمس سکر زده ارشادی تألیف و سمرقنده سکسان
 درتده مقاصد و شرحی تصنیف ایدوب سکسان طقوزده
 تهذیب و شرح القسم الثالث من المفتاح و شهر هر اتده الی
 طقوزده فتاوی حنفیه بی تألیف ایدوب سرخسه سکسان
 ایکیده مفتاح فقهی و سمرقنده سکسان طقوزده حاشیه
 کشافی تألیف ایدوب طقسان بر محرم الحرامک بکرمی ایکنی
 کونی دار بقایه رحلت بیورد بلمر سن شریف بقری یتش بر سنه به بالغ
 اولمشد و شروح مفتاح دن شرح (سید شریف جرجانی) در که علی
 بن محمد بن علی الحنفی الشریف الجرجانی در فرید عصری و وحید
 دهری بلاد شرقک علامه سی و علمای عراقک و فارسک فهامه سی
 فروع و اصولده بارع و معقولات و منقولاتی جامع شهرت

فضیلتی کون کبی ظاهر و علوم و فنونده تصانیف جلیده سی
 برهان باهر در جرجانده یوز قرقده قدم زن کاشن وجود
 اولوب تحصیل علمد نصکره مبارک شاه منطقیدن تکمیل علوم
 اتمشد در امیر تیمور زیاده اگرام ایدوب رومه بله کتوردی و سعد
 الدین تفتازانی ایلد مجلس تیمورده مباحثه و محاوره لری مشهور
 افاقد و مجموع مصنفاتی خزینه بالغ اولدیغی روزهده صحیفه
 رواتدر اشهر مصنفاتدن شرح مواقف و حاشیه تجرید شرح
 مفتاح حاشیه مطول حاشیه مختصر حاشیه کشف
 حاشیه شرح قطب الدین شرح فرائض رساله فی تحقیق معنی
 الحروف تعریفات و غیرهم شیرازده سکز یوز اون التیده رحلت
 بیورد بلمر سن شریف بقری یتش الی به بالغ اولمشدی رحمه الله
 علیه بوفنده اولان کتب نافعه دن (تلخیص) مفتاح شیخ احمد
 بن عبد الرحمن بن عمر قاضی القضاة جلال الدین القزوی
 الشافعی کدر علوم عربیه و فقهی اتقانده نصکره بعض
 نواحیده قاضی اولدی (بعده) دمشقه کلوب تحصیل علومه
 مشغول اولدی اصول عربیه و معانی وحدیثده مشار بالبنان
 اولوب علمای دمشقه امام اولدی جیل الصورة حسن السیره
 فصیح اللسان ملیح البیان کسینه ایدی دمشقه جامع کبیرنده
 خطیب اولوب بعده ملک ناصر شامده قاضی ایلدی بعده
 مصره کلوب انده قاضی و مصرده اولان اوقاف نظارتی دخی
 تفویض ایلدی غایله سخی الطبع و محب فقر ایدی بعده
 ملک ناصر لاهور غلندن اهالی شام شکایت اتمکین ینه شامه
 قاضی ایدوب کوندردی مدت بسیره د نصکره فلج اصابت

ایدوب اول مرصدن بد یوز طقوزده وفات ایلدی و کتاب
مفتاحك مختصری فوائد غیاثیه عبد الرحمن بن احمد بن
عبد الغفار قاضی (عضد الدین کدر) معقولات و منقولات تده امام
و معانی و عربیه ده عمده علمای اعلام کریم النفس و کثیر الانعام
ایدی نواحی کرمانده قاضی ایکن والی ایلده ماجراسی اولوب قلعه ده
محبوساید یوزاللی الی ده وفات ایلدی اشهر مصنفاتلری
مواقف فوائد غیاثیه شرح مختصر منتهی و رساله الوضع
و رساله فی الخلاف و فوائد غیاثیه شرح و حنده شرح کرمانی محمد
بن یوسف بن علی صاحب شرح البخاری در کرمانده تحصیل
علوم عربیه و تکمیل فنون ایلد کد نصکره شامده و مصرده
اولان مشایخ محمد ثنیدن کتب سته بی استماع ایدوب طلبه به تعلیم
علم ایدردی حج شریفه واروب بغداد انست حج بغداده عودت
واهل دیان عزالت ایلدی شرح بخاری درت مجلد در شرح
مواقف شرح مختصر منتهی سبعة سیاره تسمیه اتمشدر شرح
فوائد غیاثیه شرح الجواهر انوزج الکشاف حاشیه تفسیر قاضی
اشهر مصنفاتلرید یوز سکسان التیدر حلت اتمشدر و شرح
غیاثیه ابن شریف محمد بن علی السید شریف الجرجانی پدری سید
شریفدن تحصیل علوم و تکمیل منظوق و مفهوم ایدوب اهل
براعه دن اولمشدر متوسط اوزرینه پدری سید شریف قدس
سره نک حاشیه سنی تکمیل اتمشدر و شرح ارشاد فی النحو و شرح
هدایت الحکمة و رساله فی المنطق و بوفنده اولان کتب لایعد
ولا یحصى در مشهور اولنلری ذکر اولندی (التذکره الثانیة
والعشرون) ذکر اولنسان علومدن ماعد علوم عربیه دن

عداولنسان علوم ذکرنده در (معلوم اوله که) علم بلاغت تراکیب
عربیه نک تتبعی و کلام بلغا استقرائینه توقف ایدر و تراکیب
دخی ایکی قسم اولوب بر قسمی منشور و بر قسمی منظوم در
تراکیب منشوره نک معرفتی علم محاضراته توقف ایدوب
تراکیب منظومه نک معرفتی علم عروضی بلکه توقف
اتمکله عروض و محاضرات علوم عربیه دن عداولندیغندن علم
عروضی علم بلاغتن بر قسم قیلدیلر زیر احسنات عرضیه دن
اولمغله اقسام بدیعیه دن اولدیغی ظاهر در دیو تحقیق ایلدیلر و بلغا
دخی اوج قسم در بلغای اسلامیه و بلغای محضرمین در که
بونلر کلاملرله استدلال اولنور و بونلر دخی زمانلرین بلمک
وانسابلرین و اسامیلرین و مکانلرین بلوب کلاملری ایلده استدلال
اولمغله دن فرق اتمک لازم اولمغله علم تاریخ دخی علوم عربیه اوزرینه
تفرع ایدوب عربیه دن عداولناندربنا علی ذلک بوعلملر دخی
ذکر اولنسی مناسب اولمغله حسبایمکن تحریر اولندی (علم
عروض) بر علمدر که واضع فن عندنده بحور سته عشرده
معتبر اولنسان اوزانک احوالندن بحث اولنور (وغایتی) ایقاع
معتبره اوزره ایراد کلامده خطادن احتراز در (موضوعی)
حیثیت مذکورده لفظ عربیه در (مبادیسی) اشعار عربک
تتبعندن و اون بش وزندن بحر تسمیه اولنسان حصرندن
حاصل اولان مقدمات در و معلوم اوله که حکما عندنده شعر کلام
مخیلدر موزون اولسون غیر موزون اولسون و شعرک موادی
شول مخیلاتدر که نفس قبضا و بسط متأثر اولور و علماء متأخرین
عندنده کلام مقفی در انلروزن و قافییه اعتبار ایدوب تخیلی

ترك اتمشدر و بعضا عند نده شعر عمده كلام موزون در بونلر
تقفیه و تخبلی ترك اتمشدر در فرقان کریمه واقع اولان ایات
موزونه شعر دن خارج اوله که عمده یوقدر قوله تعالی و ما علمناه
الشعر و ما ینبغی له * عدم علم عمده دایلمدر لکن حق اولان بودر که
شعرده قیود مذکور هک جمیع سی معتبر در زیر تخبلی اولسه
لذت سمع اولس قران مبینده شعرک وجودی لازم کاور و ماهو
بقول شاعر رس شعر کلام موزون و مخمل و مقفی بطریق العمده در
(معلوم) اوله که بو علمک واضعی خلیل اشعار عربیه بی تتبع ایدوب
اون بش وزنه حصر ایلدیوب و هر بروزنه بحیر تسمیه ایلدی
و یو محور خمسة عشرده او توردت عروض و التمش اوج ضرب
اعتبار ایدوب و زحافاتک علمنده بکرمی اوج علت ذکر ایلدی
تفصیلی کتب عروضده مذکور در و بو علمی اگر چه خلیل
وضع ایلدی لکن جوهری تهذیب ایدوب اخفش بر بحر زیاده
ایلدی و بحر متدارک تسمیه ایلدی و بوفنده اولان کتب دن
رساله ابن مالک و عروض الورقه للجوهری و لامیه ابن حاجب که
ترجمه سی سبقت ایلدی و عروض ابوالقاسم هبیه الله بن فضل
بن عبد الله العزیز المعروف بابن قطان شاعر بغدادینکدر غایتله
تیز طبع و کثیر المزاج و الهجاء اولوب اساتندن بر فرد سالم اولمزدی
حتی وقتنده اولان خلفایه دخی زباندر ازلی ایدردی قصائد
و اشعاری بین الانام مقبول و پس مندیده در بشیوز الی سکرده
وفات اتمشدر و شفاء العلیل فی علم الخلیل امین الدین المحلی کدر
مصرده اولان ائمه علوم ادبیه نک مشاهیر ندر هر فنده تصانیف
جلیله صاحبیدر التیوزیتش اوجده رحلت ایلدی و بوفنده

اولان کتب نافعه دن عروض خطیب تبریزی یحیی بن علی
بن محمد ابوزکریا بن الخطیب التبریزی در نحو ده و لغته ده امام و علوم
ادبیه ده زبده علمای اعلام در علوم عربیه بی ابوالعلاء مغریه دن
و عبد القادر جرایدن اخذ ایدوب قاضی ابوالطیب طبریدن
و ابوالقاسم تنوخی و خطیب بغدادیدن حدیث اخذ ایلدی
بغدادده مدرسه نظامیه ده تدریس ایدوب وقتنده ریاست
علم اکامنتهی ایدی اشهر مصنفاتدن شرح قصائد عشره
تفسیر قران و اعراب و شرح اللمع و الکافی فی العروض و القوافی
شرح حماسه شرح دیوان المتنبی و دیوان ابی تمام شرح دریدیه
شرح سقط الزند شرح تهذیب الاصلاح بشیوز ابیکیده رحلت
ایلدی و بین الطلبة متداول اولان مشهور عروض ابی الجیش
الانصاری الاندلسی و دارد قصری نک شرحی و فتح تفویض
و شرح العروض و قصیده جزیه و شرحی و سکا کینک تکمله
مفتاحده تحریری بحری المعارف سروری عروض و قافیه
رصنایع شعریه بی جامع در علم قوافی بر علمدر که انده اعجازک
تناسبندن و عیونندن بحث اولنور و غرضی اصحاب بلاغتك
اعتبار ایتدیکی وجه اوزره طبع سلیم تفر ایلدیکی عیوبدن خالی
اعجاز متناسبه اوزره بیاتک ایرادنه تحصیل ملکه در (وغایتی)
اعجاز ایراد مذکوره اوزره خطابدن احتراز در (و مبادیسی)
اعجاز اشعار عربیک تتبعندن حاصل اولان مقدماتدر و بوفنده
اولان کتب مختصره دن ایکی متوسطه دن کتاب ابن قطاع
و مبسوطدن کتاب ابن سیده کتاب کافی فی العروض و القوافی
و شرح قصیده الغر و خریده الحسنه الصدر الدین السامی و جم

الفوائد واكثر عرضة اولان كتابك آخر نده قوافي دخی ذکر
اولنشدن (علم قریض شعر) بر علمد که کلمات شعریه نک احوالندن
بحث اولنور لکن وزن وقافیہ حیثیتیلہ دکل بلد کہ شعر اولدیغی
حیثیتیلہ حسن وقبیلدن بحث اولنور حاصلی حسن وقبح وجواز
وامتناع حیثیتندن شعره مخصوص اولان احوالی تتبع در
(وغرضی) خاصه مذکورہ اوزره ایراد شعری تحصیل ملک در
(غایتی) ایراد مذکورده خطادن احتراز در (مبادیسی) اشعار
عربک تتبعندن حاصل اولان مقدمات در (علم انشا) بر علمد که
مقامه لایق تعبیرات و عبارات مستحسنه و بلاغ اولدیغی
حیثیتیلہ کلام منشور دن بحث ایدر (موضوعی و غایتی) تعریفده
ظاهر در (مبادیسی) خطب و رسائلک تتبعندن مأخوذ در
بلد کہ جمیع علومه مدخلی وارد در خصوص احکمت علمیہ و علوم
شرعیہ و سیر ملوکده و حکایات ام و وصایای علما و حکما و عقلا
و کلام بکار و ضرور امثال علومک تتبعندن و یوفنده اولان کتب
نافعه دن مثل السائر فی ادب الکاتب و الشاعری ابو الفتح نصر
الدین ابوبکر محمد بن محمد بن عبد الکریم بن عبد الواحد المعروف
بأبناثیر الجزیرینکدر موصوله تحصیل علوم ادبیہ و تکمیل
فنون عربیه دنصکره ملک ناصر صلاح الدین اکرام و احترام
اتمسکله آنک عندنده اقامت ایلدی (بعده) ملک ناصر اوغلی
نورالدین پدرندن طلب ایلوب کندویه وزیر ایلدی هر فنده
تصنیفی وارد در علم انشانک جمیع مهماتی کتاب مرقومه
درج ایتشدن و فن کتابتک قواعدنی کما ینبغی جامع بر تألیف
لطیفه رالتیوزا و توزیدیده بغدادده وفات ایلدی و کتب انشادن

کتاب معانی المختصره موفق الدینکدر و کتاب الوشی المرقوم
فی حل المنظوم و مجموعه شعرابی تمام و بجتری و دیوان ترسل
جمله سی موفق الدینکدر ترجمه سنه واقف اوله مدق و کتب
انشادن اعجب عجاب و الطف کتاب مقاماتدر که صد فدهر
البحره مائده دریم یکانه در قاسم بن علی بن احمد بن عثمان
البصری الامام ابو محمد الحریری کدر فصاحت و بلاغته زبده
زمان و معارف و فضائلده مشاربالبنا در تصانیف جلیله سی
فضائله برهان باهر در رتبه علمیہ سی مقاماتندن ظاهر در (ابن
جویری) روایتی اوزره مقاماتک سبب تدوینی اولدر که حریری به
بر کون بصره نک جامع کبیرنده بر درویش شکل بر سائل کلوب
اوغلی اهل روم النده اسیر اولمغله خلاصیچون سوال ایلدی بکنی
عرض ایدوب جامعده اولنلردن وافر درهم جرابلدی حریری
سائل مر قومک فصاحت و بلاغته و لطافت کلمات و اساتک
طلاقتنه حیران اولوب اسمنی سوال ایلد کده ابوزید سر و جیدر
دیو جواب ایلدی اول کیجه ابدادن بر قاج کسنه ایلده هم صحبت
اولوب سائل مزبورک اوصافنی حریری نقل ایلدی مجلسده
اولنلر هر بری بر مجلسده سائل مر قومه راست کلوب جمله سی
فصاحتنی اعتراف ایلدی لکن بر محمله اولان لباسی
و کلامی آخرده اولمیوب بر قاج شکله تشکل ایلد بکنه جمله سی
متحیر اولدی لری حریری دخی سائلک بصره ده اولان احوالی
بر مقام ایدوب بغدادده کتوردی و مجلس خلیفه به عرض
ایلد کده حاضر اولان علما حریرینک اولدیغنی استبعا د ایلدی لری
حریری دخی انه قلم آلوب سئلوکل مایه علق بهذا دیوقلمه اشارت

ایلدی و جمله سنک سئوالرینه احسن وجهله جواب ووروب
جمله سی فضلنه اعتراف ایلدیلر خلیفه نکر وزیر مقام مر قومی
کورد کده بر قاج مقام دخی زیاده اتمکی رجا ایلدی حریری
بصره به واروب انده ایتمک اوزره تعهد ایدوب بصره به عودت
و قرق مقام ایدوب ینه بغداده کندی وزیر عرض ایلد کده بعض
اصحاب حسد ایدوب بو کسینه نکر بو گونه فضیله لیستی یوقدر
بونک مؤلفی غیریدر بعد التسوید وفات ایدوب مسوده سی النیه
کیر مشدر دیدیلر وزیر دخی حریری به اون مقام زیاده ایدوب الی
مقام اولمسی امر ایلدی حریری اول کیجه صباحه دکر النیه قلم
الوب یوقدر جد وجهه ایلدی ایکی کلمه پیدا اتمک قادر اولمیبوب
تکرار ینه بصره به عودت و انده اون مقام دخی ایدوب کتورد کده
وزیر وافر انعام ایلدیکه کندی خطیله ییوز مقامات یازم مشدر
درة الغواص فی اوهام الخواص ملحة الاعراب و شرحی و دیوان
شعری و رسائل متعدده سی وارددر بشیوز اون التیده وفات
ایتمشدر و کتاب انشادن تاریخ عینی ابوالنصر محمد الدین عبید
الجبار عینی کدر محمود سبکتگینک احوالی ذکر ایدوب
فصاحت و بلاغته صنایع بدیعیه و انشاده لطیف بر کتابدر
(علم مبادی الانشا) و ادواته بر علم در که انده کتابت و علوم عربیه
و شرعیه و تواریخ و سائر انشایه مناسب اولان علومدن بحث ایدر
و موضوعی و غایتی ظاهر در و یوقنده اولان کتبندن کتاب صبح
الاعشی فی صناعة الانشادر که یوقنک جمیع مهماتی مشتمل
اولوب قلیل و کثیر قواعد فی جمله ذکر ایلشدر امام العلامة جامع
اشتات علوم ابوالعباس احمد قاضی شندی الشافعی کدر بصره

کاتب انشا ایلدی سکر یوزیکرمی برده وفات ایلدی (علم
محاضرات) بر علمدر که انکله غیرک مقامه مناسب اولان کلامی
ایرا ده ملک تحصیل اولنور (فائده سی معانی اصلیه سی
جهتندن مقامه مخاطبک اقتضای اوزره غیریدن منقول اولان
کلامی تطبیقه خطادن احترازدر (و علم معانی) ایله محاضرات
بیننده فرق اولدر که معاینه متکلم کلامی مقتضای حال اوزره
تطبیق ایدوب غیرک کلامی کندی حاله لایق خواص اوزره
تطبیقدر (اما محاضراته) کلام بلغایی محلیه مناسبه علی
طریق الحکایه نقلدر و یوقنده اولان کتبندن کتاب ربیع
الابرار جار الله علامه نکر ترجمه سی علم تفسیرده ذکر اولنور
و کتاب فنون المحاضرات مفضل بن محمد ابوالقاسم راغب
اصفهانین کدر هر فنده تصانیف جلیله سی وارددر کتاب تذکره
الحمد و نیه ابوالمعالی محمد بن سعید بن علی بن حمدون بهاء الدین
بغدادین کدر علوم عربیه ده فاضل و فنون ادبیه ده کامل اولدیغی
کتاب تذکره سنده ظاهر در و یوقنده انفس کتابدر تواریخ و ادب
و نوادر اشعار عربیه بی جامعدر بغدادده بشیوز الشمس ایکیده
محبوسا وفات ایلدی و کتاب العقد ابو عمر و احمد بن محمد بن عبیدربه
نکر راخبار ناس و اشعار عرب و نوادر و حکایت غریبه ده اولان
محفوظاتی کتاب مرقومه ذکر ایلشدر اوچیموزیکرمی سکرده
رحلت ایلدی کتاب اغانی علی بن الحسین بن محمد ابوالفرج
اصفهانین کدر اعیان ادبا و مشاهیر علماندن علوم عربیه ده
ماهر و فنون شتاده مهارتی تصانیفندن ظاهر در خصوصاً کتاب
اغانی که فنده اولقدر فوائدی مشتمل کتاب تصنیف اولمیدیغی

مسلم علمادر کتاب می قومی سیف الدوله به کتورد کده اون بیلک
دینار اعطا ایلدی قلمتندن اعتذار ایدوب وزیر بن عباددن نقل
اولندیکه او توردوه یوکی کتاب یا نمده موجود ایدی ابوالفرج
کتاب اغانی بی تصنیف ایلد کد نصکره انکله اکتفا ایدوب
جمله سندن مستغنی اولدم دیمشدر و مر قومک تصانیفندن جمهره
النسب و غلمان المغنین کتاب الاماء الشواعر بونلردن ماعدا
اشعار کثیره و متأثر شهرتی لایحصى در او چیوزاللی التیده رحلت
ایلدی و کتاب سکردان احمد بن ابی بکر بن عبدالوهاب تلمسانی
المعروف ابن ابی خجله ~~نمده~~ کدر مصرده قوطن ایدن علمانک
مشاهیرندن تصانیف جلیله سی لایعده و لایحصى درجه سی
مقبول انام و پسندیده علمای کرامدر شعر و انشاده ماهر و اول
فنده بضاعه سی مقاماتندن ظاهر در و اشهر مصنفاتندن
دیوان صبابه منطق الطیر مجمع الهدیل فیما جری بین النیل الطیب
الطیب موصل المقاطع نعمة الشاملة فی عشرة الکامله طاب
لیل اون مجلد در عنوان السعادة قصيرة الجال ید یوز
یتش التیده رحلت ایلدی (کتاب) مسامرة الابرار محاضرات
الاحبار عالم ربانی و بحر صمدانی پیشوای ارباب حقیقت مرشد
السالکین منقذ الهالکین (شیخ محی الدین) العربی الطائی
الاندلسینکدر قدس سره علم تصوفده جلیل الشان و علوم
اسماء حروفده و علوم عربیه ده مشار بالبنان تصانیف جلیله سی
علوشاننه برهاندر و بعض علمادن منقولدر که شیخ شهروردی
ایله ملاقی اولد قلزنده شیخ می قومک احوالندن سئوال ایلدیلر
بر بحر عمیق در که حقایق ایله مملودردی و یوردیلر بعض علماء

شیخ منور قدس سره ده اولان غامضاتی اسرارینه عدم
وقوفلرند تناشی طعن و تعرضلری همان تعصبلرند تناشیدر
و تصنیفات جلیله سی بشیوزدن زیاده اولدیغنی طبقات
الاقطابده ذکر ایتمشدر بونلردن ماعدا اشعار بلیغه و قصائد
فصیحه سی وارد که هر بریتی درر حقایق ایله مشکون و هر بر
مصرعی بر جوهر عبرتموندر و طریق تصوفده ابومدین مغربی
حضر تارینک ترییه کرده سی اولوب اوچنی مرتبه ده قطب
العارفین عبدالقادر کیلانی قدس سره حضر تارینه منتهی اولور
کراماتی ظاهر عالم ربانی و عارف سبحانی بر ذات شریف جلیل
الشان و ولی کامل علوالمکان و نیر عالمتاب وجودی مطلع
اندلسده بشیوز ایتمشده طالع و لامع اولوب شام دارالسلامده
التیوز ایتکیده عازم راه بقا اولدی اول کنجینه عرفان صالحیه نام
محمده مدفوندر الان مر قدمنوره و مشهد معطره لری زیارتگاه
شیخ و شایدر نورالله مر قده و کتاب سلوان المطاع فی عدوان
الاتباع ابن ظفر ابو عبد الله محمد بن محمد بن ظفر المعروف بحجة
الدین کدر اعلم الادبا و ادیب العلماء و الفضلادر مکة مکرمه شرفها
الله و عظمها ده نشوونما اولوب مدینه منوره قطن ایتمشدر اشهر
مصنفاتندن تفسیر ینبوع و حاشیه درة الغواص و شرح مقامات
بشیوز ایتمش بشده مدینه منوره وفات ایتمشدر و کتاب المحاضرات
و المناظرات و کتاب الامتاع و المؤانسة ابن حیان توحیدی
علی بن محمد بن عباس کدر نحو و لغت و شعر عرب و فقه کلامده امام
بلغای فیلسوف الادبا در زماننده اولان ملوک و وزرا رغبت
ایتدکاری ایلادن اکثر تصانیفندن زمانندن شکایت ایتمشدر

و آخر عمر نده جميع تصانیفی احراق ایدوب کندی خطیله تصنیفی
 قالمامشدر مذهب اعتزالده حافظ مسلمانکه سلوک ایتشدر
 محاضراتی لایعبدولا یحیی در مشاهیر نندن زهت الاصحاب
 فی معاشره الاحباب رونق المجالس انیس المحاضرات نظم السلوک
 فی مسامرة الملوک نشوات المحاضرات عجایب الغرایب
 ترویج الارواح مستطرف مستصفی المعارف روضة الاخیار
 مفید العلوم وغیرهم (علم تواریخ) بر علمدر که انکه
 طوائف ماضیه نک احوالی و بلدانلری و رسوملری و عاداتلری
 و اشخاصلری و صنایعلری و انسابلری و سائر احواللری معلوم
 اولور (موضوعی) انبیاء و اولیاء و علماء و حکماء و شعراء و ملوک
 سلاطین و وزرا و غیریدن اشخاص ماضیه در (غرضی) احوال
 ماضیه و وقوفدر (فائده سی) احوال ماضیه دن عبرت الوب
 انکه متنتصح اولمقدرو بوعلم بر عمر را خردر که ماضیه کچن سلفک
 احوالنه اطلاع ایلد مجرد امور و مدبر مصالح جهورد و بوقفنده
 اولان کتب تواریخک عربی و فارسی و ترکی اسامیلری تحریر
 اولنسه بر قاج مجلد اولور بوقفیر کثیر التقصیر استانبولده
 کتبخانه لرده و بکار علمادن بعض مناسبت ایدوب شرف صحبتلریله
 مشرف اولدیغمز فضلا ی عظام کتابخانه لرنده کوردیکمز
 تواریخ کتابلری اوچیزدن زیاده اسامیدر تحریر اولمشدی
 لکن بو مختصرده مشاهیر علماتواریخ لرنده مشهور و معتبر
 اولنلردن بر قاج کتابلرکذکر یله اکتفا اولندی (تاریخ ابن کثیر)
 ابوالفداء اسمعیل بن عمر در که بصره ده تولدا ایدوب دمشقه وطن
 ایتشدر زهد و صلاح ایلد راسته و ورع و تقوی ایلد پیراسته حدیث

و تفسیرده فایق الاقران و علم تاریخده مشهور بالبناندر یدییوز
 یتش اوچده رحلت ایتشدر (تاریخ طبری) ابو جعفر محمد بن
 جریر الطبریدر طبرستانده بابلده ایدکیوز یکرمی در تده تولد
 ایدوب تحصیل علومده بذل مقدور و وسعی نامحصور ایدوب فنون
 کثیره ده امام خصوصاً تفسیر و حدیث و فقه و تاریخده مصنوعات
 عدیده سی مقبول خاص عامدر خصوصاً تفسیر کبیری سعت
 علمنه شاهد جلیلدر ابواسحق شیرازی طبقات فقهاده جمله
 مجتهدیندن اولوب بر کسینه به تقلید اتمشدر دیوبعض تحقیق
 ایدر بغدادده اوچیزاوندده رحلت ییورمشدر و کتاب کامل
 علی بن ابی الکرم محمد بن عبد الکرم بن اثیر الجزیری کدر جزیره
 ابن عمرده تولدا ایدوب موصلده توطن ایتشدر شام و قدسده
 اولان فضلادن اخذ علوم ایدوب ینه موصله عودت و ملازم
 خلوت اولوب خانه سی مجمع فضلاء و ملجأ ادبایدی علم حدیثده
 امام عصری و انساب عرب و اخبار و قایعده و حیددهری ایدی
 کتاب مذکورده ابتدا عالمده تاریخ هجرت مصطفوی علیه
 اکمل التحیه نک التیوز یکرمی سکن ینه دل اولان وقایعی درج
 ایتشدر و تاریخ صحابه عظامی الی مجلددر شهر موصلده التیوز
 او توزه رحلت ایتشدر (تاریخ ابن جوزی) ابن جوزی بر قاج
 مجلددر ابوالفرج عبد الرحمن بن حسن البغدادی الحنفینکدر که
 علوم کثیره ده علامه عصری و حدیث شریفده امام و وعظ
 و نصیحتده و حیددهری ایدی (علم) حدیثده تصانیف کثیره سی
 وارد رسائر کتابتی جمع اولند قدده بلوغندن هنگام رحلتنه کلنجبه
 حساب اولنوب بهر یوم طقوز جز اولمشدر و کتب معتبره ده

توثیق اولان شد که حدیث نبوی کتابت ایلدی کی قلمک قطع نیدن
 دوکان ریره قلمی حفظ ایدوب حین وفات ده غسل اولنه جق
 صوینی انکله تسخین اولنه دیو وصیت ایدوب کمال مرتبه وفا
 ایلد کد نص کره بر از فضله دخی قالمشدر بو قدر فضیلتن فضله
 اشعار بلیغه سی واردر و غایه له سر یع الجواب ایدی نقل
 اولنور که بغداد ده منه بر اوزره وعظ ایدر کن اهل سنت ایله اهل
 شیعه بیننده نزاع اولوب طرفیندن دخی امامن جوابه راضی
 اولوب افضل بشر بعد النبی کیم در دید کارنده من ابنته تحته دیوب
 همان منبردن ایندی فریقیندن هر بری کندی رأیلرینه
 کوزه مطابق اولمق اوزره کلدیلر اهل سنت حضرت ابی بکر
 الصدیق رضی الله عنه در که کریمه عقیقه لری حضرت عائشه
 صدیقه رضی الله عنها تحت نکاح حضرت سید المرسلینده در
 دیدیلر شیعه قره العین شفیع المحشر فاطمة الزهرا رضی الله عنها
 تحت نکاح حضرت اسد الله علی بن ابی طالب رضی الله عنهدر
 دیدیلر بو کونه جواب بدیعه بعد التأمیل احسن الاجوبه در
 بالبداهه من غیر فکر اولمق اوزره نه مرتبه فصاحت اولدیغی
 معلومدر و شیخ مزبور دن سؤال ایلدی لر که بر جدید کوزه صوایله
 طولدر **رکن** صد او بر سببی نه در جواب ویردی لر که
 صویک برودتدن فرح کسب ایدوب شدت ناردن و حرارتدن
 کندی به اصابت ایدن المذن شکایت ایدر وینه سوال
 ایلدی لر که کوزه صویله مملو اولد قدده بارد اولمق بر از ناقص اولسه
 برودت کسب ایدر سببی نه در دیدیلر هو اناقصه تحلل ایدر
 کامله تحلل ایتزدیو جواب ویردی وینه سوال ایلدی لر که سید

الشهداء حضرت امام حسین رضی الله عنهم کتلی یزیده نسبت
 ایدر لر یزید خود اول وقتده دمشقده ایدی جوابنده بویتی انشاد
 ایلدی (بیت)

سهم اصحاب و راحیه بذی سلم * من بالعراق لقد ابدت من مالک
 من حومک اجوبه نادره سی لا بعد ولا یخصی در بشیوز سکرده
 تولد ایدوب بشیوز طقسان یدیده رحلت ایلدی رحمه الله علیه
کتاب مرآة الزمان سبط ابن جوزی شمس الدین ابوالمنظفر
 یوسف وقتنده مشهور واعظ ایدی اساتنده طلاق و مجامعنده
 مهابت اولمغله اکابر عندنده مقبول و مسلم ایدی ابن خلدکان
 مرآة الزمان نام تاریخی کوردن قرق مجلد ایدی دیور وایت ایلشدر
 و کتاب منتهی المسؤل فی سیرة الرسول و لوا مع فی الاحادیث
 و تفسیر القرآن الکریم اشهر مصنفاتند در بشیوز سکسان
 برده بغداد ده تولد ایدوب الی در تده دمشقده وفات ایلدی
 و تاریخ ابن خلدکان شمس الدین ابوالعباس احمد بن ابراهیم
 بن ابی بکر بن خلدکان البرمکی الشافعی فنون شتاده فاضل و علوم
 کایه و جزیه ده کامل کرم اخلاق ایله موصوف اقوالی موقوف
 و دیانت و صلاح ایله معروف ایدی و فیات الاعیان و انباء
 انباء الزمان نام تاریخش مجلد در مدوح انا و پسندیده علمای
 اعلام در مدینه اردیلمده التیموز سکرده تولد ایدوب پدرندن علم
 فقهی قرائت و بعد الوفات موصله رحلت و امام **کمال**
 الدین یونسک در سینه حاضر اولوب بر از مد تدنص کره
 حلبه کاوب ابوالبقاء نخویدن نخوی و فقهی شیخ کمال الدیندن
 تحصیل و اندن دمشقده کاوب ابن صلاح دن تکمیل علوم ایلدی

واندن مصر قاهره به کلوب قاضی القضاة بدرالدین سجاری به
مدت بسیر ده نائب اولد قد نصکره محله کبرایه قاضی اولدی بعده
شامه قاضی ایلدیلر التیوز سکسان برده شامده رحلت ایلدی
اشهر مصنفاتندن تاریخ مذکور وقصائد عدیده سی وارد
عذوبت لسان و احسن تعبیر و دقایق مضامین ایلده مشهور ایلدی
رحمة الله علیه (تاریخ ابن حجر) ایکی مجلد درودرة الکامنه
فی اعیان المائة الثامنة نام تاریخ آخری وارد امام العلامة
حافظ العصر قاضی القضاة شیخ الاسلام ابو الفضل احمد بن الشیخ
الامام علاء الدین علی بن حجر العسقلانی کدر علم و فضلده معروف
وزهد و صلاحده موصوف حافظ حدیث نبوی و خادم اثار
مصطفوی در سن شریفی طقسان طقوزه بالغ اولمشدی سکرز
یوزالی سکرزده عازم خلد برین اولوب جماعت کثیره نمازده حاضر
اولدیلر اولیاء الله دن چوق کسینه موجود اولوب حتی خضر
علیه السلام حضر تلی دخی اولدیغنی بعض اولیاء الله خبر
ویرمشدر رحمة الله علیه تاریخ صلاح الدین صفدی کندی خطیله
الی جلد اولمشدر خلیل ابن ایبک الشیخ الصفدی الشافعی امام
العربیة و علامه علوم ادبیة و حید عصری و فرید دهری ایدی
شیخ نقی و حافظ فتح الدین بن سید الناسدن تحصیل علوم ایدوب
فقه و اصولده ماهر و ادبیاتده نظم و نثر اوکتابه و جموع سامعین
ظاهر در التمش مجلددن زیاده تصنیفی کتابت ایلدیکی روایت کرده
نقشاندید یوز طقسان در تده طاعونندن وفات ایلدی (تاریخ)
خطیب بغدادی اون مجلد در حافظ ابو بکر احمد بن علی بن ثابت
بغدادینکدر حفاظ متقین و علماء متبحریندن فقیه و محدث ایدی

وسایر علومدن زیاده حدیث و تاریخده ممتاز و زماننده سرفراز
ایدی یوز مقداری مصنفاتی اولدیغنی مشهور در اوچ یوز طقسان
ایکیده تولد ایدوب در یوز التمش اوچده وفات ایلدی رحمة الله
علیه ذیل تاریخ بغدادی او یوز مجلد در حافظ محب الدین بن
الحسن بن هبة الله که محب الدین ابن نجار بغدادی دیمکله
مشهور در سعت علمنه و حفظنه و علوشاتنه تاریخ برهان
باهر در مناقب امام شافعی و سنن احکامه متعلق تصنیفلی
وارد در تحصیل علم ایچون شام و مصر و حجاز و میوه و اصفهان
و هرات و نیشابورده اولان علمای عصرندن تعلم ایدوب بکرمی
یدی سنه سیر و سیاحت ایلدی و اوچ بیکنن زیاده کسینه دن
استفاده علوم ایلدم دیمشدر بغداد ده التیوز قرق اوچده وفات
ایلدی (تاریخ ابو سعید السمعی تاج الاسلام ابو سعید عبد
الکریم ابو بکر محمد بن ابی المظفر منصور السمعی المروزی فقیه
شافعینکدر علم طلب ایچون خراسانه و ماوراء النهره کیدوب
اقطار عرضده سیر و سیاحت ایلدی درت بیکنن مقداری مشایخ
علمادن اخذ ایدوب خطیب بغدادینک تاریخ ذیل اولمق
اوزره تاریخ اونی بش مجلد در و تاریخ مر وه اون مجلد در و کتاب
انسابی سکرز مجلد در غایتله واسع العلم و کثیر الحافظه ایدی بشیوز
التیاده تولد ایدوب بشیوز التمش ایکیده وفات ایلدی
(تاریخ بیاتی) ابو عبد الله بن ابی المعانی الفقیه الشافعی المورخ
الواسطینکدر زماننده اولان مشایخ حدیثدن اخذ احادیث
نبوی و استماع اخبار مصطفوی ایدوب علم حدیثده فایق
الاقران و اسماء رجال و طرق روایات و تواریخ حفاظده مشار

بالبنان اولدی تاریخ مذکور اوج مجلد در و تاریخ واسطی
وارد در شهر واسطه بشیروزالی سکرده تولد ایدوب التیوزاوتوز
یدیده بغدادده وفات ایلدی (تاریخ ذهبی) اوج تاریخدر کبیر
واوسط وصغیر محمد بن احمد بن عثمان شمس الدین ابو عبد الله
الذهبی بن کدر عصر نده امام المحدثین ووخید عصری وفیرید
دهری ایدی اون سکر یا شکر نده ایکن حدیث نبوی قراءته
شروع ایدوب دمشقده ومصرده واسکر ندریه ده وبعلا بکرده
تحصیل علم ایلد کدر نصکره کیجه کوندز خدمت احادیشده یذل
مقدور ایدوب الی آخر العمر نعلم احادیث شریفه ایله اوقات
کذار اولدی حدیثده واسماء رجال وقرات و تاریخده تصانیف
حلیله سی واردید ییوز قرق سکرده وفات ایلدی (تاریخ)
(کتاب الباری) ابو عبد الله هارون بن علی بن یحیی بن منصور
المنجم البغدادی بن کدر عالم ادیب وفاضل لبیب لطیف المجانسه
وحسن المنادیه ایدی احوال شعر او اشعار بلغاده محفوظاتی
طوق بشردن خارجدر کتاب بارعده اخبار شعری درج
ایدوب یوز ابکی شاعر لک احوال و اشعار لرین تحریر بر ایتشد
بشار بن برد ایلد بدأ ایدوب ومحمد بن عبد الله المملک ذکر ایلد
ختم ایلدی بوفنده اولان کتب انفسد رید ییوز سکسان سکرده
وفات ایلدی بقیة الدهر ابو منصور عبد المملک بن محمد بن اسمعیل
النعلمانی النیسابوری بن کدر وقتنده رئیس المؤلفین وامام
المصنفین فایق الاقران ومشار بالبنان ایدی جمله تصانیف مقبول
علمای عظام در رو بسندیده فضلادره صنفات تک اجلی بقیة الدهر
فی محاسن اهل العصر نام کتابیدر که فضله برهان باهر در

سحر البلاغه من غاب عن الطرب مؤنس الوحید فقه اللغة
مصنفات بن کدر اوج یوز الیمده تولد ایدوب در تیوز بکرمی
طقوزده وفات ایلدی (تاریخ دمیة القصص) ابو الحسن علی بن
حسن بن علی بن ابی الطیب الباخری بن کدر شاعر مشهور در
ابتدا قراءت فقهه شروع ایدوب وامام حرمینک پدر لری شیخ
ابو محمد جوینیدن فقه شافعیه بی تحصیل نصکره فن کتابته
شروع ایدوب حسن خطه مالک اولدی وعلوم عربیه وفنون
ادبیه ده کامل عصر نده فرید و بین الاقران وحید ایدی اطراف
بلدانده سیروسیماحت وسفر او حضر اعجایبات دهری مشاهد
ایدوب مشایخ علمادن چوق کسینه لایله هم صحبت اولوب
فوائد کثیره تحصیل ایلدی وکتاب دمیة القصص تصنیف ایدوب
نعالینک بقیة الدهر بن ذیل ایلدی غایله لطیف کتابدر
(وباخرز) نیشابورده بر ناحیه در انده در تیوز التمش یدیده
بر مجلسده صحبت ایدرکن اهالی مجلسدن بری اوروب قتل
ایلدی (تاریخ) زینة الدهر ابو المعالی سعد بن علی بن قاسم
الانصاری الخزر جینه کدر دلال کتب دیمکله معروف ایدی
معارف بسیار ولطایف بیشمار ایلد وخید عصری ایدی کتاب
مذکورده لطایف شعراء عصرینی وقصائد و اشعارنی واخبار
واحوال لرینی ذکر ایتشد رولم الملح نام کتابی وارد که سعت علمنه
وسیر و تواریخ اطلاعنه شاهد در بشیوز التمش سکرده بغدادده
وفات ایلدی (تاریخ) خریة القصص ابو عبد الله محمد بن صفی
الدین ابو الفرج محمد بن نفیس الدین ابو الرجا حامد الدین
کاتب اصفهانی دیمکله معروف ایدی شافعی المذهب وغایله

فقیه ایدی اصفهانده تولد ایدوب بغدادده نشوونما بولدی مدرسه
نظامیه ده تحصیل علمه شروع ایدوب فقهده و سایر علوم ادبیه
ده فایق الاقران و وقتنده مشار بالبنان اولدی تاریخ مذکور
خریده القصری زینة الدهره ذیل ایتشدر اون مجلد در و برق
لشایخ نام تاریخ ایدی جلد در دیوان رسائل و دیوان اشعار
وارد در اشعار عرب و سیر اخبارده رسائل کثیره سی وارد رابتدا
حالی عسرت اوزره ایدی علم و مالی سببیه سلطان صلاح الدین
اکرام و احترام ایدوب واصل رتبه ریاست اولدی هم عصر اولدیغی
قاضی فاضل ایله یینلرنده محاورات و ملاطفا تلمی مشهور در
برکون قاضی فاضل آت ایله کیدر کن راست کلوب سرفلا کبابک
الفرس دیدی قاضی دخی دام علاء العما د دیدی ایکسینک دخی
کلامی مقلوب مستویدر که عکسندن دخی قراءت اولنسه یینه
عینی حاصل اولور و سلطان صلاح الدین وقتنده معزز و مکرم
اولوب الی آخر العمر تصنیف و تحریر ایله اوقات گذار و بشیور
طهسان یدیده دمشقه عازم دارالقرار اولدی رحمة الله علیه
تاریخ عینی) التمش ایکیده عینت ایدوب اولدی نشوونما
بولدی فقه و اصولده کامل و علوم و فنونده فاضل اولدی غایله
سربع القلم ایدی مصر قاهرده قاضی حنفیه اولمشدی و جامع
ازهر قرینه بر ویرانه مدرسه و ارایدی تعمیر ایدوب انده تدریس
ایدردی و جمیع کتابلرین اول مدرسه یه وقف ایلدی و تصانیفندن
شرح بخاری شرح شواهد کبیر و صغیر شرح معانی الآثار
شرح الکثر شرح المجموع شرح عروض طبقات الحنفیه طبقات
الشعر المختصر شرح الهدایه فی الفقه شرح درر البحار و بونلردن

ماعدانیچه اشعار دخی وارد رسکزیوزاللی بشده وفات ایلدی
(تاریخ ابن) عسا کراللی یدی جلد در و حافظ ابوالقاسم علی بن
ابی محمد بن هبة الله معروف بابن عسا کر دمشقه کدر لقبی ثقة
الدین در اعیان فقهه اشافیه دندر محدث شام ایدی حدیث
شریف ایله اشتهاری فقه اوزرینه غالبدر طلب حدیث شریف
ایچون اطراف بلادده سیروسیا حت ایدوب مشایخ کثیره دن
اخذ حدیث ایلدی معرفت حدیثه متون ایله اسانید بیننی جمع
ایلمشدر بغدادده استماع حدیث ایچون دمشقه و خراسانده
و نیشابورده و هرات و اصفهانده تحصیل علم ایلدی تصانیف
عیدیه سی وارد در تاریخنده چوق بحایبان ذکر ایتشدر و اشعار
بلیغه و قصائد کثیره سی وارد در نیهوز طهسان طهوزده تولد
ایدوب بشیوریتش برده دمشقه وفات ایلدی (تاریخ) نوارینخن
بیان احسنی و تعبیر الطبی الفاظ سلیمه و عبارات لطیفه سی
نفیس کلامی موثوق عند العلماء معتبر و مقبول تاریخدر و ابی
مجلد در عبدالله ابن علی الیمانی الیافعی الشافعیه کدر بکار
متصوفه دن محب صلحا خادم اولیا و فقرادر مصنفات کثیره سی
وارد در جله سی مقبول و مسملدر و اشعار بلیغه و قصائد فصیحه سی
وارد در خصوص مدح رسول اکرم و نبی محترم صلی الله علیه
وسلمه انشاد ایلدی یکی قصیده سی کمانه برهان باهر در مصنفات
مشهوره سی مصباح الظلام و روض الریاحین فی حکایات
الصالحین و در نظم فی خواص القرآن عظیم و غیرهم طریق
نصوفه سالت عزیز الوجود زاهد و متورع کسینه ایدی یدیوز
التمش یدیده مکه مکرمه ده وفات ایلدی و کتب نوارینخن لایعد

ولا يخصصي در بود کر اولسان مشهور اولنلردر و بولردن ماعدا
کتبخانه لرده کوردیکم ز تواریخلردن مروج الذهب
مسعودی نیکدر بستان التواریخ نوادر الاخبار معادن الذهب
عیون التواریخ التي مجلد در زبدة الفکر نصاب الاعیان جواهر
مضمیه فی طبقات الخلفیة تاریخ النجاة سیوطین کدر (تاریخ
الحکما عنوان الحکما بغیة الطلب فی تاریخ حلب تاریخ
نیشابور حافظ ابو عبد الله حاکم کدر التي مجلد در تاریخ اندلس
(تاریخ) مکة حافظ تقی الدین فارسی و ترکی کوردیکم ز تواریخلر
اسامیلری تحریر اولنسه مخصوص جلد اولور والله علیم حکیم
(التذکرۃ الثالثة والعشرون) قرآن عظیم و فرقان کریمک
معنای شریف و مفهوم منیفی بالذات لسان بدیع نبوی شارع
اعظم و نبی محترم صلی الله علیه وسلم حضرت تدرندن اخذ و استماع
ایدن صحابه عظام حضرت تدرینک ذکرند در (معلوم اوله که)
سابقه ذکر اولندیغی اوزره قرآن عظیمک مفهوم منیفی و فرقان
مبینک معنای شریفی اذعان لسان عربیه نک نکت و منیایسنی
کما ینبغی اتقانه محتاج اولمغله علوم عربیه و فنون ادبیه تدوین
اولندی لکن مجرد قواعد علوم ایله اولمیوب معانی کلام ربانی
و مضامین تنزیل اسمائینک فحوای لطیفی ادرا کده عقول علما
واذهان بلغا عاجز و فرومانده اولوب بالذات شارع اعظم مدن
اخذ و استماعه توقف ایتمکین تفسیر شریف قرآن منیفی جناب
رسول اکرم صلی الله علیه وسلم مدن شفاها اخذ و استماع ایدن
صحابه عظام علیهم رضوان الله الملائک العلام حضرت تدری وانلردن
اخذ و روایت ایدن تابعین کرام وانلردن اخذ و روایت ایدن

علمای فخام و سائر مفسرین و تحریر اولسان تفسیر لروکابله
علی طریق الاختصار تحریر اولندی والله الموفق والمعين
(معلوم) اوله که سابقه قرآن کریم مذکور اولان صحابه عظامی
روایت و تفسیر دخی ایتمشلردر بو محله دخی اسامیلری تحریر
و سابقه ذکرلرینه اشارت اولندی اولاشارع اعظم و نبی محترم
صلی الله علیه وسلم حضرت تدرندن بلا واسطه استماع تفسیر
ایدن خلفای اربعه راشدین رضوان الله تعالی علیهم اجمعین
حضرت تدریدر و حضرت ابن مسعود و ابن عباس و ابی بن کعب
وزید ابن ثابت و ابی موسی الاشعری رضوان الله علیهم اجمعین
حضرت تدریکه سابقه ذکرلری سبقت ایلدی (بری عبد الله)
ابن زبیر بن العوام رضی الله عنه حضرت تدریدر کنیتی ابو بکر
الاسدی القرشی در که حضرت رسول اکرم صلی الله علیه وسلم
حضرت تدری بوکنیه ایله اکنی بیوردیلر هجرتک اون سنه سنه
مدینه منوره صحابه مهاجرین رضی الله عنهم مدن ابتدا تولد
ایدن بولردر حین تولد لرنده حضرت ابی بکر رضی الله
عنه قولاً غنه اذان او قودی قباده تولد ایدوب والده سی مدینه
منوره به رسول اکرم حضرت تدرینه کتورب حجره شریفلرینه
قودی رسول اکرم صلی الله تعالی علیه وسلم حضرت تدری بر خرما
کتوروب مبارک اغرلرینه قودیلر بر از چینیب اغزینه و بر دیلر
ابتدا جوفته داخل اولان ریق مبارک رسول اکرم علیه السلام
ایدی والده سی حضرت ابی بکر الصدیق رضی الله عنک
کریمه سی اسمادر که حضرت عائشه رضی الله عنک خالته سیدر
و پدری حضرت زبیر بن العوام در که رسول اکرم صلی الله علیه

وسلم حضرت تلمیذینک عمتہ لری صفیہ رضی اللہ عنہا نک اوغلیدر
طرفیندن سیدزاده در خلفاء راشدین زمان سعادت تلمیذینک
مکہ ده خلیفہ اولوب اهل حجاز و عین و عراق تبعیتندہ اتفاق
ایلدیلر بر قاج سنہ مستقلا حکومت ایلدی یتیمش اوج سنہ سنہ
حجاج ظالم مکہ ده صلب ایلدی (معلوم اوله که) خلفای راشدین
رضوان اللہ علیہم اجمعین حضرت تلمیذین علی بن ابی طالب
رضی اللہ عنہ حضرت تلمیذینک روایتلری اکثر اولوب ائمہ ثلاثہ نک
روایتلری نادر واقع اولمشدر انک سبببنی عباسی اعلام کترهم
اللہ تعالی الی یوم القیام تحریر یوردقلری اوزره شارع اعظم صلی
اللہ تعالی علیہ وسلم حضرت تلمیذینک چوق زمان - یانده
اولمدقلریدر حضرت ابی بکر الصدیق رضی اللہ عنہ مجلس رسول
للہدن بران منفک او ایوب تعلم علم دین و یقن احکام اسلامده
کمال مرتبه حریص ایکن روایتی نادر اولدیغی بوجهتدندر
امام حضرت علی کرم اللہ وجہہ حضرت تلمیذین جماعت کثیره
روایت ایلمشدر و کندولردن روایت اولندیکه منبر اوزره خطبه
اوقورکن سلونی فواللہ لاتسألونی عن شیء لاخبر تکم به
وسلونی عن کتاب اللہ فواللہ ما من ایه الا انا علم ابیل نزلت ام نه مار
ام فی سهل ام فی جبل یعنی بندن سوال ایڈک خدای ذوالجلال
حقیچون بکا هر نه سوال ایدر سکن سزہ اندن خبر ویره یم و بکا
کتاب اللہدن سوال ایڈک اول منزل قرآن خلاق جهان حقیچون
برایت یوقدر که الابن یی - لورم کیجه می نازل اولدی یوخسه
نه ساری و صحرا ده می یا خود طاغره می وینه انلردن کرم اللہ
وجهه روایت اولندی ییوردیلر که واللہ ما نزلت آیه الا وقد علمت

فیم انزلت و این نزلت ان ربی وهب لی قلبا عقولا و اسانا سو لایعنی
اول جناب قیوم جهان آفرین جلت عظمتہ حقیچون قرآن
عظیمدن نازل اولان آیات عظامدن برایت یوقدر که الابن ابی
یلورم که انده نه ایچون نازل اولدی ونه محله نازل اولدی بنم
خالقم جل شانہ بکا قلب عقول و لسان سؤل هیه ایلدی و این
مسعود رضی اللہ عنہ ییوردیلر که قرآن عظیم الشان بکرمی
یدی حرف اوزره نازل اولدی و ازل حرفلردن بر حرف یوقدر که
لا اول حرفک ظهیری و بطنی واردر علی بن ابی طالب جله سنہ
عالمدر اما ابن مسعود رضی اللہ عنہ حضرت تلمیذین روایت
اولندیکه حضرت علی کرم اللہ وجہہ دن اثر واقع اولمشدر
و بولردن روایت اولندی ییورمشدر که واللہ لا اله غیره ما نزلت
ایه من کتاب اللہ الا وانا علم فیم نزلت و این نزلت و لوا علم مکان
احدا علم بکتاب اللہ منی تساله المطایا لایته (یعنی) اول احد
ذوالجلال حقیچون اندن غیری انه یوقدر کتاب اللہدن برایت
یوقدر الابن یی - لورم که نه نازل اولدی ونه مکانه نازل اولدی
وا کر برکسنه نک مکان بلسم که کتاب اللہ بندن اعلمدر اولدیغی
محله وارمق ممکن در اکا و ابریم دیو ییوردیلر اما ابن عباس
رضی اللہ عنہما ترجمان القرآن و حبر الامه و رئیس المفسریندر
رسول اکرم صلی اللہ علیہ وسلم حضرت تلمیذینک حقنده دعا
ایدوب اللهم فقهه فی الدین و علمه التأویل ییوردیلر و بر محله دخی
اللهم آتہ الحکمة و علمه الحکمة ییوردیلر و ابن عباس رضی اللہ
عنہما حضرت تلمیذین نقل اولندی یی - وردیلر که بر کره مجلس
رسول اللہ کلام حضرت جبرائیل علیہ السلام حضرت تلمیذ

انده امش بواسطه جبرائیل بودر پیوردیلر و خیر دعا ایدلدیو
 جبرائیلدن استدعا ایدلدیلر وینه رسول اکرم صلی الله علیه وسلم
 نعم ترجمان القرآن عبدالله بن عباس پیوردیلر بونلر حقننده
 وارد اولان احادیث و آثار خارج تعداد و احصا در بونلر سید
 المفسرین و رئیس المؤلفین و تفسیر قرآنده ابن عباس دن روایت
 کثیره و طرق مختلفه وارد اولمشدر بوطرقت بعضی حسن اولوب
 بین العلماء و سائط راویلری موثوق اولوب مقبول و مسلمدر
 و بعضی نیک و سائط رجالی مدخول اولوب موثوق به دکلدر
 و بوطرقت احسن و اولاسی طریق علی بن طلحه الهاشمی در امام
 احمد بن حنبلدن روایت اولندیکه مصرده بر قطعه تفسیر
 شریف وارد ابن عباس حضرت تلمیذدن علی بن طلحه روایت
 ایچون بر کسینه مصره سفر ایتسه لایق در که اصح روایتلردر
 پیوردیلر و بخاری صحیحنده ابن عباسدن مجاهد و سعید بن جبیر
 روایتلرین اخذ ایدوب انلری توثیق ایتمشدر و طرق حضرت ابن
 عباس کجید و احسنندن طریق قیس در که عطاء بن السائبدن
 و سعید بن جبیردن نقل ایلدیکی روایتدر و قیس بن مسلم الخدلی
 الکوفی در که وقتنده کوفه ده امام ایدی و یوقیسدن ثوری و شعبه
 اخذ و روایت ایلمشدر بوزیکر میده کوفه ده وفات ایلدی و طریق
 ابن اسحق که محمد بن ابی محمد مولی زید بن ثابتدن و عکرمه دن
 و سعید بن جبیردن ایلدیکی روایت احسن طریق و موثوق به
 دره ابن اسحق محمد بن اسحق مولی قیسدر که بکار تابعیندن در
 صحابه عظامدن انس بن مالک و سعید بن المسیب رضی الله عنهما
 حضرت تلمیذ کوره شلردر و بکار تابعیندن چوق کسینه دن استماع

تفسیر ایتمشدر و یوقیسدن امام ثوری و نخعی و ابن عیینه و یحیی
 ابن سعید اخذ و روایت ایتمشدر عصرنده اولان علمائک سیر
 مغازی و قصص انبیاده و حدیث و قرآن و فقهده اعلی
 ایدی بغدادده احادیث شریفه و فقه تعلیم ایدردی بوزاللی ده
 بغدادده وفات ایلدی و ابن عباسدن او هن طریق طریق کلبی
 در که ابوصالحدن اولدخی ابن عباسدن روایت ایدر و کلبی
 ابونصر محمد بن السائب بن بشر الکلبی در که کلب بن ویره
 منسوبدر بنی قضاعه دن بر قبیله در تفسیر کلبی مشهوردر و علم
 انسابده اعلم عصری ایدی اصحاب عبدالله بن سباعدن در که علی
 ابن ابی طالب اولدی وینه مراجعت ایدوب دنیا به کلوردیو
 ادعا ایدر ایدی اما کلبی بو اعتقادده اولدیغی مسجود کلدر سفیان
 ثوری و محمد بن اسحق کلبی دن روایت ایدر لر دی معلوم
 اولسون دیو حدیثنا ابوالنصر در لر دی و کلبی عبدالرحمن بن محمد
 ابن الاشعث ایلدر رجاجم مشاهده ایتمشدر و کلبی ابن عباسدن
 روایت اولنان طرق او هنی در که محمد بن مروان السدی منظم
 اولورسه سلسله الکذبدر و کلبی بوزقر قده کوفه ده وفات ایلدی
 و امام کلبی دن واحدی و ثعلبی تخریج روایت ایتمشدر و واحدی
 علی بن احمد بن محمد بن علی الامام ابوالحسن الواحدی تفسیر
 و نحو ده استاد عصری ایدی وقت شبابده تحصیل علمه صرف
 اعمار و سعی لیل و نهار و اطراف بلادده مجالس علمایی کشت
 و گذارا ایدوب تفسیر و حدیث و اصولده فایق الاقران اولدی
 و مجلس ثعلبی به ملازمت ایدوب تحصیل تفسیر ایلدی و زمان
 کثیره ده تدریس ایدوب نشر علم ایلدی وزیر نظام الملک زیاده

تعظیم و اکرام ایدردی و نفس الامر در لازم التوقیر ایدی لکن ائمه
متقدمین حقننده فامرا کلماته جسارت ایلدی یکی اجماع بین
الناس مذموم ایدی تفسیرده بسیط و وسیط و وجیزی تصنیف
ایلدی و اسباب نزول و شرح دیوان متمنی و نحو ده دخی تألیفی
وارد در تیروز الشمس سکرده وفات ایلدی (امام ثعلبی احمد) بن محمد
ابن ابراهیم النیشابوری علوم عربیه ده فرید و حفظ لغتده و حید
ایدی تفسیری بین العلماء مشهور و مقبول در قصص انبیاده عرایس
اشهر مصنفاتیدر در تیروز بکرمی یدیده وفات ایلدی و طریق
مقاتل بن سلیمان بودخی او هن طریقدر لکن طلبانک اوزربنه
تفضیل اولنور مقاتلک بعض مذاهب ردیه دن اخذی وارد
دیر لمقاتل ابو الحسن بن سلیمان بشر الاسدی الانوری الخراسان
المروزی اصالی بلخند در بصریه کلوب صکره بغداده کادی
انده تفسیر ایلده مشهور اولدی مجاهد بن جبیر عطاء بن ابی رباح
و ابو اسحق و ضحاک و محمد بن مسلمدن اخذ حدیث ایلدی یلر
و جماعت کثیره دخی مقاتلدن روایت حدیث ایلدی یلر
حضرت امام شافعی رحمه الله علیه دن نقل اولندی که یوناسک
کایسی اوج کسمه نک عیالیدر تفسیرده مقاتل بن سلیمان
شعرده زهیر بن سلمی کلامده ابو حنیفه رحمه الله علیه و علمای
سلف امر مقاتلده اختلاف ایلدی یلر بعضلر روایتی ثقه ایدوب
مقبول الروایتدر دید یلر و بعضلر کذبیه نسبت ایلدی یلر احمد بن سبأ
مقاتل متروک الحدیثدر وصفات الاهدن روایت جائز اولمین
کلماتی تکلم ایدر دیو تعرض ایلشدر و ابو عبد الرحمن النسائی
بیور مشلر که وضع حدیث ایلده معروف اولان کذابون

درت کسمه در ابن ابی یحیی بغدادده واقدی خراسانده مقاتل
شامده محمد بن سعید که مصلوب دیملکه مشهور در ابو حاتم
التبسمیدن نقل اولندی که مقاتل بن سلیمان علم قراءتده سائر کتب
منزلدن قرآن کریمه موافق اولان محملردن یهود و نصاریدن
بطارقه و اخبار لرندن اخذ ایدردی احمد بن حنبل رحمه الله علیه
مقاتلدن روایت اولنقدیه بآس یوقدر ییورد یلر دائما خیر ایلدی ذکر
ایدر لرردی و مقاتل بصرده یوزاللی سنه سنده وفات ایلدی
واو هن طریق ضحاک بن مزاحدر که بین العلما روایتلری ضعیفدر
و ضحاک کوفی الاصلدر ایکی سنه والده سی قرئنده یاتدی
و طوغدیغی وقتده دبشلی بتمش ضحاک ایدردی انکچون
ضحاک تسمیه اولندی حجاج ظالم وقتنده اولان مشاهیر علمادن
چوق کسمه بی اخذ و حبس ایلدی اول وقتده کوفه دن فرار
ایدوب خراسانه کتدی و انده بلا اجرت تعلیم صبیان ایدردی
حجاج انده خبر الوب اخذ و حبس ایلدی زندانده مقید محبوس
مروده یوز بشده فوت اولدی اما ابی بن کعب حضرت تلبیندن
دخی روایت کثیره وارد در طریق ابو جعفر رازی ربیع بن انسدن
اولدخی ابو العالیه دن و اولدخی ابی بن کعب رضی الله عنهدن
اولان اسناد صحیحدر بو طریقدر بن جبر و ابن حاتم تخریج حدیث
ایتشدر و حاکم مستدرکنده تخریج و تصحیح ایتشدر روایتی معتبر
و موثوقدر و ابی بن کعب الانصاری و خزر جمیدر و رسول اکرم
صلی الله علیه وسلم ابو المنذر دیو کنیه ییورد یلر و حضرت عمر
رضی الله عنه ابو العقیل دیو کنیه ایلدی یلر و رسول اکرم
صلی الله علیه وسلم سید الانصار تسمیه ایلدی یلر و حضرت عمر

رضی الله عنه سید المسلمین تسمیه ایلدیلر وعهد رسول الله
صلی الله علیه وسلمده قرآن عظیمی جمع ایدن درت کسسه در
بری ابی بن کعب وزید بن ثابت و معاذ بن جبل
وابوزید الانصاری بر وقتده رسول اکرم صلی الله علیه وسلم
ابی بن کعبدن من اعظم الایة فی القرآن دیوسوال بیوردقلرنده
آیه الکرسی دیدی رسول الله صلی الله علیه وسلم لیمنک العلم
یا ابا المنذر بیوردیلر ومدینه منورهده صحابه عظامدن اولان
فقههای سته نک بری ابی بن کعب حضرت تلریدر وبری عمرو علی
وعبد الله وزید وابوموسی الاشعری رضوان الله تعالی علیهم
اجمعین ومدینه منورهده اقرء الصحابه ایدی اون طقوز ویاخود
یکرمیده عهد حضرت عثمان رضی الله عنهده وفات ایلدی
وانس بن مالک بن النظیر کنیه سی ابو حزة الخزرجی حضرت
رسول اکرم صلی الله علیه وسلم مدینه منورهده هجر تلرنده
طقوز یاشنده ایدی اهل مدینه قدوم شریفلرینه شکرانه هدیه لر
وبردیلر انسک والدیه سی ام شیمه انسی کتوروب یار رسول الله بنم
دخی هدییم بودرسنه خدمت ایلسون دیدی رسول الله صلی الله
علیه وسلم حضرت تلری قبول بیوردیلر اون سنه خدمت شریفلرنده
اولدی و بین الصحابه خادم رسول الله دیرلر ایدی وانس دخی بو اسم
ایله نفر ایدردی واول سید الغزاة والمجاهدین صلی الله علیه
وسلم ایله سکز غزاده حاضر اولدیلر ورسول اکرم صلی الله علیه
وسلم حضرت تلرندن عمر طویل واولاد کثیر و مال جزیل ایله استدعا
ایلدکده اجابت بیوروب درگاه قاضی الحاجاتدن استجابت مراد
انس ایچون دست بر اورده نیاز اولدیلر میویدر که سن شریفلری

پوزاوجه بالغ اولدی وسکسان اولادی اولدی یتیم سکزاوغلی
وا یکی قزی اولدی ومالی دخی خارج حائط تعداد ایدی وزمان
خلافت حضرت عمر رضی الله عنهده ناسه تعلیم فقه ایچون
بصره یه کتدی وطقسان برده بصره ده وفات ایلدی (وابوهریره
رضی الله عنهک زمان جاهلیتهده اولان اسمنده روایت کثیره
وارد اولمشدر مشهور اولان عبد الشمس واسلامده عبد اللهدر
کنیه سی اسمی اوزرینه غالب اولغله مشهور اولدی وخیر
سنه سنده اسلام ایله مشرف اولوب غزاة مسلمین ایله خیبرده
حاضر اولدی اصحاب صفه دن ایدی علم ادبیه به راغب ومجلس
رسول الله مدام اولوب بر آن منفک اولمزدی وهر نریه
کتسه لرسایه مثال یانلرندن ایرلمزدی بخاری رجة الله علیه
ایدلر که برکون ابوهریره بیوردیلر که رسول اکرم صلی الله
علیه وسلم حضرت تلرینه دیدمکه یار رسول الله دهان سکر
باریکزدن استماع ایلدیکم احادیث شریفه نسیانم غالب اولغله
خاطر نشانم اولمزدیدم ابسط ردائک بیوردیلر بندخی ردای
بسط ایلدم اوزرینه جلوس ایدوب احادیث کثیره تکلم بیوردیلر
اند نصکره هر حدیث شریف خاطر مرده کالنفش فی الحجر قالدی
امام ابوبکر سمعانی بیوردیلر که احکام شرعیه به متعلق بشیموز
حدیث شریف ابوهریره دن اخذ وروایت اولمشدر و صحابه
عظام وتابعین کرامدن یوزدن زیاده کسنه اندن روایت احادیث
نبوی ایتمشدر مدینه منورهده الی یدیده وفات ایلدی
(ابن عمر که) عبد الله بن عمر بن الخطاب القرشی العدوی رضی
الله عنه مکرمه ده پدری عمر رضی الله عنه ایله حال صغرنده

اسلامه کادی و پدر غزاسنده و غیره غزارد جله سنده حاضر
ایلی و پدری ایل هجرت ایلدی اهل ورع و تقوی و علم دین و احکام
شرعیه ده عالم و روایتی موثق و کلامی مسلم علمای عظام در جابر
بن عبد الله رضی الله عنه پیور دیلر که بزدن بر احد یوقدر که
من خرفات دنیایه مبیل ایتیه انجق حضرت عمر و او علی
عبد الله رضی الله عنه ما بونلر دنیایه التفات ایتزلردی میون
ابن مهران پیور دیلر که مارأیت اورع من ابن عمر و لا اعلم من ابن
عباس و قوتنی عبادته صرف ایلدی محمد بن سیریندن نقل
اولندیکه عبد الله بن عمر اوج کونده بر افطار ایدردی و نافعدن
نقل اولندیکه عبد الله بن عمر بیکدن زیاده آدم اعتاق ایلدی
و بر آی مکث ایدوب بر اقمه ات بمزدی الامسافر اولوب و یا خود
رمضان شریفده آت یردی یتش اوج سنه سنده مکه معظمه ده
وفات ایلدی و احکام شرعیه ده بدیوز حدیث شریف
روایت ایلدی و صحابه تابعیندن چوق کس سنه بونلردن روایت
ایتشدر جابر بن عبد الله بن عمر بن حرام بن سلمه انصاریدن
و مشاهیر صحابه عظام دندر پدری و خالی ایله معاویه عقبه ده
حاضر ایلدی و غزوات رسول الله علیه السلام حضرت تلرینک اون
سکزنده معیت غزاة مسلمین سلکنه منسلک اولمشدر کنبی
ابو عبد الله و مصرده و شامده روایت حدیث ایدوب بر از مدت
مکه ده مجاور اولدی آخر عمر نده ضعف بصر عارض اولوب اعمی
اولدی مدینه منوره ده اهل عقبه نک جله سنده نصکره وفات
ایلدی سنی طقسان یدی به بالغ اولمشدر و عبد الله بن عمر بن عاص
السمعی القرشی پدری عمر و دن اول شرف اسلام ایله مشرف

اولدی کنبی ابو محمد و یا خود ابو عبد الرحمن عالم و عابد و متقی
وزاهد و حافظ انقرآن ایدی رسول اکرم و نبی محترم صلی الله
علیه وسلم حضرت تلرندن استماع ایلدی کی حدیث شریفی کتابت
ایتیکه استیذان ایلر کده اذن شریفی اولدی کمال مرتبه
عبادته صرف نقدینه اوقات ایدردی اکثر کونلرده صائم
ولیا ایلده قائم و اطفاء شمع ایدوب اغلردی و کثرت بکادن کوزلرینه
علت عارض اولمشدر و عبادله اربعه نک بریسی دخی بودر
و عبادله صحابه عظامک او اخرینده امر علم بونلرده مستقر اولوب
اعلم عصری و افقه و قی ایدی (بری دخی) عبد الله بن عمرو بن
العاص رضوان الله تعالی علیهم اجمعین در امام عبد الله بن مسعود
رضی الله عنه بونلردن عد اولندی و بونلردن چوق زمان اول
وفات ایلدی و شیوخ صحابه دن ایدی (معلوم اوله که) علمای
محدثین عندنده عبادله ذکر اولنان صحابه عظام در امام عند
الفقه امام عبد الله بن مسعود و عبد الله بن عمر و عبد الله بن عباس
و عبد الله بن عمرو بن العفرین اتفاقا عبادله دندر محمد نوندن
بعض عبد الله بن زبیری عدا ایلدی بو محله کالجیه صحابه عظامک
مفسر لری ذکر اولندی رضوان الله تعالی علیهم اجمعین
(التذکره الرابعه والعشرون) علمای تابعین و تبع التابعین
وانلر دن صکره کان علمای مفسرین ذکر نده در (طبقة اولی)
مفسرین تابعیندن اصحاب بن عباس رضی الله عنه که علمای
مکه مکرمه در اولامجاهد رجة الله علیه در که قرآن کریمی
ابن عباس حضرت تلرینه اوتوز دفعه عرض ایلدی و قرأت
و تفسیرین اخذ ایلدی و امام ثوری پیور دیلر که مجاهد دن کلان

نقل ایله تفسیری اخذ و حفظ اید ککه سزه کافیدر و امام شافعی
و بخاری و مشاهیر علمانک اکثری مجاهدک تفسیرین اخذ ایلشد
جمله عندنده مقبول و مسلم و موثوق به بودر ترجمه سی قرار
ذکرند تخریر اولندی و بری دخی سعید بن جبیر در ترجمه سی
سبقت ایلدی امام سفیان ثوری پیوردیلر که تفسیر شریفی درت
کسنه دن اخذ ایدک سعید بن جبیر دن و مجاهد و عکرمه
وضحا کدن امام قتاده پیوردیلر که اعلم تابعین درت کسنه در
مناسکده عطاء بن ابی رباح تفسیرده اعلم سعید بن جبیر سیر
مغازیده اعلم عکرمه و حلال و حرامده اعلم حسن بصری و بری
دخی عکرمه در ترجمه سی سبقت ایلدی و طاوس بن کيسان
و عطاء بن ابی رباح رحمة الله تعالی علیهم اجمعین و دخی علمای
تابعیندن اصحاب ابن مسعود رضی الله عنه علمای کوفه دندر
قراءتده ذکر لری سبقت ایلدی و اصحاب زید بن اسلم عبد الرحمن
ابن زید و مالک بن انس و علمای تابعیندن حسن بصری و عطاء
ابن ابی رباح و عطاء بن میسر و سلمة الخراسانی و محمد بن کعب
قرظی و ابوالعالیه و ضحاک بن مزاحم و عطیة العوفی و قتاده
وزید بن اسلم و مروة الهمدانی و ابو مالک و ربیع بن انس
و عبد الرحمن بن زید اسلم و بونلرک بعضلرینک ذکر سبقت ایلدی
و ذکر سبقت ایدنلرک بری عطاء بن میسر و کعب الخراسانی
ابو عثمان اصلی بلخندند و وثق علم نشر علمدر دیر ایدی و محمد
ابن قرظی ابو حمزه رسول اکرم صلی الله علیه و سلم حضرت تازی
حیاتلرند و تولد ایدوب کبار تابعیندن در هجرتک قرظی
سنه سنه کوفه به کادی برار وقت مکشد نصکره بنه مدینه به

رجعت ایلدی فضاله بن عبیده حضرت عائشة صدیقه
رضی الله عنهدن و ابوهریره رضی الله عنهدن روایت احادیث
شریفه ایلشد در عون بن عبد الله دن نقل اولندی که تأویل
قراءتده قرضیدن اعلم کور مدم دیر ایدی بر مسجدده و عظم
ایدر کن بقضا الله تعالی شقی بیقلوب مسجدده اولنلرک جمله سی
هجرتک یوز سکز سنه سنه هلاک اولدیلر رحمة الله تعالی علیهم
اجمعین و ابو العالیه رفیع بن مهران ابو العالیه الریاحی کبار
تابعیندن در رسول الله صلی الله علیه و سلم حضرت تازی
رحلتلرندن ایکی سنه صکره اسلامه کادی حضرت ابی بکر
رضی الله عنهدن مجلس شریفلرینه داخل اولدی و خلف حضرت
عمر رضی الله عنده نماز قلدی و عمرو بن کعب و ابن عباس و زید
بن ثابت حضرت تازیندن اخذ روایت ایلدی و قرآن عظیمی اوج
دفعه تماما حضرت عمر رضی الله عنهدن قراءت ایلدم دیر ایدی
و ابو بکر بن داود دن نقل اولندی که بعد الصحابه قرآن مبینه عالم
ابو العالیه دن غیری بعده سعید بن جبیر بعده سدی بعده ثوری
دیر ایدی طقسانده وفات ایلدی عطیة العوفی عطیه بن سعید
بن جنادة العوفی ابو الحسن الخذلی کوفه ده تولد ایدوب انده
نشو و نما بولدی ابوهریره دن و ابن عباس دن دخی روایت ایلدی
یوزاون برده کوفه ده وفات ایلدی (امام قتاده بن) دعامة کنیتی
ابو الخطاب دراعمی واکه در که کوز سوز طوغدی حافظ القرآن
والاحادیث قوه حافظه سی اول مرتبه ده ایدی که بر دفعه استماع
ایلدیکن بردخی او تمزدی عند العلماء روایتی موثوق و کلامی
مقبول و مسلمدر و انسب اهل عصری ایدی و غفل حنظل

سدوسی نسابیه ملاقی اولمشدر که رسول اکرم صلی الله علیه
وسلمک زمان سعادت لرینه یتشوب رؤیت دیدار سعادت مدار لرله
مشرف اولمشدر انساب عربیده اعلم النسابیندر روایت اولندی که
امام قتاده بصره ده مسجد و واروب اول وقتده معمر بن عبیده
وبرقاج کسنه که حسن بصری حضرت لرینک مجاسلرنده اعتزال
ایدوب بشقه حلقه اولمشدی قتاده حسن بصری نیک حلقه سی
قیاس ایدوب یا نلرینه کلوب کلاملرین استماع ایلد کده انما هو لاء
المعتزله دیوب قالقوب کتدی اول وقتده انلره معتزله دیمک
ابتدا قتاده دن صادر اولدی و اول اسم ایلد قالدی یوزاونیدی
سنه سنده وفات ایلدی (طبقه ثانیه) معلوم اوله که یوز کراولنان
علمای تابعیندر نصکره علمای عظامدن اقوال صحابه ایلد اقوال
تابعینی جمع ایدوب تفسیر لر تألیف ایلد یلر روایتلری موثوق
و تألیفلری معتبر و مقبول تفسیر سفیان بن عیینه و تفسیر و کعب
بن الجراح و شعبه الحجاج و یزید ابن هرون و عبد الرزاق و آدم بن
ایاس و اسحق بن راهویه و روح ابن عباده و عبد بن جردون و ابو
بکر بن ابی شیبه کبی سفیان بن عیینه بن ابی عمران میمون الهلالی
الکوفی یوزیدی سنه سنده کوفه ده تولد ایدوب انده نشو و نما
بولدی عالم و فاضل و عامل کامل زاهد متورع امام مشهور در
صحت روایتی مجمع علیه علمای عظام و اقوالی مسلم فضلادر اعمش
و نوری و شعبه و شافعی اندن اخذ روایت ایتمشدر در مکه مکرمه ده
توطن ایدوب سکسان حج ایتمشدر یوز طقسان سکزده مکه ده
وفات ایلدی و کعب بن الجراح الکوفی قبیله قیس عیلالند در بعضلر
نیشابور قراندن برقریه ده تولد ایلدی هشام بن عروه و اوزاعی

و نوریدن اخذ روایت ایلدی بغداد ده مدت مدیده ساکن اولوب
تعلیم حدیث نبوی ایدردی مشایخ حدیثک ثقاتندن روایتی
مقبول اقوالی معمول اعلم عالم و عابد و فاضل متورع و زاهد
ایدی تفسیری نادر یولور ماوراء النهر ده ایددی علماده متد اولدر
مذهب حنفیه ده فتوی و یرردی و امام اعظم حضرت لرینه
یتشدی و اندن روایت ایدردی یوز طقسان یدیده فوت اولدی
(شعبه الحجاج بن ورد کنیتی ابو بسطام و قراءت و تفسیرده عالم
کامل و حدیث شریفده فاضل در روایتی موثوق در بصره ده یوز
التمشده وفات ایلدی یزید بن هارون السلمی الواسطی زاهد
و عابد و کامل حافظ حدیث نبوی و اعلم اخبار مصطفوی ایدی
ابن مدین لم اراحد اعلم من ابن هارون دیر ایدی براز مدت بغداد ده
احادیث شریفه نقل ایدوب بعده نینه واسطه کتدی و انده یوزاون
یدیده وفات ایلدی عبد الرزاق بن حام کنیتی ابو بکر در احد اعلم
علمای مفسرین و اعلم اثار مصطفوی و اورع مشایخ محدثیندر
تصنیفاتی ممدوح انام و اقوالی موثوق علمای عظامدر ایک یوز
اون برده وفات ایلدی (اسحق) بن راهویه ابو یعقوب اسحق بن
ابراهیم النخعی ابن راهویه دیمکه معروف در طلب علم ایچون
خراسان و عراق و حجاز و یمن و شام و لایتلرنده سیروس یا حت و شب
و روز جدوسی ایلد تحصیل علم و معرفت ایدوب سرفراز اقران
و مشار بالبنان اولدی حدیث شریفده کامل و تفسیر و لغتده
فاضل زاهد متورع عالم و عابد ایدی نیشابورده توطن ایدوب
ایکیوز او تو ز سکزده وفات ایلدی فضائل اکثر من
ان یحصا در بخاری و مسلم و ترمذین روایت حدیث ایتمشدر

طبقه نالسه) بومذکور در غیری اهل تفسیر دن طبقه آخری دخی
 کلمه در که اقوالی معتبر و مقبول و تصنیفی موفوق و معمول در
 راغب اصفهانی و ابن ابی طلحه و جری طبری و بونلر عصر نده اولان
 علمای عظام کثر هم الله تعالی الی یوم القیامة کی که هر بر لری
 روایت کرده سعی تام و احادیث روایت کرده دقت و اهتمام ایدوب اصح
 اقوالی جمع و تصنیف و تألیف نده درج ایلدیلر کلامی معتبر
 و موفوق در راغب اصفهانی مفضل بن محمد ابوالقاسم راغب
 اصفهانی که مائنه خامسه ابتداسنده کلمه در صاحب مصنفات
 جلیله در مفردات قرآن افانین البلاغة و محاضرات کی امام
 سیوطیدن نقل اولندیکه بواوچدن ماعداد کتاب الذریعه
 فی محاسن شریعه و کتاب اخلاق که فوائد کثیره بی مشتمل بالغ
 حد کمال بر تصنیف در که مصنف کماله برهان با هر دروینه امام
 سیوطیدن نقل اولندی بیوردیلر که راغب اصفهانی معتزلی
 ظن ایدردم حتی شیخ بدرالدین زرکشی خطیله قواعد صغری
 نام کتابک ظهور نده تحریر ایلشدر که امام فخرالدین رازی
 تأسیس التقدیس نام کابنده ذکر ایدر که ابوالقاسم راغب ائمه اهل
 سنی در و امامه ملاقی اولشدر بوروایت فائده کثیره بی متضمندر
 زیرا اکثر ناس معتزلی اولمق زعمنده در بوروایت اول زعمه
 مانع در خصوصاً که امام فخرالدین رازی حضرت تلی من کی اوله
 ابن جریر محمد بن یزید امام ابوجعفر الطبری الاملی ثم البغدادی
 مشاهیر علمای اعلام و فرید فضلالی عظام در طبرستانده آمل نام
 قصبه ده ابکیوز بکرمی در تده تولد ایلدی سنی بکرمی به بالغ
 اولدقه طلب علم ایچون اقطار ارضه سیر و سیاحت ایدوب ارتقاء

مدارج کمال ایلدی خطیب بغدادی تاریخنده ذکر ایدر که ائمه
 علوم دینیله قولیه عمل و رأینیه مراجعت ایدر لردی کتاب الهی
 حافظ و قرائنده عارف و معانی نظم کریمه فاضل و احکام قرآن
 عظیمده کامل و سنن و احادیثده و طرقنک صحیح و سقیم و ناسخ
 و منسوخنده کمال ارتقاده و احوال صحابه و تابعین کرامده عرفان
 و ایام ناس و اخبار لر نده سعت علمی ظاهر و نمایاندر و تصانیفنده
 تهذیب الآثار کتاب فتنده بی مثل و معاد لدر لکن اتمامی میسر
 اوله مدی و اصول فقهده کتب کثیره تصنیفی وارد در تفسیر شریفی
 و تاریخ لطیفی مشهور و مقبولدر (ابو محمد عبدالله بن محمد فرغانی
 روایت ایدر که تلامذه سی مصنفاتی حساب ایلدیلر بلوغندن
 رقت و فائده دل اوراق مصنفاتی بهر یوم بکرمی شرورق اولدی
 هجرتک اوچ یوز اونجی سالنده رحلت بیوردیلر رحمة الله علیه
 طبقه رابعه) بومذکور و نده نکره علمای مفسریندن فضلالی
 کرام کادیلر فوائد کثیره ایلد مشحون تفسیر لر تصنیف ایلدیلر که
 سوز لری مقبول و مدوح انام و تفسیر لری پسندیده علمای
 عظام در ابواسحق زجاج و ابوعلی فارسی که ترجمه لری سبقت
 ایلدی و دخی ابوبکر نقاش و ابوجعفر نخاس و غیر بکر کی ابو
 بکر نقاش محمد بن الحسن بن محمد بن زیاد بن هارون ابوبکر موصلی
 نقاش امام عصری ایدی شفاء الصدور نام تفسیری وارد را بکیوز
 بشده تولد ایدوب تحصیل علم ایچون اطراف بلدانده و امصارده
 سیر و سیاحت ایدوب اخذ ایلدی کی احادیث شریفه بی کتابت
 ایلد جمع ایلدی و قرائت و تفسیرده مصنفاتی مقبول و مستلدر
 کتاب اشارات فی غریب القرآن و کتاب موضع فی القرآن و معانی

ودلائل النبوة واسماء قراده مجسم اکبر و اوسط و اصغر و کتاب
السبعة بعلمها اکبر و اوسط و اصغر و وارد رورع و صدق لهجه
وبراعت فهم و حسن اطلاع و اتساع معرفت و تفرد ایدوب
عصر نده فرید و اعلم و معرفت و کماله و قنده و حید ایدی خطیب
بغدادی ذکر ایدر که ابوبکر نقاش و اساع العلم و حافظ تفسیر و حروف
قرا ته عالم شرقا و غربا سیر و سیاحت ایدوب مصر و شام و جزیره
و جبال و خراسان و ما وراء النهر ده اولان علمان اخذ علوم ایدوب
(امام عصری اولمشدی اوچیوز الی بشده وفات ایلدی
ابو جعفر الخاس) احمد بن محمد بن اسماعیل بن یونس النحوی
المصری امام آوانی و عالم ربانی ایدی ابو عبد الرحمن نسائی روایت
ایدر که نحوی ابو الحسن علی بن سلیمان اخفش بن و ابواسحق
زجاج بن و ابن انباریدن اخذ ایلدی و مصر دن عراقه کلوب
تحصیل علم ایلدی غایتله متواضع و حلیم کسینه ایدی سو قدده
حوایجی کندی الوب خانه سنه کتور ردی و طلبه علوم اندن
استفاده به رغبت ایدر ردی و مصنفات دن تفسیر شریف و اعراب
قرآن و ناسخ و منسوخ و کتاب التفاح و کتاب کافی ایکیسی دخی
نخودند و شرح معانی سبعة و طبقات الشعراء و غیرهم
و مصر ده شهر ذی الحجه ده اوچیوز او توز یدیده وفات ایلدی
روایت اولندیکه بر کون مصر ده کار نیلده او توروب بعض ایات
تقطیع ایدردی و نیلک دخی از دیاد وقتی ایدی جهله ناسدن
بر کسینه استماع ایدوب نیلک نقصانی ایچون سحر ایدیه یوز عمیله
علی الغفله قفاسندن کلوب دمه ایلده او روبر نیلده و شور دی خلاصه
خلاص اولیوب غرق اولدی مکی بن ابی طالب ولایت مغربده

قبر و انده اوچیوز الی بشده تولد ایدوب قرطبه ده ساکن اولدی
مکه مکرمه ده تحصیل علم ایلدی حسن خلق و احسن فهم
وجودت عقل صاحبی و متصلب فی الدین ایدی قرطبه نک جامع
کبیر نده طلبه علومه تدریس ایدوب جمع کثیر انتفاع ایدردی
شهرت فضیلتی اطرافه منتشر اولوب زهد و صلاح و تقوی
واجابت دعا ایلده موصوف ایدی مصنفاتی مشکلات اعراب قرآن
موجز و تبصره ایکیسی دخی قراءتده انفس کتیدر و تفسیر
شریف و هدایه فی الوقف در تیز او توز یدیده وفات ایلدی رحمه
الله علیه ابو العباس المهدی مغربده مهدیه نام شهره نسبت
اولوب مهدوی دینلدی علم فضل ایلده مشهور و متعارف در حافظ
ابو عبد الله الذهبی ذکر ایتشد ابوبکر احمد بن محمد البرائیدن
قراءت قرآن و تفسیر ده کامل و کلامی موثوق و روایتی مقبول
و مسلمدر تفسیر شریفی و قراءت سبعة ده هدایه تألیفی وارد
در تیز او توز ده وفات ایلدی (التذکره الخامسة والعشرون)
ذکر اولنان علمای مفسریند نصکره اسانید و اقوال سلفی ذکر
ایتمیوب بلا اسانید تألیف تفسیر ایدن علما ذکر نده در معلوم اوله که
بو محله کانبجه به دل ذکر اولنان تفسیر شریف ایراد نده طریق
علمای سلف رحیم الله ذاهب اولوب کابر اعن کابر نقل و روایت
و طر قنده اتقان و اسانید صحیح ایلده ان ایتسکده اتمام و صحیحی
سقیمدن فرقه دقت تام ایلدی یلر بولرد نصکره علمای متأخریندن
بعضلر تألیف تفسیر ایدوب اسانید لرینی اختصار ایدوب اقوال
مفسرینی نقل و قائل ذکر لرینی تحریر ایتدی یلر بو تقریب ایلده بعضلر
دخی دخیل اولوب صحیح ایلده سقیم ییئنی فرق مشککل اولدی

و بودند نصیحه به بعضی دخی قواعد عربیه به تطبیق ایدوب
خاطر لرینه خطورایدن معنای ایدوب سلف صالحیندن
نقله التفات ایتدیلر امام سیوطی بیورمشلرکه ایت کریمه غیر
المغضوب علیهم ولا الضالین ده اون قول کوردیم مع هذا که رسول
اکرم صلی الله علیه وسلم حضرت تارندن و صحابه و تابعیندن یهود
و نصارادن غیری روایت اولمیشدر ابن ابی حاتم مغضوب علیهم
آیت کریمه سنده یهود و نصارادن غیری به علمای مفسریندن
برکسنده اختلاف کوردیم بیوردیلر (معلوم اوله که)
بومذ کوروند نصیحه بعض کسنه لر کادیلرکه نه علمده مهاری
وار ایسه کابلینی انکله مشحون ایدوب نکت و مزایای نظم
کریمی اول علمه حصر ایلدیلر نحوی قواعد نحویه ایراد ایدوب
وجوه محتمله یذکر و بین النخاة اختلافاتی بیان ایتمکه تطویل
کلام ایلدیلر زجاج واحدی کتاب بسیطنده و ابو حیان بحر
نهرنده ذکر لری کبی و قصص و تواریخده ماهر اولنلر قصص
و حکایات ذکر یله اکتفا ایدوب سلفدن نقل اولنلر حکایاتی صحیح
و سقیم بولد یغنی تحریر ایلدی و فقیه اولان مسائل فقهی و بین
الفقهها اختلافلری و قواعد اصول فقهی ذکره حصر ایلدی
امام قرطبی کبی اسمی محمد بن عمر بن یوسف ابو عبد الله الانصاری
مالکی در علم فقهده و قراءتده قصیده لایمه و رائیه بی امام
شاطبیدن قراءت ایلدی و جماعت کثیره به تعلیم قراءت ایتشد
وقتنده رئیس قرائیدی حج شریفه واروب مدینه منوره شرفها
الله و عظمه هاده و فرمیت مجاور اولدی زهد و تقوی ایله موصوف
و حسن اخلاق و محض ایلدیلر معروف ایدی بشیوزاللی ده تولد ایدوب

التمیز او توز برده مدینه منوره ده وفات ایلدی رجه الله علیه
و بعضی دخی علوم عقلیه ده مهارتلی سببیه تفسیرلری همان
اول علمه حصر ایدوب و کابلینی انکله ملوا ایلدیلر امام فخر رازی
کبی که تفسیر کبیری مسائل حکمییه ایله و اقوال فلاسفه ایله
مشحون ایدوب اصلا تفسیر مناسبتی اولین اشیای کثیره طویله
ایراد ایتشد که علم تفسیرده اکا حاجت یوقدر اول اجلدن
بعض علمادیمشدر که تفسیر کبیرده جمیع علوم مذکوردر
ابو حیان کتاب بحر نهرنده دیمشدر که فخر رازی تفسیرده لزومی
اولمیان اشیاذ کر یله تطویل کلام ایتشد لرکن حق اولان بودر که
امام فخر رازی حضرت تلی روایات سالفیه رعایت و نصوصک
ظواهرینه و قواعد عربیه به مخالف کلامی یوقدر صاف نهاد
و بالاعتقاد در بین العلماء کلامی مقبول و مصنفاتی معتبر
و مسلمدر و تفسیری علوم کثیره دن فوائد و افره بی مشتملدر جمیع
علومک فوائدنی جامع انک مثلی بر کتاب تصنیف اولمیشدر
امام فخر رازی محمد بن عمر بن الحسن البکریدر که امام المتکلمین
و بحر ابحار العلماء المتبحرین و اورع الصالحاء المتورعین کنجینه
علوم و معارف و دینه عرفان و عوارف بر دریای بیقه سر
و ساحلدر که درونی پر جوهر کران به ابر ذات شریف بی مثل
و بهمت ایدی بشیوز قرق در تنده طبرستانده بلده ریده تولد ایدوب
پدری شیخ ضیاء الدین عمر دن علوم عربیه بی و علم اصولی تحصیل
ایلدی و پدری محی السنه ابو محمد بغویدن قراءت ایتشدی
و علم حکمتی مراغه ده مجد الدین چلبی دن و فقهی کمال
سمتایدن اخذ ایلدی امام الحرمینک علم کلامده شامل نام کتابی

حفظ ایلدی و فخر رازی تحصیل الحق فی تفصیل الفرقان نام
رساله سنده تحریر ایتمشکه علم اصول دینده استادی والدی امام
سعید ضیاء الدین عمر بن الحسین الرازی در واول امام الاثمه
ابو القاسم سلیمان بن ناصر الانصاری بنک تلمیذندند واول ابوالمعالی
عبد الملک بن عبد الله بن تلمیذی واول ابواسحق اسقرانی واول
ابوالحسن باهلی واول شیخ السید ابوالحسن علی بن سالم بن عبد الله
بن ابی موسی الاشعری بنک تلمیذندند که ابتدای علی الجبائی بنک
تلمیذی ایدی جناب هادی المصلین جل شانہ هدایت ایدوب اول
مذهبیدن رجوع ایدوب مذهب اهل سنت که صحابه عظام
و تابعین کرام مسلکی دراکا ذاهب اولدی و امام فخر رازی ابتدای
امر نده غایتله فقیر الحال ایدی (بعده) جناب مفتی ابواب عم
نواله ابواب ارزاقی کشاده ایدوب منتظم الاحوال اولدی و وصیت
فضیلتی منتشر آفاق اولدی و صدای شهرتی طنین انداز سامعه
طریق اولدی زهد و تقوی و دیانتده پر کمال و تصوف و حقایقده
صاحب حال ایدی و طلاق لسان و فصاحت بیانده بمثل
واقران و لسان عربی و زبان فارسیده شیرین دهان اولمغله و عظم
و نصیحتده دخی فایق الاقران ایدی و اثناء و عظمده حال غلبه
ایدوب کاهجه مبهوت و حیران اولوب وافر مدت ساکت و صامت
قالوردی طبرستاندن خوارزمه کلوب براز مدت آنده طور دی
و معتزله ایله محاورات و مناظرات کثیره لری اولوب نیجه لری اول
مذهبیدن مذهب اهل سنته ذاهب قلمدی و اول ولایتده معتزلی
چوق اولمغله آنده اکامیموب ماوراء النهره واردی آنده دخی
معتزله ایله مباحثات و محاوراتی چوق واقع اولوب آنده دخی

مکت ایتیموب ینهری شهر ینه عودت ایلدی و سلطان شهاب
الدین الغوری ینه انتساب ایدوب بعده سلطان کبیر علاء الدین
خوارزم شاه سلطان محمد تکش عننده رتبه عظیمه بولدی
و پادشاهک محبت واکرامی حددن افزون اولدی حتی امامک
خانه سنه کلوب زیارت ایدردی نقل اولندی که امام را کب اولوب
بریره کتسه اطرافنده فقهاده و طلبه علومدن اوچیوزدن
زیاده کسمنه رکابنده یورلردی و علمدن غیری زخارف دنیادن
برنسنه ینه حریص دکل ایدی و اصحاب و طلبه سی تعظیم
واکرامنده زیاده اهتمام ایدوب مجلس افاده سنندن استفاده ینه
حریص ایدیلر و اطراف ولایتلردن خرمن علومندن دانه چین علم
و عرفان و خورشید ذات ستوده سماتلردن اقتباس انوار حکمت
اقتراان ایچون اجتماع ایدن طلبه بی عدد و احصاء و تألیف
و تصنیف اطراف آفاقده مشهور اولوب هر ولایتده رغبت
تامه دن کتب متقدمینی نظردن اسقاط ایلدیلر و شیخ لقبیه
مشهور اولدی و طائفه کرامیه اوزر ینه سائرلردن زیاده عداوتی
و اعتراضی اولمغله برتقریبله زهر و یروب اول سبیدن
وفات ایلدی رحمه الله علیه و اشهر مصنفاتندن تفسیر کبیری
ایادی علماده مقبول و متداولدر و تفسیر بسمله بالک
بر مجلد درو علم کلامده مطالب عالییه و نهایه العقول و کتاب
الاربعمین و مفصل و علم اصول فقهده محصول و علم کلامده
التبیین فی المعانی والبرهان فی الرد علی اهل الزيغ والطغیان
و مباحث عمادیه و عمیون مسائل و ارشاد النظار و اجوبه
المسائل البحاریه و المعالم و تحصیل الحق و الزبده و شرح اشارات

وشرح عیون الحکمة وشرح اسماء الحسنی وشرح مفصل
وشرح وجیز الغزالی فی الفقه وشرح سقط الزند و مناقب امام
شافعی و رسائل فی علم الفراسه و علم طبه شرح کلیات قانون لابن
سینا و علم طلسمات و سر المکنون نام کتاب دخی که نسبت اول نور
امکن بعض علماء تواریخ شناس امامک دکلر دیر لر و کتب
موقوفه دن بعضنده نقل اول نور که حضرت امام علیه الرحمة
کتاب مطالب عالیہ نک قسم اولنده تحریر ایتمشکه تم ذلک فی يوم
الجمعه من ذی القعدة سنة ثلاثة و ستمائة و قسم ثانیة آخرنده قد
تم هذا الكتاب لجرجانية خوارزم فی النصف الاخير من ربيع
الاول سنة خمس و ستمائة و قسم ثالث آخرنده و قد تم هذا الكتاب
ليلة الاثنين السادس من ربيع الآخر سنة خمس و ستمائة
فی جرجانية خوارزم فی الدار المملوكة فی سكة ماه خوبان و اسأل
الله الکریم الرحیم ان یختم عاقبتی بالرحمة والراحة والرحمان انه
الملك المنان الرحیم الدیان قسم رابع آخرنده قد تم ليلة الاربع
من جمادی الاولى سنة خمس و ستمائة و قسم سادس آخرنده
تم هذا الكتاب يوم الاثنين الثاني عشر من جمادی الاخره سنة
خمس و ستمائة والحمد لله كما هو له اهل و مستحق والصلوة علی
خیر خلقه من الانبیاء والمرسلین خصوصاً علی محمد و آله و اصحابه
اجمعین (ادیب) ولیب شرف الدین محمد نقل ایدر که برکون
حضرت امامک درسنه حاضر اولدم هنکام شتا اولمغله زیاده
قاریا غمشدی بر کبوتری بر شاهین صیدا یتک قصدیه قوارق
متوردي کبوتر کندوی امامک اوزرینه اتدی شاهین
صیدا یتکدن رجوع ایدوب کندی و بنم خاطر یه بالبداهه

بور باعی خطور ایدوب انشاد ایلدم (عربیہ) جاءت سليمان
الزمان بشكوها) والموت يلع من جناحي خاطف) من انباء الورقاء
ان محلكم) حرم وانك ملجأ للخائف) نثر حضرت امام زیاده متشوق
اولوب فرح و طرب اظهار ایلدی وابن عنین کندی یه قریب
مکانده اجلاس ایدوب بین الطلبة مظہر التفاتی اولمغله قدرنی
عالی ایلدی وینه ابن عنیندن نقل اولندی که جائزه وصله طریقیله
امامدن بکا اون بیکن دیار حاصل اولمشدردیدی و معلوم اوله که
حضرت امام فخر رازی زمره فقہادین و علماء ظاهریندن ایلدی
(بعده) جدوسی و طلب الیہ جملہ مشاہدین و اصحاب کشف
و یقیندن اولدی و تفسیر کبیری تصنیف ایلدی دقتله تأمل
اولنسه لطائف مباحث و حقایق معانیدن کلمات اهل تصوف
و نکات ارباب مشاہده و تصرف که امور ذوقیه دندر مشاہده
اولنور (حکایت) اولنور که حضرت امام رحمة الله علیہک صیت
فضیلتی و لوله آرای جہان اولمشدی ماوراء النہردن ہراتہ
کادیکندہ آندہ اولان علما و صلحا و سلاطین و امرا جمیعاً تہنیه
قدومنه کادیلر برکون سوال ایلدی که بزم زیارتہ کلمش کسنہ
وارمیدر اصحابی بلی صلحادن بر کسنہ واردر کہ زاویہ نشین کوشہ
انزودر اول کسنہ کلدی دیدیلر حضرت امام ییوردیلر کہ
نه عجب بو قدر بکار علماء و صفار و بکار عرض محبت ایدوب اکرامزده
قصور ایتمشکن اول کسنہ رغبت ایلدی و بو کلامی اول
کسنہ یه خبر و یردیلر سکوت ایدوب بر کلام سو یلدی (بعده)
اعیان بلادن بری ترتیب ضیافت و ایکسینی دخی دعوت
ایدوب بر مجلسده جمع ایلدی بعد الموائسہ امام اول کسنہ یه

زیارتده مخلفنندن سؤال ایلد کده زیارتکه وارمق نه جهتندن لازم
ونه سبيله موجب دریدی امام دخی بن امام المسلمین اولدیغ
ایچوندر دید کده سنک افتخارک علمله ایمش رأس علم معرفه الله در
پس عرفان الهیده معرفتک نه دریدی امام دخی تقریر بر اهلین
ایتمکه شروع ایلد کده برهان ازاله شک ایچوندر جناب فیاض
مطلق بنم قلجه بر نور فیض ایتمشدر که اکابر و جهله شک عارض
اولمز که ازاله سنده محتاج برهان اولم دید کده اول مرد عارفک
کلامی درون امامه بر وجهله تأثیر ایتدی که همان اول مجلسده
پیرل دست مبارکن طوقب انابت ایلدی و اشارت پیر ایلده داخل
خلوت اولوب شراب عرفاندن نشئه یاب اولدی و اندنصکره
تفسیر کبیری تصنیف ایلدی و نقل صحیح اوزره اول پیر ابو علی
الجبائی شیخ نجم الدین البکری ایدی قدس سره و حضرت امام
عید فطرده التیوز التي سنه سنده اجابت دعوت واللّه یدعو الی
دار السلام ایدوب اریکه نشین غرقه جنان اولدی رحمة الله علیه
(التذکره السادسة والعشرون) تفسیر آیات عظامده مفسره
بلسی لازم اولان علوم ذکرنده در (معلوم اوله که) علمای
متبحرین و فضلائی متقدمیندن علم تفسیرده غواص بحر
حقایق اولان عارف اهل یقین بو کونه کوهر افشان اولمشدر که
قرآن عظیم و نظم کریمک تفسیرینه تصدی ایدن مفسرل شرايط
لازمه و لوازم واجبه سنندن در که علی وجه الاتقان اون
بش علمی بیلوب دقایق و حقایقنده ماهر و لازم اولدیغی محمله
اجرا سنه قادر اوله (اولا علم لغت) زیر امفردات الفاظ و مدلولات
وضعیه سی لغت ایلده معلوم اولور امام مجاهد حضرت تلی

یوردیلر

یوردیلر که جناب کبریانتک وحدانیته و یوم آخرته ایمان کتورن
کسنه به قرآن عظیم الشانک معنا سنندن تکلم ایتک لغات قرآنی
بلین کسنه به جائز کادر و امام مالک حضرت تلمندن نقل اولندیکه
علم لغتده معرفت یسیره ایلده اکتفا جائز کادر علی وجه الاتقان
عالم و کمال مرتبه غورینه واصل اولمق لازمدر زیر الفظ واحد
بر قاج معناده مشترک اولسی واردر معانی سنندن برنده زائل
اولمق اولسه اول معنامراد اولمق احتمالی واردر (ایکنی) علم
نخود را عرابک اختلافیه معنایه بدیل اولور و سلفدن نقل وارد
اولدی که علوم عربیه بی تعلم ایدک و وجوه اختلافاتی علی وجه
الکمال اوکره نک زیر بر کسنه آیت کریمه بی قرائت ایدوب معناسی
ایله اغتننا ایدر وجوه اعرابه عالم اولمیوب اکا حصر ایتمکه
خطا ایدر (اوچنی) تصریف قدر صیغ و انبیه نک معرفتی انکه در
ابن فارس سنندن نقل اولندی که بعض کلمه نک معناسی بلغمیوب
مصدرندن آشکاره اولور و هر کلمه نک مصدر فی بلمک تصریف
علم ایلده اولور ز محشریدن نقل اولندی که بدع تقاسیر دندر که
یوم ندعوا ککل اناس بامامهم آیت شریفه سننده امام
ام دیمکدر یوم قیامتده ناس امهاتیه دعوت اولنوب بابایی ایلده
دعوت اولنزدین کسنه تصریفی عدم علمندن غلط ایتمشدر زیرا
ام جمعه امام کلز (در دخی) اشتقاقدر کلمه نک معناسی مادین
مختلفین ایلده مختلف اولور مسیح سیاحتدخی یو خسه مسیح دیمدر
پس مأخذ اشتقاقی بلغمی که کلمه نک معناسی فهم اولنمز
(بشنی و التخی و یدخی) معانی بیان بدیدر معانی ایلده معنایی افاده
جهتندن خواص ترا کیب معلوم اولور و بیان ایلده خواص

تراکيب اختلافی حیثیتیه زیادہ و نقصان جہتندن وضوح
 دلالت ایله معلوم اولور و بدیعدن وجوه تحسین کلام معلوم اولور
 و بوعلم ثلاثہ دن معانی و بیان علوم بلا غتده ذاتی و بدیع
 عرضیدر و بوعلم ثلاثہ یه مفسر اولان کسینه نك اعظم ارکانه بدر
 زیرا انجازی مفضی اولان اشیائی مراعات ایتمک مفسره الزم
 و اھمدر انجازی ادرال بوعلم ثلاثہ ایله اولور و بوعلم ممداری
 عند المحققین ذوقه مبیندروا کتساب بلاغت بوعلمومه علم اولمیجیق
 اولمز و سکاکی یور مشاکره فالویل کل الویل لمن تعاطی التفسیر
 و هو فیها راجل (سکرنجی) علم قراءتدر که قراءتد نطقک وجوه
 محتمله سنک بعضیسنک بعضی اوزرینه ترجیحی انکله ییلنور
 (طقوزنجی) علم اصول دینده قرآن عظیمده بعض ایات وارددر که
 جناب کبریا حقنده ظاهر اوزره جل جائز اولمز علم اصوله عالم اولان
 انی تاویل ایدر پس جناب کبریا حقنده محال اولانی و واجب
 اولانی و جائز اولانی بلمک بوعلم ایله اولور (اونجی) علم اصول
 فقهدر که احکام استنباط مسائل شرعیه ده وجوه استدلال
 انکله ییلنور (اون برنجی) علم اسباب نزول و قصصدر ایات
 عظامک معنای شریفی نزولی حسبیه ییلنور (اون ایکنجی) علم
 ناسخ و منسوخدر که محکمى و غیر محکمى ایات عظامک
 انکله ییلنور (اون اوچنجی) علم فقهدر (اون دردنجی) احادیث
 شریفه در که مجمل و مبهم اولان ایاتی مفسردر (اون بشنجی) علم
 موهبه الهیه در اول بر علم در که جناب و اھب العطایا جلت
 عظمتہ علمیه عامل اولنره احسان ایدر حدیث نبوی علیہ
 السلامه وارد اولدیکه من عمل بما علم اورثه الله تعالی علم مالم یعلم

بودنی معلوم اوله که مفسر ایچون بوعلم مذ کوره لابددربو علمره
 عالم اولمین مفسر اوله من والاعلم تفسیره جمیع علومده مهارت
 لازم و لابددربو قرآن عظیم الشاندن مستنبط اولان علم بر بحر
 زائر در که قهرینه قدرت بشرده وصولک عدم امکانی ظاهر در
 و علوم و هبیه الهیه نك قدرت بشرده حصولی ممکن اولمیوب
 محض عطیه سبحانی و مجر فیض و هبیه صمدانی اولوب کسبله
 اول دولتمه وصول ممکن دکادر دیو خاطرہ خلیجان کلوب
 تحصیلنده تکاسل اولنیمه که جناب قیوم جهان آفرین جلت
 عظمتہ افرادنجی آدمده مدارج عالییه یه ارتقایه و مراتب
 سامیه یه اعتلایه استعداد احسان ایلشدر و نوع بشرده
 مودوع اولان اسرار الهی و الطاف نامتناهی اجناس
 افرینشدن برینه ویرلمشدر اگرچه علوم و هبیه انساندن
 حاصل برحالت کشفیه در لر بلا تعلم واکتساب محض لطف
 ملک و هابدر علوم و معارف کشف ایدوب نیچه اسرار خفیه یه
 واقف ایدر اما بوحالتک تحصیلی داخل تحت قدرتدر و خلوص
 بال ایله مباشرت اولنسه حاصل اولور بو طریق طریق
 تحصیلی اهل سلوکات تصوف کابلرنده تفصیلا بیان اولنمشدر
 و جمیع علومده استاد لازم اولوب مجرد عقل ایله اولمز اهل سلوک
 دخی بر مرشد کامل البتہ بهر حال لابددربو من طلب و جد و جد
 و اهل سلوکات وصول مرادنه مانع اولنلری ترک واسباب موصله یه
 مداومت و تحصیل ایلکده جد و سعی و اهتمام لازمدر (اولا)
 ترکی لازم اولان درو شده کبر اولمیه و بدعتدن زیاده اجتناب ایلیمه
 و هوای نفسه تابع اولمقدن احتراز ایدہ و ذنب اوزرینه اصرار

ایتمیه نقدر صغیر ایسه ده و حب دنیایی بالکلیه در و تندن اخراج
ایلیه اعظم موانع و رأس کل خطیه در و ایمانده بر وجهه
متحقق اوله که شک و ضعف طاری اولق محال اوله و بوند نصکره
جميع احوال و اقوال فی شرع شریفه تطبیق ایدوب سنت سنیة
رسول اکرم صلی الله علیه وسلم رعایتده تکاسل ایتمیوب
مخالفیدن غایت اثنا اوزره اوله و علوم عربیه و فتون ادیه
و معارف حکمییه بی علی وجه الاتقان تحصیل و دقایق علومه
و قوفده سعی و اجتهاد ایلیه امیددر که فیاض مطلق جل شانہ
قلوبی نور عرفان ایله تنویر ایدوب واقف اسرار ایلیه یسرها الله لنا
والکم بلطفه و کرمه و علماء را سخین و فضلاء محققین کثرهم الله
تعالی الی یوم القیام بیور مشرکه تفسیر شریف که علوم قرآنده
اوج قسم در (قسم اول) بر علمدر که جناب ملک علام خلدن
بر احدی اول علمه مطلع ایتمشدر اسرار کابدن کنه ذاتک
معرفتنده و اسماء و صفاتک معرفت حقایقنده و علوم عیونک
تفصیلنده اولان علومکه لایعلمها الا هو و بو علمده بر احدی چون
وجه امن الوجوه کلام جائز دکادر اجاعا و اائل سور بو قسمندر
(قسم ثانی) اسرار کابدن حبیبی رسول اکرم صلی الله علیه وسلم
حضرت تری مخصوص مطلع قلدیغی علومدر و بو علمدن انجیق
عالم علوم الاولین و الاخرین حبیب رب العالمین علیه افضل التحية
و التسليم حضرت تری تکلم بیوروب غیری ایچون بو علمدن کلام
جائز دکادر وارث علومی اولان علمای عظامدن کنی واقف
ایدوب اذن شر یغری اولورسه انجیق انلرما ذون اولد قلدی مقدار
تکلم ایدرلر (قسم ثالث) اول علمدر که جناب ملک علام جل

شانه اول علمی حبیبی صلی الله علیه وسلم حضرت تری نه کتاب
مجیدنده مودوع اولان معنای جلیلی جلی و خفی تعلیم بیوروب
و تعلیمی ایله امر اولانان علمدر اول دخی ایکی قسمدر (قسم اول)
اولدر که اندن تکلم ایتمک سماع ایله و ثقه دن نقل ایله اولور اسباب
نزول ناسخ و منسوخ و قراءت و لغت و قصص اهم ماضیه
و حوادثدن واقع اوله جق امور دن اخبار امور حشر و معاد کبی
(قسم ثانی) نظر و استدلال و استنباط طریقله و الفاظدن
استخراج ایله اخذ اولان علومدر پس مذکور اولان علومدن
ماعدایله تفسیردن منع اولنمشدر که رأی ایله اولان تفسیردر اول
دخی بش قسمدر (اولکی) تفسیره لازم اولان علومی تحصیل
ایتمیوب اول علمدره جاهل ایکن تفسیر ایتمکدر (ایکنجی)
متشابهاتدر که لایعلمها الا الله (اوچنجی) مذاهب فاسدهیه
مفرضی اولاندر که مذهبنی اصل ایدوب تفسیری اکاتب قیلوب
نه طریق ایله اولورسه اول مذهبیه تطبیق ایتمکدر (دردنجی)
مراد الله انجیق بو معنادر دیو حصر ایتمک (بشنجی) بر معنایی
استحسان ایدوب و هوامی اوزرینه جل ایتمک بو وجه شرعاً منع
اولنمشدر بو گونه تفسیر جائز دکادر من فسر القرآن برأیه فقد
کفر مفهومی بو اقسام مذکورده در (تنبییه) بودخی معلوم اوله که
بعض کسینه لر تفسیرلر یازدیلر و آیت **کَرِیمَهُ نَکَ مَعَانِی**
شر یغلرنده تاویل اولنجه جق معنای ذکرا یلدیلر که نه اعتماد
اولنه جق سندی وارونه سلفدن نقل و اصول شرعییه و قواعد
دینییه به رعایت دخی ایتمدیلر محمود بن حمزه کرمانی تفسیری
کبی که ایکی مجلددر عجایب غرایب تسمیه ایلدی فی الحقیقه

عجایب و سلفدن نقله مخالف اولغله غرایب تحریر ایتشد که
اکا اعتماد حلال دکلر و ذکر دخی جائز دکلر الامکر اول
کونه خلاف نسبه دن اجتناب ایچون نظر اولنه جمعسق
تاویلنده ح حرب علی و میم ولایت مروانیه و عین ولایت عباسیه
و مین سفیانیه و قاف قدرت مهدیه به اشارت در دیشدر که بوکونه
کلام سلفدن برکسندن استماع اولنمشدر و خذله روافضک
(مرج البحرین یلتقیان) آیت کریمه سنده بجزیندن مراد
حضرت علی و فاطمه در (یخرج منهم اللؤلؤ والمرجان) آیت
کریمه سنده حسن و حسین رضی الله عنهما مراد در دیدیلر شیخ
الاسلام سراج الدین البلقینی بوسه ک گونه تفسیر ایدن ملحد در
دیو جواب ویردیلر (امام) نسبی عقایدنده بیورمشدر که
ملاحده به باطنیه تسمیه اولندیغی انکچوند که آیت کریمه
ظواهرینه محصور دکلر هر آیتک ظهیری و بطنی وارد دیدیلر
و بوسوزلردن مراد لری بالکلیه شرع شریفی نفیدر اما بعض
محققینک نصوص ظواهری اوزرینه شمولدر مع ذلک اشارت
دقایق کشفیه سی وارد که ارباب سلوکه منکشف اولور که
ظواهر مراد هر نه ایسه تطبیق ممکندر دیدکاری کمال عرفان
و محض ایماندر (حجة الاسلام) ابو حامد محمد الغزالی علیه رحمة
الملك الباری بیورمشدر که قرآن عظیم الشانک ظهیری و بطنی
وارد و ظواهری اوزرینه اقتصار ایدن حشویه در و بطنی اوزره
اقتصار ایدن باطنیه در و فریقیندن هر بری بو علمه عین عورالیه
نظر ایدوب واقف اوله مدیلر که هر ظاهر ایچون باطن وارد و عالم
جسمانینک عالم مثالیه سی وارد و انسان ایکیدن مر کبدر که

بدن کشفی ایله عالم جسمانیدن و روح لطیفی ایله عالم روحانیدن
و قرآن مبین نشانینده انسانک تکمیلی ایچون نازل اولمشدر
بالکثر ظاهره اقتصار نقصاندر و کمال ایکسینه صرف ایتشد که
اما بروجهله که احدهما آخره محل اولیه حضرت موسی علیه
السلامه فاخلع نعلیک بیوریلان آیت کریمه نک ظاهره معنای
شریفی عالم جسمانیه آیه اولان نعلی خلعدر عالم ارواحده
دنیا و آخرتدر و بین العالمین موازنه و مناسبت انجق انبیای عظام
و خواص اولیای کرام واقف اولور که مراد باری تعالی حضرت
موسایه بحسب الظاهر خلع نعلین اولدیغی کبی باطنده دخی ترک
دنیا و آخرتدر و بویکی معنایینده احدهما آخره محل دکلر
معلوم اوله که) مؤمن و موحد اوزرینه لازم اولان بودر که تصدیق
ایده که قرآن عظیم الشان جناب کبریانتک کلامیدر رسول اکرم
خاتم الانبیاء علیه افضل التحية والثناء حضرت تلمینه جبرائیل
علیه السلام واسطه سیله انزال ایلدی و جناب کبریانتک صفت
ازلیه سی اوزرینه دالدر که کلام صفی ایله متصفدر و قواعد
عربییه ایله دال اولدیغی معنای شریفی مراد الهیدر حقد در رب
و شک یوقدر و قوانین علوم ادبیه ایله که قواعد شرعیه و احادیث
نبویه مطابقتدر اول معانی شریفه دخی مراد الله اوزرینه دالدر
و بونی دخی بلمک لازمدر که مراد الله بومعنایه منحصر دکلر زیرا
احادیث شریفه ده وارد اولدی که لکل ایت ظهر و بطن بو حدیث
شریف اقتضا ایدر که آیت کریمه ظاهری اوزرینه حصر اولنار
غیری معناسی دخی وارد که هر کسه نک خاطرینه خطور ایتمز
و هر شخص مطلع اولمز بلکه جناب فیاض مطلق جل ذکره علم

لدنی احسان ایدوب کمال لطفندن فهم عمیق عطیه ایلدی یکی بکار
اولیایه منکشف اولور لکن آیات عظامک قوانین عربیه ایل
الفاظندن منفهم اولان معنا مراد اولوب وقواعد شرعیه به
مخالف اولمیه و اعجاز قرانه مباین و خصوص وارده به مناقص
اولمیه بوشروطه متصف اولور سه انی دخی مقر اولوب طعن
ودخل ایلیمه (علمای عظام) مفسرین و فضلالی کرام محققین
بیور مشرکه مفسر اوزرینه واجبدرکه تفسیرک مفسر اوزرینه
مطابقته زیاده تحریر ایلیمه و ایضاح معناده محتاج الیه اولان
تعبیرده نقصان فهم و معنای مقصوده اقتضاسی و فائده سی
اولمین لفظ زائده ذکرندن احتراز ایلیمه و معنای حقیقی و مجازی به
مراعات ایده و سوق کلاسه اولان اعراضه و بونلرک جمله سنده
تعبیر ایلدی یکی الفاظده معنای مقصودک خلافتی مشعر اولوق
احتمالی اولان الفاظ ایرادندن احتراز ایلیمه و مفسر اوزرینه
واجبدرکه ابتدا علوم لفظیه دن بدأ ایلیمه و من جهة المفردات
لغتلین تحقیق ایده بعده تصریفندن و اندنصکره اشتقاقی
بیان و کمالیه ایضاح دنصکره بحسب التركیب اولان علومی
علی ما یقتضیه المقام ذکر ایدوب اعرابی بیان بعده معانی به
متعلق علومی ذکر بعده بیان و بعده بدیع ذکرندنصکره معنای
شریف آیات عظامک بیننده اهتمام و تحقیق مقام دنصکره ایراد
قصص و اخباری بیان بعده استنباط احکام شرعیه بعده بیان
حقایق و ایضاح دقایق بعده بیان اشارات ایلیمه (التذکره
السابعة والعشرون) کتب تفاسیردن ایادی علماده متداول
و مشهور اولان کتب ذکرنده در (معلوم اوله که) تفسیر

شمر یفده تصنیف اولنان کتب تفاسیر اوج قسم اوزره در وجیز
و وسیط و بسیط تفسیر و جیزدن تفسیر زاد المسیر ابن جوزینه کدر
ترجمه سی سابقه ذکر اولندی وجیز واحدی و تفسیر واضح
امام فخر رازی و تفسیر جلالین در که نصفی جلال الدین محلی نک
و نصفی جلال الدین سیوطی تکمیل ایلدی و کتب متوسطه دن
تفسیر ماتریدی ابو منصور محمد بن محمود الماتریدی امام المهدی
پیشوای اهل السنة و التقادیر کتب توحید کتب مقالات و کتب
رد الادله لکعبی و کتب بیان وهم المعتزله و کتب تأویلات القرآن
مصنفاتندندندرا و جیز اوتوز اوچده سمرقنده وفات ایلدی
و تفسیر تفسیر نجم الدین ابی حفص عمر النسفینکدر ترجمه سی
سبقت ایلدی و تفسیر کشاف زخشری ابوالقاسم جارالله محمود
بن عمر بن محمد بن احمد الزخشری زانک فتی و میمک فتحیه سفرجل
وزنده خوارزمده برقریه کبیره در علوم عربیه و لغت و معانی
و بیان و سائر علوم عربیه و ادبیه ده امام عصری و مقته دای
وقتی ایدی حده ذکاء و جوده طبعی نهایتده ایدی معتزلی
المذهب در زیاده مذهببنده متصلب ایدی نقل اولور که احبابی
زیارت ایچون برینک قبوسنه و ارسه خدمت کارینه ابوالقاسم
معتزلی قبوده در دیو امر ایدردی و اعتزال ایله فخر ایدردی
بغدادده کلوب ابو الحسن علی بن مظفر نیشابوریدن
و ابواصفهانیدن اخذ علوم ایدوب و شیخ الاسلام ابوجوالقیدن
استماع ایلدی و مکة معظمه ده مجاور اولوب اول سبیله جارالله
لقبیه ملقب اولدی و اعرج ایدی انجمن ایاق ایدوب انکله
کزردی خوارزمدن سفر ایدوب اثناء طریقه کثرت برددن

متأثر اولوب اول اجادن قطع ايلديلو وكنديلردن منقولدر كه حال
 صغرنده بر سر چه بي طوقب اياغنه ايب بغليوب بر سو راخه
 كيردي بنديخي ابي چكوب بر اياغني منقطع اولدي والدهم
 كوروب قطع الله رجلك ديويده ايلدي هدف اجابته اصابت
 ايدوب بنديخي اياغني منقطع اولدي ديردي ومصنفات الكشاف
 عن حقايق التنزيل * الناطق عن دقايق التأويل في التفسير الفايق
 في غريب الحديث اساس البلاغت في اللغة ربيع الابرار
 في المحاضرات مفصل في النحو والمقالات مستقصى في الامثال
 اطواق الذهب صميم العربية شرح ابيات سيبويه انموذج
 في النحور ابيض في الفرائض كالم النوايح فسطاط في العروض
 احاجي مقدمة الادب متشابه الاسماء في علم الحديث فصوص
 الاخبار والزيادات على الفصوص مختصر في موافقة الصحابة
 وكتاب اسماء الادوية والجمال وكتاب المفرد والمؤلف في النحو
 ورسائل كثيرة سي واردر نصايح صغار ونصايح كبار وتسلية
 الضرير وغير ذلك واكثر تصانيفي مكة مكرمه شرفها الله
 وعظمها هاديه بين المقام وزمزم واتع اوامش در جانية خوارزمده
 ليلة عرفه ده بشيوزا ووز سكرده وفات ايلدي (تفسير طيبي)
 حسن بن محمد بن عبد الله طيبي نكدر علوم عربيه ومعاني وبيان
 معقولاته علامه زمانى وامام اوانى ايدى ابن حجر رجه الله
 عليه دن نقل اولنديكه امام طيبي قرآن عظيم وفرقان كريم دن
 استخراج دقايق ايتكمده آيه من آيات الله دروسن واحاديثه
 كمالى ظاهر در صحيح الاعتقاد متدين ومتصلب في الدين واهل
 بدعت اوزرينه رد وفضاحتلرين وقياحتلرين بيان ايتكمده

شده اهتمام ايدردى مع هذا اول وقتده اهل بدعتك استيلاسى
 وار ايدى ينه خوف وخشيت ايتيوب كلام حق كتم ايتزدى
 ونشر علمه حريص اولوب طلبه علومه اكرام ايدوب وحواليجلرين
 اعانتده اقدام ايدردى وكتب تقيسه بي طالبيندن دريغ ايتيوب
 اعاده ايدردى وتجار تا اموال كثره به مالك اولمغله وجوه خيراته
 زياده متمالك ايدى هر كون صباح دن ظهره دك تفسيره شغل
 ايدردى آخر عمر ينه دك ظهر دن وقت عصره دك حديث
 شريفه شغل ايدردى اصلا اوقاتى ضايع ايتيوب خدمت
 علم شريعتيه صرف ايدردى ومصنفاتندن تفسير شريف وشرح
 الكشاف وتبيان في المعاني والبيان وشرح المشكاة امام
 سيوطيدن نقل اولنديكه شرح كشافده ذكر ايدركه حديث
 شريفى ابو حفص سهروردى دن اخذ ايلدي وشرح مزبوره
 شروعندن مقدم رسول اكرم صلى الله عليه وسلم حضر تلريني
 واقعه سنده كوروب بر قدح سودويرى اولديخى الوب ايجدى
 اندنصم كره شرحك تصنيفنه شروع ايلدي يديوز قرق
 اوچده واصل رجه رحمان اولدي رجه الله عليه (وتفاسير
 متوسطه دن) تفسير معالم التنزيل ابو محمد حسين ابن مسعود
 البغوي نكدر فتح باء وغين مجله ايله بغاخر اسانده هرات ايله
 مرو ويننده بر قصبه در اكانسبت ايله بغوى ديرلر وبعضلر
 بغشوردر غير قياس اوزره نسبت اولنور ديرلر اما اصح اولدر كه
 بغشور اسم ناحيه درو بغا اول ناحيه ده بر قصبه در امام بغوى به
 محي السنه ديرلر شرح سننى تصنيف ايلدي اول وقتده
 واقعه سنده كوردىكه رسول اكرم صلى الله عليه وسلم

حضرت تلمیذی دیدیکه احییت سنتی پیوردیلر اولاجلدن محی
السنة لقبیه تلخیص اولندی جمیع علومده وفنونده ماهر
وتصانیفی کمالنه برهان باهر درو علمای عاملین دن موثوق الکلام
تفسیر وحدیثده امام زهد و تقوی ایلده آراسته و زیور علوم
ومعارف ایلده پیراسته زماننده یکتا بر مر دفاضل بیهمتاییدی
شافعی المذهب در مصنفاتی معالم التنزیل فی التفسیر مصابیح و شرح
السنة فی الحدیث وتهذیب فی الفقه بغداد ده بشیور زاون التییده
سالك راه بقا اولدی رحمة الله علیه (تفسیر کواشی) احمد بن یوسف
بن حسن بن رافع الامام موفق الدین کواشینکدر علوم عربیه ده
بحر الاجار و تفسیر و قرآننده مجری الابرار در بکار علماء شافعی دن
صحیح العقیده و سالك راه مستقیم و زهد و صلاح و تقوی ده نظیری
عظیم ایدی جمیع امورنده جناب کبریادن غیریه التجا ایتزدی
وباب خدادن غیریه برقمویه کتمزدی زماننده اولان پادشاه
زیارتمه کلوردی اکرام و تعظیمده سائر دن زیاده اکرام ایتزدی نیچه
دفعه کشف و کراماتی ظاهر اولمشدی تفسیر کبیری و صغیری
وارد راعراب قرآننده تحقیق و تدقیق ایتتمکده زیاده اهتمام
ایتشد و قرآننده کمالی اولغله بیاننده قصور ایتتمشدر و اوج
تفسیر یازوب برینی مکدم کرمیه و برینی مدینه منوره یه و برینی
قدس شریفه ارسال ایلدی امام سیوطی دن نقل اولندیکه
جلال الدین محلی تفسیرنده کواشی به اعتماد ایدوب انک اقوالنی
اخذا ایتشد و بریندن تکمله سنده کا اعتماد ایلدم اقوالنی معتبر
کوردم موصلده التیوز سکسانده عازم راه بقا اولدی
رحمة الله علیه (تفسیر قاضی بیضاوی) قاضی ناصر الدین

ابوالخیر عبدالله بن عمر بن محمد بن علی الشیرازی البیضاوی
بیضا نواحی شیرازده برقریه در علوم کثیره عالم و فاضل و فنون
عظیمه ده کامل و زاهد عابد و صالح ایدی شافعی المذهب در
تصانیف جیلده سی مقبول خاص و عام و آثار جلیلده سی
پسندیده علماء عظام در شیرازده قاضی القضاة اولمشدر نقل
اولندیکه طلب قضا ایچون تبریزه کلدی و بر مجلس درسه
مصادف اولدی صف نعالده او توروب استماع درسه مشغول
اولدی اثنای درسه مدرس اولان برنکته ایراد ایدوب
حاضرینه سوال و جوابی طلب ایلدی و برکسمنه جوابه قادر
اولمسه حل ایدیم دیدی حاضریندن کسمه جوابه قادر اولمه دیلر
بعده مدرس جوابه شروع ایدوب زعمجه حل و تحقیق مقام
ایلدی قاضی بیضاوی حضرت تلمیذی بالبداهه جوابه شروع
ایدوب بر قاج و جهله جواب و مدرست منشأ غلطن بیان ایلدکده
اول محله اعتراض ایدوب مدرسدن جواب طلب ایلدی مدرس
میبهوت اولوب جوابه قادر اوله مدی ملک تبریز وزیر ائده
حاضر ایدی قاضی بیضاوی دعوت و صدر مجلسه اجلاس ایدوب
سز کمسزدیوسوال ایلدی بیضاوی بم دیدیکده بونده نه
مصلحت ایچون کلدیکز دیدی قاضی دخی طلب تقلید قضا
ایچون کلدیکنی خبر ویردی همان او کونده حاجتی قضا ایدوب
خلعت فاخره الباس و اعزاز و اکرام نص کره شیراز کونوردی
صاحب تصانیف جلیله در که منهاج فی الاصول و شرحی و شرح
مختصر ابن حاجب و شرح کافیه و شرح منتخب امام فخر رازی
و شرح مطالب فی المنطق التیوز سکسان بشده تبریزه وفات

ایلدی و آنده دفن اولندی رحمة الله علیه (تفسیر ابو عبد الله محمد بن احمد بن عمر بن فرح الانصاری الخزرجی القرطبی ترجمه سی سبقت ایلدی) (تفسیر سراج الهمدی) ابو حفص عمر بن اسحاق ابن احمد الغزنوی بلاد هندده اولان علمادن تحصیل علوم ایدوب حج شریف ایچون مکه مکرمه به کادی شیخ خضر دن اخذ حدیث نبوی ایدوب اندن مصره کادی احمد بن منصور جوهریدن وغیر مشایخ محدثین دن اخذ حدیث ایلدی و فضائل و کمال ایله شهرت بولدی سلطان مصر اکرام ایدوب قاضی عسکر ایلدی و تصانیف جایلله سندن شرح مغنی شرح هدایه توشیح تسمیه ایتمشد شرح بدیع ابن صاغانی شرح تائیه ابن فارض شامل فی الفقه غرة فی شرح مذهب ابی حنیفه وغیره یدییوز یتش اوچده وفات ایلدی رحمة الله علیه (تفسیر مدارک التنزیل حافظ الدین ابوالبرکات عبد الله بن احمد بن محمود النسفینکدر فقه ده کترو اصوله منار و اصول دینده عمده مستصفی شرح منظومه کتاب المنافع تصنیفاتند در شمس الائمة امام کردیدن اخذ علوم ایتمشد بغداد ده توطن ایلدی (تفسیر اعراب قرآن) ابراهیم بن محمد بن ابراهیم بن ابوالقاسم القیسنی المالکی النجوبینکدر التیوز طقسان یدیده تولد ایلدی شیخ ناصر الدین دن استماع ایدوب حج شریفه کتدی عودنده مصرده ابو حیاندن اخذ علوم ایدوب دمشق کادی و آنده زینب بنت کمالدن دخی استماع حدیث ایلدی و علوم و فضائلده کمال بولوب مشاهیر علمادن اولدی یدییوز قرق ایکیده رحلت ایلدی رحمة الله علیه (تفسیر ابن عطیه) عبد الله بن عطیه ابو

محمد الدمشقی وقتنده امام اوانی و تفسیر قرآنده مقتدای زمان ایلدی و بین العلماء کلامی موثوق و مقبول و تفسیری ایادی فضلده متداول و مدوحد در علوم ادیبه ده کمالی زیاده و اشعار عربده محفوظاتی و اصل رتبه خارق عاده ایلدی و معانی قرآن عظیمه اشتیاد ایچون الی بیك بیت از بر ایلدی یکی علمای موثوقدن منقولدر شامده بر مسجدده امام ایلدی الان مسجد ابن عطیه دیمکله معروفدر اوچیموز سکسان اوچده رحلت ایلدی رحمة الله علیه (تفسیر قشیری) ابوالقاسم عبد الله بن کریم بن هوازین بن عبد الملك القشیری سادات علمای شافعیه دندر فقه و تفسیر و حدیث و اصولده علامه عصری ایلدی علم تصوفده کامل و شریعت و حقیقت بیننی جامع عارف و فاضل در قشیر قبائل عربدن بر قبیلله در که قشیر بن کعب قبیلله سی دیرلر اکانسبت اولغین قشیری دیرلر نواحی خراسانده استونام ناحیه ده تولد ایلدی صبی ایکن پدری فوت اولوب یتیم قالدی هدایت صمدانی ایلله طریق سعادت رفیق علمه سالک اولوب حال صغرنده علوم ادیبه بی تحصیل بعده شیخ ابی علی دقاق مجلسنه وارد قدده ذاتنده استعداد مشاهده ایتمکله تحصیل علمه ترغیب ایلدی بعده استاد ابی بکر بن فورکان مجلسنه ملازمت ایدوب علی وجه الاتقان علم اصولی تحصیل و اذعان ایلوب ابواسحق اسفراینی نک درسنه حاضر اولوب بر قاج کون استماع ایلدی ابو اسحاق بو علم سماعله تحصیل اولغیز کاتب ایلله ضبط لازمدر دید کده استماع ایلدی یکی مسائلی ظهر قلبندن تقریر ایلدی ابواسحق تعجب ایدوب زیاده محبت ایدوب اکرام ایلدی و سنک درسه

احتیاجك یوقدر همان بنم مصنفاتی مطالعه ایله سكا كافیدر
 دیدی قشیری دخی ابواسحق کلامی ایله ابن فوركان کلامی بیننی
 جمع ایدوب بعده قاضی ابوبکر بن طیب باقلانی مصنفاتی
 مطالعه ایلدی وینه ابوعلی دقاق مجلسنه حاضر اولوب درسی
 استماع ایدردی و ابوعلی دخترنی تزویج ایدوب کندویه
 داماد ایلدی ابوعلینك وفاتند نصكره اختیار عزات ایدوب
 تجرید مسلكنه سالوك ایدوب رتبه معرفته قدم نهاده و تصفیة دله
 مشغول اولوب تفسیر کبیری تصنیف و مشهور و متعارف اولان
 سالوك و تصفیة بیاتده رساله تألیف ایلدی و حج شریفه عزیمت
 ایدوب ابومحمد جوینی که امام الحرمینك پدریدر و احمد بن حسین
 البیهقی رفیقی ایدیلر و استعمل سلاح و فروسیته ید طولای
 و ارایدی و زیاده طلاق لسان و فصاحت زبان و ملاحات بیانه
 مالک ایدی مجلس و عظمی اولقدیر مؤثر ایدیکه سوط تحذیر ایله
 طاشه اورسه ایکی شق ایدردی و شیطان علیه اللعنه مجلسنده
 مربوط اولسه نائب اولوردی علوم عربیه و اصول فقهیه ده
 کامل شافعی المذهبدر اوچیوزیتش التیده تولد ایدوب درتیوز
 التمش بشده مدینه نیشابورده وفات ایلدی (تفسیر ابن عقیل)
 عبدالله بن عبدالرحمن العقیل الطالبی الهاشمی المصری
 الشافعی نكدر وقتنده مصرده شیخ الشافعی ایدی قرات سبعه
 و علوم عربیه و فنون ادبیه ده فایق الاقران و علامه زمانی ایدی
 تصنیفات جلیبه سی مقبول انام و آثار جلیله سی پسندیده
 علمای عظامدر جامع النفیس نام کابی التي مجلددر بعده
 تلخیص ایدوب تیسیر الاستعداد الی رتبه الاجتهاد تسمیه

ایلدی و کتاب ذخیره فی تفسیر القرآن بعده تلخیص ایدوب املاء
 الوجیز علی الکتاب العزیز تسمیه ایلدی و کتاب المساعد
 علی تسمیل الفوائد و شرح الفیه ابن مالک و بعض رساله سی
 وارد در مصرده برآمدت قاضی اولدی یدتیوز التمش طقوزده
 وفات ایلدی (تفسیر امام الحرمین) ابوالمعالی عبدالملک بن الشیخ
 ابی محمد عبدالله جوینی شافعی درلقبی ضیاءالدین امام الحرمین
 دیمکله معروفدر اصحاب شافعیه دن اعلم المتأخرین و افضل
 المتبحرین در حاوی الفروع و الاصول و جامع المعقول علیه عامل
 زهد و صلاح و تقواده کامل بر ذات بیهمتا ایدی پدری ابومحمد
 جوینی دن اخذ علوم ایلدی جودت طبع و سرعت فهمنه پدری
 تعجب ایدردی و والدینك مصنفاتندن تحقیق و تدقیقاتی وارد
 پدرینك وفاتند نصكره برآمدت تدریس ایدوب بغداده واردی
 جماعت علمادن حقوق کسینه ایله ملاقات ایلدی بعده مكة
 مكرمه به واروب درت سنه مجاور اولدی اندن مدینه منوره به
 کلوب انده دخی مکث و ارام و تدریس و افتا ایلدی اول اجلدن
 امام الحرمین اطلاق اولندی بعده وزیر نظام الملک مدینه
 نیشابورده مدرسه نظامیه بی بنا ایلد کده مدرس ایلدی و امامت
 و خطابتنی و وعظیه سنی جمله کاتغو بیض ایلدی او قوزسنه
 مقداری بواسلوب اوزره وعظ و تدریس ایله اوقات گذار اولدی
 و اکابر علمادن مجلسنه حقوق کسینه حاضر اولوردی صیت فضیلتی
 اطرافه منتشر اولدی مجلس تذکیرنده تصوف و احوال سلوک
 ذکرینه شروع ایلسه اهالی مجلسده بکایتز کسینه اولزدی اول
 عمرندن آخرینه دل اوصاف حمیده ایله ایاهی مرورا ایلدی درتیوز

اون طقوزده تولد ایدوب در تیوز تیش سکرده وفات ایلدی و یوم
وفاتده در تیوز شا کردی یاتده موجود ایدی نقل اولندی که
اول کون جله سی محابر و اقلامن کسر ایدوب بر سنه یاس و ماتم
ایلدی لر و نیشابورک اسواقنده اولان دکانلر و چار سولرین
قبایوب و جامعه اولان منبری قر دیلر و جله اهالی ولایت
عزاسن ایدوب یاس و ماتم ایلدی لر رحمة الله علیه رحمة واسعة
(تفسیر ابن برجان) عبد السلام بن عبد الرحمن بن ابی الرحابی
محمد بن عبد الرحمن اللخمی ابن برجان دیکله معروفدر که
ابوالرجالدن مخففدر لغت و نحو ده و سائر علوم عربیه ده امام
عصری و پیشوای دهری ایدی ابن ملاکک مجلسنه ملازم
اولوب لغت عربیه بی اخذ ایلدی احفظ اهل زمانی و لغتده
مسلم و موثوق ایدی یدییوز بکرمی یدیده وفات ایلدی (تفسیر
ابن منیر) احمد بن محمد بن منصور ابن منیر مالکی المذهبدر
نحو و اداب و اصول و تفسیرده امام عصری ایدی (و علم بیان
و انشاده صاحب یدییضا و زمانده بی مثل و همتا ایدی
اسکندر یه ده مدت مدیده تدریس ایدوب (بعده) قاضی اولدی
برازمدتد نصکره عزل اولوب و افرمالی مصادره اولدی
(بعده) ینه قاضی ایلدی لر مصنفاتدن تفسیر و انتصاف
من صاحب الکشاف و مناسبات تراجم البخاری التیوز
بکرمیده تولد ایدوب التیوز سکسان اوچده وفات ایلدی
(مقدمه التفسیر) ابن نقیب محمد بن ابی بکر بن ابراهیم بن عبد
الرحمن بن محمد بن نجده حمدان قاضی القضاة شمس الدین بن
النقیب زهد و صلاح اراسته و ورع و تقوی ایلر پیراسته متدین

کسنه ایدی حصده و طرابلسده و حلبده حاکم اولدی و امام
نوی حضرت تلمیله هم صحبت اولوب اخذ علوم ایلدی و احمد بن
شعبان و زینب بنت مکی دن استماع حدیث نبوی ایدوب یدییوز
قرق بشده وفات ایلدی (تفسیر در المنثور) فی تفسیر المأثور
ابو الفضل عبد الرحمن بن الکمال بن محمد السیوطی کدر سیوط
اعمال مصر دن برقریه درانده سکر یوز قرق طقوزده تولد
ایدوب سکر یاشنده حافظ قرآن اولدی علوم عربیه بی ضبط
و اتقان و فقه و حدیث و تفسیری کما ینبغی اذعان ایدوب و قنده
مشار بالبنان اولدی علم معانی و بیانده کامل و نکت و مزایا
و دقایق و خیایا سینه و اصل اولمشدی علم حدیثده زیاده اهتمام
و احاد رجال روایتلرنده و قوف تامی و ار ایدی علم حکمت
و منطق طبعنه ملایم اولمغله انلره اشتغال ایتدی سائر
علوم دن بر علم یوقدر که انده تصنیفی اولیه و عدد مصنفاتی
اوچیموزده بالغ اولدیغنی حسن المحاصره نام کتابنده تصریح
یا زمشرا شهر مصنفاتدن علم تفسیرده اتقان ترجمان القرآن
قطب الازهار فی کشف الاسرار کتاب النقول فی اسباب النزول
معجمات الاقران فی مبهمات القرآن الاکلیل فی استنباط التنزیل
تکمله تفسیر حلالین که نصفی جلال الدین محلی نک و نصفی
سیوطی تکمیل ایلدی التحسیر فی علم التفسیر حاشیه
علی البیضاوی تناسق الدرر فی تناسب السور مر اصد المطالع
فی تناسب المقاطع و المطالع مجمع البحرین و مطلع البدرین الازهار
الفایحه فی تفسیر الفاتحه شرح الاستعاذه و البسملة علم حدیثده
کشف المعطاء فی شرح الموطاء اسماعاف المبطاء فی رجال الموطاء

التوشیح علی جامع الصحیح الدیباچ علی صحیح مسلم بن الحجاج
مرقات الصعودی سنن ابی داود شرح ابن ماجه تدرب الراوی
فی شرح تعریب النواوی شرح الفیة ابن مالک والفیة العمرانی
نظم الدرر فی علم الاثر عین الاصابه فی معرفة الصحابة توضیح
المدرک فی تصحیح المستدرک الاالی المصنوعة فی الاحادیث
الموضوعة لب الباب فی تحریر الانساب عن عربیة الالفیه
الفریدة فی النحو والتصرف الفتح القریب علی مغنی اللیب
الاخبار المرویه فی سبب وضع العربیه المصاعد العلمیه
فی القواعد العربیه درة التاج فی اعراب المنهاج الکواکب
النافع فی نظم جمع الجوامع عقود الجمان فی المعانی والبیان
المعانی الدقیقه فی ادراک الحقیقة النقایه فی اربعة عشر علما
علم تاریخ طبعات الحفاظ طبقات النخاة الکبری والوسطی
والصغری طبقات المفسرین طبقات الاصولیین وبنو لردن ما عدا
نیچه کتب ورسائل واردر وارجوزه لری واردر رجة الله علیه
(التذکرۃ الثامنة والعشرون) احادیث شریفه نبویه وسنن منیفة
مصطفویه علیه افضل التحیة ده تصنیف ایدن علمای عظام
ذکرند در (معلوم اوله که) احکام شرعیة مجدیة واساس ملت
حنفیة اجدیه چارار کان کتاب وسنت وقیاس واجماع امت اوزره
مبنی اولوب کتاب منزله آسمان اولان قرآن عظیم وفرقان کریم
استنباط احکام شرعیة مبین ایچون تدوین علوم وفنون
اولنوب وسنت سنیه شارع اعظم نبی محترم صلی الله علیه وسلم
حضر تلرینک لسان شریف بدیع البیان وزبان لطیف بلاغت
عنوانلردن شرفیافته صدور اولان احادیث شریفه فصاحت

پرور وجامع الکلام کفتار لطافت کستر وافعال سعادت مال
هدایت مأثر لیکه هادی راه یقین وره نمای طریق شرع مبیندر
بالذات لسان شریف فصاحت منیفة لردن اخذ واستماع وافعال
سعادت الیفلرین رأی العین مشاهدة دیده هدایت التماع ایدن
صحابه عظام وانلردن اخذ وروایت ایدن بررة تابعین کرام
رضوان الله علیهم اجمعین حضر اتیدن روایت اولنسان احادیث
شریفه واخبار منیفة جمع وتالیف ونیچه کتب معتبره ترتیب
وتصنیف اولنوب علمای محدثین وفضلاى مدققیندن اقوالی
موفوق ومقبول وکتابلری مسلم علماء فحول اولان مشایخ
احادیث نبوی وکتب اخبار مصطفویینک ذکر جیللری علی وجه
الاختصار تحریر اولندی ومشایخ محدثین که قدوة دین وشيوخ
مسلمین وحافظ احادیث سید المرسلین خاتم النبیین درلر اسماء
شریفه لریله تبرک اولنور که عند ذکر الصالحین تنزل الرحمة راقم
حروف روسیه واضعف عبد الرحمن اشرف دخی امید در که
فیوضات ارواح طیبه لردن مستفیض اوله امین بحرمه النبی
الامین (علم روایت الحدیث) بر علمدر که احادیث شریفه نک
الفاظندن قواعد عربیه واصول شرعیة واحوال نبویه به
مطابق اولمق اوزره معانی مراددن بحث اولنور (موضوعی)
احادیث رسول الله صلی الله تعالی علیه وسلمدر (غایتی) اداب
نبوی الیه تحلی در (مبادیسی علوم عربیه ووقایع وقصص وشیخ
واخبار نبویه به وقوفدر وعلم کلام وفقه عالم اولمقدر وروایت
احادیث شریفه رجالنی و صحابه عظام وتابعین کرام احوال لرینی
واحاد رجال روایتی کمالیه بیلکدر انباء زمانه منک زعملری

وافر اما هم تری قاصر اولغله اسم محمد اطلاق اولنه جق کسنه
 عدیم اولمشدر احادیث شریفدن مشارق و مصابیح اوقیوب
 علم حدیثه انتساب ادعا ایدر لر و هر موعظه و مجموعه لرده
 یازیلن کلامی صحیح و سقیمدن فرقه قادر دکل ایکن مجالس
 و مخافله کرسیلره چقوب و عطرلنده رسول اکرم صلی الله علیه
 وسلم حضرت تدرندن حیایا یتیموب نقل ایدر لر هیات هیات که
 بومثلای کسنه لر حتی یلج الجبل فی سم الخیاط محدث اوله لر
 اصول حدیثی قرائت و اصطلاح اصحاب اناری ضبط و اتقان
 و اسانید و عمل و اسماء رجال و معانی بی کما ینبغی اذعان و کتب سته
 مشایخ احادیثدن قرائت و مسند احمد بن حنبل و سنن و معجم
 طبرانی استماع و کمالیه حفظ ایدر سه معارج احادیث شریفه نک
 اول قدمه سنه وضع قدم ایده بلور سه انجق ایدر اللهم اهدنا الی
 صراط مستقیم (رئیس مشایخ محدثین) و امام اهل انار سنن
 سید المرسلین امام ابو عبد الله بن محمد بن اسمعیل بن ابراهیم بن
 مغیره الجعفی البخاری رحمه الله علیه حضرت تدریدر جمع یمنده
 بر قبیلنک اسمیدر اول قبیله به نسبت اولندیغی اول سیدندر که
 امام بخارینک جدی مغیره اتش پرست ایدی جعفی که
 امرادن ایدی والی بخارا ایکن انک النده اسلامه کاوب
 اتباعندن اولدیغی ایچون اکادخی جعفی اطلاق ایلدی لر و حضرت
 امام بخاری یوز طقسان درنده تولد ایدوب ایکیوز الای
 التیده رحلت ایلدی لر و هر قند قرینه خرتنک نام قرینه دفن
 اولندی مرقد منوره لری معین و زیارتگاه شیخ و شایدر و مدت
 عمر لری التمش ایکی به بالغ اولدی و طلب علم حدیثه جدوسی

ایدوب عصر نده اولان مشایخ حدیث مجالسنی دور ایدوب
 خراسان و کوهستان و عراق و حجاز و شام و مصر و مکه مکرمه
 و مدینه منوره ده اولان مشایخندن اخذ حدیث نبوی ایدوب
 حافظ حدیث شریف اولدی و سیر و سیاحت ایلدی کی بلادده
 خلق کثیره کندیدن حدیث شریف اخذ ایلدی کی نقل
 ثقات ایله نابندر و امام بخاری رحمه الله علیه حضرت تدرندن
 طقسان بیکن آدم اخذ حدیث شریف ایلدی کی نقل ثقات ایله
 نابندر امام بخاری رحمه الله علیه حضرت تدرندن نقل اولندی که
 احادیث و صحیحه دن کتاب صحاحده تخریج و تحریر ایلدم
 و هر بر حدیث شریفی یازدیغمه ابتدا استخاره ایدوب بعده
 طهارت کامله ایله ایکی رکعت نماز قلوب اندنصکره تحریر
 ایدردم ییوردیلر و اسناد واحد روایتی صحیح یوز بیکن حدیث
 شریف حفظ ایلدی و کتاب شریفه لری اون الی سنه ده
 تمام ایتشد و بر حدیث شریفی جدوسی ایدوب تمام صحته
 واقف اولدیقه تحریر ایتزدی و کتاب صحیحه یدی بیکن ایکیوز
 طقسان بش حدیث شریفدر و امام بخاری رحمه الله علیه
 حضرت تدری عباد صالحین دن صاحب ورع و تقوی و ملازم عبادت
 و زهدات علمای عاملین و فضلائی کاملین دن ایدی و پدر لری مالک
 ابن انس و عبد الله بن مدارک و جاد بن زید حضرت تدرینه کلد کارنده
 بغدادده اولان اصحاب حدیث قصد امتحان ایدوب یوز حدیث
 انتخاب و احاد راوی لری متن حدیثدن تقریق ایدوب بر حدیث
 شریفک راوی لری اخر متن حدیثه و آخرک متن راوی اخرایه
 قلب ایدوب اون کسنه به اونر حدیث شریف تعلم ایدوب مجلس

امامه کوندرد بیلر انلر دخی اسنادیله حدیث شریفاری عرض
ایلدی کارنده حضرت امام استماع ایدوب لادری دیوجواب
ویروب اون کسنه اون حدیث شریف علی حده عرض ایلدی بیلر
جمله سنه لادری دیوب بعده هر بر حدیث شریفک اسناد
وروايتنی متن حدیثه اسناد و جمله سنی صحیحی اوزره نقل ایدوب بنم
بلدی یکم حدیث شریف بیلر بوجه اوزره دردیوجواب ویردی اصحاب
احادیث بغداد فضلیتینی بیلوب جمله کمال علمنه اعتراف و تعظیم
و توقیرنده زیاده اهتمام ایلدی بیلر و ابومصعب که مشاهیر علماء بخارا
دندریوردی بیلر که حضرت امام بخاری بنم عندمده امام احمد بن
حنبل دن افقه و ابصر در مجلسده اولان اصحابندن بریسی
حدی تجاوز ایلدی بیلر که احمد بن حنبل اوزرینه نیجه تفضیل
اولنوردیدی ابومصعب بیوردی بیلر که اگر امام مالک حضرت تلرینی
کوریدک امام بخاری و امام مالک فقه و حدیثده ایکسی
دخی بر دردیرایدک و امام احمد بن حنبل حضرت تلری بیوردی بیلر که
محمد بن اسمعیل بخاری وجه ارضده ایه من آیات الله در
و محمد بن اسحاق دیرلر ایدیکه وجه ارضده حدیث شریفده
امام بخاریدن اعلم کسنه کلمه شد و نقل صحیح ایله
منقولدر که والی بخارا اولان خالد بن احمد الذهبی امام بخاری
حضرت تلرینه آدم کوندروب کتاب صحیحی و کتاب تاریخی
کتوردوب حضورنده قرائت و انده استماع و روایت ایلیه امام
حضرت تلری جواب ویردی بیلر که بن کتابی رذیل ایتم و ابواب
ناسه کو ترمم تعلم مراد ایدرسه ناسه تعلیم ایلدی یکم مسجد
شریفه حاضر اولوب استماع ایلسون یا خود مجلس افاده

حضوردن بنی منع ایلسون زیر ابن علمی کتم ایده هم رسول اکرم
صلی الله تعالی علیه وسلم حضرت تلری بیوردی بیلر که من سئل
عن علم فکتمه الجیم بجام من النار صدق رسول الله بعده امیر
خالدینه خبر ارسال ایدوب اوغللرم مسجدده وارسونلر انلر ایچون
بروقت تعیین ایدوب مخصوص انلر او قسونلردیدی امام آفی
دخی قبول ایتمدی بر قومی قوم آخر اوزرینه ترجیح ایتم دیوب
جواب ویردی امیر بخارا خالد دروئنده امامه عداوت ایدوب
بخارا ده اولان علمایی جمع ایدوب و انلردن استعانت طلب ایلدی
انلر دخی امامه حسد لری زیاده اولمغله غرضلرین اجر او امامه
منده بنده مخالف شرع افترا ایدوب و حضرت امامی بخارا دن نفی
ایتمدی بیلر اندن کیدوب مسقط رأسی اولان خرتک قریه سنه واردی
وانده ساکن اولدی و امامه افترا ایدوب نفینه باعث اولنلر آز
وقتده جمله سنی مضمحل اولدی بیلر و امامک اقرباسندن بعض
کسنه لر نقل ایلدی بیلر که بر کیمجه کوردیم حضرت امام باشی
مسجدده یه قویوب اللهم قد ضاقت علی الارض بما رحبت فاقبضنی
الیک دیودعا ایدردی برای مرور ایتمدن رحمت حقه و اصل
اولدی و رحلتی خبری بخارا ده شایع اولدقدده اولقدر کسنه
نمازین قلمغه کتدی بیلر که کیرا ایله ات واشک بولنمیوب چوق کسنه
راجللا کتدی بیلر و بر لرینه خرتک دیرلردی لسان فرسیده خراشک
دیگدر و تئک بهالی دیگدر اول وقتدن بری اول قریه نک اسمی
خرتک نامیله شهرت بولدی و نقل صحیح ایله روایت اولندی که امام
ابو محمد مازنی رحمه الله علیه کتاب الله عز و جلی ماذهب ایله تخریر
ایتمدیروب و کتاب بخاری بی دخی ماذهب ایله تخریر ایددیروب

و جمعه درین دخی بیوک ابتدا یلر حتی صحیح بخاری طقوز مجلد
اولدی کتاب الله و سنه رسول الله تعظیم ایچون و ابو حفص
نسفیدن روایت اولندی که حضرت امام بخاری نیک جسد
شریفلرندن غسل اولنوب کفننه قوننجیه دیک کلاب کبی عرق
کاوردی و قبر شریفلرندن بر راحه طیبه ظاهر اولدی که دماغلر
معطر اولوب اهالی بلده تعجب ایلدیلر و مرقد شریفلرندن نور
ظاهر اولوب هر کشتی کورزدی و تبرکات قدینک طپراغندن
المغه باشلدیلر اولقدر اعتبار ایدرلدیکه مزار اچلوردیو
اوزرینه اغچلر یاپدیلر و محمد بن احمد مروزی دن نقل اولندی که
مکه مکرمه ده رکن ایله مقام بیننده او توروب خوابه واردم
کوردسکه اشرف مخلوقات و مفخر کائنات علیه افضل الصلوات
واکمل التحیات حضرت تلی مقام ابراهیمده طور لر یا ابازید
کتاب شافعی یه نه وقتیه دیک تدریس ایدرسن بنم کتابی تدریس
ایله دیو یور دیلر یا رسول الله سزک کتابکز قنقی کتابدر دیدم
کتاب صحیح محمد بن اسمعیل بخاری دیدیلر عبد الواحد بن
آدم طبسی دن نقل اولندی یور دیلر که رسول اکرم صلی الله
علیه وسلم حضرت تلبی خوابده کوردم صحابه عظامدن
بر جماعت ایله بر موضعه طور لر واروب سلام ویردم رد سلام
ایلدیلر یا رسول الله بو موضعه توفقه کزه سبب نه در دیدم محمد
بن اسمعیل بخاری یه منتظرم دیو یور دیلر برقاج کون
مروزدن نصره امام بخاری نیک رحلتی خبری استماع اولندی
اصح خبر ایله خبر الدام اول کیجه و اول ساعتده رحلت یور مشلر
نجیم بن فضل دن روایت اولندی که رسول اکرم صلی الله علیه وسلم

حضرت تلبی واقعه کوردم محمد بن اسمعیل بخاری اردنجه
کیدردی رسول اکرم صلی الله علیه وسلم حضرت تلی مبارک
قدم شریفلرین قالدردنجه امام بخاری قدمنی اول موضعه وضع
ایدوب خلف نبویدن ابراز اثر لر نجه کیدر لدی مناقب
حضرت امام بخاری رحمه الله علیه لایعدولا یحصی در تبرکات
و تینابو قدر ایله اکتفا اولندی و کتاب شریفلر بعد کتاب الله
تعالی اصح کتبدر بر کسمنه جناب کبریادن نه مرادی و ارایسه
دنیوی و اخروی نه نیت اوزره کتاب صحیحی قرات ایشکه بدیه ایلسه
تمام اولدقد مرادی حاصل اولور و بر خانه ده طاعون وقتنده
قراءت اولنسه الله عظیم الشان اول خانه بی طاعون دن حفظ ایدر
(امام المحدثین و خادم سنن خاتم النبیین) اولقد ده امام بخاری
حضرت تلبی نه هم مرتبه علم و کمال اولان ابوالحسن مسلم بن الحجاج
القشیری النیشابوری در که سر قرائتمه حفاظ و اعلام المحدثین
و امام خراسان در و مطلقا صحیحین اولنسه صحیح بخاری و صحیح مسلم
در نیشابورده ایک یوزالتی ده تولد ایدوب ایک یوز التمش برده و اصل
رحمت رحمان اولدی حجاز و عراق و شام و مصر ده سیروس یا حت
ایدوب انده اولان مشایخ محدثین دن اخذ حدیث نبوی ایدوب
ونیشابورده یحیی بن یحیی نیشابوری و قتیب بن سعید و اسحق
بن راهویه دن دخی اخذ حدیث شریف ایلمشدر بغداده کلوب
خلق کثیر کندیدن اخذ حدیث ایلدی و نقل اولندی که امام مسلم
حضرت تلی اوچیوز بیک حدیث شریف اخذ ایدوب کتاب
صحیحینی اتدن انتخاب ایلدی و رواة رجالندن وصحت روایتندن
دقت اهتمام ایدوب صحتنه کمال مرتبه و قوفدن صکره تحریر

ایدردی و ابوعلی نیشابوری در روایت اولندیکه تحت ادیم السما
کتب حدیثه کتاب امام مسلم بن اسحق کتاب یوقدر دیو بیور مشر
رحمة الله تعالی علیه و دخی امام ابوداود سلیمان بن اشعث بن اسحق
الازدی السجستانی که احادیث اعلام محدثین در طلب علم حدیث
ایچون خراسان و عراق و شام و حوالی لرزده سیر و سیاحت
ایدوب مشاهیر محدثین دن ایدی و امام مسلم بن ابراهیم و سلیمان
ابن حرب و عبد الله بن مسلم و یحیی بن معین و احمد بن حنبل
حضر تارندن اخذ حدیث نبوی ایلدی و بونلردن ماعددا
سیاحت ایلدیکی ولایت لرده مشایخ کثیره دن اخذ ایلدی
و بصره ده تمکن ایدوب انده ساکن اولدی و بغداده کلوب جمع
ایلدیکی کتاب سنن انده روایت و اهالی بغداد دن خلق کثیر قراءت
ایتدی و امام احمد بن حنبل حضر تارینه عرض ایلدیکده
استحسان ایلدی و ابو داود دن نقل اولندیکه احادیث رسول
اللهم دن بش بیک حدیث شریف اخذ ایلدم کجا بده انتخاب و درت
بیک سکر یوز حدیث شریف تحریر ایلدم و هر کس نه به دینی
ایچون کفایت ایدر درت حدیث شریف یازد مکده دینه کافیدر
بری انما الاعمال بالنیات و بری من حسن ایمان المرء ترک ما لا یعنیه
و بری لا یكون المؤمن مؤمنا حتی یرضی لا خیمه ما یرضاه لنفسه
و بری الحلال بین و الحرام بین و بینهما امور مشتهات ابو یوسف
خلالدن روایت اولندی بیور مشرکه ابوداود امام محدثین
عصر نده فرید و ورع و تقوی ده و حید جافظ احادیث نبوی و ورود
حدیث و رواة رجالک احوال لر نه عالم و سندی عالی ایدی
و خطا بیدن نقل اولندیکه ابوداود سننی بر کتاب شریف در که

علم دینه ده انک مشلی کتاب تصنیف اولما مشدر و ابن اعرابی
بیور مشرکه بر کس نه نک عنده ده مصحف شریف ایل سنن
ابی داود اولسه علم دینه آخر کتابه محتاج اولز ایدکیوز تمش
بشده بصره ده وفات ایلدی (و مشاهیر) محدثینک بری دخی
ابو عیسی محمد بن عیسی الترمذی و علمای اعلام حفاظ احادیث
نبویدند رائه حدیثن جمع کثیر لک مجلس شریف لر نه داخل
اولوب اخذ حدیث شریف ایلدی و صدر اولده اولان مشایخ
احادیث نبوی رحیم الله دن بر قاج مشایخ کرامه ملاقی اولوب
اخذ حدیث شریف ایلدی قتیبه بن سعید و محمود بن غیلان
و سفیان بن وکیع و محمد بن اسمعیل بخاری کی و احادیث نبویه ده
کتب کثیره تصانیفی وارد در کتاب صحیحینی جمله نک احسنیدر که
فوائد کثیره ایلده مشحون ترتیبی احسن و تعبیری ابین در و سائر
کتابه اولمین فوائدی ذکر ایتمشدر بیسان مذاهب و وجوه
استدلال و حدیث شریف انواعنی بیسان ایلمشدر که صحیح و حسن
و مشهور و متواتر و غریب و غیر یلر کی و ترمذی دن نقل اولندیکه
بو کتابی تصنیف ایدوب علمای حجازه عرض ایلدم استحسان
ایلدی و علمای عراق و علمای خراسانه عرض ایلدم جمله سی
استحسان ایدوب تلقی بالقبول ایلدی و علماء بعض کبار
بیور مشرکه امام ترمذی حضر تارینه خانه سنده اولان کس نه
کانه بیتنه دخی علیه السلام اولوب انکله تکلم ایدر و ترمذی تانک
کسری و ذالک کسری ایلده نهر جیحون کنارنده واقع بر بلده
مشهوره در ایدکیوز تمش طقوزده دار بقایه رحلت بیور دیلر
رحمة الله علیه و مشایخ محدثین دن بری دخی ابو عبد الرحمن

احمد بن شعيب النسائي در آئمه حفاظدن عالم و كامل و فقيه
فاضل در مشايخ بكاردن چوق كسته به ملاقي اولوب اخذ حديث
شريف ايلدي و مشايخ محدثيندن چوق كسته كنديدن
اخذ حديث شريف ايلدي لار ابو القاسم طبراني و ابو جعفر
طحاوي كي و حديث شريفده كتب كثيره تصانيفي واردر
وقتنده اولان مشايخ محدثين كتابنه نظر ايدوب تقريرضار
يازديلر حكيم نيشابوريدن نقل اولنديكه سنن نسائيده فقهه
متعلق احاديث شريفه سائر كتب سته دن زياده درو كتب سته به
نظر ايدن حسن كلام و فصاحت تعبير نده متخير اولور
وزماننده اولان علماي محدثينك جمله سنك اقدم و اعلمى ايدى
شافعي المذهب در متورع و متقى صالح متدين علماي عامليندندر
ونساء نونك فتى و سينك تحفي ايله و همزه ايله اعمال خراسانده
بر مشهور قصبه در اوچيوز اوچده مكه معظمه ده وفات ايدوب
انده دفن اولندي رحمه الله عليه (معلوم اوله كه) جمهور علماي
بكار محدثين فضلاي احاديث شريفه نبويه و آثار و اخبار
مصطفويه عليه افضل التحية ده اصول كتب سته اولق اوزره
اتفاق ايدوب ذكر اولنسان مشايخ خسه نك كتابلى و برى دخی
موطأ امام مالك رحمه الله عليه در ديوب مرتبه ده امام مسلمان
صكره عدايلديلر و بعض لار ابن ماجه نك كتابنى موطأ يرنده
عدايلديلر لکن بين العلماء مشهور و وجه نك عدايلديلر كاري كتب
سته نك برى موطأ در (ابن ماجه) محمد بن يزيد بن ماجه
ابو عبد الله القزويني و حافظ صاحب السنن در كه بين المحدثين
معتبر و مقبول درواياتي موثوق قزوینده ايكيوز طقوزده تولد

ايدوب ايكيوز تمش اوچده وفات ايلدي سن شريفلى التمش
درده بالغ اولمشدى (حضرت امام مالك) احداً المجتهدين
مالك بن انس بن مالك بن عامر الاصمعي رضى الله عنه كنيه سى
ابو عبد الله طقسان بشده تولد ايدوب يوز تمش سكرده و يا خود
طقوزده مدينه منوره ده وفات ايلدي مرقد منوره و مشهد
معطره لرى بقیع شريفده در امام دار الهجرة عالم مدينه منوره در
روایت اولمشدر كه امام مالك ينده بنی اصبح قبيله سندن در والده
سنك قرينه اوچ سته طوردى بنی عباسدن هارون رشيد
زماننده وفات ايلدي جماعت كثيره دن تعلم علم ايلديلر اكثر
تلامذه سى مشاهير آئمه دن اوامشدر جمله دن برى حضرت
امام شافعي رحمه الله عليه حضرت تليدر عبد الرحمن بن مهدي دن
روایت اولنديكه امام ثوري حضرت تلى حديث شريفده امام در
سنتده دكل اوزاعى حضرت تلى سنتده امام در حديثده دكل
اما امام مالك حضرت تلى علم شريفه زياده تعظيم و اكرام
ايدردى و حديث شريف نقل ايتنك مراد ايلد كده ابدست
الوب و باللباس كيوب رايحه طيبه ايله تطيب ايدوب هيئت وقار
ايله صدر مجلسده او تورب تعظيم و تكريم ايله احاديث شريفه نقلنه
شروع ايدر لردى و معن بن عيسى روايت ايلديكه ابتدا غسل
ايدوب و لباس فاخره ايله تبخر ايدوب صدر مجلسده او تورردى
و رفقه تكلم ايدردى اهالى مجلسدن برى رفع صوت ايلسه
منع ايدوب تا اديب ايدردى (لا ترفعوا اصواتكم فوق صوت
النبي) آيت كريمه سن قراءه يورردى و حديث شريف عندنده
رفع صوت عند رسول الله صلى الله عليه وسلم ده رفع صوت

کیمیدرد بر لردی غایتله متورع و متقی و راعی السنه ایدی اهل
 هوادن اولان کسنه لردن کلوب تعلم علم من ادیدن کسنه به دیر
 ایدیکه بن دیمده قوی الاعلی دم و سن شاکی سن وار کندلگی
 بر شاکی کسنه بولوب اندن تعلم ایله دیر ایدی و بیور مشلردر که
 کثرت روایت علم ایله اواز اول بر نوردر که الله عظیم الشان
 قلوب عباده وضع ایدر ابو عبد الله رحمة الله علیه حضرت تارندن
 نقل اولندی که عالم رؤیاده کورد مکرم رسول اکرم صلی الله علیه
 وسلم حضرت تلی مسجد شریف لرنده او تور مشلر وناس اطرافنده
 جمع اولمشلر امام مالک قرشولرنده ایاغ اوزره طور مش یا نلرنده
 مسک وار مبارک دست شریف لریله قبضه قبضه الوب امام مالک
 حضرت تلی نه و بر لر انلردنخی الوب اطرافنده اولان کسنه لره
 و بر لر بو واقعه نک تأویلنده علم احادیث شریفه و اتباع سنت
 سنیه ایله تعبیر ایلدم دیو بیور دیر حضرت امام شافعی رحمة الله
 علیه دن نقل اولندی که مکرم مکرمه ده بر عتم و ارایدی بر کون
 کلوب بو کیجه بر عجب واقعه کوردیم بر کسنه صوت اعلا ایله
 بو کیجه اعلم اهل ارض وفات ایلدی دیوندا ایدردی بر قاج
 کوندن صکره حضرت امام مالک رحلتی خبری استماع
 اولندی حساب ایلدم اول کیجه به راست کلدی وینه امام
 شافعی رحمة الله علیه حضرت تلی بیور مشلر که امام مالک رحمة
 الله علیه حضرت تارندن کن حدیث شریفی ایکی الیکز ایله اخذ
 ایلدی که اصح احادیث شریفه نقل ثقات ایله منقولدر که خلیفه
 عصری اولان هارون رشید حج شریفه کیدردی مدینه منوره
 شرفها الله وعظمه هایه کاد کده امام مالک حضرت تلی نه آدم

کوندروب کتابی مجلسنه کتوروب اوغلاری مأمون و امین
 حضرت امامدن استماع ایلیه لر امام بیور دیر که خلیفه
 حضرت تلی اهل بیتدندرو علم انلردن بری کلمشدر انلر علمه تعظیم
 ایدر لسه عزیز اولور ایتمز لسه ذلیل اولور العلم یوقی و لا یأقی
 دیوب ناسه تعلیم ایلدیکی مکانده اوغلارم دخی واروب استماع
 ایلسونلردیدی امام حضرت تلی بیور دیر که اول شرطله که ناسه
 تعظیم ایتمیه لر و مجلسک صدرینه او تور میه لر هارون دخی
 اوغلارینی اول شرطله مسجد کوندروب مجلس امامده استماع
 حدیث ایلدیلر و امام مالک حضرت تارندن التماس ایلدی که بغداده
 معا کیده و انده اوغلارینه و سائر طلبه مؤمنینه کتابینی او قوده
 و حضرت عثمانک مصحف شریفی کی امام حضرت تارننک کتابینی
 یازدیروب اطراف ولایتلره ارسال ایده امام مالک حضرت تلی
 اعتذار ایدوب بیور دیر که رسول اکرم صلی الله علیه وسلم
 دن صکره صحابه عظام اطراف بلاد اسلامیه به منتشر
 اولمشدر و رسول اکرم صلی الله علیه وسلم اختلاف امتی رحمة
 بیور مشلر و بنی روضه مطهره دن محروم ایتمه دیور جا و نیاز ایدوب
 کمدی هارون دخی برات و بر قاطر و بر یعنی مرکب و بشیوز
 دینار ارسال ایدوب بری دعادن فراموش ایتمسون دیدی امام
 حضرت تلی اتی و قاطری و مرکبی المدی و بونده بزم ایچون دابه
 لازم دکلد بر ارضده که جسد شریف رسول اکرم صلی الله تعالی
 علیه وسلم مدفون اوله اول یرده آتیه نبوب اول خالک مبارکده
 دابه طرناغنی با صدر مرغیه حیاییده رم دیو بیور دیر منقولدر که
 هر نه وقتده درو تنه علمدن بر نسنه کلسه سبحانک لاعلم لنا

الاما علمتنا انك انت علام الغيوب انت العليم الحكيم ديوب
اندن نقل احاديث شريفة به شروع ايدر لردي وحضرت امامك
مناقب جيله وفضائل جليله لري ذكر اولنسه مستقلا بر كتاب
اولور تبركا و تيمنا بو قدر ايله اکتفا اولندي خدای متعال ارواح
طيبه لرندن مستغنيض ايدوب شفاعت لريله روز جزا ده مغتنم ايليه
رحمة الله عليه رحمة واسعة (معلوم اوله كه) ذكر اولنان مشايخ
سبعة **كه** عمدة مشايخ احاديث نبوي و قدوة علمای سنن
و آثار مصطفى پيشواي علمای عظام و مقتداي مشايخ كرامدر
بونلردن صكره حفاظ احاديث شريفة اجدى و مشايخ آثار
محمدی روايتي موثوق علمای اعلام و كتابري معتبر و مقبول خول
فضلاي كرام اولان محدثين بكاردن اولوب وبين العلماء ائمة حديث
سكزا و ملق اوزره ائمة دن امام رزين حضرت تيرين عد ايدوب تلك
عشرة كامله ديدلر (امام رزين) ابو الحسن رزين بن معاوية
العذري الحافظ صحيحين بيني جمع ايدوب تجريد تسميه
ايلديكه كتابي بين العلماء موثوق و معتبر بر كتاب مستطابدر
بشيوز بكر ميده وفات ايلدي رحمة الله عليه رحمة واسعة ابو عبد
الله محمد بن ابي نصر فتوح بن عبد الله الاندلسي الحميديدر
امام عالم و فاضل و متورع و متقي و كامل مشاهير علمای اندلسدر
مصر ده و مكه ده و شام دارالسلام ده مشايخ محدثيندن
اخذ حديث شريف ايدوب حافظ اولدي و بغداده كلوب اصحاب
دارقطني دن دخی اخذ و استماع ايلدي صحيح بخاري و صحيح مسلم
بينني جمع ايدوب تصنيف ايلديكي جامع الصحيحين انفس كتب
احاديث درو تاريخ اندلس نام كتاب ايلدي علماء مقبول و مسلمدر

بغدادده در تيموز سكرسان سكرزه وفات ايلدي رحمة الله عليه
(امام برقاني) ابوبكر احمد بن محمد الخوارزمي المعروف بالبرقاني
برقان بانك كسري ايله نواحی خوارزمده برناحيه درانده تولد
ايدوب نشو و نما بولدي ابو العباس نيشابور بدن اخذ حديث نبوي
ايلدي (بعده) جرجانه كلوب ابوبكر اسمعيلدن اخذ حديث
شريف ايدوب حافظ اولدي اندن بغداده كلوب قوطن ايلدي
و نقل حديث شريف ايدوب جوق كسسه اندن اخذ ايلديلر
خطيب بغدادی تاريخنده ذكر ايتمشلر كه شيو خلريزدن اندن
ثقه شيخ بو قدر متورع و متقي و عابد و زاهد كسسه ايلدي حافظ
القرآن و فقهده و علوم عربيه ده عالم و صحيحين بيني جامع كتابي
كه بين المحدثين جامع الصحيحين برقاني اسميله مذكوردر و مقبول
و موثوق و معتبردر او چيوز او تورز التيده تولد ايدوب در تيموز
يكرمي بشده رحلت ايلدي رحمة الله عليه (وامام ابو مسعود)
ابراهيم بن محمد عبيد الله دمشقي بودخي صحيحين بيني جمع ايدوب
تصحیح و ترتيبنده دقت ايلشدر بين العلماء المحدثين مقبول
و معتبر كتابدر و جامع الصحيحين دمشقي اسميله مذکوردر
(و معلوم اوله كه بو محله كانجه ذكر اولنان علمای عظامه بين
المحدثين ائمة عشرة اطلاق اولنوب مشايخ ستة عدد اندن تعداد
اولنمشدر در عمدة محدثين و مقتداي علمای محققين ديرلر بونلردن
صكره حفاظ احاديث نبويدين اولوب تصنيف كتاب ايدن مشايخ
محدثين كه بين العلماء عظيم القدر كلامي موثوق و مقبول
و كتابري معتبر و معمول به اولان مشايخ عظام و مشاهير علمای
كرامدن تيمنا و تبركا ذكر اولندي نفعنا الله ببركتهم و افاض علينا

بجرمتهم و بجرمة النبي صلى الله عليه وسلم (دارقطني) ابو الحسن
 علي بن عمران الدارقطني الحافظ العلامة فريد عصرى ووحيد
 دهرى و امام وقتى ايدى عصر نده علم حديث و آحاد رجال رواة
 و معرفت علل و اسما **ك**امنتهى ايدى امامت و ديانت و صحت
 اعتقاد و عدالت ايله موصوف و زهد و تقوى و مجاهده و عبادت
 ايله معروف ايدى علم قراآت و فقه و فقهه كامل و علوم ادبيه و فقهون
 عربيه ده فاضل اوقاتى تدريس و تصنيفه صرف ايدوب آثار
 جليله و تصانيف جله سى مشهور و مستد ابدالر و خلق كثير
 كنديدن اخذ حديث نبوى ايلد يلر بغدادده اوچيوزالتيمده تولد
 ايدوب اوچيوز سكسان بشده رحلت ايلدى رجة الله عليه
 حاكم) ابو عبد الله النيشابورى عالم و عابد و متقى و زاهد ايدى اقوالى
 موثوق و روايتى معتبر و مقبول در اوچيوز بكمى برده نيشابورده
 تولد ايدوب در تيموز بشده وفات ايلدى رجة الله عليه (ابو محمد)
 عبد الغنى سعيد الازدى حفاظ مصر دندرا اوچيوز او تورا بكميده
 تولد ايدوب در تيموز طوزده وفات ايلدى رجة الله عليه (ابو نعيم)
 احمد بن عبد الله الاصفهاني مشايخ احاديثك مشاهير دندرا
 علو القدر و المرتبة كلامى موثوق اقوالى معتبر و تصانيفى مقبول
 و مرجع علماء در حلية شريفة خاتم الانبياء عليه افضل التحية
 و الثناء جمع و ترتيب و تهذيب ايلدى بين العلماء مقبول و مستد ابدالر
 اصفهانده اوچيوز او تورا ده وفات ايلدى رجة الله عليه (ابو عمرو)
 بن) عبد البر النخوى علمائى مغاربة دندرا حافظ حديث نبوى
 و ناقل اخبار مصطفوى عليه افضل التحية نك مشاهير دندرا كثير
 الحفظ و واسع الضبط حديثى مقبول در روايتى موثوق كتابى

ممدوح علما و مقبول فضلاء در اوچيوز الشمس سكرده تولد ايدوب
 در تيموز الشمس اوچده وفات ايلدى رجة الله عليه (ابو بكر) احمد
 بن حسين البهيقي مشايخ حديث دندرا عصر نده فريد و وقتنده و حيد
 حديث شريفة تصانيف جليله سى معتبر و معتقد عليه عربيه ده
 كامل و فقه شريفة فاضل ايدى اصحاب نيشابورينك بكار دندرا
 اوچيوز سكسان در تيم تولد ايدوب در تيموز الى سكرده
 نيشابورده وفات ايلدى رجة الله عليه (ابو بكر) احمد بن علي
 الخطيب البغدادي اصحاب حديثك مشاهير دندرا حافظ
 الحديث در اوچيوز طقسان ايكيده تولد ايدوب در تيموز الشمس
 اوچده بغدادده وفات ايلدى رجة الله عليه (معلوم اوله كه كتب
 احاديث شريفة بين المحدثين ذكر اولند قنده قنقى كتاب درو كيمك
 تأليف در رياسى لازم در كه نقل حديث نبوى عليه التحية ده
 غلط اولميه فحن جامع الصحيح اطلاق اولنسه صحيح بخارى مراد
 اولنور صحيحان دينلور سه صحيح بخارى و صحيح مسلم مراد اولنور
 صحاح ذكر اولسه كتب سته مراد اولنور بونلر كه غيرى مراد
 اولنور سه مقيد ذكر اولنور صحيح ابن خزيمة و صحيح ابن حبان و صحيح
 ابى عوانه و صحيح مستدرك الحاكم دينلور (ابن خزيمة) ابو بكر محمد
 بن اسحق بن خزيمة نيشابورى حفاظ احاديث شريفة دندرا وقتنده
 امام خراسان ايدى و علوم عربيه و فقهده فاضل و متورع و صالح
 و كامل ايدى كتاب صحيحى بين العلماء و المشايخ موثوق و معتبر در
 اوچيوز اون برده خراسانده وفات ايلدى رجة الله عليه (ابن
 حبان) ابو حاتم محمد بن حبان تميمى السبتي حافظ حديث نبوى
 و خاتم بن مصطفوى عليه السلامده عامل و **ك**امل و صالح

واحادیث شریفه ده تصانیف جلیله سی وارد در جمله سی مقبول
و ممدوح و موثوق در او چیوز الی در تده وفات ایلدی رحمة الله
علیه (ابو عوانه) عثمان ابن ابی شیبه عیسیٰ حافظ حدیث نبوی در
حدیث و تفسیر ده و علوم عربیه ده فاضل ایدی کتاب مسندی
مقبول و معتبر در تفسیری دخی و از در و کتب احادیث شریفه ده
بین المحدثین اطلاق اولندیغی کبی سنن دخی اطلاق اولنوراکر
مطلق سنن اطلاق اولنور سه سنن ترمذی و سنن نسائی و سنن ابن
ماجه مراد اولنور بونلرک غیری مراد اولنور سه مقید ذکر اولنور
سنن دارقطنی و سنن بیهقی کبی اگر مسند ذکر اولنور سه مسند
امام ابن حنبل و مسند ابویعلی موصلی و مسند دارمی و مسند بزار
مراد اولنور و مجمع اطلاق اولنور سه مجمع کبیر طبرانی مراد
اولنور که ایکسی دخی طبرانی کدر (ابویعلی) احمد بن علی
الموصلی مشایخ حفاظ احادیث شریفه دندر تصانیف جلیله
سی مسلم و معتبر در روایتی موثوق و معتقد و سننی مرجع اصحاب
احادیث در او چیوز یزیدیه وفات ایلدی رحمة الله علیه (دارمی)
ابو محمد عبد الله بن عبد الرحمن دارمی علمای سمرقند دندر وقتنده
اعلم عصری و امام وقتی ایدی کتاب مسندی اصح کتب
احادیث در او چیوز الی بشده وفات ایلدی بزار ابوبکر احمد بن
عمر و بصره ده تولد ایدوب انده اولان علمادن تعلم و شام و قدسده
اولان مشایخدن اخذ حدیث ایدوب حافظ حدیث نبوی
و وقتنده امام المحدثین ایدی مسند کبیری مشهور و مقبول در
ایکیوز طقسان ایکیده رمله ده وفات ایلدی رحمة الله علیه
(طبرانی ابوالقاسم سلیمان ابن احمد الطبرانی حفاظ احادیثدن عالم

وعابد موثوق الکلام و کتاب مسندی مقبول علمای عظام در
او چیوز التمش اوج سنه سنه وفات ایلدی رحمة الله علیه (بو محله
کانبه) ذکر اولان علمای عظام محققین و مشایخ کرام محدثین
شیوخ متقدمین و سلف حفاظ کاملین رحمة الله تعالی علیهم
حضر ایدر نفعتنا الله بانفاسهم الطیبین بونلر دندر نصکره علمای
محدثیندن عد اولنوب کلاملری موثوق و کتابلری معتقد
و مقبول اولان علمای عظام و مشایخ کرامدن اولان علمادن
ابو سلیمان) احمد بن محمد الخطابی امام عصری و فرید زمانی وقتنده
مشار بالبنان و زماننده فایق الاقران علوم عربیه ده کامل و فقه
و حدیث ده فاضل ایدی تألیفاتی مقبول و معتبر فضلالی کرام
و پسندیده علمای عظام در تصانیف مشهوره سنندن معالم السنن
و اعلام السنن و غریب الحدیث و بونلردن ماعدار سائل عدیده سی
وارد در (ابوالفرج) عبد الرحمن بن علی الجوزی صاحب
تصانیف جلیله در علم تاریخده ترجمه سی سبقت ایلدی (ابوزکریا)
یحیی بن شرف النووی نوی دمشقده برقریه در انده نشو و نما بولوب
حافظ قران اولدقد نصکره دمشقده کلوب تحصیل علمه شروع
ایلدی فقه شریفه ده کامل اولدی و مشایخ محدثیندن استماع
احادیث نبوی ایدوب عصرنده امام المحدثین ایدی خلق کثیر
اندن اخذ احادیث شریفه ایلد بیلرغایله صالح و متقی و عابد و زاهد
ایدی اوقاتنی ضایع ایتمیوب علم شریفه اشتغال و تدریس
و تصنیف ایله اوقات کذار ایدی کیجه لری عبادتله احیا ایلردی
و معاشنده کفافه قناعت ایدوب من خرفات دنیا دن فارغ البال
و تواضع و صلاح له خوش حال و افعال واقوالنده سالت راه

مستقیم علمای عاملین و فضیلتی کاملین دن ایدی تصانیفندن
 فقهده روضه و حدیث شریفده ریاض الصالحین الاذکار
 فی دعوات اللیل والنهار و شرح صحیح مسلم و غیر ذلک التیوز تمش
 التیده نوافر به سنده وفات ایلدی مرقد منوره و مشهد معطر لری
 زیارتگاه شیخ و شایدر رحمة الله علیه (نقی الدین) عثمان بن عبد
 الرحمن بن موسی بن ابونصر الکردی الشهرزوری شیخ علامه
 ابن صلاح مشایخ ائمه دن اولدی عالم و عامل و صالح و متقی و فاضل
 فقه و حدیث شریفده امام و علوم عربیهده اعلم علمای عظامدر
 قتل ثنات ایلده منقولدر که مدت عمرنده نگاه بکارد کل صغیر
 دخی صادر اولما مشدر زهد و تقوای مشهور انام و کلام
 و تصنیفاتی مقبول و موثق علمادر دمشقده نوطن ایدوب بر قاج
 مدرسه به مدرس اولوب فقه و حدیث شریفده و سایر علومده
 تدریس اوزره اولوب خلق کثیره علم ایدردی اکثره لامذهبی
 علمادن اولمشدر التیوز قرق اوچده وفات ایلدی نماز نه اولقدر
 خلق کثیر جمع اولدی که جماعت نماز قیله جق محل بوله مدیر جامع
 کبیرده نماز قیلوب ثانیابرحلده دخی جماعت کثیره نماز
 قیله بلر قبر انور لری منارستان صوفیهده معین و مستجاب الدعوة
 اولغله مشهور زیارتگاهدر رحمة الله علیه (شمس الدین کرمانی
 محمد بن یوسف بن الکرمانی شارح صحیح بخاری فقه و حدیث
 و تفسیرده و اصولین و معانی و بیان و سایر علوم عربیهده علامه
 زمانی و امام اوانی ایدی شرح بخاری سی مشهور انام و مقبول
 و متداول ایدی علمای عظامدر علم معانی ذکرنده ترجمه سی
 سبقت ایدوب یدیوز سکسان التیده وفات ایلدی نور پشتی

شارح المصابیح شیرازده نشو و نما اولوب اول نواحیده اولان علمادن
 اخذ حدیث شریف ایدوب حافظ حدیث اولدی وقتنده امام
 المحدثین ایدی شرح مصابیح غایتله لطیف شرحدر وقعه تانار
 اولوب زمان فترنده کلمه کلمه احوالی مضبوط دکار رحمة الله
 علیه (قاضی عیاض) ابو الفضل عیاض بن موسی بن عیاض
 السبقی الحصبی علمای مغاربده دندر علم حدیثده کامل و علوم
 عربیهده فاضل قوی العقیده متصلم فی الدین ورع و تقوی ایلده
 اراسته و صلاح و زهد ایلده پیراسته کلامی مقبول خاص و عامدر
 و کتابی مدح و معتبر علمای عظامدر شفا بته عرف حقوق
 المصطفی نام کتابی بر تالیف عبرتنامدر که مثلی سبقت ایتمشدر
 برخانهده اول کتابک اولسی باعث بر کندر و مشایخ عظامدن
 منقولدر که وبا و طاعون اولدیغی وقتده بر کسسه اول کتاب
 مستطابی مطالعه ایلده ربان و طاعوندن امین اولور نفعه الله
 ببر کتبه بشیوز قرق درنده دار بقایه رحلت ایلدی رحمة الله
 علیه (و معلوم اوله که) علمای محدثین و فضیلتی محققین رحیم
 الله اجمعین جمله ذکر اولنسه مستقلا بر کتاب اولور بو محله کاتبه
 تبرکاتیم امشایخ عظام و محدثینک مشایخیندن اولان متقدمین
 و متأخریندن اجمالا ذکر اولدی و فی زمانه اهدا علم حدیث
 نبوی و اخبار و آثار مصطفوی علیه افضل التحية والتسليم
 انجق اسمی قالمشدر مشایخ احادیثدن اخذ ایتک دکل بلکه
 کتابلری دخی قراءت و مطالعه ایتزلر همان مجموعه لرده
 و بعض موعظه لرده کورد کارینک صحیح و سقیمنی فرق ایتوب
 و اصطلاحات علمای اناری دخی بیلیوب بحال و محافظده کرسینره

حقوب وعظمنده قال رسول الله دیوب نقل ایند لر بدی الاسلام
 غریبا و سیهود غریبا و روایت اخراده کما بد اوارد اولان حدیث
 شریقت ماصدقی ظاهر اولوب قرنا بعد قرن تنزل بولمده در
 خدای متعال جل عن الشیبه والمثال حضرت قری امت مجده
 رحمت ایدوب علمای عاملین الیه احیاء سنت سید المرسلین ایلیمه
 والله یقبض ویبسط ما یشاء ویفعل ما یرید و یحکم ما یرید وهو
 الولی الحمید (التذکره التاسعة والعشرون) علم کلام ذکرنده در
 معلوم اوله که علوم شرعیة دینییه وفنون منیفة ملت حنیفة
 احمدیه نیک مجموعی علم کلام که علم عنایده اهل السنة والجماعة در
 بوعلمت قواعد مسائلی علی وجه الانقان بلکه توقف ایدر که
 اثبات صانع عالم و علم و قدرت و ارادت ثبوتیه علم حاصل اولد بجه
 ارسال رسل و انزال کتب محقق اولمز و اولدیغنه جزم و یقین حاصل
 اولمز بوقتقدیر بجه علم تفسیر و حدیث و تداول علم اصول و فروع
 متصور اولمز بس معلوم اوله که وحدانیت باریکه مدار بجه احکام
 دینییه و اساس اعتقاد یقینییه در بو علم ایلله اولور و مسترشدی
 ارشاده قدرت و اقامت حجج ایلله اهل عنادی الزامه مکنت
 بونکله اولور و قواعد دینی شبهة ملحدین و عقیده سقیمه
 مفسدیندن احتفاظ و طریق حق بلمک و اعتقادات باطلدن
 اجتناب و احتراز و حقه باطل بیننی تمیز بوعلم ایلله اولور و بوجمله
 موضوع و غایبی بوفنده معتمد و مقبول اولان کما بلردن ایدی
 علماده متداول و مشهور و علمای مصنفین دن دخی بجا و تبرکا
 بر قاج علمای فحولک ترجمه لری مناسب کورلدی و الله الموفق
 والمعین (موضوع علم کلام) معلوم اوله که هر علمت مقاصدنه

تقدیمی واجب اولان اموردن بری موضوع علمدر موضوعی
 شول شیدر که اول علمده انک اعراض ذاتیه سندن بحث اولنه
 و هر علمت علم آخره نسبتله شرفی موضوعی اعتباریله در وگاه
 اولور که علم واحدک موضوعی حقیقه تده امر واحد اولور مثلا
 علم حسابله موضوعی عدد در وگاه اولور که اشیا کثیره
 متناسبه کتاب و سنت و اجماع امت و قیاس کبی که موضوع علم
 اصول فقه در اول وقت که فن واحد امر حقیقی اولمیوب امور
 متعدده اولمیاندن بحث مابه التناسبک اشتراکی جهتمندن
 اولقی شرطدر غیری جهتمندن اولسه علم واحد اولمیوب علوم
 متعدده اولقی لازم اولور (و تعیین موضوعی علم کلامده) کتب
 موثوقه ده تحقیق اولدیغی اوزره اقوال متخالفه وارده اولوب
 قاضی ارموی رحمه الله علیه اختیار اوزره موضوع علم کلام
 ذات الله در حجة الاسلام امام ابو حامد غزالی و متکلمین دن بر
 طائفه قوللری اوزره مطلقا موجود در موجود اولدیغی حیثیتله
 و بویکی قولدن هر بری بر طائفه بی اختیار ایدوب ایراد ادله
 و رفع شبهات ایلله تأیید و توثیق ایتشلمدر و جمهور متأخرین قول
 آخری اختیارده اتفاق ایدوب موضوع کلام معلومدر اول
 حیثیتله که اکا اثبات عقاید دینییه به تعلق ایلله یا تعلق قریب یا تعلق
 بعید ایلله دیمشلمدر و جمهور متأخرین بوقولی اختیار ایدوب
 ادله واضحه ایلله مدعایین اثبات و اقوال قدیمه بی رد و تزییف
 ایتشلمدر تفصیلی کتب مفصلا تده طلب اولنه و معلوم اوله که
 بوعلمت ثمره غایبی سعادت دارینه فائز و نجات نشئه سنی حائز
 اولمدر و اشرف علوم اولدیغی دخی ظاهر در موضوعی جمیع

موجود ذات اشرف واعلاسی اولان ذات الله وافعال الله
وصفات الله مباحثه متنازل پس بر علم که اشرف علوم اولی
متعین اولور و بوعلم ادله سی یقینیه اولوب مقدمه مائتک حکمتیه
صریحاً عقل حاکم اولدیغندن قطع نظر نقول قاطعه ایله متاید
اولمشدر پس ظاهر اولدی که بوقنک ادله سندن عقل ونقل تطابق
ایدوب عرق شبهه منقطع ومنحسم اولمش اولور و قنون حکمیه نک
اشرفی اولان علم الله الهمک ادله سی انجی عقله مبتنی اولوب نقول
صریحیه مخالف اولدیغندن معلوم اولور که ارباب حکمتک
اولیابده اقامت ایلدکاری براین عقلیه اوهامه مبتنی اولمش
بووجهله دخی علم کلامک اشرف علوم اولدیغی ظاهر اولور
و بوعلم کلام تسعیه اولدیغی وجوده عیده ایله بیان اولوب
اولامباحی اسلاف متکلمین موافقاتده الکلام فی کذا و کذا
عنوانیه مصدر اولدیغیدر وثانیاً شهر اختلافی مسئله کلام
الهیده وقوع بولدیغیدر وثالثاً تحقیق شرعیاتده تکلمه قدرت
ایراث ایتدیکیدر و غیر ذلک معلوم اوله که علم کلام حقنده ردا
وقبولاً کرچه اقوال متخالفه کثیره وارد اولوب نیجه قیل وقال
اولمشدر اکن جمهور تحقیقک اتفاقاً قلی اوزره قرار داده اولان
اولدر که علم کلامه اشتغال فرض کفایه قبیله ندر و هر کس
مرتبه اطمینانه وصول مرتبه سی تحصیل یقین فرضدر دیدار
زیرا ادله وثیقه الله مدلل و مبرهندر که هر عاقل مکلف ایچون
ذات بیچون حضرت واجب الوجودی معرفت یعنی وجود
صانع لایزالی وصفات کمالیه ثبوتیه و سلویه سن بقدر الطاقه
البشریه ادرالک و تصدیق بحسب الشرع واجبدر پس بووجه

اوزره اولان معرفت نظر واستدلاله متوقف اولدیغی مقرر اولیجق
نظر واستدلال دخی واجب ایدوکی متعین اولور زیراً شول
سنه که واجب اکاتوقف ایده اولدخی واجب اولور والحاصل
مسائل اعتقادیه تفصیلی قوانین استدلال ممارست و اعمال
فکرله اقامت براهینه قدرت تحصیل ایدوب الزام معاندینه
وارشاد مسترشیدینه مکنت مرتبه سی استحصال ملکه واجب
علی الکفایه اولمش اولور (ظهور تدوین مسائل کلامیه) معلوم
اوله که علمای سلف رجهم الله دن ائمه مجتهدین و علمای محققینک
ردوانکار لر بله کتب موقوفه ده تصریح اولمشدر فلسفیات که
علم کلامه مشتهیدرا کاو کلام اهل اعتزاله در که کتب وسننه
مخالفدر و سایر مذاهب باطله اربابک کلمات فحشیه اتلرینه در اما
کلام اهل السنة والجماعة که مسائل تدوین و کتب لری تصنیف
وتبیین اولدیغی قرن اولده اولیوب زمان مجتهدیندن مدت
مدیده میروند نص ~~کره~~ اولمشدر و قرن اولده اولدیغنک
تفصیلی بودر که صحابه کرام رضوان الله علیهم اجمعین
سید الاولین خاتم الانبیاء والمرسلین صاحب شرع مبین صلی الله
علیه وسلم حضرت تلمینک زمان سعادت اوانلرنده اولوب شرف
صحبت سعادتدار و مشاهده دیدار قدسی الانور لر بله مستعد
اولوب اقتباس انوار احکام شرعیه و اعتقادات مستقیمه یقینیه
بعد ظلام شکوک و اوهاام مضمحل و مندفع اولمغین عقیده واحده
اوزره اولوب عقاید باطله و کلام عاطله ایله ذاهب مذهب ضلال
یوق ایدی هجرت نبویه علیه افضل التحیه نک یوزنجی سنه سنه
کاخجه صحابه عظامدن کمسنه قالمیوب و صحابه عظامدن اخذ

علوم ایدن علمای عظام نادر قالمغله خلفای عباسیه دن بر قاج
 خلیفه بعض کسینه لرک تحریک یکیلله فلسفیات کبابین عربی به
 ترجمه ایتدیروب ناس دخی رغبت ایتمکله اقوال حکمانک صحیح
 وسقیمنی فرق ایتیموب دلائل عقایه ایله عمل ایتدکاری اجمدن بین
 الناس نزاع وجدال شیوع بولوب اهل هواوتعصب کثرت بولوب
 اول اجمدن عقاید مسلمین مشوش ونظام دینی به تزلزل عارض
 اولوب فرق ضاله ظهور ایتدی (نقل اولندیکه) ایکی طائفه
 ظهور ایدوب بر فرقه سی مرتکب کبیره می تکفیر ایلدیلر
 وبر فرقه سی مرتکب کبیره مؤمن اولوب کاهنه ایمانی اولیجق
 ضرر ویرمز دیدیلر اول وقتده حسن بصری حضرت تلی رحمة الله
 علیه حیاته ایدیلر بر کسینه کلوب بو فرقه نک اقوالارین نقل
 ایدوب احوالارندن سئوال ایلدی واصل بن عطا که حسن
 بصرینک تلامیذلرندن ایدی انده حاضر اولمغله حسن بصریدن
 جواب صادر اولدن واصل بن عطا جوابه متصدی اولوب
 مرتکب کبیره مؤمن دکل و کافر دخی دکادر دیوب بین المنزلتین
 دخی بر منزله اثبات ایتمکله جواب ویردی و بو کلامده مصر
 اولدی حسن بصری حضرت تلی اول ساعت مجلسلرندن طرد
 ایلدی اول دخی بر آخر مجلسده او توروب بشقه حلقه اولدی
 و باشنه وافر کسینه تجمع ایلدی مجلس حسن بصریدن اعتزال
 ایدوب مساک آخره سالوک ایتدیکی ایچون معتزله تسمیه اولندیلر
 وابتدا معتزله اطلاق ایدن امام قتاده حضرت تلیدر که عابد ومتقی
 وزاهد کلامی موثوق ومعتبر وعقیده سی صحیح وسالم مفسر
 ومحدث در اعماء مادرزاد ایدی بصره نک اسواقنده بلا قائد

کروب جمیع حوایجنی کورردی بر کون بصره نک جامع کبیرنده
 واصل بن عطانک حلقه جمعیتی حسن بصرینک حلقه سی ظن
 ایدوب واردی کلاملرین استماع ایدوب انما هؤلاء المعتزله دیوب
 کیرودوندی اول سبیدن اول فرقه به معتزله دیمک اندن قالدی
 (حسن بصری) رحمة الله علیه بکارتا بعیندندر علمای عاملین
 وعابد زاهدیندن صالح ومتقی بر ذات ستوده صفات ایدی
 صحابه عظامدن انس بن مالک و حضرت علی بن ابی طالب رضی
 الله عنهما به ملاقی اولوب شرف رؤیتلریله مشرف اولمشلردر
 پدرینک اسمی یساردر که زید بن ثابت انصاری رضی الله
 عنه حضرت تلی نک مولا سیدروالده سی خیره در که حضرت
 نحر الخدرات وعمدة المؤمنات ام المؤمنین وزوجه خاتم النبیین
 صلی الله علیه وسلم ام سلمه رضی الله عنها حضرت تلی نک جاریه سی
 ایدی بعض وقتده والده سی خدمتده اولوب مهدایجره اغلاقدده
 حضرت ام سلمه رضی الله عنها حضرت تلی مبارک همه لرین اغزینده
 ویرلردی اول سبیدن زهد وتقوی صاحبی اولوب علم ومعرفت
 ایله دعا ایلدکاری دخی منقولدر فصیح اللسان وملح البیان
 کلامی موثر مجلس وعظنه حاضر اولنلر البته متأثر اولورلردی
 وطریق حق واعتقادات اهل سنتی ناسه تعلیم ویسان ومذاهب
 باطله از بانه طعن وقدحی زیاده ایدوب دعوت شرع مبین ایدر
 لردی وانلر ایلهم معصراولوب علمای عاملین وفضلائی کاملین دن
 ابن سیرین حضرت تلی وار ایدی دائما بر لرلیله الفت وانسیت ایدوب
 طریق مستقیمه ناسی دلالت اوزره ایدیلر (وابن سیرین) ابوبکر
 محمددر که پدری انس بن مالک رضی الله عنه حضرت تلی نک

مولاسید و والد سی صفیه حضرت ابابکر رضی الله عنه
 حضرت تلمیذ جاریه می ایدی وقتنده علم و فضل و صلاح حاله
 موصوف و تعجب برور یاده کماله معروف ایدی ابکیسی دخی
 یوزاون سنه سنده وفات ایلدی رحمة الله علیه ما یونلر وقتنده
 واصل بن عطاء ابته دارئیس معتزله اولدی بعده تلامذه سنندن
 معید الجهنی شهرت بولدی بعده ابو عثمان عمرو بن عبیده معتزلی
 شهرت و کتد کچه سالک مذهب اعتزال کثرت بولوب ابکیوز سنه
 مقداری زمان اعتزالی متمد اولدی بعده ابو علی جبائی ظهور
 ایدوب رئیس معتزله اولدی ابکیوز او قوز بشده بصره ده تولد
 ایدوب او چیوز او چده فوت اولدی ارادت علیه سجائی و قدرت
 صمدیه یزدانی احیاء دین مبین و نصرت سنن خاتم النبیین علیه
 افضل التحیة و التسلیمة تعلق ایدوب امام ابو منصور ماتریدی
 و امام ابو الحسن اشعری ظهور ایلدی لر (معلوم اوله که علم کلامده
 رئیس اهل السنة و الجماعة ایکی ذات ستوده سماتدر که بری
 حنفی و بری شافعی المذهبدر حنفی اولان ابو منصور ماتریدی
 (محمد بن محمود) الماتریدی در که امام المهدی و پیشوای اهل التقی
 در ماوراء النهرده سمرقنده ظهور ایتمشدر اعتقاد اهل السنه بی
 احیایتم که سعی جمیل ایدوب اهل بغی و ضلالی رد و الزامده کتب
 عدیده تصنیف ایلدی علم کلامک طریق مستقیم اوزره مسائل
 و مباهنه اشتهار و یردی او چیوز او چده سمرقنده رحلت ایلدی
 رحمة الله علیه و شافعی المذهب اولان رئیس جماعت المسلمین
 و امام المتکلمین ناصر سنن سید المرسلین ابو الحسن (علی بن
 اسماعیل بن عبد الله) بن موسی بن هلال بن عامر بن ابی موسی

عبد الله بن قیس الاشعری در که جدی ابو موسی الاشعری شرف
 دولت صحبت رسول اکرم صلی الله علیه وسلم ایلد مشرف اولوب
 بین الصحابه علم فضله مشار بالبنان اولدی و اشعری مننده بر قبیلده در
 اکانسبت اولنور و ابو الحسن ابکیوز الشمس سنه سنده بصره ده
 تولد ایدوب بالغ سن تمیز اولد قد نصکره تحصیل علمه شروع ایدوب
 اول وقتنده رئیس معتزله اولان ابو علی جبائی دن اخذ علوم ایدوب
 مذهب اعتزال اوزره اولدی جناب محول الحول و الاحوال
 باهرت قدرته نصرت دین مبینه ارادت علیه می تعلق ایدوب
 ابو الحسن صاحب الشرع المبین خاتم الانبیاء والمرسلین
 صلی الله علیه وسلم حضرت تلمیذی اوچ دفعه رؤیاسنده کوروب
 انصر المذهب المرویه عنی دیو ابرام ایلدی دفعه ثالته ده اعتذار
 ایدوب یار رسول الله او قوز سنه دن بری ذاهب اولدیغم مذهبک
 دلائلی ضبط ایدوب اول مذهبده ذاهب و مسائلنی حفظ ایلدم
 و انک ردنه و بطلانی بیانه اقامت دلیله نیجه قادر اولیم دیواعتذار
 ایلدی رسول اکرم صلی الله علیه وسلم حضرت تلمیذی یوردیلر که
 جناب هادی المضلین جملت عظمتیه سکا امداد و توفیق
 احسان ایدر همان هدایت و استمداد و استعانت ایلد شروع ایلد
 دیو امر یوردیلر خوابدن بیدار اولوب درونی نور هدایت ایلد
 مملوبولدی و بوند نصکره حقی تتبع ایدوب استقصا ایتتمک ضلالدر
 دیوب نصوص قاطعه و احادیث شریفه یه محکم تشبث ایلدی
 جناب ملهم الصواب جل شانہ الهامیلد فتح اولوب مباهنه
 و براهین و دلائل ایراد ایلدی که بر کسه دن اخذ و استماع
 ایتمامشدی و خصمی اسکاات و الزامده بروجهله ملک تحصیل

ایلدیکه محض موهبة الهی اولوب برکابدن دخی قراءت ایتدی
 نقول موقوفه ایله تنصیص اولمشدرکه ناسدن عزالت ایدوب خانه
 سندن الی کون کیجه وکوند زسعی واجتهاد ایله احادیث شریفه
 ونصوص قاطعه و براهین واضحیه ایله اعتقادات اهل السنة
 والجماعه بی علی وجه الکمال تدوین ومذاهب باطله بی رد و تزییفده
 ادله قاطعه ایله حق و باطلی تبیین ایلوب خانه سندن طشره
 چقدی و طوغری جامعیه کلوب منبره صعود ایلدی ناسی جامعیه
 جمع ایدوب بالمعاشر المسلمین سزلردن بوقدر زمان غائب اولدم
 ومذهب اعتزالدیه اولان دلائلی فکر دقیق ونظر تحقیق ایله
 محکم امتحانه سوردم وجهله سنی مغشوش و کعبی اربولدم جناب
 فیاض مطلق جل شانیه در کاهندن مدد و هدایت طلب ایدوب
 نصوص قاطعه واحادیث شریفه نک دقایق و حقایقنی مفتوح
 المغلقات وحل المشکلات عزشانه قلبه الهام ایدوب طریق
 مستقیمه ارشاد ایلدی اعتقادات اهل السنة والجماعه بوکابده
 جمع وترتیب وطریق حق تبیین وتهذیب ایلدم دیوب ارقه سندن
 جبهه سنی چیقاروب یابانه ایتدی وبواسبابی خلع ایدوب اتدیغیم
 کبی اعتزالی در ونمدن خلع ایدوب ایدم ومذهب حق بوکابده
 اولاندراول مذهب غیر مستقیم وضلالدر دیوب مذهب اهل سنة
 والجماعه بی اشکاره واعلان ایلدی واول مجلسده بکار معتزله نک
 اکثره شاهی علماسی حاضر ایدیلر لاونعمدن بر فرد کلامه قادر
 اولدم دیلر واصحاب اعتزالدن چوق کسنه رجوع ایدوب مذهب
 اهل سنتی قبول ایلدیلر وبصره نک جامع شریفنده چوق زمان
 اوتوروب عقاید اهل السنة والجماعه بی ناسه تعلیم وطریق حقه

ارشاد ایلدی دیار عراق عربده عقاید حقه شهرت و بردی وبوایی
 امامان تلامذه لری کثرت بولوب علم کلامده کتب عدیده تصنیف
 اولندی و ابو الحسن اشعری اوچینوز بکرمی در تبه وفات ایلدی
 رحمة الله علیه (التذکره الثلاثون) علم کلامده تصنیف اولنان
 کتب ذکرنده در (معلوم اوله که) علم کلامده تصنیف اولنان
 کتب بی عدد واحصا در بو محله ایلدی علماده مشهور اولان بر قاج
 کتاب ومصنفین ذکر لریله اکتفا اولندی بوقنده اولان کتب
 معتبره دن بری قواعد العقاید و بری کتاب تجرید ایکسی دخی
 نصر الدین طوسینکدر زماننده فرید وعصرنده وحید جامع
 علوم المتهدین والمتأخرین بشیوز طقسان یدیده تولد ایدوب
 التیوز یتیم ایکیده فوت اولدی غایتله مدقق ومواقع مشکله
 حلنده محقق وتعبیراتی سلیس فصیح اللسان ملیح البیان عباراتی
 سهل المأخذ الفاظ زائده ایرادنده احتراز ایدوب تصنیف ایلدی یکی
 کتابلری احسن مصنف وابلغ تعبیر و تألیفدر ومذهبنده شیعه به
 مائل کورینور وبعض کتب تواریح موقوفه ده مذهبنده صحیح
 وسالمدر بعضلر شیعه دندر دید **ک**لری خلا قدر دیوتصریح
 اولمشدر الله اعلم بحقیقه الحال لکن رتبة علمنه وفضلنه لایق
 اولمیحق افعالی ظهور ونیجه قتنه به باعث اولدیغی کتب تواریحده
 مسطور در کتاب تجریدی تصنیف ایدوب بغدادده مستعصم
 خلیفه به کتورد کده التفات ایلدی یکی اجلندن ماوراء النهر واروب
 ملوک تورکدن هلاکوبی تحریرک ایدوب عسکر بشمار ایله بغدادده
 کتوردی عسکری وهلاکو کافر ایدیلر بغدادی ضرب دستله
 الوب قتل عام ایلدیلر علمای کاملین وفضلائی محققین دن چوق

کشته بی شهید ایلدیلر و بولد قلی اوراق و کابلی احراق بانشار
ایدوب نیچه علوم فنونک کتابلری مندرس اولدی و نصیر طوسی
هلا کونک وزیر ایدی دیر لر الله اعلم بحقیقه الحال بفعل الله
ما یشاء و یحکم ما یرید (طوالع) قاضی یضایونکدر ترجمه سی
سبقت ایلدی و شروع عیدیه سی وارد در جمله دن احسنی
شرح شمس الدین اصفهانیدر (محمد) بن ابوالقاسم بن محمد
الاصفهانیدر التیوز یتیمش در تده اصفهانده تولد ایدوب
تحصیل علمه شروع و فنون عقلیاتده کامل اولدی بعده دمشقده
کاب وافر مدت تدریس ایدوب اندن مصره کندی و انده اقامت
ایدوب الی ان یموت تدریس اوزره اولدی تصانیف کثیره سی
وارد در مشاهیر ندر مختصر منتهی ابن حاجب و شرح طوالع
و ناظر المعین و تفسیر کبیره شروع ایدوب اتمام ایده مدی و اصول
فقهده تصنیفی وارد (و شرح طوالع) قاضی ارموی محمود بن ابی
بکر بن احمد الارموی شیخ سراج الدین شافعی المذهب در موصلمده
کمال الدیندن اخذ علوم ایلدی علوم عقلیه و نقلیه ده کامل
مدقق و محقق فاضل ایدی اصول فقهده تحصیل و اصول دینده
لیاب و بیان و مطالع منطق الیه حکمتی جامعدر تصنیفاتنددر
بشیوز طقسان در تده تولد ایدوب التیوز سکسان ایکیده
قویه ده وفات ایلدی (ابکار الافکار) علی بن ابی علی محمد بن سالم
سیف الدین آمدی دیمکله مشهور در بشیوز الی ده امده تولد
ایدوب علمای آمدن فقه شافعییه بی قرائت و اخذ ایلدی ابتدا
حنبل المذهب ایدی بعده تشفع ایدوب شافعی اولدی بغدادده
کاب علمای عراقدن علوم عربیه و علوم عقلیه تحصیل ایلدی

و علوم اوائلده علوم حکمیه و سایر علوم جزئییه تحصیلنه
رغبت تامی اولمغله نصاری و یهودک اخبار و بطارقه سندن اخذ
ایلدی علوم شرعیه و علوم حکمیه و سایر فنونه اوائلده فایق
اولوب و حید عصری ایدی و حکمت و الهی و طبیعی و منطق
و جدل و مناظره ده اولاتصانیفی مصره واروب اظهار ایلد کده
طلبه رغبت ایدوب قرائت ایتکه باشلدیلر و مصرک فقهاسیله
مباحثه و مناظره سی و جمله سنی الزام و اسکاکی بین الناس شهرت
بولوب رغبتلری زیاده اولمغله علمای مصر عقیده سنده فساد دی وار
دیواتهام ایدوب دمی هدر دیوقیل و قال ایلدیلر اولدخی مصردن
رحلت ایدوب مدینه حایه کادی و انده توطن ایدوب رموز الکنوز
و لباب الالباب و منتهی السئوال نام کابلرین انده تصنیف ایلدی
بعده شامه کاب مدرسه عزیزیه ده وافر مدت تدریس در نصکره
مدرسه دن قصرید و خانه سنده عزالت ایدوب مدت یسیره ده
التیوز او توز برده وفات ایلدی و تصانیف جمیله سی مقبول
و مرغوب و بین الناس مسلم و معتبر در کاب الباهر فی علم الاوائل
بش مجلد در کاب الحقایق فی علوم الاوائل اوچ مجلد در جمله
تصانیفی رسائل و تخریراتی تعلیقاتدن ماعد ابکرمی به بالغ
اولمشدر جمله سی مستحسن و منقحدر منقولدر که درسنده اولقدر
ملیح اللسان و سلیس البیان ایدیکه کویا خطبه ایدر قیاس
اولنوردی و قواعد فن منطقده و مناظره ده اولقدر ماهر ایدیکه
زنادقه زمانی مجتمع اولوب مناظره ایلسه احسن و جمیله جمله سنی
اسکات و الزامه قادر ایدی رحمة الله علیه (مواقف و جواهر
الکلام) ایکسی دخی عضد المله و الدین قاضی عضد رحمة الله

عليه حضرت تليينك ترجمه سي سبقت ايلدي وعقايد عضديه
ايلديء طلبه ده متداولدر ومواقفك شروح متعدده سي واردر
احسن والطنى شرح سيد شريف جرجاني قدس سره در وعقايد
عضديه شروحك احسنى شرح جلال الدين دواني در كه اكثر
بين الطلبة مشهور وقراءت اولنور (مقاصد و شرحي ايكينسى
دخى سعد الدين تفتازانى رجة الله عليه كدر ترجمه سي سبقت
ايلدي (تهافت الفلاسفه) قدوة علمای اسلام نور لامع فضلاى
انام هم نام حجة الاسلام ابو حامد محمد بن محمد الغزالي رجة الله
عليه كدر كتاب مر قومه مطالب حكمايى رد وجهه بدعتلرين
اون يدي مسئله ده بيان ايدوب واوچ مسئله ده تكفير ايلشدر
برى جناب باري كلياته عالم در جرياته عالم دكلدر ديدكاري
كلام باطللري ايكينى حشر اجسادى انكار لري اوچنچي قدم
عالمه ذاهب اولد قلريدرو سلاطين عثمانياندن اعظم خواقين
واكرم واعلم سلاطين عليه رجة الملك المعين فاتح سلطان محمد
تهافتى **ك**وروب علمای زمانك مشاهيرندن على طوسى
ومولانا مصلح الدين خواجه زاده عليه ما الرجة امام غزالي ايله
حكمايك يته ده محما كه ايدوب تحرير رسائل ايدك ديو فرمان
ايلدي ايكينسى دخى برر كتاب تأليف وبين الحكما والامام محما كه
ايلديلمنقولدر كه خواجه زاده درت آيده تحرير ايلدي وطوسى
التي آيده تحرير ايلدي پادشاهه عرض ايلديلر اون ييك درهم
اعطا ايدوب خواجه زاده به رختيله مكمل ومرتب بر قاطر دخى
وبردى اول وقتده پادشاهلرك علمه تعظيم وعلمايه رغبته لري سبييله
دوات عثمانيه ده ظهور ايدن علمای محققينك تصنيف وتأليف لري

ممالك عثمانيه ده كل بلكه عراق وفارس وماوراءالنهر وهند وسند ده
مشهور وايلديء علماده متداول ومقبولدر زمانه منزه اولان
ملوك ووزرانك عدم رغبته لرن دن ناشى قرنا بعد قرن تنزل بولوب
انقراضه قريب اولمشدر يفعل الله ما يشاء ويحكم ما يريد تعديل
الكلام عالم ربانى وحبر صمدانى مولانا صدر الشريفة اكرمه الله
تعالى فى الدرجات حضرت تليينك تعديل العلوم نام كتابي كه اول
منطق بعده كلام بعده حكمت ايله اتمام ايتمشدر برر كتاب
مستطابدر كه تحرير ايلديكي مباحث غامضه كتب اوائلده
برنده تحرير اولنما مشدر تحقيقات وتدقيقات محير عقولدر
ويستديده علمای فحولدر وعلم كلامده تصنيف اولان كتب لا بعد
ولا يحصي در ذكري اولان ايله اكتفا اولندي (التذكرة الحادية
والثلثون) علم اصول فقه ذ كرنده در معلوم اوله كه بومحله كانجه
ذ كراولنان علوم فنونندن تدوين وتصنيف اولنوب تأليف كتاب
اولنان علوم كلام قديم ربانى وفرقان تنزيل اسمائندن استنباط
مسائل شرعية واستخراج احكام دينيه ايجون اولوب لسان
عربييه نك نكت ومن ايا ومضامين معانى ومفهوم ومدلولات
ومنطوق وخبايا سنى بيلوب استنباط احكامه قدرت حاصل
اولمغچون اولديغي معلوم دريس علمای دين وائمة محققين كثرهم
الله الى يوم القيام طريق استنباط واستخراجي بيان ايجون علم
اصول فقهي تدوين ومستقلا علم اولوب موضوع ومباديسى
بيان ايتمكله علم اخردن تميز ايلديلر (موضوعي) ادله شرعية
كلييه در اول حيثيته كه نه كيفيته احكام شرعية استنباط اولنور
ومباديسى) عربييه دن وبعض علوم شرعية دن وعلوم عقليه دن

ما خود در (غرضی) ادله اربعه تفصیلیه که کتاب وسنت
 واجماع امت و قیاس در واستنباط احکام شرعیه به تحصیل
 ملکه در و بوفنده تصنیف اولنان کتبیدن اقدم و اولی کتاب امام
 جصاص در احمد بن ابی بکر الرازی جصاص دیم کلمه معروف در
 او چیوز بشده تولد ایدوب بغداد ده ساکن اولدی وقتنده ریاست
 حنفیه اکا منتهی ایدی بغداد ده قاضی اولسنی مراد ایلدیلر
 امتناع ایدوب قبول ایتدی ابوالحسن کرخی دن فقه شریفی
 اخذ ایلدی عابد وزاهد و صالح و متقی و متواضع ایدی الهام
 القرآن شرح مختصر الکرخنی شرح مختصر طحاوی و شرح جامع
 امام محمد و شرح اسماء حسنی و کتاب فی اصول الفقه و جوابات
 المسائل تصنیفاتند در او چیوز یتش ده بغداد ده وفات ایلدی
 رحمه الله علیه (کتاب الاسرار) و تقدیم الادله و امد الاقصی
 جمله سی دیوسی عبداللہ بن عمر بن عیسی اوزید دیوسی نکر در بوس
 دالک فتنی و بانک ضمیمه بخارا ایلد سمرقند بیننده برقریه در
 وقتنده امام عصری ایدی بکار ائمه حنفیه دندر مناظره
 و مباحثه ده ضرب مثل اولمشدر استخراج حجج و الزام خصمه
 بمثل ایدی و ابتداء علم خلا فی اول وضع ایلدی علمای عاملین دن
 ایدی بخارا ده در تیموز او توزده وفات ایلدی رحمه الله علیه
 (اصول پردوی) علی بن محمد بن حسن نخر الاسلام الپردوی ائمه
 حنفیه دن ماوراءالنهر ده وقتنده امام فقهاء و رئیس العلماء ایدی
 عالم و عابد و متورع و زاهد طلبه به نشر علوم ایلد اوقات کذار
 و تألیف و تصنیف صرف اعمار اوزره ایدی جامع کبیر و جامع
 صغیر شرح ایلدی ایکسی نفس کتبدر و کتاب مبسوطی اون

برمجله در در تیموز سگسان ایکیمده سمرقند ده وفات ایلدی و اصول
 فقهیه اولان کتابی مشاهیر علمادن نیچه کسینه شرح ایلدیلر
 احسن و اجلی کشف در عبد العزیز بن احمد بن محمد البخاری نکر در
 و شرح اخستکی که تحقیق تسمیه ایلدی بوفنده نفیس کتابدر
 و شرح اکمل الدین تغریب تسمیه ایلدی (اصول شمس) الائمة
 السرخسی صاحب المبسوط ائمه حنفیه نک مشاهیر ندر علوم
 عربیه و فتنون ادبیه ده علم علمای فحول جامع المعقول و المنقول
 بارع الفروع و الاصول بر ذات شریف و عنصر لطیف در که
 کلامی مقبول خاص و عام در و تصنیفات معتبره و مسلم علمای
 عظام در منقولدر که کتاب مبسوطی علی طریق الاملا تصنیف
 ایدوب تلامذه سی یازر لر ایدی و بر کابه مراجعت ایتیموب ظهر
 قلبندن املا ایدردی زمانده اولان امرادن بعضسنه نصیحت
 قصیده کلام حق سویلدر کده الحق مرته و رایدوب حبس ایلدی
 قپوایچنده محبوب سا سیر کبیری شرح ایلدی تلامذه سی قپونک
 اغزنده او طوروب شمس ائمه ی قپونک ایچنده املا و انلردخی
 یازر لر ایدی باب الشرطه کلام کده خدای متعال خلاص ایدوب
 حبسندن چقدی و شروطدن اخرینه وار شجه شرحی تمام ایلدی
 منقولدر که احبابندن بعضرا ایلده صحبت اولوب مذاکره علم
 ایدر لر دی احبابندن بریسی امام شافعی حضر قلی او چیوز
 کتاب از برایلشدر دید کده شمس الائمة بزم محفوظات زکوتن
 حفظ ایلشدر پیوردیلر اون ایکی بیک جزو ایدر محض موهبه الهیه
 اولدیغی اظهر من الشمس در شرح مختصر طحاوی و امام
 محمد کبابرینی شرح ایلشدر بشیوز سنه سی حد و دنده و اصل

رحمة الرحمان اولدی) منتهی السئوال) والامل فی علم الاصول
والجلد و مختصر منتهی ایکسیسی دخی ابن حاجب کدر ترجمه سی
سبقت ایلدی و مختصر منتهی بین العلماء مشهور و مقبول اولمغله
بکار علمادن اوندن زیاده شرح ایتشلدرد و شرح علامه شیرازی
شرح سید رکن الدین موصلی شرح جمال الدین حلی شرح علامه
شمس الدین اصفهانی شرح بدر الدین تستری شرح شمس الدین
خطیبی و شرح عضد الدین مفید و مختصر و تحقیقات و تدقیقاتی
غیری شرح نندن زیاده اولمغله مشاهیر علمادن سیف الدین ابهری
و شمس الدین کرمانی حاشیه یازدیلر ایکسیسی دخی شارح قاضی
عضدک شاکر دلدند و سعد الدین تفتازانی و سید شریف
جرجانی حاشیه ایلدیلر بین الطلبة متداولدر (قواعد و بدایع)
ایکسیسی دخی ابن ساعاتی احمد بن علی بن ثعلب بن ضیاء الدین بن
ساعاتیکدر شام قرینده بغلبک نام قصبه ده تولدایدوب بغدادده
نشو و نما بولدی پدری ساعتجی اولمغله ابن ساعاتی دینمکله شهرت
بولدی علوم عربیه و فنون ادبیه ده کامل و تفسیر و حدیثده
وفقهده کامل ایدی و کاتبه مهارتی اولوب حسن خط کتابت
ایدردی فقهده مجمع البحرین قدوری منظومه نسفی بی جمع
ایدوب دخی نیچه فوائدضم ایلشدرد و شرحی دخی ایکی مجلددر
واصول فقهده اولان بدایعدن پردوی و آمدینک احکامنی جمع
ایلشدرد التیوز سکسان ایکیده وفات ایلدی رحمة الله علیه
(منار عبد الله بن احمد بن محمد ابوالبرکات حافظ الدین نسفینکدر
بغدادده شمس ائمه کردیدن فقه شریفی اخذ ایلدی فقهده کنز
و کتاب المنافع فی شرح النافع و کافی فی شرح الوافی تصنیفاتدندر

اصول فقهده منار اصول دینده عمده انکدر و فحول علمادن متن
مناری شروح عمیده ایلده شرح ایتشلدرد جامع الاسرار غایتله
لطیف شرح درافاضة الانوار فی اضافت اضواء المنار سعد الدین
محمد و دده اوینکدر و شرح اکمل الدین و شرح ابن مالک (مغنی
عمر بن محمد بن شیخ جلال الدین خبازینکدر عالم و فاضل و فقهده
کامل ایدی التیوز طقسان برده وفات ایلدی و شروح مغنی دن
شرح ابی محمد منصور بن محمد بن یزید الخوارزمی الغانیدر که
غایتله لطیف شرحدر و علمای خوارزمک مشاهیرنددر مناسک
حجده ارجوزة منظومه سی واردرد و شرح سراج الدین الهندی
ابو حفص عمر بن اسحق بن احمد الغزنوینکدر علماء هنددن اخذ
علوم ایدوب تحصیل کمال ایتد کد نصکره حج شریف ایچون مکة
مکرمه یه کلوب انده اخذ حدیث نبوی ایلدی و اندن مصر
قاهره یه کلوب احمد بن منصور الجوهریدن و سائر مشایخ
حدیثدن اخذ ایدوب علم فضله شهرت بولوب ملک مصر رغبت
واکرام و مصره قاضی عسکر ایلدی شرح هدایه که توشیح تسمیه
ایلدی و شرح بدایع ابن ساعاتی و شرح تائیه ابن فارض و مغنی
و کتاب شامل فی الفقه و کتاب غرة المنیغه فی شرح مذهب
ابی حنیفه و کتاب فقه الخلاف تصنیفاتدندر یدییوز یتش
اوچده وفات ایلدی رحمة الله علیه (منتخب) ابو عبد الله محمد بن
محمد بن عمر حسام الدین اخسته کینه کدر اخستهک ماوراء النهرده
برقریه در عالم و فاضل و تدقیقاتی کالنه برهان باهردر التیوز
قرق در تده وفات ایلدی رحمة الله علیه (تنقیح) و شرحی توضیح
مولی الفاضل صدر الشریعه عبید الله بن مسعود بن محمود بن

عبدالله بن محمود صدرالدین محبوبینکدر عالم تحقیق و جبرمدقق
علوم شرعی و عربیه ده کامل و علوم عقلیه حکمیه ده فاضل
عصر نده فایق الاقران و مشار بالبنان ایدی روایت موثوقه ایله
منقولدر که علامه قطب الدین رازی ایله هم عصر اولوب قطب
الدین ربیده و صدر الشریعه هر اتده اولوردی صدر الشریعه نیک
صیت فضیلتی افاقه منتشر و علمه شهرت بولمغله قطب الدین له هم
مجلس اولوب مباحثه ایتمک مراد ایلدی کندی قوی مبارک شاه
منطقی که حال صغر نده تربیه و تعلم علوم ایدوب اولدخی فضلاء
مشهور اولمشدی انی ارسال و صدر الشریعه نیک درستی استماع
ایتد کده ابن سینا نیک اشاراتی اوقودردی نه مصنفه تابع اولورونه
شارح کلام منه نظر ایدر کندی تصرفاتی تقریر ایدردی بر قاج
کون درسته حاضر اولوب حیثیت و کماله عالم اولدی و قطب الدین
خبر ارسال ایلدی که بونکاه مباحثه بین الاقران فضاحتدن
غیری نسبه بی منتهی اولمز مناسب اولان بونکاه کورشمکدر
زیرا بونکسه برنار و قاده بکزر که انکاه مباحثه ندامت ایران
ایدردیدی قطب الدین دخی نصیله عامل اولوب اقدام ایده مدی
اصول فقهده تنقیح و توضیح و فقهده شرح و قایه و معاینه و شاح
و تعدیل العلوم فی اقسام العلوم العقلیه مصنفاتندندر (تلویح
شرح تنقیح) سعد الدین تفتازانی کدر ترجمه سی سبقت ایلدی
فصول البدایع فی اصول الشرایع مولانا شمس الدین فناری کدر
(مرقات الوصول الی علم الاصول و شرحی مرآت ایکسی دخی
محمد بن فرامز بن خواجه علی الشهیر جمولی خسرو کدر بابایی
امرادن اولوب تراکه طائفه سندن رومی الاصل ایدی هدایت

یزدانی ایریشوب شرف اسلام ایله مشرف اولدی و برکریه سی
وار ایدی امرادن خسرو نام بر بکه و پردی و منلا خسرو اول
بکات حجره تربیه سنده اولوب منلا خسرو دیمکله مذکور اولمغله
اول اسمله مشهور اولدی عالم و فاضل و متقی و زاهد کامل و علوم
عربیه و فنون ادبیه و علوم شرعیه ده ماهر و تصانیفی فضلاء
برهان باهر در و ملوک عثمانیه دن سلطان محمد بن مراد خان
وقتنده مفتی اولوب الی ان یموت مسند نشین صدر فتوی اولدی
مخصوص کتبخانه سی اولوب انده مطالعه کتب ایدردی و بالذات
خدمتی کندی کوروب کتبخانه سنده خدمتکار استعمال
ایتزدی و حسن خطه مالک اولوب کندی تصنیفی و غیریدن
کونده ایکی ورق کتبت ایدردی کتب کثیره کتبی وارد در اصول
فقهده مرقات و شرح مرآت و فقه شریعه در شرح غرر و تفسیر
قاضی حاشیه سی و رسائل عدیده سی وارد در سگز بوز سکسان بشده
وفات ایلدی رحمه الله علیه و علم اصول فقهده اولان تصنیفاتی
لا بعد و لایحیی در بوقدر ایله اکتفا اولندی و الله ولی التوفیق
(التذکره الثانیة والثلاثون) علم فقه ذکر نده در علم فقه بر علمدر که
احکام شرعیه عملیه دن بحث ایدر ادله تفصیلیه دن استنباطی
حیثیتندن مبادیسی اصول فقهدر و سایر علوم عربیه و فنون
ادبیه نیک مسائل دخی استمدادی وارد و سابقده ذکر اولندیغی
اوزره احکام شرعیه و مسائل دینی کلام قدیم ربانی و فرقان
اسمائی و شارع اعظم رسول اکرم و نبی محترم خاتم الانبیاء و سید
الاصفیاء علیه افضل التحیه و الثناء حضرت تلمیذک احادیث
شریفه منیفه لرندن استنباط اولوب انلردن انمشدر و جمیع

تصنیف و تدوین اولئان علوم قرآن عظیم الشان واحادیث
شریفة بلاغت عنوانک معانی شریفه سنه علم حاصل اولوب
استنباط احکام شرعیه به الت و وسیله اولدیغی مبین درپس جمیع
علوم مسائلی علم فقهک مبادیستندند و غایتی اعمال شرعیه به
اقتداره تحصیل ملک که در وادله شرعیه نک اقواسی کتاب
و سنتدر که قطعی الثبوتدر لکن کثری ظنی الدلاله در اول
اجلدن محل اجتهاد اولوب استنباط احکامه لازم و لابد اولان
علومده ماهر واحکام شرعیه بی استخراج واستنباطه قادر
بر مجتهد بولوب اندن اخذوانک مذهبینه ذاهب اولمق لازمدر
ومذاهب مشهوره دن شرعا قادر و عقلا صحیح اولوب اکثر مسالین
تلقی بالقبول ایله ذاهب اولد قلمی مذاهب اربعه در که ابوحنیفه
وامام مالک وشافعی واجد بن حنبل رحمة الله تعالی علیهم
حضرتلریدرو بمذاهب اربعه نک پیتمده مذهب ابی حنیفه احق
واولی در زیر ابوحنیفه نعمان بن ثابت رضی الله عنه حضرتلری
بین الائمة کتاب وسنته جمله سندن زیاده اعلم وجودت قریمه و علم
احکامده صحت رأی ایله ممتازدر و بو مذاهب اربعه دن
برینه ذاهب اولان کسنه به ذاهب اولدیغی مذهب صواب اولوب
غیر یلری خطادر لکن صواب اولمق احتمالی دخی واردردیکن
لازمدر اما اعتقاد یا تدن کنسدی مذهبی حقه در غیر یلری خطادر
حق اولمق احتمالی یوقدر قطعا خطادر دیو اعتقاد لازمدر و معلوم
اوله که سر مذهبیمز اولان ابوحنیفه رضی الله عنه حضرتلری نک
مذهب شریفلری سائر مذاهب اوزرینه رجحانی وارد و انلره
تقدیمی و اوصاف جمیله لری بر مقداری تبرکات و یمنا بو محملده ذکر

اولمق مناسب کورلمکین علی سبیل الاختصار تحریر اولندی و اول
اول الائمة و سراج الامة ابوحنیفه نعمان بن ثابت رضی الله عنه
حضرتلری نک مناقب جمیله و اوصاف جمیله لرینی علمای عظام جمع
و تألیف ایلد کلمی کتابلری بر قاج جلد اولوب نیچه مناقبلری
دخی تحریر اولغا مشدر بوتند کرده اون فصل قلموب اختصار
اوزره تحریر اولندی (فصل اول) غیر یلر اوزره تقدیمی ذکرند
در حضرت امام رضی الله عنه نک زمانا تقدیمی اهل تاریخ روایتی
اوزره هجرت نبویه علیه افضل التحیه نک سکسانجی سنه سنده
تولد ایدوب اصح روایت بودر و اقدی و سمعانی ابو یوسف دن روایت
ایلمشدر که التمش برده تولد ایلدی امام مالک حضرتلری طقسان
بشده تولد ایلدی وامام شافعی رحمة الله علیه امام اعظم
حضرتلری وفات ایلد کلمی کون دنیایه کلمی مشهور
ومتعارفدر و ابوهریره رضی الله عنه دن روایت اولمشدر که
رسول اکرم صلی الله علیه وسلم حضرتلری بیوردیلر که سیکون
فی امتی رجل یقال له ابوحنیفه هو سراج امتی یوم القيامة
وبعض روایتده اسمع نعمان واقع اولمشدر و روایت اخراده سیکون
رجل یقال له النعمان بن ثابت ویکنی بابی حنیفه یحیی دینی
وسنتی وارد اولدی و ابو یوسف دن روایت اولندی قال رسول الله
صلی الله علیه وسلم فی کل قرن من امتی سابقون و ابوحنیفه سابق
زمانه وارد اولدی پس بوشرف حضرت امامه کافیدر که وجوده
کلمزدن مقدم اوصاف ثلثه ایله رسول اکرم صلی الله علیه وسلم
حضرتلری توصیف بیوردیلر که سراج امة و محیی الشرع و سابق
زماندر بوشرف سائر ائمه اوزرینه تقدمه کافیدر و بر شرف دخی

بود که حضرت امام رضی الله عنہم در غیری تابعیندن اولوب
صحابه عظام وقتنی ادرال ایتش یوقدر مشایخ محدثین اتفاقلری
اوزره صحابه عظامدن درت کمنه عهد امامده حیاته ایدیلر
بری انس بن مالک حضرت تلرید ربصره ده اولان صحابه عظامک جمله
سند نصکره وفات ایدن انلردر بعضلر طقسان برده بعضلر طقسان
اوچده وفات ایلدی دیرلر حضرت امام اون بریا خود اون اوچ
یاشنده ایدیلر و بصره به بر قاج دفعه واردیلر امام شهر و اربن شیرویه
و برهان الاسلام الغزنوی اسانید صحیحہ ایلر روایت ایلدیلر که ابو
حنیفه رضی الله عنہ حضرت تلرندن روایت حدیث ایلشد و بری
دخی ابو ابراهیم عبد الله بن ابی اوفی بن علقمه بن قیس بن خالد
رضی الله عنہ در کوفه ده اولان صحابه عظامک جمله سند نصکره
وفات ایدن اوفی بن علقمه در سکسان یدیده وفات ایلدیلر که
حضرت امام یددی یاشنده ایدیلر و بین المحدثین بر صبی حار ایلر
بغلی فرق ایدر سه سن سماعده اولمشدر انک روایتی مقبولدر محمود
ابن الربیع رضی الله عنہ حضرت تلری رسول اکرم صلی الله علیه
وسلم حضرت تلرندن حدیث شریف نقل ایدرلر و زمان شریفلرنده
بش یاشنده ایدم دیرلر ایدی حضرت امامک ابن ابی اوفادن
روایتی دخی مقبول اولمسی ثابتدر و نقل ثقه ایلر منقولدر که
ابراہیم بن سعید جوهری نقل ایلدی که درت یاشنده بر صبی
کوردم مأمون خلیفه به کتوردیلر تجوید ایلر قرآن عظیم الشان
تلاوت ایدردی و معانی قرآنندن بحث ایدردی و قرنی اج اولسه
اغلردی و قاضی ابو محمد عبد الله بن محمد الاصفهانی بش یاشنده
ایکن حافظ قرآن اولدم دیر ایدی و بنی ابوبکر بن مقری به

کوئردیلر مجلسلرنده اولنلر قرآن عظیم تلاوت ایدیلر و ب استماع
ایتمک زیر اصغیر در دیدیلر ابن مقری سورة کافرنی اوقودیدی
بندخی اوقودم سورة تکویری اوقودیدی اوقودم یا نلرنده
اولنلر و المرسلات سورة شریفه سنن اوقودیدی اوقودم
ابن مقری استعواله بیوردیلر احمد کورانی بخاری شرحی کوثر
الجاری الی ریاض البخاری نام کتابة ده محمود بن الربیع رضی الله
عنہ دن نقل اولنلر حدیث شریفک شرحی اثنا سنده بو ذکر
اولنلر صبیله حکایه سنن یازمشدر العهد علی الراوی و ابن
صلاحه محمود بن ربیع حدیثی ایلر جمهور محدثین استدلال
ایلدیلر که بش یاشنده تحمل حدیث جائزدر دیدیلر اما حق بودر که
صغیرک ضبط قدرتی اعتبار اولنلر سننده عدد تعیین اولنلر
زیرا بحسب الفطرة تفاوت مقرردر دیوب بعده مجلس مأمونده
قراعت قرآن عظیم الشان ایدن صبی حکایه سنن ایراد ایلدی
و بو حکایه به قریب مولانا حسین الہزدوی کتاب الفوایح فی شرح
ایات امیر المؤمنین علی بن ابی طالب کرم الله وجهه کتابة
روایتی مقبول و کلامی موثوق جمع کثیردن روایت اولندی که
بلاد عجمده یزد نام بلده ده مهدي چنده ایکی طفل کوردلر قرآن
اوقورلر و بعض اشعار اوقورلر و انواع کلماتدن تکلم ایدرلر
و خلیفه وقتلرینک احوالندن خبر و برلردی و لاد تلرندن ایکی
سنه به بالغ اولدقدہ فوت اولدیلر و مولانا کورانی کتاب فوایح
مطالعہ ایدرکن بو حکایه به مصادف اولدم و برکونده بو ایکی
حکایه به مصادف اولمق اتفاقنه تعجب ایلدم دیو تحریرا یلشد
حضرت امامک زمانه یتشد ایکی صحابه دن بری دخی سهل بن

سعد ساعدی اسمی حزن ایدی رسول اکرم صلی الله علیه وسلم
 حضرت تبری سهل تسمیه بیوردی بلمدینه منوره ده طقسان برده
 وفات ایلدی مدینه ده وفات ایدن صحابه نک اخبردر حضرت
 امام وقتنه یتشدی نقدر کور مدیسه دخی بعض محققین حضرت
 امام صحابه بی کور مدی دیدیلر اما اصحاب مناقب اسانید صحیح
 ایله اثبات ایتدیلر که ذکر اولنان صحابه بی کوردی وقاعده مقرر
 در که امکان ثابت ناقول عدل مثبت منافیدن اولیدر و امامک
 صحابه یه ملاقی اولدیغنده شبهه یوقدر و تابعیندن سید زمانی
 و اعلم اوانی اولدیغی قوا تر ایله ثابتدر و حضرت امام ما جاءنا
 من الصحابه فعلى الرأس والعين وما جاءنا من التابعين فهم رجال
 ونحن رجال بیوردی دخی تابعیندن اولدقلرینه شاهد عادلدر
 غیرى اماملر صحابه عظام رضی الله عنهم اجمعین زمان
 سعادتلرینه یتشعبدیلر پس امام ابوحنیفه رضی الله عنه
 حضرت تری نک سائر ائمه اوزرینه تقدیمی ظاهر در و معلوم اوله که
 علماء شافیه رسول اکرم صلی الله علیه وسلم حضرت تری الائمه
 من قریش بیوردقلری وقد موا قریشا ولا تقدموا علیه
 بیوردقلری حدیث شریف تری امام شافعی نک سائر ائمه اوزرینه
 تقدم منه دلایلدر زیرا امام شافعی حضرت تری قریشدنروابن
 عم رسول الله صلی الله علیه وسلم دنر ولغت عرب به اعلمدر مکة
 مکرمه شرفها الله وعظمها ده نشوونما بولدی مدینه منوره
 شرفها الله وعظمها ده امام دارالهجرة امام مالک حضرت تریندن
 اخذ علوم ایلدی دیوب امام اعظم حضرت تری اوزرینه تقدیم
 ایلدیلر و علمای حنفیه بر قاج وجهله جواب ویردیلاولا اگر

امامتدن مراد امامت صلوة ایسه بوامامت قریشه مخصوص
 دکادر رسول اکرم صلی الله علیه وسلم زمان سعادتلرنده و خلفای
 راشدین زمان شریفلرنده علمای قریشدن امامته اهل کسینه لر
 و ارایکن غیر بوامامت ایدر ایکن قریشلر انلره اقتدا ایدر لردی
 و مجمع علیه در که امامته صلوتده اعلم اولمق لازمدر قریشی
 اولسون غیرى اولسون اگر علمه امامت مراد اولنورسه نسب
 شرط دکادر حضرت عالم علوم الاواین والاخرین صاحب شرع
 مبین صلی الله علیه وسلم معاذ بن جبل رضی الله عنه حضرت تری
 عن ولا یتنه تعلیم احکام دین ایچون سعلم کوندردیلر و اکثر بلاد
 و امصارده تعلیم علم ایدوب کندیلردن علوم اخذ ایدن موالیدن
 اولدیغی بین العلماء مشهور و مسلمدر ابو موسی الاشعری و حذیفه
 یمانی امام العراقیدنر که عراقده اولان علمای تابعینک اکثری
 بونلردن اخذ ایتشلردر حجازده زید بن ثابت و شامده ابو امامه
 و صهیب رومی و سلمان فارسی حضرت تری موالیدن اولدقلری
 ظاهر در و خلفای راشدین زمان سعادتلرنده و انلردن نصیره
 هر عصرده مشاهیر علمادن اولنلرک اکثری موالیدنر مدینه
 منوره ده نافع که اعلم وقتی ایدی ابن عمرک مولا سیدر که مکة
 معظمه ده حسن بصری و ابن سیرین و کوفه ده ابراهیم نخعی
 بونلرک جمله سی موالیدن اولدقلری مشیتدر و علمایه موالی
 و مولانا دید کارینک دخی اصلی بودر پس معلوم اوله که علمده
 امامته نسب شرط دکادر اعتبار ذاتیه در خاتم الانبیاء والمرسلین
 رسول امین علیه افضل التحیه والتسلیم حضرت تری داربقایه
 رحلت بیوردقلری وقتده الائمه من قریش حدیث شریفیله

صدیق عتیق رضی الله عنه حضرت قلی محض صحابه عظامده
 استدلال ایدوب صدر خلافته جلوس بیورد قلی دلیلدی که
 مراد خلافت کبری اولوب امامته اعلم دکادر و ابن عم رسول الله
 علیه السلام در دید کارینه جواب ویریلور که شرف نسب شرف
 مذهبی مستانم دکادر و لسان عربیه ده اعلم دید کاری مسلم لکن
 اختصاص ممنوع در لسان عربیه ده حضرت امام دخی اعلم
 اولوب دقایق و حقایق نه و نکت و منایاسنه کمالیه عالم اولد قلی
 عند الجمهور مسلمدر و مکده و مدینه ده نیچه زمان مکت
 بیورد قلی و فصیحای عربک کلام ربی کما ینبغی تتبع ایلمشدر
 و شعر لری امام شافعی حضرت قلی بنک شعر ندن ابلاغ و افصح
 اولدیغی عند العلماء مشهور اول لسان عربیه ده فوقنده
 ارمسی ظاهر در (فصل ثانی امام اعظم افند منک نسب
 شریف قلی ذکرنده در) حضرت امامک نسب شریف ازنده روایت
 مختلفه وارد اولمشدر جزری جامع الاصول نام کابنده نعمان بن
 ثابت بن زوطی بن ماه در که اهالی کابلدن و یا خود اهالی
 بابلند در دیو تحریر ایلدی اما صاحب الکافی نعمان بن ثابت
 بن طاوس هر من ملک بن شیبان دیو تحریر ایلمشدر بو تقدیر چه
 عربی اولق احتمالی وار زیرا قدیمه بغداده بابل دیر لردی
 و ابو مطیع بلخی انصار دین اولق اوزره نعمان بن ثابت بن
 زوطی بن یحیی بن راشد الانصاری دیو تحریر و تحقیق ایلدی
 و بعضی ملوک محمدن افریدون نساندند در دیدیلر و امام غزنوی
 کوفی الاصل در دیو تحقیق ایلمشدر و بعضی پدری نواحی
 خراسانده برقریه ده تولد ایلدی و بعضی نواحی ترمذیه و یا خود

مدینه انبارده و یا کابل نواحی سنده تولد ایلدی دیر ل الله اعلم
 بحقیقه الحال و ثابت اسلام اوزره تولد ایدوب ثابتک پدری
 زوطی ملوک ایدی نیم الله بن ثعلبه نک مولا سیدر اما اوغلی حماد
 نقلی اوزره نعمان بن ثابت بن مرزبان ابناء فارسند در احراردن
 اولوب اصلا اوزره رقیه واقع اولما مشدر دیر ایدی وینه حماددن
 نقل اولندی که جدم ثابت حضرت علی کرم الله وجهه
 حضرت قلی بنه ملاقی اولوب اکادر رینه خیر و برکت ایلده دعا ایلدی لر
 و بر اول برکتدن حصه مند اوغلی رجایده رز دیر ایدی و کوفه ده
 یوم نوروزده و مهر جانده حضرت علی کرم الله وجهه فالوزج
 کتوردیلر حضرت علی کرم الله وجهه و رضی الله عنه بیوردیلر که
 بزم هر کون نور و زیمز و مهر جانمزد و بعضی علمای موفقه دن
 کابلدن ده تحریر ایلمشدر که امامک پدری ثابت وفات ایلد کده
 والده سنی جعفر صادق رضی الله عنه تزوج بیوردیلر ابو حنیفه
 صغیر ایدی جعفر صادق رضی الله عنه ک حجر تربیه لرنده اولدی
 اندن اخذ علوم ایلدی بو کلام صحیح اولدیغی اوزره امام
 حضرت قلی بنه منقبه عظیمه اولدیغی ظاهر در (فصل ثالث حضرت
 امام ائمه نک شناسی ذکرنده در) هارون بن سعید امام شافعی دن
 نقل ایلدی که ابو حنیفه رحمه الله علیه حضرت قلی بن افقه کورمدم
 فقیه اولق مراد ایدن کسنه ابی حنیفه و اصحابی اولان ائمه به
 مراجعت و کتب اقوال لرین اخذ و حفظ ایتیمکه مداومت ایلسون
 زیرا فقه ده جمیع ناس قیاسده ابو حنیفه نک عیالیدر و ضعیفی
 شافعی دن روایت ایدر که ناس قیاس و استحسانده ابو حنیفه نک
 عیالیدر امام واقدی رحمه الله علیه روایت ایدر که امام مالک

رحمة الله عليه ابو حنیفه نك اكثر اقول الر بنی اخذ ایدردی لكن
 اظهر اربا یلزدی واسحق بن محمد نقل ایلدیکه امام مالک قول ابی
 حنیفه بنی اخذ ایتش در واسماعیل ابو فدا نقل ایدرکه امام اعظم
 حضرت تری نك امیر کوفه مـ بارک الین طو توب کیدر لردی جامع
 شریفک قبوسنه کلدیلر امامی تقدم ایتدروب صکره کندی کیردی
 وامام جامعه داخل اولدقده بسم الله هذا موضع الامان فامنی
 من عذابک ونجی من النار یودعا ایدردی وینه امام شافعی دن
 روایت اولندیکه ناس فقه ده امام اعظمک عیالیدر و سـ سـ
 ومغازید محمد بن اسحاقک ونحو ده کسائیک و تفسیر ده مقاتلک
 وشعر ده زهیرک عیالیدر دیرلر ایدی وشافعی دن منقولدر که
 کابلرینه نظرا تین کسنه فقهی بیلز و غورینه واصل اولمز وامام
 مالک رحمة الله عليه یوردیلر که ابو حنیفه رضی الله عنه
 اسلامده التمس مسئله استخراج ایدوب وضع ایلدیلر وامام ابو
 بکر بن عتیق یوردیلر که بشیوزیک مسئله وضع ایلدیلر خطیب
 خوارزمی ذکر ایدر که امام ابو حنیفه رحمة الله عليه التمس اوج
 ییک مسئله وضع ایلدی او تو زایکی ییک مسئله عبادتده باقیسی
 معاملاتده دراکر امام حضرت تری امر دینده جدوسی واجتهد
 واستخراج ایلسه ناس ضلالده قالوردی رحمة الله عليه (فصل
 رابع حضرت امامک اصول دینده مذهبی ذکرنده در) معلوم
 وله که معتزله دن بعضلر زعم فاسد لوی اوزره دیرلر که امام اعظم
 حضرت تری اصول دینده اعتقاد معتزله اوزره در دیواتعا باطل
 یدرلر حاشائهم حاشا امامک اصول دینده مذهبی اهل سنت
 رجاعت اوزره اولوب اعتقادات باطله اوزره اولنلری رد

وانکارده مباحثه ومحاوره لری ومعتزله وشیعہ بنی قدح ودلیل لر بن
 منع وابطالده اقرار لری قوا تر ایله ثابته در عمر ابن حماد ابو حنیفه
 رحمة الله عليه دن نقل ایدر که مدینه منوره شرفها الله
 وعظمها ده امام مالک رحمة الله عليه حضرت تری نك عندنده
 براز مدت اقامت ایلدم وینه بغداد ده رجوع ایتک مراد
 ایلدیکمه امام مالک حضرت تری نك دیدم که بعض حساد جدم
 ابو حنیفه رضی الله عنه حضرت تری نك خلاف واقع نسنه اسناد
 ایدوب سز لری سو ظنه دوشور لر اصول دینده مذهب دن خبر
 ویره یم اگر بعض خطابی واریسه بکایان یورک دیدم اولدخی
 سوبله دیدی حضرت امام برکسنه کناه اشلسه اول کناه سبیلله
 ایمان دن چقه زدیدیلر اصاب دیدی وقتل نفس ایتسه کافر اولمز
 اصاب دیدی و بونلرک خلافتی دیمک خطا در دیدی واستماعم
 اولدیکه بنم ایمانم جبرائیل علیه السلامک ایمانی کیدر دیر ایش
 واقعیم در دیدی بن ایتدم خلاف واقع در الله عظیم الشان
 جبرائیلی حبیبی رسول اکرم صلی الله علیه وسلم حضرت تری نك
 ارسال ایلدی بوندن اقدم اولان انبیایه ارسال ایلدیکه کبی
 ناسی ایمانه دعوت ایلدیه و امر ایلدی و ایمان بردر ایکی دکادر اوج
 دکادر و برکسنه نك ایمانی و اقراری اخر کسنه نك اقرار و ایمان نك
 غیری دکادر دیدکده تبسم ایدوب برنسنه سوبلدی وامام
 ابن مقاتل رحمة الله عليه دن نقل اولندیکه کتاب العالم والمتمم
 ابو حنیفه نك اولد یغنده شبهه یوقدر اول کابده قواعد اهل السنه
 والجماعی تصریح ایدوب ومذهب اهل السنه اوزرینه مسائل
 اعتقادیه بنی یازمشدر و بوکاب مذهب اعتزال دن بری اولد یغنه

برهان با هر در روایة ثقاتند منقولدر که امام همام رحمه
الله علیه حضرت تباری اعتقاد اهل سنتند سوال اولند قد
میورد یار که شیخین محترمین رضی الله عنهما فی تفضیل ایدمرز
وحسن وحسین رضی الله عنهما به محبت ایدمرز و نو من بالقدر
خیر و شمره من الله تعالی مسح علی الخفین تجویر ایدمرز و طاعت
اوزرینه تقویت ایچون اولوب سکر ایچون اولسه بنیدن شریقی
تجویر ایدمرز و نگاه سبیل بر کسینه بی تکفیر ایتمرز و صفات الله ده
تکلم ایتمرز و عند اهل السنة والجماعة صفات الله توقیفیه در و جمیع
صحابه عظام حقند خیردن غیری نسنه ایله ذکر ایتمرز و بعض اهل
السنة بعض صحابه بی آخر اوزرینه تفضیل ایتمکده توقف ایلدیلر
لکن جمهور اهل السنة افضل الصحابه ابوبکر الصدیق رضی الله
عنه در دیرلطائفه خطایه عمر فاروق افضل در دیرلطائفه راوندیه
عباس رضی الله عنه افضل در دیرلطائفه علی کرم الله وجهه
افضل در دیرلطائفه اتفاق جمهور رائه اهل السنة اولدر که مذهب امام
اعظم رضی الله عنه افضل صحابه ابوبکر الصدیق ثم عمر ثم عثمان
ثم علی رضوان الله تعالی علیهم اجمعین و بو خلفای اربعه دنصکره
افضل تمام عشره مبشره در ثم اهل بدر ثم اهل احد ثم اهل بیعه
رضواندر و اهل عقبه که انصار دندر غیر یار اوزرینه افضلیتباری
وارد و صحابه سابقون اولون که قبلتین ده نماز قلندر و رائه اختلاف
ایلدیلر که بو تفضیل ظنی میدر قطعی میدر اشعری ظنی دیدی
امام باقرانی قطعیدر دیدی و امام اعظم حضرت تباری بصره ده
اهل بدع و هوی ایله مناظرات و محاوراتباری مشهور افاقدر
واو علی حاد اعتقاد معتزله دن اجتنابه وصیتی شاهد عدلدر که

اعتقاد فاسد مدن بریدر اهل سنت و جماعت اعتقاد اوزره
اولوب معتزله نیک کلامباری کذب و افترا در (فصل خامس حضرت
امامک اجوبه لطیفه لری بیاتسده در) معلوم اوله که حضرت
امامک مشکلات نایبی حل ایتمکده و اجوبه لطیفه لریله کتب
مناقب مشحون اولوب جمله سی ذکر اولسه مستقلا بر کتاب
اولور بو محامده تبرکات و ینا بر فاج جوابباری تحریر اولندی محمد بن
مقاتلندن نقل اولندی که بر کون بر کسینه حضرت امامدن سوال
ایلدی که اول کسینه حقند نه دیر سنز که جنت استمر و جهنمدن
خوف ایتمز اللهدن قورقور و میده اکل ایدر و رکوع و سجود سنز نماز
قلار و کورمدیکی نسنه به شهادت ایدر و حقه بغض ایدر
و قسینه به محبت ایدر دیدکده امامک اصحابی بو کسینه نیک امری
مشکل دیوب جوابنده عاجز قالدیلر امام اعظم حضرت تباری
میورد یار اول کسینه جناب کبریانت رضاسن طلب ایدوب جنت
استمر و اللهدن خوف ایدوب ناردن خوف ایتمز که الله عظیم
الشان ظلم ایدر دیو قورقور بلکه لطف رجا ایدر و بلا رکوع و سجود
جنازه نمازی قیلر و حق تعالی نیک و حدایتنه ایمانی وارد شهادت
ایدرو موت حقدرا اما کا بغض ایدر و مال و ولد قسینه در آنلره
محبت ایدر دیو جواب ویردکده سائل اولان کسینه قالقوب
امامک الن اویدی و اشهد انک للعلم کنز دیدی علامه حسام
الدینندن نقل اولندی که بر کون مجلس امامه بر کسینه کلوب
سوال ایلدی که بو او او و این امام رحمه الله علیه جواب ویروب
بو اوین دیدیلر اول کسینه بارک الله فیک کما بورك فی لا و لادی
مجلسده اولنر بیایوب امام حضرت تبارندن سوال ایلدیلر

پیوردیلر که تشهد دن سوال ایلدی بندخی بواوین دیو جواب و برده
 اولدخی بارک الله فیک کما بورك فی الاولادیوب لا شرقیه ولا غربیه
 دیمکه اشارت ایلدی دیدیلر بعض کتیده سوال ایدن حضرت
 خضر علیه السلام ایدی دیمش لر صدر ائمه خوارزمی العسکری
 نقل ایدر که امام حضرتلری بکای پیوردیلر که خلیفه نک حاجی
 ربیع بندن سوال ایلدی که خلیفه امر ایدر بر کسنه نک قتل ایل
 بر دخی سبب قتل بلز زانی قتل ایتک بزه حلامیدر بندخی جواب
 و بر دیمکه خلیفه حق اوزره می عمل ایدر یو خسه باطل اوزره می
 عمل ایدر اولدخی حق اوزره امر ایدر دیدی حق اوزره اولیحق اول
 امره امتثالده بآس یوقدر دیدم ربیع دخی ملزم اولوب کتدی دیدی
 (حکایت) اولندی که بصره ده بر کسنه ایکی اوغلنه ایکی قز آلوب
 بر کجه ده زفاف ایلدی غلط واقع اولوب اوغلنک بری منکوحه
 اخره زفاف اولنوب اخری ائک منکوحه سنه زفاف اولندی
 ایکی سی دخی ازاله بکارت ایتدی لر صباح اولد قد غلط اولندیغی
 ظاهر اولدی سفیان و کسان و امام اعظم حضرتلری دعوت
 ایدوب بریره کتوردیلر و احوال لری عرض ایلدی لر امام سفیان
 جواب و بر دیمکه حضرت علی کرم الله وجهه یومثللی بر دعواده
 هر برینه عقر لازم اولور و رحلری سالم اولسی ظاهر اولق ایچون
 اوج حیضلری تمامه دل صبر ایدر لر دیو جواب و بر دیلر دیدی
 اما ادهما انحرک مو طو سنی المی کران کلوب راضی اولدی لر امام
 اعظم حضرتلری جواب و یروب یو خصوصه اوفق اولان بودر که
 هر برلری منکوحه سنه طلاق و یروب وطنی ایدن لر نکاح ایده لر
 دیدکده یو جوابه راضی اولوب مجلسده اولنلر امامه دعا ایدوب

جمله سی راضی اولدی لر (بعده) طعام کتوردیلر حضرت امام
 پیوردیلر که یو طعام وایچه اولان کدر وایچه ثانیه نک طعامی
 نیجه اولدی دیدکده حاضر اولنلر استحسان ایدوب کثرت علم و طول
 عمر ایلده دعا ایلدی لر (روایت) اولندی که رومدن بغداده برده ری
 کلوب جمیع علمای بغداد جواب و بره میوب عاجز قالدیلر الحق
 حماد رحمة الله علیه قالدی واروب اولدخی مناظره ایتکدن
 خوف ایلدی که بندخی جواب و بره میوب عاجز قالدورسم امر اسلام
 جاهلار بیتده مشکل اولور دیدی و فکر ایلده مضطرب اولدیغی حالده
 کجه خوابه واروب واقعه سنده کوردیمکه بر خنزیر کلوب
 براغا جلد دال لرین و اغاجنی اکل ایدوب انفج کوکی قالدی اول
 مجلدن برارسلان یورسی کلوب خنزیری پاره لیوب قتل ایلدی
 حماد خوفله اویقودن بیدار اولدی مغموما او تورردی امام اعظم
 حضرتلری اول وقتده اون اوج یاشنده ایدی حمادی مغموم
 و محزون کوروب سببندن سوال ایلدی حماد دخی واقعه می
 سوبلدی امام اعظم حضرتلری الحمد لله اول اغاج علمدردال لری
 سائر علمادر کوکی ذات شریف کدر وارسلان یورسی بنم انشاء الله
 تعالی اول خنزیری قتل ایده رم دیدی و استادی حماد ایلده جامعه معا
 کتدی ده ری کلوب منبره چقدی و مباحنه به ادم طلب ایلدی
 حضرت امام قرشوسنه واردی ده ری باقوب استحقار ایلدی
 امام حضرتلری سؤالک نه ایسه کتور کوریم دیدکده ده ری
 حدائت سنی ایلده یوقدر جرائمه تعجب ایلدی و امام حضرتلری نه
 خطاب ایدوب ممکنه در که برنسنه نک اولی و آخری اولیه امام
 جواننده عدد بلور مسین دیدی ده ری ییلورم دیدکده واحدن

اول نه اصل عدد وارد دیدی دهری واحد عدد اولیدر اندن
 اول عدد اولمزدیدی امام دخی واحد مجازینک اولی اولیجق واحد
 حقیقینک نیجه اولی اولوردیدی دهری سؤاله تصدی ایدوب حق
 تعالینک توجهی نه طرفه در دیدی امام حضرتلری بر شمع
 یا قد قد نور نه طرفه توجه ایدردیدی دهری نور جمیع جهتی
 محیط در بر طرفه میل ایدوب طرف آخری براق ممکن دکادر
 دیدی امام جوانبده نور مستعار مجازی جمیع جهتی محیط
 اولیجق نور حقیقی نور السموات والارض دائم و باقی اوله جمیع
 جهتی محیط اولی اظهر من الشمس در دیدی دهری نه سؤاله
 تصدی ایدوب هر نسنه که موجود اوله البته مکانه محتاج در
 جناب کبریا نه مکانده در دیدی حضرت امام بر کاسه سود
 کتوروب بونک ایچنده یاغ وارمیدردیدی وارد دید کده
 نه طرفنده در تعیین ایله دیدی دهری ایتدی انکچون مکان
 مخصوص بودردیدی امام بر موجود که زائل اوله وجود
 ایچون بقا اولیه انکچون مکان اولیجق خالق ارض و سما و رازق
 بصیر و اعی ایچون نیجه مکان متصور اولوردیوب دهری جوابه
 قادر اوله مدی وینه سؤاله شروع ایدوب شمدی ربک نه ایشه
 مشغولدر دید کده حضرت امام سن بر قاج سؤال ایلدک منسیر
 اوزرنده اوتورر سن منبردن اشاغی این منسیر به بن دخی چقوب
 جواب ویره جم دیدی دهری منبردن اشاغی اینوب امام منسیر
 چقدی و دهری به خطاب ایدوب سنک کی بر کافری منبر اوزرنده
 لایق کور میوب اشاغی ایندردی بنم کی بر مؤمن و موحدی
 اشاغیده ایکن منبر اوزرنده چقاردی دید کده دهری میوت

اولوب قالدی همان اول ساعت طو توب قتل ایلدیلر و حضرت
 امام حال صغر نده بومر تبه عالم ایکن حال کبرنده نه وجهله عالم
 اولدیغی محتاج بیان دکادر حسن بن زیاد رحمة الله علیه دن نقل
 اولندیکه بر کسنه برا زمان بره دفن ایلدوب نه محمله اولدیغی
 اوتدی تجسس ایدوب بوله مدی امام حضرتلری نه کلوب
 احوالن عرض ایدوب نه طریق ایله بولنق اولوردیوب رجا ایلدی
 بیوردیلر که کیجه صبا حده دک نماز قیل انشا الله بولور سن دیدی
 اولدخی کیجه نک ربی اولنجیه دک نمازه شروع ایدوب نه محمله
 دفن ایلدیکی خاطرینه کادی چقاروب الدی حضرت امام دن
 حکمتی سؤال ایلدیلر شیطان علیه اللعنه کیجه صبا حده دک
 نماز قلمغه راضی اولمز بای جال منع ایدر اول اجلدن خاطرینه
 کتوردی دیدیلر رحمة الله علیه (نقل اولندیکه) بر کسنه بر محله
 برا مال دفن ایلدی برا زمت تدنص کره واروب بولدی چقاروب
 المشملر بر خسیس کسنه ایدی غم و قساوتدن هلا که قریب
 اولدی بعض احباسنک تعریفیله حضرت امام رحمة الله علیه
 کلوب بر چاره ایله دیوتضرع ایلدی امام حضرتلری نه محمله در
 بکا کوستر دیوب نه محمله اولدیغی کوردی بر کون کلوب
 کوردیکه بر قاج آدم لراول محلدن منتارد و شورر لریا نلری نه کلوب
 برندن سؤال ایلدیکه سزلر بو محلدن هر بار منتارد و شورر میسنر
 اول کسنه ایتدی بلی هر بار دوشورر امام حضرتلری سؤال
 ایتدیکه جمله کز معا دوشوروب ینک زده تقسیم ایدر میسنر
 اول کسنه یوق هر بریز بشقه دوشورر دیدی امام ایتدی جمله کز
 بردغی کیدر سز اول کسنه ایتدی بردن کیده رز لکن شول آدم

هر زمان بونده قالوب جمله د نصیحه کیدردیدی امام حضرت تلی
بر محله او نوروب براز توقف ایلدیلر جمله کیدوب او کسنه قالدی
بانته واروب شول برده بر کسنه براز مال دفن ایتش ایدی
چقاروب المشین دیدی والد یغکی کورمشلر شهادت ایدرلر
بین الخلق آشکاره اولسون براز خرج ایتدک ایهه صاحبی
سکاهیه ایدردیدی اول کسنه خوف ایدوب مالی کتوروب امام
حضرت تلی نه ویردی اولدخی صاحبیه تسلیم ایلدی و امام
حضرت تلی پیوردیلر که کورمشلر دیدیکمدن مرادم جناب
کبریا در فانه شهید علی مات عملون دیدی و حضرت امامک فرست
وذ کاسی اول مرتبه ده ایدیکه بر نسنه به نظر ایتسه فی الحال
کیفیتنه واقف اولوردی (روایة ثقاتله) مر ویدر که بر محله
اونوردی بر کسنه کلوب اوکارندن کیدی امام حضرت تلی
پیوردیلر که بو کسنه بو شهر ده غریب و مسافر درو معلم صبیاندر
یعنی مکتب خواجه سید رویکنک ایچنده حلوا وارد اول کسنه
دن سوال ایلدیلر فی الواقع امامک پیوردیغی اوزره ایمش امام
حضرت تلی نه ندن بلدیکن دیو سوال ایلدیلر پیوردیلر که اطرافنه
نظر ایدوب هر نسنه به باقردی بیلمکه غریب و مسافر در
وصبیانه دخی دقتله نظر ایدر بیلمکه معلم صبیاندر و اوزرینه
سکک قنوب اردنجه کیدرلردی بلدمکه اوزرنده طاطلی وارد
دیو پیوردیلر بو مثللی فراستلری لایعدولا یحصا در رحمة الله علیه
التنخی فصل کرم اخلاق وزهد و ورعی بیاتده در) برید بن هاروندن
سوال ایلدیلر که بر کسنه به فتوی ویرمک نه وقتده حلال اولور
جواب ویردیکه حضرت امام کی اولور سه جائزدر زیر امامدن

افقه واعلم و ازهد کورمدم دیوب نقل ایلدیکه امام حضرت تلی
کوردم بروقتده بر خانه نک فنا سنده حرارت شمسده طور مشلر
نیچون دیوارک کولکه سنده طور میوب شمسک حرارتده
طور رسن پیوردیلر که بو خانه نک صاحبیه براز ایچنه الا جیم
وار خانه سنک کولکه سنده طور رسم جر نفع خوفی اولوب
ربا اولوردیلر (منقولدر که) بر مسئله ده اشکالی اولسه استغفار
وتوبه ایدوب برگاه اشلمشیم کیم بکاشکال عارض اولدی دیوب
همان قالقوب بر قاج رکعت نماز قلاردی اول مسئله کشف
اولوردی فضیل بن عیاض که عابد وزاهد ولایت و کرامت ایله
مشهور در امامک بو حالنی استماع ایلد کده بکاء شدید ایله اغلیوب
بو حالت کاهک قلمندندر هر کسه به بونک کی انکشاف اولز
دیدیلر ابراهیم بن عمرو دن روایت اولاندیکه حضرت امام رضی
الله عنه فراستده کامل ایدی شاگردلر دن داود طائی رحمة الله
علیه حقنده پیوردیلر که بوزیاده عابد اولوب ناسدن منقطع
و شب و روز عبادتده اولور نفس الامر ده او یله اولدی و امام یوسف
حقنده پیوردیلر بو کادینا اقبال ایدوب بونکدخی دنیا به میلی زیاده
اولور فی الواقع پیوردیلر کی اولدی منقولدر که امام معاشنده
تجارت اوزره اولوب بر قاج شرکاسی و ارایدی شریکندن برینک
بیعنده شبهه سی اولوب اونوز بیک ایچنه رجحنی فقرایه تصدق ایلدی
و بروقتده کوفه اطرافنده اولان عربلری غارت ایلدیلر
و اغناملرین بیع ایدوب اول حوالیده پرا کنده اولدی امام
حضرت تلی غنمک عمر فی سوال ایدوب یدی سنه انجیق اولوردیلر
اولقدر مدت اتیمدیلر و یوسف بن خالد رحمة الله علیه نقل

و روایت ایلدیکه امام حضرت تلیزینک بر جرم ملاصتی و ارایدی شرب
خمره مبتلا اولغین هر کیجه سرخوش اوینه کلوب نصف الیلده دك
طنبوره چالوب تغنی ایدردی امام حضرت تلیز صبر و تحمل ایدوب
حق جواره رعایت ایدوب بر نسنه دیمزلردی بر کیجه صیت
و صداسی اولیوب امام حضرت تلیز عجب اخسته می اولدی و یا خود
بر قضایه می اوغرا دی دیو صبح اولد قدده خانه سنه واروب هر کیجه
همچو اریمز اولان فلان طنبوره جکفی چالوب تغنی ایدردی بر لر
دخی استماعیله مألوف ایلدیکه بو کیجه صیت و صداسی اولدی عجب
خسته میدرو یا خود بر امی اخر می ظهور ایلدی دیو سوال ایلدیلر
عورتی حجاب ایدرک یا امام بو کیجه میخانه دن کاورکن یولده
عسسلر سر خوش در دیو طوطوب حبس ایلدیلر دیدی امام
حضرت تلیز اول شهرک والی سنه واردی امامی کورد کده استقبال
ایدوب تعظیم و تکریم ایلده صدر مجلسه اجلاس و سبب
تشریف لردن استفسار ایلدی امام حضرت تلیز بر همچو اریمز وار
ایدی اخشام عسسلر اخذ ایدوب حبس ایلدیلرانی رجایده رز
عفو ایدیه سزدیدی همان اول آن حبس دن اطلاق ایدوب امامه
تسلیم ایلدیلر اولدخی آلوب طشره چقدیلر اول کسنه به لطف ایلده
معامله ایدوب سنک طنبوره کات صداسیله الفت ایتشیز بو کیجه
صیت و صداسی اولدی و عیالکات نفقه سنه دخی مدار ایدیه مدک
دیوب و افراجه ویردی و میخانه جی به نقد دینک واریسه بن
ویریم دید کده اول کسنه حضرت امامک بو معامله سندن زیاده
خیل اولوب همان اول ساعت خلوص ایلده توبه و استغفار
ایدوب مجلس امامه ملازمت و اوقومغه مداومت ایدوب مدت

قلیلده تحصیل علم ایدوب فقها دن اولدی (رواة ثقات) ایلده
منقولدرکه امام حضرت تلیز قرق ییل یتسو نمازینک ایدستی ایلده
صبح نمازینی قیلدیلر (وینه) منقولدرکه هر آیدیه التمش ختم
شریف ایدردی بر ختم شریف کیجه و بر ختم شریف کوندز
قراعت ایدردی و دنیا دن آخرته رحلت ییورد قلیز موضعده یدی
بینک ختم شریف ایلدی (و منقولدرکه) بر جرم ملاصتی
و ارایدی امامک زیاده عدوسی ایدی کیجه لرده عبادتی و تضرع
و نیازینی و بکاسنی دائما استماع ایدردی قلبیه رقت کلوب توبه
و استغفار ایدوب امام حضرت تلیزینک حقنده ایلدیکه عداوت
و افعال شنیعه سندن استعجال ایلدی امام حضرت تلیز
بیوردیلرکه غیبت ایلدیکک جهلنددر نقد رغبت ایتد کسه
حلال اولسون لکن علمایه عداوت جرم عظیمدر خلوص ایلده توبه
ایتمک لازمدر دیدی اول کسنه دخی خلوص ایلده توبه ایدوب امام
حضرت تلیز ایلده عقد مواخات و احباب خالص لردن اولدی
(رواة ثقات) ایلده منقولدرکه بنی امیه وقتنده امام حضرت تلیز
خوف ایدوب انلردن فرار و اختفا و مکة مکرمه شرفها الله
و عظمه هاده براز مدت اقامت و مدینه منوره ده ساکن اولوب
اللی بش حج ایلدی و نه قدر عمره ایلدیکنی خدای متعال عالمدر
ودائما تجارت اوزره اولوب رجحن حاصل اولان مالی مکده
و مدینه ده اولان مشایخ محدثینک حوایجلرینه صرف ایدردی
واهل و عیالنه نقدر اتفاق ایدرسه و اقدر دخی فقرا به اتفاق
ایدردی و لباس جهنمه دخی کذلک عیالنه ایلدیکنی لباس مثلی
فقرا به لباس ایدردی و بیورلر ایدیکه قرق سنه دن بری درت

بیک درهمدن زیاده به مالک اولدم هر نه قدر زیاده اولور سه انی
 اخراج ایدوب عیالنه و محتاجیندن اولان علماء و طلبه علوم
 و سائر فقرایه انفاق ایدرم و درت بیک اجه سرمایه ایچون
 الیقویدم انجق حضرت علی کرم الله وجهه بیور مشدر که اربعه
 آلف و مادونه انفق و اکر آخره محتاج اولق خوفی اولسه
 بر درهم الیقویدم دیرلردی و هر جمعه دن جمعه به وارنج به دك
 والدینی ایچون بکرمی دینار تصدق ایدردی و رمضان شریفده
 تراویحی عمرو بن ذر مجلس سنده قیلق ایچون هر کیجه عمر وک
 مسجدینه کاوردی کندی خانه سیله اول مسجدك بینی اوج
 میل مقداری مسافه ایدی و حضرت امامدن منقولدر که
 بیوردیلر حاد که استادی ایدی وفاتی وقتند نبری هر نماز
 عقبنده انکیچون و والدینم ایچون و بنه دن تعلم ایدنلرو بن تعلم
 ایلدیکم کسینه لرایچون استغفار ایدرم (و منقولدر که) استادی
 حادك خانه سی طرفنه ایاقلرین اوزادوب یا تمشدر (و روایت)
 اولندیکه شارح مصابیح علاء الدین قریمی که علم فضل ایله
 معروفدر درس او قودرکن صائمك دشاری آره سنده حصه
 مقداری بلع ایلدیکي محله کاد کده امامك دشاری سیرك ایش که
 نخود مقداری نسته آره سنده قالور ایش دیو وافر کلمات ایلدی
 اوج کوندن صکره بر مرض عارض اولوب بجه دشاری دو کادی
 حضرت امام حقنده سوء قصد ایدنلرو ناسزا کلمات ایدنلر هر بری
 برکونه عارضه به مبتلا اولوب جزالین بولدقلری کتب مناقبده
 مسطوردر رجه الله علیه (فصل سابع امام همام حضرت تری نك
 تقلید قضا دن اجتناب ایلمسی بیاتنده در) صاحب هدایه مرغنائی

رجه الله علیه نقل ایلدیکه منصور خلیفه امام اعظم و امام
 نوری و امام جنیدی و شریک و مسعر رحمهم الله تعالی
 حضراتلرین کوفه به قاضی نصب ایلک ایچون دعوت ایلدی
 امام حضرتلری بن بر حیلله ایلایوب خلاص اولورم دیدی امام
 نوری بن فرار ایدرم دیدی امام مسعر تجنن ایدرم دیدی
 شریک بنی قاضی ایتک مراد ایتزدیدی سرای اماره به کیدرکن
 نهر شرط اوزره بر سفینه کیدردی امام نوری ملاحه تضرع ایدوب
 بر کسینه بنی ذبح مراد ایدر سفینه به قیوب بنی خلاص ایلدیدی
 ملاح دخی قیوب اوزرینه بر نسنه اورقوب اخفا ایلدی اول
 تقریب ایلله بغداد دن فرار ایلدی سائر لری خلیفه نك
 حضورینه وارد قدیم مسعر خلیفه به دو ابک نیجه و علما نلرک نیجه
 دیوب بوکونه پریشان کلمات ایلدی بوکسینه مجنون دیوب
 مجلسدن طشره ایلدیلر امام اعظم حضرتلری بن بر بر ازم
 اهل کوفه بنی قبول ایتزلردیدی و اهل کوفه قریش و انصار عربدر
 بن موالیدنم دیدی انی طشره ایلدیلر شریک بنم ضعف بصرم
 وارد نقش خاتم فرق ایدم دیدی خلیفه یانکه بر کسینه تعیین
 ایدرم سکا معاونت ایدردیدی بنم دماغم مختلدر دید کده سکا
 بادم یا غیله غسل تعیین ایدرم دیدی بنم نسا طائفه سنه میل
 زیاده در دیدی سکا جوایز کثیره اعطا ایدرم انکله جواریلر
 ال دیدی بروجهله خلاص اوله میوب حکم شرعه قریب
 و بعید صغیر و کبیر بیلم دیدی خلیفه اگر بنفسه بنه دخی اولورسم
 اخر اوزرینه تقدیم ایلله دیوب بالضروره ملزم اولوب قضای قبول
 ایلدی بر ازم دت میورندن صکره خلیفه نك موالیسندن بری

پردعوا ایله کلوب مر افعه اولدقده خصمه تقدم ایلک مراد
ایلدی قاضی تقدمنه راضی اولدیوب شرعه ایکنز دخی برابر سر
دوب مولای خلیفه سن شیخ احق سن دیدی شریک بن بونی
مولا که دخی دیدم قبول ایتدی بن مقتضای شرعه عمل ایدوب
صغیر و کبیر بیلم دیدی اول اجلدن شریکی عزل ایلدی و امام
حضر تترین ینه احضار ایدوب قاضی اولسنی تکلیف ایلد کده
ابا ایلدی منصور خلیفه غضبه کلوب حبس و ضرب ایتکه عین
ایلدی و امر ایدوب کونده اون قمچی اوروب ینه حبس
ایدرلردی بر قاج کون بومنیوال اوزره ضرب و حبس تمتد اولیجق
امام حضر تتری متالم اولوب بکاء شدید ایله اغلادی و چوق زمان
مرور ایتدین (والله یدعوالی دار السلام دعوتنه اجابت
ایدوب جوار رحمت رحمانه رحلت بیوردیلر بعضی ضربدن وفات
ایلدی دیرلر بعضی مسموما وفات ایلدی دیرلر و بوا یکی روایتک
بینی توفیق دخی ممکن زندانده محبوس ایکن هر کون اون قمچی
اوروب بعده سم اکل ایتدردیلر و سمک ایچمه سنده دخی بعضی
جبر ایدوب اغز ینه قویدیلر بعضی منصور خلیفه یاتنه کتوردوب
قضای تکلیف ایلد کده ابا ایلدی شر بتنه سم قیوب ویردیلر
امام حضر تتری سمی حس ایلد کده منصورک مجلسندن قاقوب
کتدی منصور قنده کیدرسن دید کده ارسال ایلد یکل
یره کیده رم دیوب ینه زندانه کتوردیلر زهر جیع اعضا سنه
سرایت ایلدی اندنصکره ایدروب ینه قیوب کتدیلر حضرت
امامک مبارک جگری پاره پاره اولوب موتی حس ایلد کده
سجده یه واروب ساجدا تسلیم روح ایلدیلر رحمة الله علیه

وفاتلری رجب شریفده یوزاللی سنه سنده سن شریفلری تمام
یتشه بالغ اولمشیدی حسن بن عمار نمازن قیلدیلر و جسد
شریفلرین بغدادک باب خراسان دیمکله معروف قپوسندن
چقاردیلر منادیلر ندا ایدوب اولقدر ازدحام اولدیکه قلعه
قپوسندن عظیم زحمتله چقاردیلر و صلوة جنازه سنده حاضر
اولنلر الی ینک ادمدن زیاده ایدی ضعی وقتنده جنازه سن
حاضر ایدوب کثرت ناسدن قلعه قپوسندن چقوب نمازین ادا
ایدنجه یه دلک بعد العصر اخشامه قریب دفن ایلدیلر و منصور
خلیفه کلوب بعد الدفن قبری اوزرنده نمازین ادا ایلدی
(و ثقافتدن مرویدر که بکرمی کونه دلک اطرافندن ناس کلوب گروه
گروه قبری اوزره نمازین قیلدیلر فاعتمروا یا اولی الالباب حضرت
امام اعظم و همما اقدام که علومده بحر البحار و مجری الابار
عمده علمای کاملین و قدوة ورثه علوم الانبیاء و المرسلین ایکن
تقلید قضادن ابا ایدوب بوقدر جور واذیته تحمل ایلدی
زمانم زده عین و یسارین فرقه قادرا ولیوب علم و معرفتدن بیخبر
اولان جهله ناس مسند نشین سجادة شرع مبین اولوب اجرای
احکام دین محمدی ادعا سنده اولنلر صاحب شرع مطهر دن حیا
ایتزلر بلکه اکثری بذل اموال ایدوب رشوتله قاضی اولورلر
و حکماری نافذ اولد یغین دخی بیلوب مجرد جلب مال ایچون
قاضی اولوب احکام شرعیه بی الحقه ایله بیع و حقوق عبادینلرنده
مباح مشابه سنده اولوب اموال ایتام وضعفا و سائر عباد مسلمین
و کافرین و یهود و نصارادن بغیر حق اکل و باع ایدرلر اعاذنا الله
من شرهم) فصل ثامن حضرت امامک علم باطن ایله اتصافی

ذکر کرده در) شقیق بلخی رحمة الله علیه حضرت تارندن نقل
اولندیکه حضرت امام ابراهیم بن ادهم رحمة الله علیه
حضرت تارینه بیوردیلرکه یا بن ادهم عبادتدن افعال صالحه به
موفق اولدک اکن علم شریفه دخی اشتغال ایلاک علم رأس
عبادتدر وقوامی علم ایله دردوب احوال سلو کدن دقیق و عمیق
نسنه لری بیان ایلدیلرکه علم باطنده کمالی اولین کسنه واقف اولمز
و بکار متصوفه دن عازم رحمة الله علیه نقل ایلدیکه امامدن
زهد و عبادت و یقین و توکادن سؤال ایلدم هر بری علی حده
بیان ایدوب بر برندن تمیز ایلیوب بروجهله بیان ایلدیکه علم
باطننه کمالی نمایاندر (منقولدر که ابتدای حالنده خلقدن عزلت
و مسند نشین خلوت اولوب خلقدن رو کردان و قبله
حقیقیه به توجه ایدوب عبادات و طاعات اوزره اولدیلر بر کعبه
واقعده سنده روضه مطهره و مرقد منوره خاتم الانبیاء علیه اکل
التحیة و الثناء حضرت تارینی قازوب کوکارینی چقار بر و واقعده
ابن سیرین حضرت تارینه تعبیر ایتدردی ابن سیرین بو واقعده سنک
دکادر بوتک صاحبی ابوحنیفه دریدی امام حضرت تار
ابوحنیفه بنم دیدکده اسبابکی چقار کوره یم دیدی کتفی
اره سنده بر سیاه خالی و ارایدی کوردکده صدقت دیوب سن
اول کسنه سنکه رسول اکرم صلی الله علیه وسلم حضرت تار
یخرج من امتی رجل یقال له ابوحنیفه بین کتفیه خال یحیی
الله دینه علی بدیه بیوردیلر پس امدی عزاتی ترک ایدوب ناسله
مخالطه و نشر علمه شروع ایله دین مبین و سنه سنیه سید المرسلین
علیه افضل التحیة و التسلیم ده سعی و اجتهاد موفور و روز شب

بذل مقدور ایله دیونصیحت ایلدی امام حضرت تارینی دخی عزاتی
ترک ایدوب خلقه نشر علوم و افاده منطوق و مفهوم و سائلین
و مستفیدینه جواب و فتوا ایله اوقات کذار اولدی و مشایخ
عظامدن چوق کسنه لره ملاقی اولوب انقاس طیبه لرندن
استفاضه فیوضات باطنه ایلدی و مشاهیر اولیاء الله دن فضیل
بن عیاض و ابراهیم بن ادهم و بشر حافی و داود طائی قدس الله
اسرارهم جمله سی امام حضرت تارندن استفادة علوم ایدوب مجلس
درس لرینه چوق زمان ملازمت ایلدیلر پس بوندن ظاهر اولدیکه
امام حضرت تارینی علم ظاهرده کامل اولدیغی کبی علم باطنده
وسلو کده و اورادده دخی کامل اولدیغی ظاهر در رحمة الله علیه
(فصل ناسع امام حقه کوریلن رؤیا لر ذکر کرده در شیخ علی
ابن الحلافی نقل ایلدیکه بر وقتده شامده ایدم حضرت بلال
حبشی رضی الله عنه حضرت تارینه زیارت ایچون مرقدینه
واروب اداب زیارتی ادا دنصکره مبارک باشلری طرفنده
او توررکن خوابه واردم عالم رؤیاده کوردم که مکة مکرمه به
وارمشم باب شبیه دن رسول اکرم صلی الله علیه وسلم حضرت تار
کلدیلر و معصوم اوشاق کبی بر اختیار ادمی قوجاغنده طوتمشالر
تعجب ایدوب بو کیم اوله که عنده رسول الله بو قدر قدر و مرتبه سی
اوله دیوتفکر ایدرک رسول الله صلی الله علیه وسلم حضرت تارینک
مبارک ایقلرینه یوز سوردم تعجب ایلدیکم ییلوب بو کسنه
مذهبنده اولدیغک ابوحنیفه دریدی محمود بغدادی که اولیا
الله دن زمره ابدالان دن معدود ایدی نقل ایلدیکه واقعده امام
محمدی کوردم سؤال ایلدیم که الله عظیم الشان سکان نه معامله

ایلدی یوردیلر که سنک جوفکی علمه ایلدیم سکا عذاب ایتمک
 مراد ایلیم علم ویرمزدیم دیوب اطف ایله معامله ایلدی امام
 ابی یوسف نیجه در دیدم بندن عالیدر دیدی امام ابوحنیفه به
 نه معامله اولندی دیدم اول اعلائی علین ده در دیدی ابوالنجیب
 همدانی پدرندن نقل ایدر که واقعه کوردم اوچ یلدز کوکدن
 یرده وشدی امام حضرت تلی وفات ایلدی لمسر صکره سفیان
 نوری حضرت تلی رحلت یوردیلر محمد بن مقاتل حضرت تلی نه
 نقل ایلدیم علمانجوم الارض اولدیغی انکاری اولور دیدی
 نوفل بن حبان رحمة الله علیه دن نقل اولندی که امام اعظم
 حضرت تلی وفات ایلد که نصکره واقعه کوردم که قیامت
 قویش خلق حسابگاهه جمع اولمشار حضرت سید العرصات
 وشفیع العصاة صلی الله علیه وسلم حضرت تلی بر حوض کارنده
 اوتورمشار عین وپسارنده هیبت ووقار صاحبی مشایخ عظام
 طورمشار و امام حضرت تلی قارشو سنده ادا بله طورمش سلام
 ویردم و حوضندن بر کاسه صوطلب ایلدیم رسول اکرم صلی الله
 علیه وسلم حضرت تلی اجازت ویرمدی که ویرم دیدیلر رسول
 اکرم صلی الله علیه وسلم حضرت تلی ویردیو امر یوردیلر اولدخی
 بر جام طولدر ویردی الوب ایچدم ویا نلرنده اولان کیمدر
 دیوسوال ایلدیم بری حضرت ابراهیم صلوات الله علی نبینا وعلیه
 دیدی وبری حضرت ابی بکر الصدیق رضی الله عنه در امام
 حضرت تلی قارشولرنده طورمشار ایدی ویحی بن معاذ رازی
 رحمة الله علیه دن نقل اولندی که واقعه ده رسول اکرم صلی الله
 علیه وسلم حضرت تلی کوردم یا رسول الله سزی نه یرده طالب

ایده یم دیدکده علم ابوحنیفه ده طلب ایله یوردیلر خوابدن
 بیدار اولوب کندیمی بر فرح ایچره بولدم که تعبیر ایده یم دیدی
 و مناقب امام رضی الله عنه تحریر اولنسه بر قاج مجلد اولور
 تبرکاتو قدر ایلها کتفا اولندی رحمة الله علیه رحمة واسعة (فصل
 عاشر امام حضرت تلیک مشاهیر علما وائمة فقهان اولان
 تلامیذی اسامیلری ذکر نده در) معلوم اوله که امام
 حضرت تلیک تلامیذی لایعد ولا یحصا در مشاهیر ائمه دن
 اولوب رتبه اجتهاده قدم رسیده اولان ائمه مجتهدیندن برینک
 مجلسنده بو قدر علمای اعلام جمع اولامشدر والا امام ابویوسف
 و محمد بن حسن و زفر و حسن ابن زیاد و وکیع و عبد الله بن مبارک
 و بشر بن غیاث المرسی و عافیة بن یزید و داود طائی و یوسف بن
 خالد و مالک بن مغون البجلی و نوح بن مریم و غیریلری و بو ذکر
 اولتان علمای اعلام و ائمه کرامک بعض مسئله ده امام
 حضرت تلی نه مخالف تلمذشین لازم کلز بلکه شوکت و شانی و سائر
 ائمه اوزره رجحانی زیاده ظاهر و نمایان اولور که عالمک رتبه علمی
 تلامیذندن معلوم اولور رحمة الله علیهم اجمعین (التذکره
 الثالثة والثلاثون تلامذة امام اعظم حضرت تلیندن مجتهد اولندر
 ذکر نده در) قدوة فقهائ عظام عمدة علمای اعلام پیشوای ائمه
 کرام ابویوسف یعقوب بن ابراهیم بن حبیب بن سعید بن ختم
 الانصاری ابتدا شرف اسلام ایله مشرف اولان جدی سعد در
 سعادت نصرت رسول الله صلی الله علیه وسلم ایله مستعد
 اولمشدر و یوم احده مدینه منوره ک عسکری رسول اکرم
 صلی الله علیه وسلم حضرت تلی نه عرض اولند قدده مشارالیه

سعد حضرت تری دخی سلاح قوشانوب عسکر ایله معا چقمشدی
 رسول اکرم صلی الله علیه وسلم حضرت تری کورد کده صبی در
 جنگ احوالی بلزدیو کیر و دوندر دیر بعد زمان غزاه مسلمان ایله
 غزایه کلوب کوفه فتح اولند قدده انده اقامت ایدوب الی ان یموت
 انده قالدی و رسول اکرم صلی الله علیه وسلم باشنه مبارک الیه
 مسح ایلدیلر ایدی اول سبیدن وقت وفاته دله باشی یغلمش
 کبی پارلردی و امام ابو یوسف حضرت تری کوفه ده یوزاون اوچده
 تولد ایلدی بعده بغداد ده توطن ایدوب انده ساکن اولدی
 حضرت امام اعظم ابو حنیفه رحمه الله علیه دن اخذ علوم
 ایدوب مدته مدیده مجلس شریف لینه ملازمت ایدوب مشاهیر
 علمادن اولدی و خلفای بنی عباسدن موسی الهادی بغدادده
 قاضی نصب ایلدی بعده هارون رشید خلیفه اولوب اولدخی
 قاضی ایلدی اسلامده ابتدا قاضی القضاة بونلره اطلاق
 اولندی بشر بن اسحاق دن نقل اولندیکه امام ابو یوسف
 حضرت تریله هم صحبت ایدم اون یدی سنه نشر علوم و فنون
 فتوی ایله اوقات گذار اولوب لکن قلت حال و عسرت تعیش اوزره
 اولوب فقر و فاقه یه صبر و تحمل ایدر ایدی بعده بغدادده قاضی
 اولوب اون یدی سنه دنیا اولقدر اقبال ایلدیکه مالینک حسابی
 بیاز اولدی اون یدی سنه تمام اولد قدده الله اعلم ظن غالب اولدرکه
 اجلم قریب اولدی دیدی برای مرورند نکره وفات ایلدی یوز
 سکسان ابکی سنه سنه ربيع الاولده واصل رجة رحمان
 و داخل روضه جنان اولدی رحمه الله علیه منقولدرکه شیخ
 معروف کرخی قدس سره حضرت تری بر مانع سببیه صلوٰه

جناره سنه حاضر اوله میوب غایتله تأسف ایلدی اصحابندن
 بعضی قاضی اولوب عمال سلاطین اولدیغنه تأسف و تعرض
 ایلد **کده** پیوردیلر که برکیجه واقعه ده چنته کیردم کوردم
 برکوشن اولقدر مزین که عقللر حیران قالور حوریلر کندولرین
 ترین ایدوب منظر لردن بقا و لر عجبا بونک صاحبی کیم اوله دیوفکره
 واردم ولدانک بری ابو یوسف کدر طریق علمده زحمت و تعبیه صبر
 ایدوب خلوص ایله جدوسی ایلدیکچون حق تعالی بو کوشکی
 و بونعمتی احسان ایلدی دیدی امام عبد الحمید خوارزمی امام
 ابو یوسف دن نقل ایدرکه طلب حدیث نبوی و علوم فقه ایچون
 مجلس امام اعظمه حاضر اولوردم اما طاماز زیاده قلت اوزره
 ایدی پدرم کلوب مجلس امامده بنی بولوب و بکا ای اوغول
 سن بوکسنه ایله دائم مجلس اولوب دیکلک نیجه اولور انک اتکی
 پشمش و جمیع حوائجی کورلمش بر قوت بومیه به محتاج زوری
 وار معاشمزه مدار اوله حق بر صنعت بول دیوب مجلس امامدن
 بنی قالدردی بر قاج کون مجلس امامه واردم امام حضرت تری
 بنی حلقه مجلسده کور میوب ادم **کده** و ندرمش بنی حضوره
 کتورد کده مجلسه کلز سن دیدی قلت معاشدن عسرت اوزره
 اولدیغیم اجملدن امر معاش قیدنده یم دیدم سائر شاگردلری
 کیدوب تنها قالد قدده یوز درهم و یروب بونی معاشکه صرف
 ایله حلقه مجلسی ترک ایله واجقه فالینجه ینه بکا خبر ویر دیدی
 بندخی خلوص ایله تحصیل علمه شروع ایدوب مجلس شریف لردن
 بر آن منفک اولدم واجقه قالدیغی وقتده خبر ویر مکسزین
 ینه یوز درهم ویرردی انی معاشمه صرف ایدردم الحمد لله بوقدر

تحصیل علم ایلدم علی بن جعفر بن امام حبلی نقل ایلدیکه امام
ابویوسف حضرت تارندن استماع ایلدم پیوردیلر که پدرم وفات
ایلد کده صبی ایدم والدیم بنی بر قصاره شا کرد و پردی بن قصاری
ترک ایدوب مجلس امامه حاضر اولوردم براز مدت مرورند نصکره
والدم امام حضرت تارینه کلوب صبیگانک سندن غیری استادی
یوق نفقه سنی و پردیدی امام حضرت تارلی صبرایله که اوغلاک فستق
یاغیله فالوزج اکل ایتکی اوکره نورلردید یلو والدیم بوشیخ عقی
کتش دیوب غضبیه دونوب کتدی بعد زمان بغداده قاضی
اولدم بر کون خلیفه ایله طعام برکن دهن فستق ایله طبع اولمش
فالوزج کتوردیلر اکل ایدرکن امامک کلامی خاطریمه کلدی
تبسم ایلدم خلیفه سببندن سوال ایلدی بندخی ماجرای نقل
ایلدم خلیفه پیوردیلر که علم صاحبی دیناده و اخرتده عزیز ایدر
دیوب حضرت امامک روحنه دعا ایلدی و امام عین قلب ایله نظر
ایدوب غیریلرک عین رأس ایله کورمدیکن کوررلر ایش دیدی
و شجاع بن محمد نقل ایدرکه امام یوسف حضرت تارلی پیوردیلر که
پدرم وفات ایلد کده جنازه سنه حاضر اولوب جیرانه
سپارش ایدوب بن مجلس امامه کتدم اول کونک درستی ترک
ایلدم بشر بن ولیددن مفتولدر که بنم عیالم ابویوسف رحمه الله
علیهک عیالیه اشنا اولوب حرمه داخل اولورلردی نقل ایلدیلر که
ابتدا طلمز قلمت اوزره اولوب زیاده ضرورتی وار ایدی و زوجم
ابویوسف مجلس امام اعظم حضرت تارینه ملازم اولوب لیل و نهار
بران منفک اولمز و هفته ده بر کبجه خانه سنه انجیق کاوردی بر کون
واروب امام حضرت تارینه قلمت معاشندن شکایت ایلدم بکا

نصیحت ایدوب بو وقت قلمت یقین زمانده زائل اولور صبرایله
انشاء الله قریبا اولوب نعمت دنیایی حق تعالی اضعاف مضاعف
اولقدر احسان ایدر که حسابیه کلمز پیوردیلر مدت قلیله مرورنده
جناب کبریا هم عزت و پردی و هم اولقدر دولت و پردیکه اصلا
خاطره کلمزدی بر کون زوجم ابویوسف حضرت تارینه سوال
ایلدم که تقدیر ماله مالکسن پیوردیلر که حساب بن بلم انجیق دیدی یوز
قاطرم واردر که جمله سنکر کابلری التوندرو اوچیوز رختی
مکمل اتم واردر غیری مالک حسابی معلوم د کادر دیدی طلحه
بن محمد بن جعفر حضرت تارندن روایت اولندیکه امام ابویوسف
عمله مشهور ایدی فضیلت و کمالی شهرتندن زیاده و اصحاب امام
اعظمک جمله سندن فاضل و فقه اهل عصری ایدی مذهب
حنیفه اوزره اصول فقهی ابتدا ابویوسف وضع ایلدی و املاء
مسائلی انلر وضع ایلدی قاسم بن زریق پیوردیلر که ابویوسف
غایتله تحیف و صغیر الجمله ایدی فراشده یا تند قدده ایچنده ادم یوق
ظن اولنوردی مباحثه علم ایلسه لر عقول متحیر اولوردی
جناب کبریا جلمت عظمتده دلسه علمی جوف طیره وضع
ایدرلردی بشر بن ابی الولید روایت ایدر که ابویوسف رحمه الله
علیه حضرت تارلی نقل ایلدیلر بر کبجه قبوی دق ایلدیلر طشره
چقدم کوردم خلیفه نک حاجی خزیمه درسری بوساعت خلیفه
استردیدی نیچون استردیدم سبب بلم دیدی خادم مسرور طشره
چقدی بکا امر ایلدیکه امام حضرت تارینی خلیفه استر بوساعت
کتوردیدی بن دخی غسل ایدوب اسبابی کیدم و سرای اماره به
واروب مجلس خلیفه به داخل اولدم عیسی بن جعفر خلیفه نک

عندنده طور رسام ویردم رد سلا من نصیره لطف
معامله ایدوب بی وقت سزه ثقلت ویردک معذور اوله عیسایک
بر جاریه سی وار بکا بیخ ایله دیدم ایتدی دیدی بندخی
جاریه نک تقد رقیمتی اوله که سز لردن دریغ ایده دیدم عیسی ایتدی
حاشا خلیفه دن دریغ ایدم لکن عین ایدرمکه بیع اتم وهبه اتم
خلیفه مساع شرعی وار میدرکه بر چاره ایده سز بن ایتدم
یا عیسی جاریه نک نصفی هبه ایله دیدم اولدخی هبه ایلدی
ونصفی بیع ایلدی خلیفه یا یعقوب جاریه به اولقدر تعشقم
واردرکه بو کیجه فراشه المزسم بروجهله صبره طاقتم یوقدر اکا
دخی بر چاره ایله دیو الحاح ایلدی جاریه بی اعتاق ایله دیدم اول
ساعت اعتاق ایلدی بکرمی بیک التون مهر ایله نکاح ایلدم
وحر اولان خاتونده استبر لازم دکادر دیدم خلیفه امر ایدوب
بر قاج ثیاب فاخره ایله ایکیموز بیک آنچه کتور بکا ویردیلر
جاریه دخی نکاح نک نصفی بکا هبه ایلدی وعذر ایدوب
نصفی بعض حوایجه صرف ایتسم کرک یوخسه جله سنی اعطا
ایدردم دیدی و امام ابو یوسف دخی بیک درهمی بشره اعطا
ایلدی باقیسنی کو توروب خانه سنه کادی (رواة ثقات ایله)
مرویدرکه هارون رشید اکبرن اهل جنت دکاسم زوجم زیاده
بندن بوش اولسون دیو شرط ایلدی (بعده) نادم اولوب وقتنده
اولان مشاهیر علمایی جمع ایدوب و بو کلامی عرض ایلدی بر فرد
جوابه قادر اولمیوب عشرة مبشره دن غیری کسه به اهل
جنت در دیو حکم اولمز دیدیلر هارون رشید اضطراره دوشوب
بر چاره ایدک دیو رجال دولتنده اولنله تقاضا ایلدی انلردخی

تجسس ایدوب زیاده اهتمام ایلدیلر بر کسنه خبر ویردیلر که امام
اعظم حضرت تلمیذک تلامیذ ندن بر جوان وارد رانی حضور
خلیفه به کتور دوب استفتا ایدک اول جواب ویردیو امام
یوسف حضرت تلمیذی خبر ویردیلر دعوت ایدوب حضور خلیفه به
احضار ایلدیلر خلیفه سؤال ایلدکده حق علمه رعایت ایدک
اندن سؤال ایلک سز سر بر اوزره او توروب سز بن ایاغ اوزره طوروب
نیجه جواب ویریم دیدی خلیفه اعزازوا کرام ایله سر بر اوزره
اجلاس ایلدیلر خلیفه دن سؤال ایلدیکه بر کاه اشلکه شروع
ایدوب اول کگاهی ایتکه بر مانع و مضاحم اولمیوب درونکه
خوف الله عارض اولوب اول کگاهدن نفسکی منع ایلدیکک
وار میدر دیدی هارون بر از تفکر ایدوب بلی بروقتده زیاده نک
بر جاریه سنه تعشق ایدوب مترصد فرصت ایدم بر کون بر تنها
موضعده بولوب فعل شنیهه شروع ایتشمکن زنا اولدیغی
خاطریه کلوب اللهدن خوف و حیاء نفسی منع ایلدم دیدی
امام یوسف ایتدی سکامر زده اولسون اهل جنت سین و طلاق
دخی واقع اولمز دیدکده حاضر اولان علما بو کلامه دلیل نه
در دیدکده اعوذ بالله (وامامن خاف مقام ربه ونهی النفس عن
الهوی فان الجنة هی المأوی) آیت کریمه سن قراءت ایلدی
مجلسده اولنلر سکوت ایدوب بر کسنه معارضه ایلدی هارون
زیاده مسرور اولوب بغداده قاضی ایلدیلر و دخی نه حاجتک
وارایسه سوبله قضا ایدم دیدی امام ابو یوسف ایتدا طالب ایکن
والدم طلب علمدن بنی منع ایدردی بندخی صبر ایله انشاء الله
تعالی بنم علم سکا خلیفه ایچون طبع اولمش شکر دن حلوا

خلیفه نك التون طبقی اوزرنده قیوب پدرم دیرایدم وجوارمده
بریهودی وارد بر کنیف بنا ایدوب خانه نك طریق ضیق
ایلدی منع مراد ایلدکده خلیفه نك تخت روانی اوزرینه
بنوب **ک**لایکک وقتده یوله صغمرسین اول زمان هدم
ایده یم دیوبنی استنزا ایدردی دیرمکه بنی تخت روان خلیفه ایله
کوندوره سزدیدی خلیفه امر ایلدی کنیدی تخت روانی حاضر
ایدوب اماخی بندردیلر و خدم و حشم اوکنجه یوریوب اول
یهودینک کنفی کچمکه مانع اولمغله اول ساعت یقیدیلر و اول خدم
حشم یوریوب خانه سنه کتوردیلر و والده سنک یاتنده او توررکن
پادشاه طرفندن خادم کلوب التون طبقی اوزرنده سکری حلوا
ویاتنده بیک التون زیاده الحمد لله علمک شرفیدردیدی (روایت)
اولندیکه هارون رشید ایله حج شریفه کیدرکن برکون ابویوسف
حضرتلر بنی تخت روانه الوب ایکسی معا او توررلردی ابویوسف
تو کوردی روز کار برزاقندن بر مقداری خلیفه نك افسکنه
دوشوردی خلیفه ایتدی سن کیان ایله او توررسن ییلور میسین
دیوب آل هاشمدن اولدیغنی اعلام ایلدی ابویوسف ایتدی
سنک فخرک نسب ایله ایسه درجه ده شمدی سنکه بشپوزادم
بولنور مملکتده بنم کبی عالم بردخی بول دیدی خلیفه سکوت
ایدوب اندنصکره نولیدی بر حال اولیدم عالم اولیدم عزت قدر
وقت انجق علمه ایمش دیدی و مکه مکرمه یه وارد قدده ابویوسف
حضرتلری امام اولوب ایکی رکعت نماز قیلد قدده سلام و بروب
یا اهل مکه اتوصلواتکم فانامسافر دیدی همان اهل مکه دن
بری اول مسئله ده برستمدن وسکا تعلیم علم ایدنلردن اعلمز

دیدي ابویوسف اگر عالم اولیدک نماز ایچنده تکلم ایدوب صلواتک
فاسد ایتزدک دیدکده اول کسنه جوابه قادر اوله میوب سکوت
ایلدی هارون رشید زیاده زیاده صفا ایدوب بومتعصب عربی
الزام ایتد بکک ایچون مملکتک نصفنی ویرسم عوضی دکادر دیوب
خلعت فاخره الباس ایلدی امام غزنوی رحمة الله علیه
پیوردیلرکه امام ابویوسف رحمة الله علیه تفسیر شریف و حدیث
اییات عرب و سائر علوم ادیبه بی کمالیله حفظ ایتشدی اقل علمی
فقه شریف ایدی امام حنبلی رحمة الله علیه نقل ایدرکه ابویوسف
پیوردیلرکه رؤس نعمت اوچدر نعمت اسلام نعمت عافیت
نعمت غنا و معاش دنیا و نلر ایله اولور دیدی ینه امام ابویوسف
حضرتلرندن نقل اولندیکه علم فقهه مالک اوله من الاشول کسنه
مالک اولورکه انده هم دنیا و آخرت اولیه محمد بن سماعه دن نقل
اولندیکه امام یوسف قاضی اولد قد نصکره کونده یوز رکعت
نماز قیلاردی بشر بن قاسم دن روایت اولندیکه امام یوسف
پیوردیلر **ک**ه فرائض و مسائل حیضی امام حضرتلرندن
بر مجلسده اخذ ایلدم و نحوی بر رجل حاذق دن بر مجلسده اخذ
ایلدم و امر دینده زیاده تعظیم اوزره ایدی اللرین قالدرمزدی
دعا ایتدیکی وقتده اسبابی التمدن ادایله قالدرردی و رجب
و شعبان آیلرین اوروچ طوتاردی بر امر منهی کوردکده منعنده
زیاده اهتمام ایدردی محمد بن فضل روایت ایدرکه ایکی کسنه
برجار به بازار ایدرلردی بریسی دیدیکه سنکه بنم مثل له تسع
وتسعون نجمة ولی نجمة واحدة کیدر ابویوسف حضرتلری
استماع ایدوب همان لونی متغیر اولدی و اول کسنه به الله دن

خوف ایتمیزدین حق تعالیٰ کلامی کند دی کلامکز کبی
تکلم ایدرسر قاری قرآن اولانک اوزرینه لازمدر که خشوع
ایله وورع و هیبتله قرات ایلیه سنک عقلک ضایع اولمش کبی
دیوتعزیر ایلدی ابواسحاق رازیدن منقولدر که امام یوسفدن
سَمَوَال اواندیکه التون و کش استعمالی جائزد کلدردیرسر
نیچون استعمال ایدرسر که راکب اولدیغکزات وقاطرلرک
رکابلی التوندر جواب ویردیله که انی تکبر وتلذذ ایچون اتم
ناسک من خرفات دنیایه حرصلی معلومدر بنی اول احتشامله
کورد کارنده بویر خبازک اوغلی ایکن بو قدر عزت واحتشام
علمک سببیدر دیوناس علمه رغبت ایلسونلر ایچون ایده رم دیر
ایدی وابتدا قاضی القضاة بونلره اطلاق اولندی و علمانک لباسنی
سائر ناسدن تمیز ایدوب فی زمانه اولان اسلوب اوزره انلر وضع
ایلدیلر وابتدا مسائل اصول فقهی بونلر وضع ایلدی ونشر
علومه سبب اولدیله و ابو یوسف اولسه امام ابو حنیفه
حضر تلیرنک مذهبی و علمی بو قدر شهرت بولمزدی و ابو یوسفدن
منقولدر که بنم امام حضر تلیرنه مخالف کور بن اقوال ینه
کندیله ک قولیدر ابتدا ول قولی دیوب صکره قول اخری ترجیح
ایند کاری قولاری دیرلردی و خلیفه هارون الرشید ابو یوسف
حضر تلیرنه اولقدر اکرام واحترام ایدردیکه قاطری ایله سرای
اماره یه داخل اولوب خلیفه آتیدن اندیک یرده اینردی
و خدمه خلیفه قولتوغندن توقیر واحترام واعزاز واکرام ایله
خلیفه نک حضور ینه کتوررلردی و خلیفه قیام ایدوب صدر
مجلسه اجلاس ایدردی منقولدر که بر ماده به شهادت ایچون

خلیفه بوابلرندن بریسی شهادته کادی امام قبول ایتمیوب رد
ایلدی بواب خلیفه یه شکایت ایتمکله ابو یوسفدن عدم قبولنی
استغسار ایلدی امام ابو یوسف جواب یوردیلر که اول بوابدن
استماع ایلمد مکه بن خلیفه نک عبدیم دیدی اگر بو کلامه صادق
ایسه رق در شهادتی جائزد کلدرا اگر کاذب در ینه جائز کلدرا
خلیفه ایتمدی بندخی شهادت ایتمسم طوتمیزدین امام طوتم
زیر اتارک جماعتسین دیدی خلیفه سرای ایچنده بر جامع بنا
ایدوب اذن عام ایلدی و کندیلر دخی اول جامعه جماعتله
اوقات خسه بی ادا ایدرلردی قاسم بن حکیم دن منقولدر که
بر وقتده استماع ایلمد مکه ابو یوسف حضر تلی دیرلر ایدی نولیدی
فقرم حالمده وفات ایدیم قضایه تصدی ایتمیدم لکن الحمد
لله تعالی بر فرده جور قصد ایتمدیم وایکی خصم یتنده بر برینه
میل ایتم سلطان ایله اهل سوقی امر شرعه برابر کوردیم دیرلر
ایدی رجه الله علیه (عمده علمای عظام وزیده ائمه کرام عالم
ربانی فرید اوانی و وحید زمانی امام محمد بن حسین بن فرقد
الشیبانی رجه الله علیه) امام اعظم و هم امام اقدم حضر تلیرنک
تلامذه کرام واصحاب عظام مندن درو شیبان نواحی دم مشقه
برقه ریه در پردی انده رحلت ایدوب واسطده نوطن ایلدی
امام محمد اندد تولد ایلدی کوفه ده نشو و نما بولدی خطیب
بغدادی تاریخننده ذکر ایدر که امام محمد خیره دندر و پردی
شام سپاهیلرندن ایدی کوفه ده مشایخ حدیثدن اخذ حدیث
نبوی ایلدی بغداده کلوب چوق کسنه اندن استماع حدیث
ایلدیلر و امام اعظم حضر تلیرندن تعلم علم ایلدی غایه له حسن

الوجه وجميل الصورة ایدی پدری امام اعظم حضرت تلمیذی
 زیارت کلوب امام محمد دخی پدری ایل کلمشدی امام حضرت تلمی
 پدرینه بیوردیلرکه اوغلو کده نجابت علامتی وار تحصیل علمه
 شروع ایتدر انشاء الله تعالی طریق علمده مشار بالبنان
 اولوردیدی پدری دخی بغدادده قیوب مجلس امامه ملازمت
 ایلدی همت امام ایل تحصیل علم ایدوب اعلم زمانی اولدی
 وبغداددن خلیفه هارون رشید ایل خراسان جانبته کیدوب
 شهر ریده یوز سکسان سنه سنده وفات ایلدی سن شریفی
 الی سکهزه بالغ اولمشدی منقولدرکه عبدالله بن سلام
 واقعه سنده کوردیکه شمس وقر کوکدن یره دوشدیلر بر قاج
 کون مرقور ندن صکره امام محمد وکسانی ایکسی دخی یوم
 واحده وفات ایلدیلر و هارون رشید یوری شهری شوم ایمش
 فقه و ادب ایل داخل اولدم خروجده فقهی و ادبی غائب ایلدم
 دیرلر ایدی هشام بن عبدالله دیرلر بر کسنه نک خانه سنده وفات
 ایلدی اندن منقولدرکه محتضر اولدیغی وقتده یاتیده ایدم
 اغلیوب دیر ایدیکه حضور رب العالمینه وارد قده بدن سوال
 ایدوب بغداددن ری شهرینه فی سبیل الله جهاده می کلدک
 یا خود بنم رضای طلب ایده رکی کلدک دید کده نه جواب
 ویریم دیوب تأسف ایدردی امام شافعی رحمه الله علیه
 حضرت تلمیذن منقولدرکه مارأیت عینای مثل محمد بن حسن
 دیرلردی وزمانده انک مثانی بر عورت طوغور مغه قادر دکلدر
 دیرلردی امام محمد حضرت تلمیذن سوال ایلد کده زهد و تقواده
 کتاب تصنیف ایتدیکرمی نم دیدیلر اول وقتده احکام نام کتابی

تصنیف ایلدیلر ایدی زهد و ورعه تصنیف ایتدیلر در و کندیلردن
 الحاح ایتدیلرکه جمیع مصنعاتی فهرست ایلیمه اولدخی فهرست
 ایدوب جله سی بیکه بالغ اولدی وینه امام شافعی دن منقولدرکه
 بر کسنه نک علمده و اسباب دنیویه ده بنم اوزر یمه منعی یوقدر
 انجیق امام محمد واردر بر وقتده عراقده دینم ایچون بنی حبس
 ایلدیلر امام محمد حضرت تلمیذیغی ادا ایدوب بنی خلاص ایلدی
 منقولدرکه بروقتده امام شافعی مفلس اولوب قوت یومییه
 محتاج اولدی امام محمد کندی اصحابن دن وغیریدن جمع ایدوب
 یتیم ییک درهم ویردی ایتدخی تلف ایدوب ینه مفلس اولدی
 یوز ییک درهم ینه تدارک ایدوب ویردی انی دخی مدت قلیله ده
 اتلاف ایلدی امام محمد حضرت تلمیذی بیوردیلرکه اگر سنده خیر
 اولیدی سکا ویردیکیم دیرهم کفایت ایدردی شافعی بو کلامی
 استماع ایتد کدن صکره امام محمد اقوالنه مخالفته باشلدی
 و امام محمد اصحابی دخی شافعی نک اقوالنی حجت و دلیل ایلرد
 ایدرلردی و اصحاب حدیث اقوالنه التفات ایتیموب اعتزاله اسناد
 ایدرلردی عراقده بر کسنه التفات ایتدی اندن کیدوب مصره
 واردی و انده فقه دان کسنه یوق ایدی انده شهرت بولدی و امام
 شافعی دن منقولدرکه امام محمد دن اخذ ایلدیکم علوم و مسائل
 یازدم بر دوه یوکی کتاب اولدی اگر امام محمد اولسه علمدن
 برنسنه بکا واصل اولمزدی و جله ناس علمده اهل عراقن عیالیدر
 و اهل عراق ابو حنیفه نک عیالیدر دیرلردی و امام محمد اگر
 عقلی قدر تکلم ایلسه برانک کلامی فهمه قدر نمز یوقدر دیوب
 فضائی معترف اولوب و مارأیت سمینا عاقله غیره قط دیر ایدی

وداعاً علمه مشغول اولوب بر سنه به مقید اولمزدی و عیال
 و تابعه تنبیه ایدوب هر نه لازم اولورسه و کیلدن طلب
 ایدوب بندهن استمیکز فراغ بال ایله شغل ایده بم دیوب امور دنیا دن
 بر سنه به مقید اولمزدی محمد بن سلمه دن منقولدر که کجه بی
 اوج بلوک ایدوب برنده او یوردی و برنده نماز قیلدی و برنده
 مطالعه کتب ایدردی خانه سنده بر خوس و ار ایدی بنی اشغال
 ایدردی بو غازل دیلر و لباسنی چقاروب قومازدی بنی اشغال
 ایدردی و اطرافنه کتابلری قیوب برین الوب نظر
 ایدوب انی قیوب برین دخی الوردی و بن نیجه او یو یایم که
 عیون مسلمان بکا اعتماد ایدوب بزه بر امر عارض اولسه اگا
 عرض ایده رز دیر لر بن او یورسم امر دین خراب اولور دیر ایدی
 و او کنه بر لکن صوقیوب او یقو حرارتدن اولور دیوان چقارر
 دی و کاهجه اول صودن کوده سنه سر پردی محمد بن سلامدن
 نقل اولندی که خلیفه هارون الرشیدک مجلسنده امام محمد
 حضر تلی نه علمی و فهمی و ذکا و طلاق اسان و فصاحتی
 وصف اولنوب کوره بکه طبیعتی میل ایلر می دیدی و امام یوسف
 حضر تلی نه اول کسنه بی کتور کوره می دیدی ابو یوسف خلیفه به
 کتوروب هم مجلس اولورسه انک صحبتنه میل ایده جکنی یلوب
 مجلسکزه کلمکه لیاقتی بو قدر اهل عذر در سلس البوله مبتلی
 اولمغله بریده او تورمغه لیاقتی بو قدر دیدی خلیفه دخی کتور
 کوره می چوق او تورمنسه از او تورسون دیدی ابو یوسف دخی
 امام محمد خلیفه سزی کورمک مراد ایدر لکن سز لر آداب
 ملوک بیامز سز مجلسده چوق او تورمقدن حظ ایتمز بر سزه

اشارت ایلد کده قالی دیوب مجلس خلیفه به وارد قلرنده امام
 محمدک فصاحت کلام و حلاوت لفظندن حظ ایلدی ابو یوسف
 همان اشارت ایدوب قالقوب کتدی خلیفه اکر اولمرض اولسه
 هم مجلس ملوک اولمغه سز احقا که عالم ایش دیو تأسف ایلدی
 و بو احوالی امام محمد حضر تلی نه خبر و یردی لر زیاده متألم
 اولوب اللهم لا تخرجه من الدین احی مبتلی بمانسب بنی البسه دیو
 دعا ایدردی منقولدر که ابو یوسف مجلس خلیفه ده او تور رکن
 قبول اقتضا ایدوب مجلسدن قالقمیوب صبر ایلدی اول وقتده
 مشانه سی چا تلیوب سلس البوله مبتلا اولوب اول مرضدن وفات
 ایلدی هارون الرشید بو احوالی ایلد کده اول وقتده دامننه
 بول ایتدیر دم دیوب تأسف ایلدی و امام محمد حضر تلی ابو
 یوسف حضر تلی نه سلطان ایله اختلاطی اولوب قاضی اولدیغنه
 دخل و تعرض ایدردی ابو یوسف دخی قضایه مبتلا اولدیغنه
 دنیا دن کتمسون دیو دعا ایلدی انلر وفات ایلد کد نصکره
 هارون الرشید امام محمدی قاضی ایلدی الی ای قاضی اولوب
 رحلت ییوردی لر رحمة الله علیهما (قدوة علمای مسلمان و عمده
 فضلائی ائمه مجتهدین عبد الله بن مبارک المروزی امام اعظم
 و هم امام اقدم حضر تلی نه تلامیذینک فضلا سندن و فضلائک
 صلحاسندن ورع و تقوی ایله موصوف و زهد و ولایت ایله
 معروف ایدی قبیله بنی حنظله دن بر کسنه نک مولاسی
 ایدی والده سی خوارزم مدن و پدری اتر اکدن یوزیکرمی ایکمیده
 تولد ایلدی ابتدا حالنده سوال اولند قدده ایتدی که بر کون کندی
 اقرا تم بر قاج کسنه ایله بستانه کتدک انواع میوه دن اولدیغنی

وقتده ایدی آنده او توروب عیش و عشرت و کونا کونا ساز
و آلت لهو موجود ایدی شرب مدام ایدوب برکون اخشامه
دکین و کجه دخی آنده قالدق و بنم دخی طنپوره چالمغه زیاده
حرصم و ارایدی کجه برکوشده او توروب طنپوره چلاردم
و باشم اوزره بر قوش اعجده او تردی المده اولان طنپوره لسان
فصبح ایلہ بو آیت کریمه بی او قودی الم یان للذین امنوا ان تخشع
قلوبهم لذكر الله همان اول ساعت اندامه لرزه دوشدی
طنپوره بی قیروب توبه ایلدم و یا نمده اولنلری ترک ایدوب طلب
علمه شروع ایلدم ابتدا زهدم و توبه و انابت اول وقتده اولدی
دیرایدی اشعث ابن شعبه دن منقولدر که خلیفه هارون
الرشید ایلہ رقه ده ایدک عبدالله بن مبارک رحمه الله علیه آنده
کادی رقه اهل البی استماع ایدوب استقباله نه چقد یلر اولقدر
از دحام اولدی که فالتفت الساق بالساق صحرايه آدم طولدی
هارونک جاریه سی قلعه باروسنده اطرافی سیران ایدردی
کور دیکه شهر دن طشهره چیقان آدمک حدی و حسابی یوق
صحرا ادم ایلہ طولمش سببی سوال ایلدی خراسان دن بر عالم کاپور
اکا استقباله چقد یلر دیدیلر جاریه بوکسنه ملوک کدغیدر
یا خودوز را دغیدر دیدی علمادندر انکچون خلق بو قدر رغبت
ایدردیلر سبحان الله هارون الرشید خلیفه ایکن ناس بو قدر
رغبت و اکرام ایلدی ایدردی ابو اسحق دن نقل اولندی که امر
صحابه عظام رضوان الله علیهم اجمعینک افعال و سیرت لری نه نظر
ایلدم و عبدالله بن مبارک رحمه الله علیه حضرت تلی بنک سیرته
نظر ایلدم جمیع افعالی انلره مطابق ایدی شرف صحبت خاتم

الانبياء علیهم السلام دن غیری فرق یوق دیرلر ایدی ابن وهب
رحمة الله تعالی علیه دن نقل اولندی که برکسته کلوب کوزلرم
اعمی اولدی جناب کبریایه دعا ایلہ کوزلری ینه روشن ایلوب
بو مرضدن خلاص ایلسون دیونیز ایلوب عبدالله دعا
ایلوب حق تعالی دعا سنی قبول ایدوب اول کسنه نک کوزی
ینه روشن اولدی تذکرة الاولیاء نام کتابده مسطوردر که عبد
الله بن مبارک تابعین کرامدن یحیی بن سعد الانصاری و سلیمان
التمیمی و حمید طویل و بونلرک امثالی تابعین حضرت تلی بنه
یتشدی و آنمه دن سفیان و ابن جریر و شعبه ایلہ هم مجاس
اولدی و عبدالله بن مبارک حضرت تلی بیورلر ایدیکه علم بش
نسنه ایلہ اولور ایتدایت ثانیافهم ثالثا عمل رابعا حفظ خامسا
نشر و دایما مجاهد فی سبیل الله اولوب غزادن منفک اولمزدی
جلادت و شجاعت صاحبی ایدی غزاة مسابین ایلہ محاربه
و مقاتله ده حاضر اولوب غنیمت تقسیم اولنورکن غائب اولوب
حصه المیزدی مال الوب انکه متلذذ اولور سم جهاد مده
اخلاص بولنمق خوفنی ایدرم دیدی و عبدالله بن مبارک
حضرت تلی بنک منساقب شریفلری بازلسمه مستقلا بر کتاب اولور
تبرکات بو قدر ایلہ اکتفا اولندی (ائمة مجتهدین و علمای راسخین دن
بری ابو الهذیل زفر بن هذیل بن صباح الکوفی) اصلی
اصفهان دندر کوفه ده قوطن ایلدی و مسائل فقهیه ده تدوین
کتب ایدن ائمه عشره دن بری دخی بودر غایتله متقی ایدی
اصحاب دن منقولدر که مجلسنده دنیا به متعلق نسنه ذکر اولنسه
همان مجلسدن قالقوب کیدردی و بری بریز ایلہ مذاکره ایدوب

احواله نظر ایلد کده حق تعالیٰ نیک غضبی خوفندن هلاک اولور
دیو خوف ایدر دل دیرلردی محمد بن عبد الله الانصاری نقل
ایدر که امام زفر حضرت تلیینه قاضی اول دیو ابرام ایلد یلر
فرار ایدوب برازمدت اختفا ایدوب طشمره چقمقدی برازمدت
مرورنند نصکره عفو ایدوب هر نه محله ایه چقسون دیوندا
ایندیلر اولدخی کندینی اظهار ایدوب آشکاره تدریس ایتکه
باشلدی عبد الله بن ابی رزمه دن منقولدر که برمسئله ده
اختلاف ایدوب ابو یوسفه عرض ایتدی کمزده بجئی اوزادوب
مسئله بی دخی مشککل ایدردی امام زفر حضرت تلیینه عرض
ایلد کده مفید و مختصر جواب و برروب دلیل قاطعه ایلد شهبه
منی حل ایدردی یحیی بن اکثم نقل ایدر که امام زفر دیر ایدیکه
بن امام حضرت تلیینه مخالفته قادر دکام زیر احیاءنده اولسه
بنی دلیل ایلد الزام ایدردی وفاتند نصکره دخی مخالفته قادر دکام
دیرلر ایدی معمر بن حسن مندن سوال ایلد یلر که امام زفر و امام
ابو یوسف امام اعظم حضرت تلیینک عندنده نیجه ایدیلر جواب
ویردیلر که ایکی عصفور بر شاهنک اوکنده نیجه ایه ایلر
دخی اولیل ایدیلر دیر ایدی و میویدر که امام زفر حضرت تلی
کندمد نصکره برنسنه ترک ایتیم که حسابندن خوف ایدم دیرلر
ایدی وفاتند نصکره ترک ایلد یکی مالی تقویم اولنوب اوج درهم
اولدی و حین وفاتنده امام ابو یوسف و غیر یلری علمادن بر قاج
کسنه یا تده بولنوب بروصیت ایلد دید کده بو خانه ده اولان
جمله سی زوجه مکدر اوج یکن درهم دخی واردلر اولدخی قرنداشم
اوغلنکدروبیم بر کسنه ده بر درهم اله جغم یوقدر و بر کسنه یه

ویرجکم دخی یوقدر دیدی و داود طائی حضرت تلی ایلد امام زفر
حضرت تلی عقد مواخات ایتشلردی داود بالکلیه ناسدن
عزالت ایدوب تدریسدن فارغ و دائما عبادته مشغول ایدی امام
زفر ایکی سنی جمع ایدوب هم عبادت و هم استنباط مسائل
و تدریس ایدردی پدری هذیل امرادن اولوب بصره ده والی
ایدی و قرنداشی صباح دخی عمال دن قبیله بنی تمیم ده عامل ایدی
زفر حضرت تلی ایکی سنیکنده یانلرینه واروب رغبت ایتزدی
و قناعت اوزره تعیش ایدردی بصره ده یوز الی سکنده
وفات ایلدی رحمه الله علیه (امام المتقین و پیشوای زاهدین
عمده ائمه المجتهدین) و قدوة علمای عاملین داود طائی السکوفی
اصلی خراساندندر کوفه ده توطن ایلدی امام اعظم و هم امام
اقدام حضرت تلیینک تلامیذ لرندن فضل و صلاح ایلد مشار
بالنسان و علم و کمال ایلد فایق الاقران ایدی عبد الله بن داود دن
سوال ایلد یلر که اصحاب امامک فایق الاقران اولوب جمله سنک
اقدام و اولیسی کیمر جواب ویردیکه ابو یوسف و زفر و داود
و عاقبت الازدی و اسد بن عمرو و علی بن مسهر و یحیی بن زائد
و قاسم بن معنی بونلر زبده اصحاب ایدرلر و کن داود طائی
حضرت تلی وزن اولنسه وجه ارضه اولان علما ایلد فضلا و صلاحا
جمله سنه معادل اولوردی امام حضرت تلیینک اجله اصحابیندن
ابو یوسف و محمد و سایر اصحاب امام برمسئله ده شهبه لری
اولسه داود طائی حضرت تلیینه عرض ایدرلر اولدخی شهبه لرین
حل ایدردی ابی نعیم دن منقولدر که داود رحمه الله علیه ابتدا
اهل عربیه به ملازمت ایدوب تحصیل علوم عربیه و ادبیه ایلوب

اند نصیحه علوم قرآنی تحصیل بعده مجالس مشایخ محدثین
رحمة الله تعالى عليهم اجمعينه ملازمت ايدوب هر برلرینی کمالیه
تحصیل و اول علومده فایق الاقران اولد قد نصیحه امام اعظم
وهمام اقدم رضی الله عنه حضر تلرینک مجلس شریفلرینه ملازم
وفقه شریف تحصیلنه مواظب و مداوم اولوب اصحاب امامان
جله سینه تقدم ایلدی و علمیه عامل و زهد و تقوا ده کامل اولدی
و دائماً عبادت اوزره اولوب بر ساعتی صنایع ایتمزدی
و اتمک بییموب سوییق صوابله ایچردی اتمکی چینه مک ایله وقت
صایع اولور اولقدر وقتده الی آیت قرآن او قورم دیردی
و ناسدن فرار ارسلاندن فرار ایدرکی ایدرم دیر ایدی لیکن
جماعتی و سنتی فوت ایتمزدیرلردی مریدرکه ناسدن عزات
مراد ایدوب نفسی تجربه ایلیم صبر ایده ییلوریم دیو تجربه
ایدردی امام حضر تلرینک مجلسنه مداومت ایدوب حین
مباحثه ده بر کلام سویلاری و قلبندن کابلرینه محبت ایلدیکنی
مشاهده ایتمکله بنی عبادتدن تشویشه دوشورردیو
جله سنی فرات صوبینه اتدی و یاتده بر ورق قویعدی و ناسدن
عزات مراد ایدوب خانه سنک قبوسنی قبا یوب اوطورردی
برکون فضیل بن عیاض حضر تلری زیارتته کادی برار
او توردی داود طائی یوردیلرکه بنم زیارتته کله بنی مشغول
ایدوب عبادته مانع اوله دیدی بروقتده یینه زیارتته کادی
داود حضر تلری قبوی اچدی فضیل قبونک اوکنده
طوروب اغلردی برکسینه نه اغلرسن دیدکده شوخانه نک
صاحبی زیارته کادم بکا قبوی اچدی دیدی اول کسینه ایتدی

اول خانه نک صاحبی غائبدر چوق زماندر کورنمزدیدی حارس
ابن ادريس رحمة الله تعالى علیه برکون داود حضر تلرینه بکا
نصیحت ایله دیدی یوردیلرکه لیل و نهار قوناقلردر ناس برندن
قالقوب برینه قونارلر ناسفرلرینک نهایتنه اوله شورلر و سفرلرینک
اخري بقیندر و سرعتله کیدرلر و نهایتلرینه وارد قده بردخی
کیرویه کلزلرانده لازم اولان ذخیره بوندن کتور ییلورتدارک اوزره
اولکه ذخیره سنر قالوب زجت حکمییه سن دیوب اول مجلسدن
قالقوب کتدی محمد بن سوید الطائی یوردیلرکه بغدادده داودی
کوردمکه امام اعظم حضر تلرینک خانه سنه تعلم علم ایچون
کیدوب کوردی ناسدن عزات ایدوب طشره حقه مدیغی
وقتد نصیحه امام حضر تلرینی کورردمکه داودک خانه سنه
زیارت ایچون کیدوب کوردی منقولدرکه بکرمی دینار میراث
المق اوزره اولدی بکرمی ییل نفقه ایلدی بعضلر دیدیلرکه
سنک ایشارد راسال دکلدر یوردیلرکه بو قدر شیئ امسال
ایتدیکم فراغ باله باعث اولوب دغدغه دن خلاص اولمق
ایچوندرادخارا ایچون دکلدر ابو بکر بن عباس نقل ایدرکه بردفعه
حجره داوده واررب کوردمکه النده برپاره قوری نان طومش
اغلردی سوال ایلدمکه نیچون اغلرسن یوردیلرکه بواتمکی بک
مراد ایده رم هنوز بلام که حلال میدر حرامیدر و ابن حبان نقل
ایلدیکه برکون حجره داوده واروب کوردم بردستی صو کونشده
طورربونی کونشده نیچون قوید یکزدیدم یوردیلرکه بنانی
قوید یغم وقتده کونش یوغیدی شمیدی هوای نفسم ایچون
قالدرمغه حیالیده رم دیدی و برخانه سی و ارایدیکه پدرندن ارثله

اتصال ایلشدی برقاج حجره لری وارایدی حجره نك برنده ساکن
اولوب خراب اولنجیه دك او تورردی اول خراب اولیجی اخر حجره به
کتدی احبابندن بری بو حجره بی تعمیر ایتسك اولمزمی دیدی
دنیاده تعمیر ایتمك جناب کبریا ایلله عهد ایلدم بیوردیلر
منقولدرکه اول حجره لر برر خراب اولدی انجی برده لیز قالدی
اول دهلیزده او تورر لردی آخرته رحلت بیوردقلری کیجه
دهلیزدخی یقلدی احبابندن بعضی خلقله نیچون کورشمز سر
دیدیلر بیوردیلر که اگر کوچک لایله کوریشورسم بکامردیندن
نسبه تعلیم ایتزلر بیول لایله هم صحبت اولسم عیبی بکادیمزل
خلقله کورشمکدن بکانه فائده حاصل اولور منقولدرکه حماد
ابن امام اعظم رحمه الله علیه داودك زیارتیه واروب ضرورتی
مشاهده ایتمکله درت بیك درهم چقاروب اوکنه قویدی
وایتدی که اطیب اموالمدن حضرت امامک میراثیدر اولوب
مالزمه کزه صرف بیورلدیدی داود رحمه الله علیه ایتدی
بن عزت قناعت ایلله تعیش ایتک اوزره جزم ایلدم غیریلدن
الدیغم اولیدی سندن دخی الوردم دیدی مرویدر که امام
ابو یوسف حضرت قلی حماد ایلله معاوارمشیدی حمادك
ویردیکی درت بیك درهم ایدی قبول ایتمینجه امام ابو یوسف
اشارت ایلیموب اوکونه دوکدی داود اصلا التفات ایتیموب
اگر بالکلیه دنیانك التوننی وکشی نثار ایلسك عندمده طپراق
قدر رغبتی یوقدر بیوردیلر حماد و ابو یوسف حضرت قلی اغلیه
رق کتدیلر داود حضرت قلی نك مناقب جیلله لری تحریر
اولسه مستقلا کتاب اولور هجرت نبویه علیه افضل التحیه نك

یوز الشمس بشنده دار بقایه رحلت بیوردیلر رحمه الله علیه رحمه
واسعه (وائمه حنیفه دن بری و کیع بن الجراح بن عدی الرواسی
الکوفی اصلی نیشابورق ریه لوندن برقریه دندر یوز بکر میده
قولد ایلدی هشام بن عروه الا عمشدن و عبد الله بن عون و اوزاعی
و شعبه دن اخذ علوم و اسماع حدیث ایلدی (بعده) امام اعظم
حضرت تارندن و ابو یوسف و زفر دن تلمذ ایلدی عبد الله بن مبارک
و یحیی بن آدم و ابن سعید و احمد بن حنبل و ابو جشمه و بو طبقه ده
بولسان علمادن چوق کسینه و کیع دن قرائت و روایت ایلدیلر
هارون الرشید قاضی ایتک ایچون و کیع و عبد الله بن ادريس
و حفص و اوچنی دعوت ایدوب قضایه تکلیف ایلدکده و کیع
قبول ایتیموب و ابن ادريس دخی امتناع ایلدی حفص قبول
ایدوب قاضی اولدی و امام و کیع حضرت قلی عالم و عابد و متقی
و زاهد ایدی یحیی بن اکتم دن منقولدرکه و کیع ایلله سفرده
و حضرتده چوق زمان هم صحبت اولدم صائم الدهر ایدی و هر کیجه
برختم شریف ایدردی منقولدرکه ثلث قرانی تلاوت ایدوب
اندنصکره برازا ستراحت ایدر ثلث ایلده نه فالقوب ختم شریف
ایدردی و فجر طلوع ایدنجیه دك بعد الختم او تورب استغفار
ایدردی و بیوررلردی که طلب علمده صوم ایلله و حفظده عمل
ایتمکله حفظ ایدره رز محمد بن جریر دن منقولدرکه امام و کیع
حضرت قلی عبادان شهرنده قرق کون مکث ایلدی و قرق
کیجه ده قرق ختم شریف ایلدی و قرق بیك درهم تصدق ایلدی
درت بیك حدیث شریف روایت ایلدی و ابی السائب روایت
ایلدی که و کیع ایلله برقاج سنه بربرده اولدم برنسبه ایچون عین

ایلدی کنی استماع ایلام و تلامیذندن بری سوء حفظ دن
شکایت ایلدی معاصیدن اجتناب ایله دیدیلر اول کسسه دخی
بوقطعه بی انشاء ایلدی (نظم) شکوت الی و کیع سوء حفظی
فارشدنی الی ترک المعاصی * و حفظ العلم فضل من اله * و فضل
الله لایهدی لعاصی) بیوردیلر که قرق سنه د نبری استماع ایلدیکم
احادیث شریفه و مسائل شرعیه بی حفظ ایدوب بری اونتم
زیرا برنسنه بی استماع ایدوب انکاره عمل ایتمدیکم بوقدر
هر نه اولورسه برکه باری عمل ایدرم ابن معین بیوردیلر که
امام و کیع دن احفظ برکسنه کوردم و احمد بن حنبل دن
منقولدر که علمه و حفظده و ورع و تقواده زمانه منده مثالی
کوردم دیرلردی امام دیلمی ملیح بن و کیع دن نقل ایدر که پدرم
حالت نزعنده ایکی اللین چیقاروب اوغل بواللریمی کوردکی
مدت عمرده برنسنه به اوردم دیدی داود بن یحیادن
منقولدر که واقعه ده رسول اکرم صلی الله علیه سلم حضرت تلرینی
کوردم سوال ایلامکه یارسول الله ابدال کیلدر بیوردیلر که
اللرینی بر شینه اورمیاندرو امام و کیع ابدال دندر دیرلردی حج
شریفه کیدوب یوز طقسان سنه سنده رحلت بیوردیلر رحمة الله
علیه ائمه حنفیه دن بری دخی ابو عمر حفص بن غیاث بن طلع
النخعی الکوفی در امام اعظم حضرت تلرندن و ابو یوسف و امام
نوریدن اخذ علوم ایلدی علمای محققین قنده کامل و ورع
و تقواده فرید عصری ایدی هارون الرشید خلافتنده بغدادده
قاضی و احکام شرعیه ده زیاده اهتمام ایدر حکمنده عادل ایدی
هارونک زوجه سی زبیده خاتونک اتباعندن مر زبان نام کسنه بی

دینی سببیلر حبس ایلدی زبیده غضبه کاوب هارونه البتده
یونی قضا دن عزل ایله دیو ابرام ایدوب عزل ایتدردی و برینه امام
یوسف حضرت تلرینی نصب ایلدی بعد زمان کوفه به قاضی ایلدیلر
اون اوج سنه کوفه ده قاضی اولدی و منقولدر که اگر عیالم
اولسه قضای قبول ایتزدم دیرلردی بین الفقهاء روایتی موقوف
و کلامی مقبولدر یوز طقسان درنده دار بقایه رحلت بیوردیلر
رحمة الله علیه (ائمه حنفیه دن بری دخی امام یحیی) زکریان
ابی زائده میمون و فیروز در میمون شرف اسلامه مشرف اولوب
فیروز جاهلیت اوزره قالدی عمرو بن عبد الله کوفینک مولیسیدر
اعمشدن و اسمعیل بن خالد و عییددن استماع احادیث شریفه ایدوب
بعده حضرت امام دن استماع فقه شریف ایدوب عصر نده مشار
بالبنان اولدی بین العلماء مشهوردر که ابن عباس رضی الله عنه
زماننده علم انلره منتهی ایدی بعده زماننده امام نوری حضرت تلرینه
منتهی ایدی بعده کندی وقتنده یحیی بن زکریایه منتهی ایدی
عصر نده جمله دن حدیث نبویه احفظ و فقه شریفه افقه ایدی
غایتله متورع و متقی زهد و صلاحله مشهور ایدی هارون الرشید
مدینه منوره به قاضی ایلدی انده چوق کسنه اخذ حدیث
شریف ایدوب تعلم فقه ایلدیلر برازمدتد نصکره کوفه به کادی
و کوفه ده ابتدا قاضی نصب ایدوب انده قاضی ایکن یوز سکسان
درنده رحلت ایلدی رحمة الله علیه (ائمه حنفیه دن بری دخی
حسن بن) زیاد اللؤلؤی الکوفی در حضرت امام اعظم دن
اخذ علوم ایدوب فرید اقران و مشار بالبنان اولدی جمیع اوقاتنی
علم شریفه صرف ایدوب بروقتنی ضایع ایتزایدی نصر بن یحیی

ثقل ایدر که اوقاتنی تقسیم ایدوب صلوة ضحی بی ادادن صکره وقت
زواله دك مسائل فروغ اوقیدوب وقت زوالده خانه سنه کیدوب
خواجه خانه سنی **ک** وروب صلوة ظهري ادادن صکره وقت
عصره دك واقع اولان مسائله فتوی وروب صلوة عصری
ادادن صکره اخشامه دك اصول فقه مذاکره و مباحثه ایدردی
وصلوة مغربی ادادن صکره خانه سنه کیدوب براز توقف ایدوب
ینه طشره چقار و عشا وقتنه دك مسائل مغلقه مذاکره
ایدردی صلوة عشا بی ادادن صکره ثلث ایله دك حدود و دور و صایا
مسائلنی تذکر ایدردی و بر جاریه سی و ار ایدی طعام کتور دکه
ویا خود ایدست الورکن اکادخی مسائل تقریر ایدردی اول
سبیدن جاریه دخی مسائل کثیره اخذ ایتشدی منقولدر که
بر مسئله ده خطا ایلدی و خطا سنه واقف اولد قده منادی به ندا
ایند یروب فلان کون حسن بر مسئله ده خطا ایلش اول
مسئله بی استفتا ایدن کاسون دیوب اوج کون بر کسنه به فتوی
و برمدی و اول کسنه بی بولد و رب خطا سنی بیان ایلدی و بین
العلماء مشهور در که حسن بن زیاد سؤالا احسن اولوب جوابا
احسن دکل ایدی و امام محمد جوابا احسن و سؤالا دکل امام
یوسف سؤالا و جوابا احسن ایدی و حسن بن زیاد دن منقولدر که
قرق سنه در اسبابی چقار وروب یا قدم دیمش لر در طحاویدن
منقولدر که حسن بن زیاد و حسن و مالک بغداد ده و امام شافعی
منصرد ده اینکیوز در تده وفات ایلدی لر رحمة الله علیهم اجمعین
(التذکره الرابعه والثلاثون امام اعظم حضرت تازندن) اخذ
علوم ایدوب انلردن بره علم واصل اولان علمای عظام و مشایخ

کرام ذکرند در معلوم اوله که امام اعظم حضرت تازندن اخذ
علوم ایدن علمای عظام لایعدولا یحصی در ائمه بلدان و مشایخ
مسلمین که سعی و اجتهاد لر یله استخراج مسائل و تدوین
کتب و نشر علوم ایدن لر یه یوز ذات ستوده سمات اولدیغی
اصحاب توار یخ عندهنده معدود و موثوقدر و جله سی ذکر
اولنسه مستقلا کتاب اولور و اکثرینک اسملری و آثار لر ی مضبوط
اولمغله احوال لر ی معلوم دکلدر و زمانم زده اسامیلری مذکور
و روایت واقوال لر ی کتب معتبره ده مسطور اولنلردن بر قاج
مشایخ عظام ذکر لر یله تبرکات و ینما اکتفا اولندی خدای
ذوالجلال سعی و اجتهاد لر ین مشکور و جله سنی مغفور ایلیمه امین
بجرمة النبی الامین (امام جماد بن امام اعظم) رحمة الله علیهما
غایتله متدین و متورع عابد و زاهد ایدی و فقه شریفک دقایق
و حقایقنه عالم و زمانم اقراتندن ممتاز و اصحاب بدعت و اهل
هوا اوزره تعصب و انکاری زیاده ایدی حجج و دلائل لر ینی منع
و تزییف و دلائل و اخیه ایله اثبات مدعی و الزام خصمه و اوقدر
ماهر ایدیکه اهل بدعت کورد کارنده مباحثه دکل قرشوشنده
طور میوب چقار لر ایدی و کاتبه غایتله سریع القلم و حسن
خطه ده مالک ایدی احادیث شریفه بی کاتبه زیاده حریص اولمغله
چوق حدیث کتابی تحریر ایتشدی رحمة الله علیه (اسم عیال
بن جماد بن امام اعظم) پدری جماد دن و حسن بن زیاد دن اخذ
علوم ایلدی عالم و عابد و متقی و زاهد ایدی بصره به قاضی ایلدی لر
اکثری امر قضاده احکام دقایقه عالم و حکمکنده عادل
و سیاست مدینه ده کامل صالح و متدین ایدی جدی امام اعظم

حضرت تهرندن منقول اولان مسائل اولق اوزره فقهده جامع نام
کتابی تصنیف ایلدی و فرق ضاله دن قدریه طائفه سنی رده
کتابی وارد را یکی وزاون ایکیده دار بقایه رحلت ایلدی رجه الله
علیه (امام یوسف بن خالد) عالم وزاهد و متصلب فی الدین فقیه
کامل ایدی امام اعظم رجه الله علیه حضرت تهرینک قدما
اصحابندن مدت مدیده صحبت امامه ملازمت ایدوب بغداددن
بصره یه کتخت مراد ایلد کده امام اعظم حضرت تهری بروصیت نامه
یازوب ویردی بصره یه واروب انده تمکن ایلدی ناس ایله اختلاط
وامتزاج ایدمه میوب فتوی ویرمکدن کاه عزل اولنوب کاهینه
نصب ایلد یلر امام ابو یوسف حضرت تهری خلیفه هارون الرشید ایله
بصره یه وارد تهرنده امام ابو یوسف زیارتیه واروب اکرام ایتمکین
اهالی بصره امام یوسف رتبه علمی ییلوب تعظیمه باشلد یلر
برازمدتد نصکره ناسدن عزلت ایدوب الی انیموت عبادت
وطاعت اوزره اولدی رجه الله علیه (عافیه بن یزید الکوفی)
امام اعظم حضرت تهرینک ییتده جمله دن زیاده بونلره اکرام ایدردی
وعافیه زیاده فقیه و متفطن ایدی ورأینده مصیب اولغله امام
حضرت تهرینک مجلسند بر مسئله ده اختلاف اولنوب تدقیق
اولنسه امام عافیه انده حاضر اولوب انک دخی رأی اولورسه
یازلسین دیوب یازمغه امر ایدردی اگر حاضر د کاسه بحله ایتمک
عافیه دخی کاسون دیو تأخیر ایتدیرلردی ذهنی سلیم ورأی
مستقیم عالم و کامل و صالح و متقی بر ذات ستوده صفات ایدی
رجه الله علیه (حیسان و مندل ابن علی الکوفی) ایکی سیدخی
شرکت اوزره امام اعظم حضرت تهرندن تحصیل علوم ایلد یلر

وامام اعظم حضرت تهری بونلره سائر تلامیذندن زیاده رغبت
ایدردی و مندل لقبی اولوب اسمی عمرو درلقبی اسمی اوزرینه
غالب اولغله مندل دیمکله شهرت بولمشدی کوفه ده یوزالتمش
یدیده وفات ایلدی و حنین وفاتده قرنداشی حیسان وصیت
ایدوب دینی اوزریکه الوب ادا ایله دید کده حیسان دینی دکل
کناهکی دخی اوزریعه تحمل ایدرم دیدی و حیسان سنا کبیر و مندل
صغیر ایدی لکن رتبه علمی سی زیاده اولغله بین الناس مندل
شهرت بولمشدی رجه الله علیه (علی بن سهر الکوفی) امام
اعظم حضرت تهرینک مجلسلرینه ملازم وائمه فقهان اولوب
وچوق کسنه لراندن تلمذ ایدوب تحصیل علوم ایلد یلر حسن بن
جماددن منقولدرکه حفاظ قرآن عظیم کبی حفاظ فقه شریف
دخی وارددرکه درت کسنه درامام زفر و امام ابو یوسف بن یعقوب
واسد بن عمرو و علی بن سهر رجه الله علیه (قاسم بن معن) بن عبد
الرحمن بن عبد الله بن مسعود اصحاب امام اعظم دن فقه شریفی
کمالیه تحصیل ایدوب ائمه فقهان اولدی بعض کسنه لر سن
ابن مسعود حضرت تهرینک اولادندن ایکن ابو حنیفه یه غلام
اولدک دیو اعتراض ایلد کله رنده ابو حنیفه بر کسنه
درکه اعلا و ادنا مجلسنه وارنلراندن انتفاع ایدر لر دیو جواب
ویرردی و علم فقهده بحر الابحار و علوم عربیه ده بحر الابار
علوم فضائل ایله بین الانام مشار بالبنان ایدی کوفه ده چوق
زمان قاضی اولدی رجه الله علیه (اسد بن عمرو بن عامر)
که امام حضرت تهری تلامیذی ییتده جمله دن زیاده محبت
ایدردی بروقتده خسته اولدی امام اعظم حضرت تهری اخشام

وصباح افادت بولنجیه دل واروب خاطرین سوال ایدردی
 هارون الرشید دل خلافتنده بغدادده وواسطده قاضی اولدی
 برکون امام حضرت تری اصحابنه برمسئله عرض ایلدی
 برکسنه جوابه قادر اولدی اسدا حسن وجهله جواب
 وبردکده امام تلقی بالقبول ایدوب احسنت یافتی دیوتحسین
 ایلدی یوزسکسان طقوزده وفات ایلدی (نوح بن مریم) یزید
 بن جعونه مروزی جامع دیمکله ملقب اولدی حضرت امام
 ابوحنیفه نک فقهنی ابتدای جمع ایلدی انکیچون جامع لقبیه
 ملقب اولدی وبعضار جامع نقایس علوم اولدیغیچون جامع
 دینلدی دیدیلر منقولدرکه مجلس درسنی درت مجلس ایدردی
 بری علم اثر که حدیث نبوی علیه السلام وبری اقاویل
 ابوحنیفه که علم فقه وبری علم عربی وبری شعر عربی ایدی
 جمله سنده فایق الاقران وشار بالبنان ایدی مقاتل بن حبان دن
 وزهریدن روایت ایدردی خلیفه ابو جعفر منصور وقتنده
 مزوره قاضی اولدی یوزیتش اوچده وفات ایلدی رجه الله
 علیه (ابو سلیمان موسی بن سلیمان الجرجانی امام محمد بن حسن
 حضرت تریندن اخذ علم ایلدی انک اصحابه ندر و امام محمد
 کتابلرین روایت اوزره ایدی مأمون خلیفه قاضیلق عرض
 ایلدکده یا امیر المؤمنین امر قضاده حقوق الله رعایت ایده م
 بنم عضیم زیاده در قضایه اهل دکام دیوب ابایلدی سیر صغیر
 و کتاب صلوة مصنفاتند در امام محمد دن و ابو یوسف دن
 و امام اعظم حضرت تریندن نقل ایلشد رکلامی موثوق و کتابلری
 مقبول و مساند (هلال بن یحیی بن سلیم الرازی) امام

ابو یوسف دن و امام زفر دن اخذ علوم ایلدی کثره علوم ایل
 موصوف اولمغله هلالری دیرلردی احکام وقفده و شروطده
 تصنیفی وارد ایکیوز قرق بشده وفات ایلدی رجه الله علیه
 (ابو عبد الله محمد بن سماعة) لیث بن سعد دن و ابو یوسف و محمد
 بن حسن دن اخذ علوم ایلدی و کتب امالیء ابی یوسفی حفظ
 ایدوب روایت ایدردی عند الفقهاء کلامی موثوق و روایتی مقبول
 در غایتله متورع و متقی عابد و زاهد ایدی کونده ایکیوز رکعت
 نماز قیلردی امام ابو یوسف رجه الله علیه حضرت تری نک
 وفاتلرند نصکره بغدادده قاضی ایلدی لر کوزلرینه ضعف عارض
 اولنجیه دل قاضی اولوب بعده عزل اختیار ایلدی سن شریف لری
 یوز او توزه بالغ اولمشدی ینه کسنه معاونت ایتد کسن بن
 اته بنوب ایزدی و جماعت دن قالمیوب ازاله بکره قادر ایدی
 کتاب ادب القاضی و کتاب المحاضرات و السجلات انک تصنیفی در
 منقولدرکه مساندل نوادر جمع اولنوب تدوین اولمسی ابن
 سماعة نک کتاب بنی سبیلدر و ابن سماعة دن منقولدرکه
 قرق سنه در امام ایلده افتتاحی فوت ایتدم دیرلردی ایکیوز او توزه
 اوچده وفات ایلدی رجه الله علیه ابو مطیع الحکم بن عبد الله
 امام ابوحنیفه و ابن عوان و هشام بن حسان و امام مالک بن
 انس دن اخذ علوم ایدوب انلردن روایت ایلدی و امام اعظم
 حضرت تریندن فقه اکبری روایت ایدوب علمای عظام روایتی
 وثیق ایلدی لر بلخده قاضی ایدی یتش یدیده وفات ایلدی رجه
 الله علیه معلوم اوله که ائمه مجتهدین دن اخذ علوم ایدوب نشر علم
 ایدن علمای عظام و فقههای کرام لایعد و لایحصی در بومحله

کتابچه به دل مشاهیر فقهه ابدن تبرکات و تینا بر قاج علمای آن اسماری
 ذکر اولندی رحمة الله عليهم ورضی الله عنهم اجمعین (التذکرة
 الخامسة والثلاثون) علم فقهده تصنیف اولنان کتابلر و مصنفین
 ذکرنده در (معلوم اوله که) علم فقهده تصنیف اولنان کتابلر و اساسی
 مصنفین جمله سی تحریر اولنق خارج طوق بشر در ایادی علماده
 مشهور و متداول اولنلردن بر قاج کتابلر تبرکات ذکر اولندی
 و علمای مجتهدیندن ابتدا تصنیف کتاب ایدن امام محمد رحمة الله
 علیه حضرت تلمیذ و جامع الصغیر نام کتاب ابتدا تصنیف لریدر
 اندن صکره جامع الکبیر و مبسوط و زیادات و سیر کبیر و امالی
 و رقیات و کیسانیات و هارونیات و جرجانیات بونلرک جمله سی امام
 محمد حضرت تلمیذ و علمای فقهها رحمة الله تعالی بو کتابلرک
 حاوی اولدیغی مسائلی تعبیراتلرنده اصطلاح و اتفاق ایدوب
 کتاب مبسوطده اولان مسائل اصلدر و مبسوط و زیادات
 و جامعینده اولنلره روایت اصول دیرلر و جامع صغیر و سیر کبیرده
 اولان مسائل ظاهر الروایه و مشهور الروایه اطلاق اولنور و نوادر
 و جرجانیات و کیسانیات و هارونیات و نیاتده اولنلره غیر ظاهر
 الروایه تعبیر ایدرلر و جرجانیات امام محمدک بلده جرجانده اقامت
 ایلدکاری وقتده جمع ایلدیکی کتابدر و کیسانیات کیسان نام کسنه
 امام محمدک روایت اولنان مسائلی جمع ایدوب کتاب ایلدی
 و اول کتابده اولان مسائل غیر ظاهر الروایه دیرلر امام محمدک
 تصنیفی اولیوب انجق اندن روایت اولندیغیچون و هارونیات
 دخی هارون نام بر کسنه نک جمع ایلدیکی کتابدر و رقیات

بر کسنه رقهده قاضی اولوب انده امام محمددن روایت اولنان
 مسائلی جمع ایلدی و اول کتابه رقیات دیرلر و امالی املانک
 جمعیدر و املا اولدر که بر کسنه سوبلیوب بر آخر کسنه اول
 کلامی کتابت ایلدی اول وقتده علمای آنک تلامیذی مجلسنده دویت
 قلم طوقوب اوستادلرینک کلاملرینی تحریر و جمع ایدوب کتاب
 ایدرلردی اول کتابه امالی دیرلر و کتب معتبره دن املا و نوادر
 ایکسی دخی امام ابو یوسفک در کتاب مبسوط امام شمس الائمة
 سرخسی رحمة الله تعالی علیه حضرت تلمیذ و ترجمه سی
 سبقت ایلدی (کتاب هدایه) و تجنیس و مزید و مناسک حج امام
 ابو الحسن علی بن ابی بکر بن عبد الجلیل برهان الدین المرغینانی
 حضرت تلمیذ و امامک جامع الصغیری ایلد و دیرینک مسائلی جمع
 ایدوب بعده شرح ایدوب سکسان جلد مقدار ایلدی کفایه
 المنتهی تسمیه ایلدی لیکن زیاده اطناب اوزره اولوب کبیر الحکم
 اولمغله کسنه رغبت ایتوب متروک اولسنندن خوف اینتمکین
 حسن تعبیر و الطف تقریر ایلد مفید و مختصر شرح ایلدی و نهاییه
 تسمیه ایلدی علمای عاملین دن عابد و زاهد و متقی ایدی مشایخ
 عظامدن بر قاج عالم ربانی و عارف سبحانی کسنه لره ملاقی
 اولوب انقاس طیبیه لرندن استفاضه انوار قدسیه ایلدی
 منقولدر که کتاب هدایه بی اون اوج سنده ده تصنیف ایلدی
 و اول مدتده صائم اولوب افطار ایتدی و صائم اولدیغی اخفا
 و بر کسنه به افشا ایتدی و در سخنانده سی اولان صومعهده
 او توروب تحریر و تصنیف و تدریس ایلد اوقات کذار اولدی
 و خادمی خانه سندن طعام کتوروب یا تنده قورودی خادم کتدر کده

یافته کان طلبه سینه و پروردی خادم کلوب طعماک قابلین
 بوش بولوب **کتوروب** کیدردی اهل بیت صائم اولدیغنی
 بلزلردی زهد و تقوای سببیه کتابی دخی بین العلماء مقبول
 و مرغوب و کلامی معتبر و مؤلفه در بشیوزا و چده وفات ایلدی
 رحمة الله علیه و مشاهیر علمای بکاردن کتاب هدایه بی شرح ایدوب
 نخر و اغتنا ایلدی بکتاب نه یایه شرح هدایه حسام الدین ابن علی
 بن حجاج بن علینکدر حافظ الدین محمد بن نصر دن و نخر الدین دن
 فقه شریفی اخذ ایلدی و حلبده اقامت ایدوب کتاب پزدوی بی
 شرح و کافی تسمیه ایلدی بعده شامه واروب منتخب اخستیکی
 بی و ابوالعین نسفینک اصولده تمهید نام کتابی شرح ایلدی
 و صرفده نجاح نام کتابی دخی واردید یوزاون در تده حلبده
 وفات ایلدی کتاب کفایه تاج الشریعه محمود المحبوبینکدر
 عالم و فاضل و فقیه کامل ایدی و هدایه بی مختصر ایدوب و فایه
 تسمیه ایلدی و کتاب الغایه فی شرح الهدایه قاضی القضاة
 شمس الدین ابوالعباس احمد بن ابراهیم سروجینکدر مصرده
 قاضی القضاة ایدی هدایه بی کتاب ایمانه و انجیه دل شرح
 ایتمشدر بر قاج جلد اولدی تمام شرح ایده مدی مصرده
 یدییوزاون سنه منده وفات ایلدی امام شافعی مرقدی قرینده
 دفن اولندی رحمة الله تعالی علیه کتاب غایه البیان امیرکاتب
 ابن عمر العمیدینکدر اتقانی دیمکله مشهور و اتقان فاراب
 قرینده بر قصبه در بغدادده امام اعظم حضر تلمینک
 مشهورنده تدریس ایدردی منتخب اخستیکی بی انده شرح
 ایلدی بعده شامه کلوب انده اولان والی رغبت ایدوب زیاده

اکرام ایلدی جامع ماردینی ده تدریس ایدردی شافعیه به رغبتی
 زیاده ایدی فقه و لغت و سایر علومده کامل ایدی شرح هدایه بی
 تصنیف ایلدکده غایه البیان و نادره الاقران فی اخر الزمان
 تسمیه ایلدی قصیده اتقانه التیوز سکسان بشده تولد ایدوب
 یدییوزالی **سکزده** وفات ایلدی رحمة الله علیه معراج
 الدرایه فی شرح هدایه امام قوام الدینکدر که بخاری محمد بن
 محمد البخاریدر بخارا قرارندن برقریه ده تولد ایلدی تحصیل
 علمد نصره مصره کلوب جامع ماردینده اقامت والی ان یوت
 تدریس ایلدی عالم عامل و متقی و **کامل** ایدی یدییوز قرق
 طقوزده وفات ایلدی رحمة الله علیه (عنایه) شرح هدایه اکمل
 الدین محمد بن محمد بن محمود الرومی البخاریدر یدییوزاونده
 تولد ایلدی طریق سعادت رفیق اولان علمه شروع ایدوب علمای
 عصرندن قرائت و بعده حلبه واروب مدرسه ناحیه ده برار
 مدت اقامتد نصره **کره** مصر قاهره به واردی انده قطب الدین
 رازیله شریک اولوب شمس الدین اصفهانیدن اخذ علوم ایلدی بیلر
 ابن حبانندن و عبدالهادیدن اخذ حدیث نبوی ایلدی و زهد
 و صلاح ایله معروف و لایت و **کرامت** ایله موصوف اولان
 شیخون ایله صاحب اولوب سالت طریق تصوف اولوب تکمیل
 طریق ایلدی شیخون کندی بن ایلدیکی خانقاهنده اقامت
 ایتمشدر بروب امور خانقاهی اکا تفویض ایلدی اکمل الدین دخی
 ریاضات و عباداتده روز و شب سعی واجتهادده پویان و زهد
 و صلاحله مشار بالبنان اولدی و امر اتعظیم و اکرامنده مبالغه
 ایدرلردی دفعاتله مصره قاضی القضاة اولغنی تکلیف ایلدی بیلر

قبول ایتدی علوم عربیه و فقه و ادبیه ده کامل و فقه و اصول
وسائر علوم ده فاضل و وقتنده فرید و عصر نده و حید ایدی هدایه
شرحی بین العلما مقبول و متداولدر و تصنیفات تدن شرح
مشارق الانوار و شرح پرندوی و شرح مختصر منتهی و شرح
منار و شرح تجرید نصیر طوسی فی الکلام و شرح الفیه
ابن معطی و شرح سراجیه فی الفرائض و سورة زمی لاولنده دل
کشاف حاشیه سی و اردر جمیع تصنیفات معتبر علمای
عظام در اخلاق حسنه ایلده موصوف و ورع و تقوی ایلده معروف
مناصب دنیادان اتقا ایدوب قبول ایتدی امرای مصر رعیت
تام و زیاده اکرام ایدوب خانقاهنه کلوب زیاده اکرام ایدر لردی
و ملک ظاهر سلطنتی وقتنده خانقاهی قیوسنده آت اوزرنده
طوروب اکل طشره چقوب می کینه سوار اولنجیه دل توقف
ایدردی بعده هم عنان اولوب مصاحبت ایدر کیدر لردی
دار بقایه رحلت ایلد کده جنازه سنه حاضر اولوب وزیر اسبیله
وسائر رجال دولتیله کادیلر و ملک ظاهر نعشی کتور ملک مراد
ایلد کده امرای قوم عیوب کندیلر کتور دیلر و نمازینی قیلوب اول
خانقاهده دفن ایلدیلر و یوز سکسانده وفات ایلدی رحمه الله
علیه (فتح القدر) محمد بن عبد الواحد بن عبد الحمید بن مسعود
السیوای ثم اسکندری علامه کمال الدین بن همام کدر ید یوز
طقسانده تولد ایلدی قاری هدایه دن فقه شریفی قراءت و اصول
فقهی تحصیل ایلدی بعده مصره واروب قاضی محب الدین
ابن شحنه ملاق اولوب خدمتندن ایرلادی و انکله حلب
شهبایه کلوب الی ان یوموت انده اقامت ایلدی و عصر نده اولان

مشایخ حدیثدن اخذ علوم و بین الاقران مشار بالبنان اولوب
نیجه مدت نشر علوم ایلده اوقات گذار اولدی علم فقه و اصولده
و فحو و صرف و معانی و بیان و تصوفده علامه ایدی غایتله
عابد و زاهد و کشف و کراماتی ظاهر عزیر ایدی براز مدت اختیار
عزت ایدوب گوشه نشین عزت اولدی عصر نده اولان مشایخ
رضا و یرمیوب طلبه نک سکا احتیاجی و ارباب کن عزت
لا یق د کادر دیو نشر علومه مداومت ایتدردیلر منصوریه ده
و اشرفیه ده نیجه مدت تدریس ایلدی و زاویه شیخونه ده سجاده
نشین ارشاد اولوب جمیع افعال و اقوالنی سنت سنیه سید المرسلین
صلی الله تعالی علیه وسلم اوزره ایتدیکله اهتمام تام اوزره ایدی
و اصول فقهده تخریر و اصول دینده مسایره و سبحان الله
و بحمده و سبحان الله العظیم اعرابنده رساله و فقهده زاد الفقیر
تصنیفات تدن رسکزیوز الشمس برده وفات ایلدی رحمه الله علیه
و هدایه نک ذکر اولنلردن ماعدامت عدد شروخی و اردر مشهور
اولنلری ذکر اولندی کتاب محیط شیخ رضی الدین برهان
الاسلام محمد بن محمد السرخسین کدر که درت کابدر بری محیط
کبیر در که قرق جلد در و بری صغیر بش جلد در و بری دخی
مختصر ایکی جلد در سر خستدن حلبه کلوب محمود
غزنویدن صکره تدریس اوزره اولدی بعده شامه کلوب مدرسه
خاتونیه ده تدریس ایلدی و الی ان یوموت انده ساکن اولدی
و کتاب محیط ایکی در بری ذکر اولنلر محیط سر خسی و بری دخی
محیط برهان در که برهان الدین محمود کدر کتاب مبسوط شمس
الاعنه عبد العزیز احمد بن صالح الحلوانین کدر بایع الحلوا

اولمغله اكانسبت اولندي عصرنده بخاراده امام الحنفیه ایدی
 کلامی مقبول انام وتصنیفی موثوق ومعتبر علمای عظامدر
 در تیزور قرق سکزده وفات ایلدی بخاراده مدفوندر رحمة الله
 علیه کتاب البدایع علاء الدین ملک العلماء ابوبکر بن مسعود
 ابن احمد الکاشانی نیکدر علاء الدین سمرقندی نیک تحفه نام کتابی
 شرح ایلدی علاء الدین دخی فاطمة فقیهه نام کریمه سن
 کاشانده تزویج ایلدی منوره فاطمة عالمه و فقیهه وعصرنده علم
 و فضیلت ایل مشهوره ایدی منقولدرکه علاء الدین سمرقندی
 وعلاء الدین کاشانی وزوجه سی فاطمه اوچی برخانه ده ساکندر
 اولوب جمله سی فتوی ویرردی وکاشانی شبهه ایلدی کی وقتده
 زوجه سی فاطمه به عرض ایدردی اولدخی شبهه سی حل
 ایدردی سمرقندی حلیه کلوب نورالدین شهیدی انده اقامت
 ایتدیروب نیچه زمان تدریس ایلد نشر علوم ایلدی زوجه سی
 فاطمه وعلاء الدین ایکسی دخی حلبده وفات ایلدیلر رحمة الله
 علیهما کتاب مختصر طحاوی احمد بن محمد بن سلامه بن ابی جعفر
 الطحاوی نیکدر ابتدا امرنده شافعی المذهب اولوب بکار اصحاب
 شافعیدن خالد منری مجلسنه مداومت ایدوب تعلم فقه ایدردی
 برکون برکسنه منیندن برحمله خاتون فوت اولوب قارتنده
 ولدی جانلی اولسه بطنی شق اولنوب ولدی چقار مق جائز میدر
 دیواستفتا ایلدی مذهب شافعیه ده جائز اولمغله اولازدیو
 جواب ویردی همان طحاوی مجلسندن قالقوب بن حیاته
 سبب اولان مذهب وارا یکن غیر مذهبیه ذاهب اولاق لایق
 دکادر دیو مذهب حنفیه به ذاهب اولدی و طحاوی والدیه سی

فوت اولدقه بطنی شق ایدوب چقار دیلر نشوونما بولوب بو قدر
 علم تحصیل ایلدی اصحاب حنفیه دن ابو جعفر احمد بن
 عمر اندن تعلم فقه حنفیه ایلدی شامه کلوب ابو حازم دن دخی
 تعلم علم ایدوب عصرنده مشار بالبنان اولدی عبد البر دن
 منقولدرکه طحاوی فقهده وسائر علومده علم ناس وعصرنده
 فریدو عظیم المثل ایدی احکام قرآن نام کتابی بکرمی جلددر
 و فقهده مختصر و شرح جامع الصغیر و شرح جامع الکبیر و کتاب
 الشروط کبیر و صغیر و اوسط و کتاب المحاضرات والسجلات
 والوصایا والقرائض و تاریخ کبیر و مناقب ابی حنیفه و تفسیر
 شریف و نوادر فقهیه و اختلافات الفقهاء مشاهیر تصنیفاتنددر
 بونلردن ماعدار سائل لایعد و لایحصی درایکیوز بکرمی بدیده
 تولد ایدوب او چیوز بکرمی برده وفات ایلدی رحمة الله علیه
 شرح مختصر طحاوی علی بن محمد بن اسمعیل شیخ الاسلام
 السمرقندی الاسبیجای نیکدر زماننده ماوراء النهرده اقرانی یوق
 ایدی صاحب هدایه اندن اخذ علوم ایتشددر تیزور الی درتده
 تولد ایدوب بشیوز او توز بشده وفات ایلدی رحمة الله تعالی علیه
 کتاب ذخیره شیخ الاسلام محمد بن حسن البخاری خواهرزاده
 دینمکله متعارفدر مذهب حنفیه ده امام عالم و فاضل و متقی
 و کامل جمیع فنونده ماهر و تصانیفنده کمالی ظاهر در کتاب
 مبسوط و ایضاح جمله سی مقبول انام و بسندیده علمای عظامدر
 در تیزور سکسان اوچده وفات ایلدی رحمة الله علیه ادب القاضی
 و کتاب الوقف و شرح الوقعات احمد بن عمرو بن ابی بکر الخصاف
 الیمنی الشیبانی که خصاف دینمکله معروفدر عالم و فاضل و عارف

و کامل وقتند فقه ده فرید ایدی حلیفه مهتدی بالله زیاده اکرام
ایدوب جملیه تقدیم ایتشدر عسکری غلو ایدوب مهتدی
باللهی قتل ایلدیلر اول وقتده خصافک خانه سنی دخی نه ب
وما ملکئی یغما ایتدیلر جمیع کتابلری ضایع اولدی غایتله زاهد
ومتقی اولوب کندی کسب یدیه تعیش ایدردی کتاب الحیل
و کتاب وصایا و کتاب شروط صغیر و کبیر و کتاب الرضاع و کتاب
المحاضرات و السجلات و کتاب الخراج اشهر مصنفاتیدر بغدادده
ایکیوز التمش برده وفات ایلدی رحمة الله علیه شرح ادب
القاضی برهان الائمة حسام شهید کدر فقه شریفده اعلم عصری
ایدی فتاوی صغری فتاوی کبری جامع الصغیر و مبسوط
فی الخلافیات تصنیفاتیدر در تیوز سکسان اوچده وفات
ایلدی عیون المسائل واقعات نوازل خزانه الاکل نصر بن محمد
بن ابراهیم ابواللیث سمرقندی نکدر امام الهدی زاهد و عابد و عالم
و عامل ورع و تقوی ایله موصوف و فضل و کماله معروفدر
تفسیر شریفی ایدی علماده متد اولدر و تنبیه الغافلین و بستان
العارفین و تاسیس النظائر و مقدمة الصلوة اشهر مصنفاتیدر
اوچیوز طقسان اوچده وفات ایلدی رحمة الله علیه خلاصة
الفتاوی شیخ الاسلام طاهر بن عبد الرشید بخاری نکدر
تتمه الفتاوی ابوالعالی محمود بن احمد بن عبد العزیز کدر نصاب
الفقه نام فتاوا سی وارددر و فتاوی قاضیخان فخرالدین
الحاسن حسن بن منصور محمود الازوجندی نکدر قاضیخان
دینمکه معروفدر و ازوجندی فرغان قرینده نواحی اصفهانده
بر ناحیه در شرح جامع الصغیر و شرح زیادات ملنقط تسمیه

ایلمشدر و خصافک ادب قاضی نام کتابی شرح ایلدی بشیوز
طقسان ایکیده وفات ایلدی رحمة الله علیه فتاوی یوسف
بن احمد ابو بکر الخوارزمی نجم الدین نکدر فتاوی ظهیریه امام
ظهیر الدین البخاری نکدر بشیوز التی ده وفات ایلدی رحمة الله
تعالی علیه فتاوی قنیه نجم الدین مختار بن محمود الزاهدی
الغرمینکدر و غرمین خوارزم قرینده برتصبه در و قدوری شرح
ایتشدر و رساله ناصریه نام تألیفی وارددر و زلاله و محتب
علم اصولده مصنفاتیدر و فرایضده دخی تصنیفی وارددر لکن
مذهب اعتزالده اولمغله فتاوا سی مقبول د کدر منیه المفتی
یوسف بن ابی سعید بن احمد السجستانی نکدر روضة ابوالعباس
احمد بن محمد بن عمر الناطقینکدر فقه اادن کلامی مقبول
و تصنیفاتی معتبر و موثوقدر کتاب الاجناس و الفروق و کتاب
واقعات اشهر مصنفاتیدر در تیوز قرق التی ده وفات ایلدی
مختصر قدوری احمد بن محمد بن جعفر بن حمدانی ابوالحسن بن ابی
بکر القدوری البغدادی نکدر بکار فقه اادن زهد و تقوی ایله مشهور
و عصرینده مذهب حنفیه ده امام العراق عظیم القدر و رفیع
الجاه ملج البیان فصیح اللسان مناظره و مباحثده فایق
الاقران مختصر کرخی بی شرح ایتشدر امام ابو حنیفه و امام شافعی
بیننده اولان خلا فی مشتمل تجرید نام کتابی یدی جلد در و ابو
حنیفه ایله اصحابی بیننده اولان اختلافاتی مشتمل تقریب نام
کتابی وینه اختلافاتی مشتمل و دلیل لاری مبین تقریب ثانی نام
کتابی وارددر و مختصر قدوری بین العلماء تبرک او انوب ایام شد اندده
و ایام طاعونده قراءت اولمغی باعث نجات اولد یغی مجربدر

و مشاهیر علمادان شرح ایتمکله اعتنا یتشدد در تیزویش
در تده وفات ایلدی رحمة الله علیه مختار عبد الله بن محمود بن
مودود بن حجة الدین ابو الفضل الموصلی نکر در عالم و فاضل و فقیه
کامل عصر نده فرید ایدی کوفه ده قاضی اولدی براز مدت
دنصکره عزل اولنوب بغداده کادی مشهد امام اعظم ده نیچه
مدت تدریس ایدوب فتوی ویردی سکسان اوچده وفات ایلدی
رحمة الله علیه کنزالدقایق اصولده منار نام کتابک مصنفک ترجمه
سی سبقت ایلدی شرح کنز عثمان بن علی بن موسی ابو عمر الزیلعی
الصوفینکدر مصر ده درس و فتوی ویردی فقه و نحو و صرف
و فرائض ایله مشهور ایدی بدیوز قرق اوچده وفات ایلدی مجمع
البحرین ابن ساعا تینکدر ترجمه سی سبقت ایلدی و شروح متعدده
سی واردر و شرح ابن ملاء مفید و مختصر بر شرح عز الدین
عبد اللطیف بن ملککدر علمای متأخریندن عالم و فاضل جمیع
علوم ده ماهر تصنیفاتی فضلانه برهان باهر در شرح مشارق
الانوار و شرح منارفی الاصول و تصوف ده رساله سی بین العلماء
مقبول و متداولدر در البحار منظومه سی واردر علم قراءتده
شاطبیه نک قافیه و وزنی اوزره نظم اولمشدر شیخ علامه ابو محاسن
حسام الدین الشهید بالرهاوینکدر ترجمه سنه واقف اوله مدق
وقایه تاج الشریعه نکدر سبطی صدر الشریعه شرح ایلمشدر
و مختصر وقایه و شرحی صدر الشریعه نکدر ترجمه سی سبقت
ایلدی ملتقی ابیکیدری حاکم الشهیدک فبری ابراهیم
الحلبینکدر متون اربعه نک مسائلنی جمع ایدوب هدایه دن
و غیریندن دخی مسائل ضم ایلدی و شروح عدیده سی واردر

بین العلماء متعارف و مقبول در رومنیة المصلی شرح غنیة
المتنی صغیر و کبیر ایکی شرح در علمای متأخریندن عالم و عامل
وزاهد و متورع و صالح و کامل ایدی استانبولده سلطان محمد
جامعنده و سعدی چلبی دارالقرا سنده مدرس ایدی طقوز یوز
الی التی ده وفات ایلدی رحمة الله علیه فتاوی اسبجیابی بهاء
الدین اسبجیابی شیخ الاسلام سمرقندینکدر مشاهیر علمادان ماوراء
النهر ده وقتنده فایق الاقران و مشار بالبنان ایدی سمرقندده
بشیوز او قوز بشده وفات ایلدی رحمة الله علیه فتاوی حسام
الدین علی بن احمد ابی بکر کدر دمشقده ساکن اولدی مذهب
حنفیه ده فتوی ویردی قدوری شرح خلاصة الدلائل و سلوة
الهموم نام کتابری واردر بشیوز طقسان اوچده دمشقده وفات
ایلدی رحمة الله علیه و فتاوی شمس الائمة الحلوانی عبد العزیز
احمد بن صالحکدر بخاراده عصر نده امام حنفیه ایدی و فتاوی
کرمانی عبد الله بن محمد ابی الفضل رکن کرمانینکدر خراسانده امام
الحنفیه ایدی شرح جامع الکبیر و کتاب تجرید مصنفات تندر
مروده بشیوز قرق اوچده وفات ایلدی منظومه فی الخلافیات
شیخ ابو حفص عمر النسفینکدر ترجمه سی سبقت ایلدی معلوم اوله
که فقه شریفده تدوین اولنان کتبک اسامیسی تحریر و مصنفی
ترجمه لری تبیین و تقریر اولنوب جمله سی یازلق عذیم الامکاندر
واسلامبولده کتابخانه لرده کوردیکمز کتابک اسامیسی تحریر
اولنسه بر قاج مجلد اولور کور مدیکمز واسم لرنی استماع
ایلدی یکمز کتابک لا یعد ولا یحصی در مشهور اولنلری ایله اکتفا
اولندی خدای ذوالجلال ائمة مجتهدین و علمای دین و مشایخ

مصنفین رحمهم الله تعالى اجمعینک سعبارین مشکور و جله سنی
مغفور ایلیمه امین بحرمه النبی الامین (التذکره السادسة والثلاثون
علمای عاملین دن عالم ربانی و عارف یزدانی علمای عظام و اولیای
کرام ذکرند در معلوم اوله که زبده جله علوم و نتیجه منطوق
و مفهوم عرفان خدای لایزال و توحید ملک متعال در علم ظاهر
باطن سز اولمز و باطن ظاهر سز حاصل اولمز علوم ظاهر دن مراد
تدبیر معاش و تکمیل معاملات ناسر در علم باطن دن مقصود
مکدرانده تصفیه قلب و اخلاق مذمومه دن تزکیه نفس ایدوب
تخلقوا باخلاق الله حلیه سبیله متحلی اولمقدر بود و لاته وصول
بولق ریاضات و مجاهدات ایله اولوب و ریاضاتک کیفیت سلوکی
علم تصوف ایله معلوم اولور و ارباب حقیقت و اصحاب طریقت
بوفنده قیل و قال اولمز حال ایله اولور و تربیه مریده بر می شد کامل
بولوب دامننه تشبث لازم در دیرلر و کتب تصوف بی عدد
واحصاء در لکن قوة القلوب ابی طالب مکی و رساله قشیری
و فتوحات مکیه بوفندک لایذنی جامع در و امام قشیری و محی الدین
ابن عربی نک ترجمه سنی سبقت ایلدی و بو محمده بر قاج عالم ربانی
اولان اولیای کرام اسم سامی بنام کرامیلری تبرکا و تینما ذکر
اولندی عنده ذکر الاولیاء تنزل الی حجة نفعنا الله ببرکاتهم ابو
طالب مکی محمد بن علی بن عطیة الحارثی المکی قوت القلوب که
مجمع امرار طریقت در آنک تصنیفیدر **مکة** معظمه ده
نشور و بولوب بوفنده براز مدت بصره ده متهمکن اولدی اندن
بغداد کلوب الی انیموت انده ساکن اولدی عابد و زاهد
و متقی بکار متصوفه دن عالم ربانی و عارف سبحانی عصر نده

ولایت و کرامتی ظاهر عز یرایدی اوچیوز سکسان التیسده
بغدادده وفات ایلدی جنید بغدادی بن محمد بن جنید ابو القاسم
بغدادی اهل خرقه نک پیشوا سی و طریق تصوفده جله نک
مقتدای و عصر نده اعلم اولیا سید ربین العلماء سید الطائفة
عنوانیله متعارف در فقیه ابو ثور دن اخذ علوم ایدوب فقه
و حدیث و تفسیرده کامل اولد قد نصکره شمسقطی (وحارث)
بن اسد المحاسنی قدس سرهما صاحب تلیسینه و اصل اولوب تکمیل
طریق ایلدی جامع باطن و ظاهر بر بحر زاخو و بردریای بی قعر
و ساحل ایدی جعفر خلدیدن منقولدر که مشایخ ندرده علم ایله
حالی جمع ایتش **کورمد** الا جنیدی کوردم که حالنه نظر
اولنسه علمنه غالب کورینور و علمنه نظر اولنسه حالنه غالب
کورینور دیرلردی و منقولدر که جنید هر کون اوچیوز رکعت
نماز قیلردی و او تو زیلک توحید ایدردی و بکرمی سنه مقداری
هفته ده بر کره افطار ایدردی و قرق سنه در اسبابی چقا روب
یا قدم دیرلردی و بیور مشلدر که طریق الی الله خلق اوزرینه
مسدود در اثار رسول صلی الله علیه وسلم حضرت تلیسینه اقتدا
ایدوب جمیع احوالنده رعایت سنت سنیه ایتدیکه و بیور مشلدر که
بن تصوفی قیل و قال دن اخذ ایتدم الا آج اولمغله و ترلدنیا و قطع
مألوفات ایله اخذ ایتدم دیرلردی منساقب جمیله لرینی مستقلا
بر **کتاب** ایتش لدر بغدادده ایکیوز طبقه انیدیده اجابت
دعوت ضیافتخانه جنسان اولدیلر رحمة الله علیه عالم ربانی
و عارف یزدانی ابو عبد الله حارث بن اسد المحاسنی فقه و حدیث
و کلامده امام و عصر نده فرید و وقتنده و حید عالم و عامل و زاهد

ومتقی و تصوفده کامل ایدی و نفسی دائماً محاسبه ایلدی
 ایچون محاسبی دیکلمه مشهور اولدی ولایت و کرامتی ظاهر
 بر ذات شریف ایدی جنید بغدادی حضرت تلمیذ شیخ
 و مرشدیدر بغدادده طلبه به نشر علوم و اهل سالوکیه تربیه
 و تصفیه ایتمکله اوقاتگذار اولدی ایکیوز قرق اوچده اجابت
 دعوت ارجعی الی ربک راضیه مرضیه ایدوب واصل رحمت
 رحمان اولدی جامع اشتات علوم کشف اسرار منطوق و مفهوم
 مفتاح رموز حقایق مصباح کنوز دقایق پیدشوی اصحاب
 شریعت ره نمای ارباب طریقت حجة الاسلام محمد بن محمد بن احمد
 الطوسی ابو حامد غزالی مدینه طوسده در تیسوزاللی ده تولد ایدوب
 پدری غزل صوف ایدوب انکله تعیش ایدردی حالت وفاتده
 متصوفه دن بر اهل خیر کسنه دوستی و ارایدی ایکی اوغلاری که
 بری محمد و بری احمد بونلرک تربیه لرینه نظارت ایدوب ترک
 ایتدی کم مالمی بونلره اتفاق ایله دیو وصیت ایلدی اولدخی بر ازم مدت
 معاش لرینی **کوروپ مالاری** قالمدی و اول کسنه دخی فقیر
 الحال اولغله بونلره معاش کز مه دار اولوب کسب و کاره در تکر
 کانجیه دل سزی مدرسه به قویایم طلبه به تعیین اولشان اتمک
 ایله بر مدت تعیش ایلات دیوا یکدن دخی مدرسه به قوییدی امام
 غزالی حضرت تلمیذدن منقولدر که اول امر ده علمه طالب اولدیغمز
 لله دکل بلکه طلب دنیا ایچون ایدی الحمد لله تعالی صکره لله
 اولدی دیرلر ایدی هر ویدر که بونلرک پدری فقرادن بر صالح
 و متدین کسنه ایدی غزل صوف ایدوب کندی کسب یدیه تعیش
 ایدردی محب علماء دائماً طلبه علوم ایله الفت و قادر اولدیغی قدر

انلره اتفاق ایدردی و مجلس علمایه اکثر زمان حاضر اولوب
 کلاملرین استماع ایتدکده اغلردی و دائماً تضرع و نیاز ایدوب
 (جناب) کبریادن کندوبه بر ولد فقیه و واعظ و ناصح احسان
 ایده دیو دعا ایدردی اول جناب (محبیب السائلین) دعاسنی
 قرین اجابت ایدوب اوغلارینی علم و فضل و کمال و عمل و صلاح حال
 ایله مشار بالبنان ایلدی (ابو حامد محمد) غزالی رحمة الله علیه
 حضرت تلمیذ جمیع علومده فایق الاقران و امام اهل زمان
 و مصنفاتی مقبول و مسلم علمای عظام (ورهنمای) سالکان
 راه حقیقت اولان مشایخ کرامد نذر و فرزنداشی احمد غزالی فصیح
 اللسان ملج البیان و واعظ و ناصح ایدیکه سوط تحذیر ایله طاشه
 اورسه ایدردی و مجلس و عظمنده ابلیسی باغاسه لر نائب
 و مستغفر اولوردی امام ابو نصر (اسمعیل) دن اخذ علوم و قراءت
 ایتدی کی کتابلری کندی قلمیله تحریر ایلدی (وولایتی اولان)
 طوسه عودت ایلدی کی امام غزالی دن کندیلردن (منقولدر که)
 اثنای طریقه قطاع طریق چقوب جمیع اشیمالری الدیلر
 رئیس لری اولان کسنه به واروب نیاز ایلدیمکه کابلری بی بکا و برک
 زیر ابن بو قدر وقتد نبری انلری اخذ و کتابت ایدوب
 بیلمک ایچون اختیار عزت ایلدم دیدی حرامی (باشی) ضحک
 ایدوب نیجه ادا ایدرسن بیلدم دیوشمدی بزانی الکن الدق سن
 علم سز می قالدک دیدی و امر ایتدی ینه کابلری بی بکا و بر دیر
 لکن بن نفسه ایتدیمکه بو حرامی نک کلامی انطالق حقدر (وبنی)
 ارشاد ایچوندر مسقط رأسی اولان طوسه کادکده (اوچ سنه)
 اقامت ایدوب جمیع قراءت ایلدی کم کابلری حفظ ایلدم و جله

کتاب لریعی السهل علمدن برحرف بنیدن کتمزدی پیوردیلر
اندنصکره نیشا پوره کاوب (امام) الحرمین یوسف الجوبینی
حضرتلرینک مجلسلرینه ملازمت ایدوب (علم خلاف) وجدل
(واصول) فقه (وکلام) ومنطق (وحکمت) وفلسفه بی کمال
اتقان وتتحقیق اوزره تحصیل وجمله سنده فایق الاقران اولدی
وفلاسفه نیک مخالف اولان کلام لریخی ردود عوارینی ابطال
ایتمکه تصدی ایدوب هر فنده تصنیف کتب ایلدی غایتلرکی
الطبع وسریع الفهم الزام خصمه قادر و علم مناظره ده ماهر ایدی
وزیر نظام الملک بغدادده بنیایلدیکی مدرسه یه مدرس ایلدی
براز مدت نشر علم ایلدی وشهرت فضیلتی آفاقه منتشر اولدی
ومجلسنده اوچیوزدن زیاده طلبه درسنه حاضر اولوردی بمالک
عراقده مشاربا بنان وفایق الاقران اولدی ریاست دنیا سریع
الزوال وشغل ظاهری بی مالدردیوب مناصب وجاهی ترک
ایدوب قرنداشی (احمد غزالی) تدریسه قائم مقام وزیرت
(بیت الحرام) قصده یله بغداددن چقوب دمشق کادی (بیت
المقدس) واروب برازوقت مجاور اولدی اندن دمشق کاوب
برصومعه ده اعتمه کاف ایدوب اون سنه اول صومعه ده
اکندی اندنصکره عربستانده وسائر دیارده سیر و سیاحت
ومرافد انبیاء ومشاهد اولیاء وصوامع ومساجد لری
زیارت ومجاهدات وریاضات ومشاق عبادات وطاعات
ایله قطع منازل وطی مراحل ایدوب (واصل) سر منزل قرب
اولدی اندن ینه بغدادده عودت ایدوب عقد مجاس وعظ ولسان
اهل حقیقت اوزره تکلم ایدوب نیجه دقایق معارف وحقایق

لطایف اظهار و کتاب احیاء العلومی نقل ایلدی
واندن خراسانه واروب مدرسه نظامیه ده برازوقت تدریس
ایدوب اندن طوسه واردی واندن طلبه علوم ایچون بر مدرس
وصوفیون ایچون برخانقاه بنیایدوب وقتنی قرات قرآن وبراز
مجالسه ارباب عرفان وبراز وقتنی ادای فرایض دنصکره نوافل
واوراد واذکار و صلوات شریفه ایله الی ان یموت اوقات کذار
اولدی روات ثقات ایله منقولدرکه امام غزالی رحمه الله علیه
حضرتلرندن سئوال ایلدی لکه بغدادده طلبه علوم مجلسکزه
جمع اولوب نشر علم وتدریسه مشغول ایکن ترک اختیار عزالت
ومشاق سفر عزیمت وبوقدر زمان اختلاط فاسدن اتقا
ایتمشکن ینه بغدادده عودت وخلق ایله انسیت والفت ایتمکزه
باعث نه اولدی جواننده پیوردیلر که تحصیل ایلدی بکم علوم
شرعیه وعقلیه دن جناب کبریانتک وحدانیتنه وپیغبرانتک تبلیغ
رسالتنه وکتب منزله نیک حقیقتنه وپوم آخرتک صحتنه ایمان
یقینی حاصل ایلدم ونفسمده بر وجهله راسخ اولدی بکه شائبه
شک وکمان قالمدی لکن دروغده ظاهر اولدی بکه سعادت آخرت
انجق تقوا ایله ونفسی هوادن منع ایتمکله اولور وبونلرک
حصولی دار الغرور اولان دنیانتک خلا یقندن قلبی قطع
وجمع همی رضاء الله صرف ایتمکله اولور پش کندی احوالی
ملاحظه وتفتیش ایلدم علایق دنیا جوانمبی احاطه ایلش
واعمالی تفکر ایلدم احسن اعمالم تدریس وتعلیم اولدخی
مهم ولازم آخرت اوله حق علوم دکل وتدریسه دن نیتمی فکر
ایلدم خالصا لوجه الله دکل بلکه جاه دنیوی و بین الناس شهرت

وافتخاردن غیري نسبه دکل یقین یلدمکه معرض هلا کده یم
 بوورطه دن نجاتک طریق یقینی دائماً تفهیم کرایدوب بر طریق ایله
 بغداد دن هجرت واختیار سفر و غربت و بر بلخز محله کوشه نشین
 عزلت اولوب سالک راه آخرت اولم و عزیمت سفر حج نامیده
 بغداد دن چیه قوبانده مجاور اولوب قالمق بهانه سیه کتدم
 دمشق و واروبانده بر صومعه ده اقامت و تصوف کتابلرین علی
 وجه الاتقان مطالعه ایلدم قوت القلوب ابی طالب مکی و حارث
 محاسبینک کتابلرین و جنید بغدادی و شبلی و ابویزید بسطامینک
 کلام مأثوره لرین تتبع ایدوب علم تصوفی تحصیل و مقاصد علمیه
 لرینه واصل اولدم لکن بو علمک ثمره سی تعلم ایله اولمیوب ذوق حال
 و تبدیل اخلاق و صفات اولغله دمشقده جامع کبیرده
 بر صومعه ده ساکن اولوب ناسدن عزلت و مجاهدات و ریاضات
 ایله برار وقت میورند نصکره حج شریفه عزیمت و زیارت رسول
 الله صلی الله علیه و سلم دن استمداد ایچون بیت مقدس و زیارت
 خلیل الله دن نصکره حج شریفه واروب ادای نسک حجد نصکره
 عودت و اون سنه یینه ساکن خلوت و مداوم عزات اولدم و اثنای
 خلوتده بکا کشف اولان امورک عدوا حصاسی ممکن دکادر بکا
 یقین حاصل اولدیکه صوفیونک سیرتلی احسن سیر و سلوک لری
 طریق حقه اخص طریقه درواخلاق لری ازکای اخلاق درو عقل
 عقلا و حکم حکما و علم علمای بریره جمیع اولوب بو طائفه علیه نک
 سیرت و اخلاق لرین تبدیل و احسن طریق بولغله قادر دکادر در
 زیر ابونلک ظاهرا و باطنا حرکات و سکنات لری مشکات نبوتدن
 اقتباس اولمشدربو ذوق دماغ جانده حاصل اولدقد نصکره یینه

نیشابورده عودت ایلدم و زمان غربت و اوان عزلمت اون بر سنه یه
 بالغ اولمشدی انده دخی مخالطه ناسدن اتقا اوزره اولدم لکن
 تفهیم کرایلدمکه بو عزات فائده خاصه در انجیق تقسیم ایچون
 اولور سه یینه ناسله اختلاط و نشر علمه شروع ایلدم دیدیلر
 و حضرت امام غزالی رحمه الله علیه اوقاتنی تقسیم ایدوب
 بر ساعتنی عبادت و طاعت سز کچور مندی تلاوت قرآن عظیم
 و تدریس و مطالعه کتب احادیث شریفه خصوصاً صحیح بخاری
 و دائماً صائم و صلوة تهجد و نوافل ایله کیجه لرده قائم و مجالسه
 اصحاب قلوب و تحریر و تصنیف ایله اوقاتکذار ایدی بعض
 کمسنه لک انکار و تشنیع لری حضرت امامک رتبه علم و صلاحنه
 عدم علم لرینه محمول اولوب مجرد تعصب و تعند لرندند را و حد
 الاولیاء ابو العباس مرسی رحمه الله علیه حضر تلمزندن
 منقولدرکه امام ابو الحسن ابن جرزه هم که بلاد مغربده رئیس
 العلماء ایدی احیاء علوم دیار مغربده منتشر اولوب شهرت
 بولدیغی وقتده ابن جرزه هم مطالعه ایدوب بدعت و مخالف سنتدر
 دیواول دیارده نقد رنسخه و ارایسه جمع ایته دیروب احراق بالئسار
 ایتمکه مراد ایلدی علمای مغاربه دخی اطاعت ایدوب جمع اولدیلر
 و صباح جمعه سی احراق ایتمکه قرار ویردیلر اول کیجه جمعه کیجه
 سی ایدی واقعه سننده جامع کبیرک قبوسندن ایچری کیروب
 کوردیکه جامع نورانی طولمش رسول اکرم صلی الله علیه و سلم
 حضرت تلی سعادتله او نور مشلر و حضرت ابی بکر الصدیق و عمر
 رضی الله عنهم مادخی او نور مشلر و امام غزالی ایباغ اوزره طور مشلر
 والنده احیاء علوم یا رسول الله بو کمسنه بنم خصمه در کتابمه نظر

ایدوب اکر بدعت وسنت شریفه مخالف ایسه ثبت الی الله
واکراستحسان ایدرسکز خصمه تنبیه یورک دیوب کتابی
رسول اکرم صلی الله علیه وسلم حضرت تلیزینک مبارک اللرینه
وبردی انلردخی من اوله الی اخره نظر ایدوب کتاب حسن دیدیلر
وحضرت ابی بکر رضی الله عنه حضرت تلیزینه ویردی اول دخی
نظر ایدوب وانذی بعثک بالحق نبیا انه کتاب حسن دیدیلر
اول دخی اول جوابی ویردی لر رسول الله صلی الله علیه وسلم
امر ایدوب ابوالحسنک اسبابی صوید یلر و حدیثی اورسونلر
دیوامر ایلدی لر بش قمچی اوردقه حضرت ابی بکر رضی الله
عنه شفاعت ایدوب یار رسول الله عفو یورک دیدیلر ابو حامد امام
غزالی دخی عفو ایلدی خوابدن یسدار اولدقه الم ضرب
وجودنده باقی ایدی وقمچینک اثری اعضاسنده الی انیموت
ظاهرایدی صباح اولدقه اصحابنه خبر ویردی و کتاب احیای
دائم مطالع ایدوب تعظیم ایدردی وابن سبکی طبقاتنده
بو حکایه بی نقل وصحتنی تحقیق ایتمشدر شیخ کبیر ابوالعباس احمد
ابن ابی الخیر الیمنی حضرت امامک اوصافی ذکر ایدوب یوردی لر
برکجه واقعده کوردم که ابواب سما فیه روح اولوب بر بلوک
ملائکة نازل اولدی لر ویانلرنده فاخر خلعتلر و بردابه بر منارک
اوزرنده طور دیلر و برکسنه چقاروب اول خلعتلری کیدورب
اول دابه به بندردیلر و سما جانبنه الوب کتدی لر ویدی قات
کوکاری کیدیلر و اندنصرکه یتش حجاب دخی کچوب کتدی لر
بن زیاده تعجیده قالدیم دیو یوردی لر و بوکسنه کیم اولدی یوفکر
ایدرکن جواب ویردی لر که امام غزالی حضرت تلیزینر و اول کونه

تاریخ ایدوب خبر الدمه اول کون وفات ایلشدر و امام
حضرت تلیزینک مصنفاتلرندن وسیمط و بسیمط و جیزمشکات
الانوار خلاصه احیاء علوم کتاب اربعین شرح اسماء حسنی
مستصفی فی الاصول منحول فی الاصول استادی امام الحرمینک
حیاتنده تصنیف ایلدی بدایه الهدایه مأخذ فی الخلافیات
کیمیاء سعادت فارسیدر المنقذ من الضلال المنتجل فی الجدل
شفاء العلیل الاقتصاد فی الاعتقاد ومعیار النظر تهافت
الفلاسفة المقاصد فی اعتقاد الفلاسفة الجامع العوام الغایة
القصوی جواهر القرآن الدرة الفاخرة فی کشف علوم الاخرة
رسالة القدسیه الفتاوی میزان العمل حقیقة الروح اسرار معاملات
الدین عقیده المصباح النهج الاعلی اخلاق الابرار المعراج حجة
الحق تنبیه الغافلین المکنون فی الاصول رسالة الاقطاب
سلم الشیاطین القانون الکلی القرية الی الله معیار العلم مفصل
الخلاف فی الاصول القیاس اسرار اتباع السنه تلخیص ابلیس
المبادئ والغایات عجایب صنع الله یونلردن ماعدا کتب و رسائل
بی عدد و احصاء رمسقط رأسی اولان طوسده بشیوز بشده اریکه
نشین غرقة جنان اولدی رحمة الله علیه رحمة واسعة عالم علوم
حقیقت واقف اسرار شریعت محمد بن اسحق الشیخ الزاهد صدر
الدین قنوی قدس سره لقبی ابوالمعالی در علوم ظاهره و باطنه ده
کامل فروع و اصول و نقلی و عقلیده فاضل ایدی نصیر الدین
طوسی ایله یینلرنده اسئلله واجوبه واقع اولغله بر برلرینه سئوال
وجوابلرین مکاتیب و مراسلات ایله تحریر ایدوب محاورات کثیره
لری اولدی و نصیر طوسی فضلنه اعتراف ایتمشدر و علامة قطب

الدین شیرازی اندن تعلم ایلدی جامع الاصول نام کتابی کندی
خطیله یازوب صدرالدیندن قراءت وانکله نخر ایدردی و تربیت
کرده سی اولان مرید لرندن نیجه سی ولایتیه قدم بصوب سجاده
نشین ارشاد اولان مشایخک مشاهیرندن اولمشدر و مولانا جلال
الدین رومی ایله چوق زمان هم صحبت اولدیله و مولانا حین
وفاتده وصیت ایدوب نمازین انلر قلمشدر و مصنفاتندن تفسیر
فاتحه و مفتاح الغیب و نصوص و صکوک و حدیث اربعین
و نفحات الهیه مصنفاتی فضیلتنه دلیل و ظاهر و باطنده کالنه
برهان باهر در قونیه ده التیموزیتش اوچده رحلت ایلدی رجه
الله علیه اول جناب فیاض جله شانه ارواح طیبه لرندن
استفاضه انوار عرفان ایتمکله مغتنم ایلیمه امین (خاتمه الکتاب
راقم حروف قلیل البضاعه و عذیم الاستطاعه در یوزة ابواب علماء
وریره چین سفره افاده فضلاء اولوب فی الجملة تمیز سواد و بیاض
و فرق جوهر و اعراض مرتبه سنه اکتساب قدرت و احراز مکنات
دنصکره علوم و فنونک تحصیلنده جد تام و اساسی کتب
و مصنفنک تتبعنده اهتمام ایدوب خصوصاً آب روی امصار
و بلدان و تختگاه سلاطین ال عثمان لازالت سلسله سعادتهم
الی انتهاء الزمان شهر استانبولده برازمدت بسط سجاده اقامت
ایدوب کتبخانه لرده ملازمت و نیجه علوم و فنون و کتب و اساسی
علمای مؤلفین و ترجمه فضلالی مصنفین تحریر و موضوعات علوم
کتابلرنده و سائر توارخ معتبره دن اول کتبخانه لرده کوردیکم
تاریخ لردن علمای عظام و فضلالی کرام کبرهم الله الی یوم القیام
اسامی سامیلین انتخاب الله الحمد و المنة بواوراق پریشان داده

ثبت صحایف تسطیر قلمندی و خاطر فاتر بر تقصیرم لایح اولدی که
عنوان شباب و اوان تحصیل و اکتسابده قوائد عجم الفوائد لرندن
ریزه چین و باین صفوف دارالافاده لرنده گوشه کزین اولوب
نادی خطیره لرندن رویال و مبادرت و بساط مجلس مدارس لری
غباریله اکتضاله مواظبت ایدوب شاه راه علم و معرفته هادی
اولان اساتذہ کرام و افاضل انام جعل الله تعالی مأواهم بدار
السلام حضراتک اسم سامی و نام کرامیلری صحایف روزگار دن
محکوک قلم تراش نسیان اولمیوب ذکر جمیلاری یاد و رجعت ایله
تذکار لرندن ارواح طیبه لری شاد اولق داعیه سیله هر برلینک
علی سبیل الاختصار ترجمه لری خاتمه رساله قلمندی اول حضرت
غفار الذنوب و ستار العیوب قبر پرانور لرین روضه جنان و ذات
ستوده سمات لرین غریق بحر غفران ایلیمه امین بحرمه النبی الامین
سید محمد افندی) توقاتی زاده دینکله معروف ایدی توقات
قرینده ابرک نام قریه ده تولد ایدوب طریق سعادت رفیق اولان
علمه سالک و تفهیم سواد و بیاض رتبه سنه مالک اولدقدنصکره
جوارنده اولان توقاتده مسند نشین اریکه فتوی اولان ضروری
زاده حسن افندی نیک مجلس افاده لرینه ملازمت ایدوب تکمیل
علم و کمال و تحصیل فضل و افضال دنصکره مرزیفونه کوب
جنت مکان و فردوس آشیان مرحوم سلطان محمد خان
مدرسه سننده برازمدت تدریسه سعی و همت و طلبه علومه
افاده به بذل مقدرت و اهالی بلده ایله الفت و انسیت ایدوب انده
تأهل و وطن ایلدی و برازمدت حسبجه تدریس ایدوب زاویه
نشین کنج قناعت و مسند کزین گوشه ریاضت قوت یومیه به

محتاج بلکه اکثر اوقات ده آج ایکن ینه حالندن شکایت ایتیم یوب
عنقای طبعی آشیان ساز قاف قناعت ایکن کاکراس نام
قریه ده اولان جامعک خطابت و وعظیه سی محلول اولمغله انلری
الوب دفع عسرت و نظام حال و فراغ بال ایله تحصیل ایدوب نشر
علمه مشغول ایکن ضیافتخانه * واللہ یدعو الی دار السلامه
دعوت اولمغله واعظ کرسی نشین بدنی اولان خطیب روح
بلاغت پردازی منبر عرش پایه جنانه عروج ایدوب بیک یوزاوج
سنه سنده عازم راه بقا و غرفه نشین ملاء اعلا اولدی سن
شریفلری نصاب اربعینه بالغ اولمشدی و ابادی طلابده متداول
اولان متون و شروحک اکثرنده تخریراتی و نیجه مباحثه ده
تدقیقاتی و تحقیقاتی وارد بوفقیه کم مایه و حقیر بی سرمایہ ابتدا
امثله بی انلردن بد ایدوب صرف و نحوی و منلاجای بی انلردن
قرائت ایلدم طبع شریفلرنده حدت و ذکا و فطنت ظاهر و عیان
و علوم و فضیلتده فایق الاقران ایدی رحمة الله علیه (ابراهیم
افندی) معقول زاده دینمکله متعارفدر نفس مرزیفونده
قدمزن کاشن وجود اولوب سالت طریق تحصیل علوم و مالک
رتبه منطوق و مفهوم اولدقدنصکره بر ازمند کده غره ده و بر ازمند
مدت انقره ده تحصیلدنصکره استانبولده مدت مدیده بسط
سجاده اقامت و مجالس اساطین علمادن استفاده به مداومت
وبین العلماء ورع و تقوی ایله مشهور ارزنجانی علی افندیکنک
مجلسلرینه مداوم و میان علماده درس عام چلبی دینمکله شهرت
شعار اولان ذات فضائل دثارک مصابیح علوم مدن اکتباس انوار
کمال و تحصیل علوم سعادت مآل و ارتقاء مدارج فضل

وافضال ایلد کدنصکره مرزیفونک رشته افتاب سی کف کفایتلرینه
کماشته و حل مشکلات انام ایله ایام گذاشته ایکن فتوادن
عزل اولنوب اما سیه ده خضر پاشا مدرسه سنه مدرس اولوب
ایکی سنه مقداری سجادده نشین تدریس و افاده و طلبه علوم
مجلس فضائل انیسلرندن استفاده اوزره ایکن طرف دولت
علیه دن حصول پذیر اوله جق بهض مصالح ایچون آستانه
طرفنه عازم اولوب تحصیل مر امدنه **کره** عود تنده
همراهی اولان حاین بی دین النندن جام شهادتی نوش ایدوب بیک
یوزا و نیش سنه سنده واصل رحمت رحمان و داخل روضه جنان
اولدی رحمة الله علیه حقا که ذات ستوده سماتلری آراسته
و اطوار پسندیده ایله پیراسته و اخلاق حمیده ایله متصف علوم
ادبیه و فنون عربیه ده ماهر و دقائق حقایق استخراجنه قادر
جمع علوم و فنونده کمالی ظاهر بر هر دسعادتمند ایدی عقاید
حاشیه سی خیالینک محل عدیده سنده تخریراتی و مسلم اصحاب
قبول تحقیقاتی وارد در جناب غفار الذنوب و ستار العیوب جلت
عظمته هر قد منور و مشهد معطر لر فی روضه من ریاض الجنان
ایلیه امین (احمد افندی) اول عنقای قاف معارف آشیانه
چور و مدن نمایافته پرواز وجود اولوب انده اولان علمای
عصرینک خرمن معارفلرندن دانه چین علم و عرفان و قواعد
صرف و نحوی اذعان و اتقان ایلد کدنصکره کده غره ده بین
الناس کوپری دیمکله مشهور السنه خواص و عوامدرانده
محفل نشین تدریس اولان احمد افندیکه قره مدرس دیمکله
معروف علوم کامیه و جزئییه ده کمال فضل و افضال ایله مشهور

ایدی انک مجلس شریفارینه مداومت ایدوب تحصیل کمال
وتکمیل علوم سعادت االدنصرکه مرزیفونه کلوب انده تاهل
واقامت وجامع سلطان محمدخانده کرسی نشین مشیخت ونیجه
نصیحت وطلبه علومه تدریس واقاده اوزره اولوب بیک یوزاون
بش سنه سنده بعض امنیه ایله اسلامبوله کیدوب نائل
مرام اولدین براءت امالی مطوی ومکتوم ومنشور حیاتی
محمضی ومختوم قلندی حد ذاتده نازل طبیعت لقاسنده
صباح کلامنده ملاححت برمر دسبکروح خوش صحبت ایدی
رحمة الله علیه (محمد افندی) اول قطب دائرة علم وکمال ومرکز
آسمان فضل افضال عثمان جق نام قصیده نمایافته وجود
اولوب سن بلوغه بالغ اولدقدنصرکه انواع حرفتدن دباغلق
صنعتنه شروع ایدوب اون سنه مقداری اول صنعتده درکار
اولدقدنصرکه بدرقه توفیق سبیل رشاده دلالت ولطف یزدانی
رامس داده هدایت ایتمکله طریق سعادت رفیق علمه عازم و شب
وروز مجلس استفادیه ملازمت و علمای عصرنده صرف ونحوی
قراءت واتقان وقواعدنی ضبط واذعان ایلد کدنصرکه جوارنده
اولان کده غره ده اریکه ارای مسند تدریس اولان رجب
افندی نک مجلس افاده لرینه ملازمت ومحفل افاضه لرینه
مداومت ایدوب طقوز سنه ده تحصیل علوم وتکمیل منطوق
ومفهوم ومرزیفونه کلوب انده اقامت وحسبجه تدریس
واقاده یه ملازمت وبرقاج سنه قلت وعسرت ایله اوقات گذار
قناعت اولوب بعده برمسجدده امام اولوب وانی مدار معاش
وطلبه علومه تدریس اوزره ایکن پرورد کارجه لاله عالم وروزی

دهنده ابنای آدم عت نوالته توفیقیه حوضه نام قریبه فیروز
اغامدرسه سی محلول اولمغله اکامدرس اولوب وسعت معاش
ودفع عسرت ایله فراغ بال وحسن حال تحصیل ایدوب مدت
مدیده نشر علوم ایله درکار اولدی بعده اما سیه نک رشته فتوای
کف کفایت لرینه تقویض اولنوب ایکی سنه مقداری اریکه
نشین غرقه صدر فتوی اولدقدنصرکه عزل اولنوب سجاده
پیرای زاویه انزوا اولمشدی قسطمونیده مسند نشین خانقاه
ارشاد اولان قطب فلک طریقت ومرکز دائرة حقیقت صدر
نشین زاویه ولایت مشایخ خلوتیه نک سر بلندی جعفرزاده
افندی دن انابت ایدوب سالک طریق زهد و تقوی واقته ای اثر
اولیا واختیار عزلت وانزوا وسالکان راه هدایت واقته ایتمکله
سفر در وطن و خلوت در انجمن مفهومی مک ماصدقی ایله عامل
اولوب ظاهر اوباطنا تحصیل کمال وشهر راه مردان خدایه سلوک ایله
صاحب حال اولوب گوشه وحدتده انزواده اولمشدر وکلام قدیم
ربانی ونظم کریم وحی آسمانی قرآن عظیم الشانی حفظ ایتمکده
صرف مقدور وسعی موفور ایله مدت بسیره ده حافظ قرآن اولوب
رمضان شریفده تراویحی ختم شریف ایله ادا ایدردی (ذلک فضل
الله یوتیه من یشاء یوزیکرمی طقوزده) دعوت واللہ یدعو الی
دارالسلام) گوش جاننه یتشد کده عازم ضیافتخانه جنان
اولدی (فروح وریحان وجنة نعیم) حد ذاتده عالم وعامل
وقاضل وکامل ایدی علم و عرفان ایله آراسته وزهد و تقوی ایله
پیراسته هر حالده استقامت وسداد ایله موصوف وصلاح
وصداقت ایله معروف بر ذات حیا پرور و تواضع کستر اوقاتنی

صرف تحریر و تعلیم ایدوب نیچه مباحث دقیقه ده تحریراتی و حل
غوامضه تدقیقاتی وارد و بوعبدناحیر اول ذات فضائل
دثاردن مختصر و تهذیب المنطق و قاضی میرولاری و شرح
عقاید و خیالی و جلال و اثبات واجب تعلم و قرائت ایلدم درگاه
اجابت پناه صمدانی به دست برآورده نیازمدر که قبر پرانور لرین
روضه جنان ایدوب غرقه دریای غفران ایلیمه امین (یوسف
افندی) اول در دریای معارف کوه رکان عوارف یوسف مصر
کمال عزیز خط فضل و افضال مفتاح رموز حقایق مصباح کنوز
دقایق خورشید فلک حقیقت و ماه منیر سماء فضیلت مطاع
شهر عینت ابدن طالع و لامع و علمای عصر ینک مصابیح مجالس
افاده لرندن اقتباس انوار علوم ایدوب سودا کر بلند همت طبع
عالی خلعت لری سودمند تجار فضل و سرفاقله کتیبه علماء اولمغله
صرف تقدیمه سعی و طاب و دانش و عرفان تحصیل نموده کد و تعب
اختیار و ماه منیر کی سیر منازل و مهر مستدیر کی طی بروج
مراحله کشت و کذار و هر فنده بر شمس آسمان دانش و عرفان
بولسه انک مقارنتندن کسب انوار سعادت و بر خورشید اوج
کمال رسد مقاربه سندن اقتباس اشعه فضیلت ایدوب
فائد توفیق دلالت و بدرقه هادی سبل سداد خطه هدایتله خط
اقطار ارضه سیر و سیاحت و ابتداء جانب مصر قاهره به عزیمت
وانده مغنی اللیبی علی وجه الاتقان قرائت و مشایخ حدیثندن
صحت روایت و حسن درایت ایلیمه مشهور و سائر علوم عربیه
و فنون ادبیه و هر طرفی معمو و علوم غربیه و فنون عجیبه که
خواص حروف و اوراق و نیرنجات و خواص اعداد و سمییا

وطلسمات و شعبده و دل و حیل و نبکامات و تقاویم و زیجات
و حسابات تنجیم و طبایع کواکب و اختیارات و هیئت ارض
و سموات و کوار و جغرافیا و مشاحات و اسطرلاب و ربع
مجیب و مقنطرات و تسطیح الکره و آلات الکلیه و المیقات
و جفر و زایچه و رمل و تنفالات و حساب اعداد و استخراج
مجموعات و غیرایم و تسخیرات و بونلک امثالی عزیز المنال
علومده کمال ایلیمه معروف و ریاضات نفسانیه و ورع و تقوی
و صلاح حال ایلیمه موصوف شیخ ابوالحسن مغربینک مجلسنه
ملازمت و محفل استفاده سنه اوج سنه مستمر مداومت ایدوب
کتب سته روایتنه اجازت و برد کد نص کره ولایت مغربده
ورومده عالمی معذوم بلکه اسامیسی دخی نامعلوم اولق
اوزره الی الی سنه علمه تعلیم و اکادخی اجازت الد قد نص کره
ینه رومه عودت ایدوب لکن قرار ایتیموب عازم عالم الک شروان
اولوب براز مدت اقامت و شفاء شریفی قرائت و آندن دخی
رحلت ایدوب ماوراءالنهر عزیمت ایدوب و بخارایه واردی انده
اقامت و شیخ بدرالدین نام فاضلندن شرح تفسیر و اشارات
و تحریر طوسی و محسطنی تعلم و اذعان و قرائت پرزدوی ایلیمه ضبط
قواعد اصول شرع محمدی و الفیه عراقی استفاده سیله حفظ
اصطلاحات احادیث احمدی ایدوب علوم ظواهری تکمیل و شیخ
مشار الیه قطب دائرة ولایت و مکرز افلاک کرامت طائفه علمیه
نقشبندینک فاضل لرندن وارباب تصوف و اصحاب تصرفن
کامل لرندن اولمغله علم اسماء و فن تقوایی دخی تحصیل ایدوب ینه
رومه عودت و دبذبه سطون فضیلتی و لوله آرای جهان و زمزمه

صیت شهرتی طنین انداز سامعه زمین زمان و استمان فضائل
اشیاء انلری محط رحال طایبان اولان ارباب فضائلک ارجندی
واصحاب ملک خصالک سر بلندی (مفسر محمد افندی)
حضرت تریک سایه فضائل وایه لری نه التجا و دارالافاده اولان
مدرسہ مستطابہ لری ملاذ و مأوی و مجلس شریف لری نه ملازم
اولوب بناء علومک استحقاق منه صرف مقدور و علت جهل الیه
معتل اولمقدن صحیح و سالم اولمغه سعی موفور ایدوب مقصوده
وصولده جدوجهد طلبینه توفیق ربانی مضموم اولمغین ابواب مرآی
مفتوح و کشاده و وسایط اسبابی لطف صمدانی برله حاضر اولوب
ذات بی همتا سنده استعداد خداداد موضوع و جوهر طبع غنده
صفوت و استقامت مودوع اولمغله دقایق علومه واقف و خبایای
فنونہ عارف ایدی و مشارالیه مفسر محمد افندی حضرت تریک
طلبه سی هدایه قاضی میر و حاشیه سی لاری درس نه بده ایتدکاری
وقته مصادف اولمغله انلر الیه شریک اولوب ایادی طلابده متداول
اولان نسخه لری تمامات کرا و قرات ویدی سنه سی و اسده اقامت
ایلدی و دولت علیه ده شیخ الاسلام و مفتی الانام اولان
محمد افندی مسقط رأسی اولان لادینق قصبه سنده مجدد انسا
ایلدی کی مدرسہ به مدرس اولمغه شایان تلامیذ خاص لرندن
بر مدرس تعیین اولمغین التماس ایتمکین انلردخی یوسف افندی
تعیین ایدوب جمیع لوازمات و بکرمی مقداری طلبه سنک خرج
راهرینی کوروب ارسال ایلدی کاوب انده بسط سجادۀ اقامت
و تأهل ایدوب اوقاتنی صرف و تدریس و مطالعۀ کتب نفیس
و تألیفات و تحریرات الیه انیس و محالطۀ ناسدن مجانبت الیه کوشه

عزاتی اختیار و تحریر و تألیف الیه اوقات کذا را اولوب قاضی میر
و حاشیه لاری اوزرینه حاشیه سی و امامین هم امین ابو منصور
ما تریدی و ابو الحسن اشعری ینلرنده مختلف فیها اولان مسائل
عقایدی مبین قصیده منظومه سی وارد و بین الطلبة متداول
اولان نسخه لک جمیع سنده تحریراتی و نیجه مباحث دقیقه ده
تحقیقاتی وارد و طبع شریف لری نظم اشعاره دخی مائل و السنه
ثله ده اشعاری و رتبه اعجازه واصل کفتاری وارد و جمیع علوم
و فنون فوائد و حکم الیه مشحون اولوب ما من شیء قبیح
الا و الجهل به اقبح مؤداستجه هر بر علم من حیث هو عزیز اولوب
تحقیقیری خطا و قدح و ذمی ارباب البابه ناسزا و علمی جهلندن
هزار مرتبه اعلا اولد یغنی مشعر چنستان قریحه لرندن سر زده
اولان قصیده بدیع الاسلوب و بلاغت کستر بو صغیفه ده تسطیر
قلندی (قصیده بلیغه)

| | |
|-------------------------|------------------------------|
| اتصغی الی من یذم العلوم | و خفاش لیل الشمس العلوم |
| فصل علوماتری لم تجب | فیوما تراها تسلی الهموم |
| لقد حزن حزنا علی فوئها | وما مسنی لا کتساب غوم |
| فدی روض خضر آیزهی النهی | وتریاق شاف یزیل السموم |
| حبیب انیس لعشاقه | سلاح لمن قد اراد الهجوم |
| رئیس المعانی کشمس اذا | بدت یختمنی من سناها نجوم |
| فصرف الحجی نحوها مغنم | فطوبی لمن حولها قد یحوم |
| الا لاتضع وقت عمر سنی | الا ان عمر الفی لایدوم |
| نخذ من فنون بمافته | فذواللب من لا یفوت المروم |
| ولا تقربن الکسالی ومن | حوی الفحش وهو الجھول الملووم |

اولوا الفضل سا حواله تخصیله
 فقالوا منا هم باقصی منی
 الی نیلها القلب قصر فی
 نجایوسف المصر من سجنه
 بحمد نصلی صلوٰة علی
 اول قطب دائرة علم و کمال و مرکز افلاک فضل و افضال و مقتدا
 زمره علماء و پیشوای فرقه فضل از بدو ارباب تحریر و عقده
 کشای تاویل و تفسیر استاد سیواسی محمد افندی
 حضرت تبری اجابت دعوت و الله یدعو الی دار السلام ایدوب عزم
 ضیافتخانه جنان ایتد کده کشیده سلاک تحریر ایتد کاری مرثیه
 لریدر که تحریر اولندی (مرثیه تفسیری محمد افندی
 طروب بدیناه ما اغفرله
 واضحما که باطل ابکاءها
 تلامیذه مثل عد الحصى
 و ما خص انواره بلمده
 محیط فنون ابو عذرها
 و منه حواش علی ما اسما
 نعم ذاک دباغ خلق دنا
 فقوم سحبی لیل اسفارهم
 سقی الله من قدده رحمة
 و اتی ولیداله حکمهم
 حقا که ذات ستوده سما تبری کنجینه علوم عوارف و خزینه کمال
 و معارف و خید زمان و فریدان فایق الاقران بر مر دنکته دان

ایدی اوصاف جمیله و احوال جمیله سی لسان ایلہ تقریر و خامه ایلہ
 تحریر بر امر عسیر بلکه تمتنع البیان و تعبیر در و صنایع جزئیة ده
 ماهر و مثلی غیر سابق اشیا بالرده مجددا ایجاد قادر و ربیع
 و اسطرلاب و مسطح و معدل و کره و بونلرامشالی الاتک علمنده فایق
 بلکه هر بر لرینه **کونا** کون دقایق اختراع ایتشد و و کیت
 خامه سی مضمار نگاشته سبک سیر اولوب خطوطک انواعنده
 ماهر نسخ و تعلیق و دیوانی و جلی و سیاقنده حسن خطه مالک
 و سر یع القلم و لغله نیچه کتب نفیسه کتابت ایتشد و قصیده
 لادیده شرف بنشای مسند تدریس اولوب اون بش سنه مقداری
 مجلس ارای محفل تدریس و شب و روز مطالعة کتب نفیسه
 و دائما تلامیذ و طلبه سی ایلہ جلیس و تألیف و تحریر ایلہ الیف
 و اندیس اولمشدی بیک یوزاون یدی سنه سنه ارزوی مشاهده
 جمال بیت الحرام ایلہ محفل بندر احوال سفر حجاز اولوب زاد راه راحت
 و قافله سلامت بر له سر منزل مر امه وصول و ادای نسک حج ایلہ
 سرور و شادمانی حصولند نصکره عودت و برقاج مر حله طی
 ایلده کده بین الحرمین (یا ایتمه بالنفس المطمئنة ارجعی الی ربک
 راضیه مرضیه ایت کریمه سی کوش جائته ارشد کده لبیک کویان
 عازم ضیافتخانه جنان اولدی اول کریم غفار الذنوب و ستار
 العیوب مغتنم نعم غفران و قبر پرانور لرین روضه من ریاض الجنان
 ایلیمه امین بحرمه سید المرسلین جد سپاس ملک متعال و شکر
 و منت قدیم لایزاله که بواوراق پریشان ادا نک جمع و تسوید و تبیض
 و تسمیمنه توفیق رفیق ایدوب بیک یوزالی بر سنه سی ربیع الاولک
 سکر زنجی کونی دست حقیر اضعف سید عبد الرحمن اشرف ایلہ

اختتام ديمير اولدى مستفيد اولان اخوان باصفا دن نياز اولنور كه
 رجته يادودعاى خير ايله شاد و واقع اولان هـ فوات و تقصا ن
 لطف ايله اتمام بيوره لرايحه لله اولا و اخر اوظاهر اوباطنا
 والصلوة على حبيبته محمد واله وصحبه متواترا
 ومتكاثرا ورضى الله عنا وعن العلماء
 العاملين والمشايع الزاهدين والفقراء
 الصابرين ورحم الله اسلافنا
 واساتيدنا انه الخنان
 المنان ذو الفضل
 والا حسان
 تم بالخير

وكان الفراغ من طبعه بدار الطباعة العامة الكائنة في بولاق
 مصر القاهرة لثلاث عشرة ليلة بقيت من جمادى الآخرة سنة
 اثنتين وخمسين ومائتين بعد الألف من الهجرة النبوية الفخرة

